

მერაბ ვაჩნაძე

# ისტორიკოსის ჩანაწერები

ნაწილი პირველი  
(1989-1993 წლები)

თბილისი 2007

წინამდებარე წიგნში ქვეყნდება ივანე ჯავახიშვილის სახ. თბილისის სახელმწიფო უნივერსიტეტის პროფესორის, ისტორიის მეცნიერებათა დოქტორის მერაბ ვაჩნაძის ჩანაწერები. მასში შევიდა ყველა ის მოვლენა, რომლის თვითმხილველი და მომსწრეც ავტორი იყო.

„ისტორიკოსის ჩანაწერები“ (1989-2006 წწ.) გამოდის სამ ნაწილად. პირველი ნაწილი (1989-1993 წწ.) იწყება 1989 წლის 9 აპრილის ტრაგიკული მოვლენების აღწერით და მთავრდება ასევე ტრაგიკული მოვლენით – პრეზიდენტ ზვიად გამსახურდიას მკვლელობით.

რედაქტორი

პროფესორი ვახტანგ გურული

## აპტორის წინათქმა

ამ ჩანაწერების გაკეთება 1989 წლის აპრილის დასაწყისში მთხოვა შესანიშნავმა ქართველმა ისტორიკოსმა, პროფესორმა უშანგი სიღამონიძემ. ამ პერიოდში მე, როგორც ისტორიის ფაკულტეტის დეკანის მოადგილე, უნივერსიტეტში მომხდარი მოვლენების მომსწრე ვიყავი. ცნობილია, რომ 1989 წლის აპრილის მოვლენებში განსაკუთრებულ როლს სწორედ ისტორიისა და ფილოლოგიის ფაკულტეტის სტუდენტები თამაშობდნენ. პროფესორმა უშანგი სიღამონიძემ მთხოვა, რომ ჩანაწერები გამეკეთებინა იმავე დღეს, როგორც კი უნივერსიტეტში რაიმე მნიშვნელოვანი მოვლენა მოხდებოდა. სხვათა შორის, ბატონმა უშანგიმ სინანულით აღნიშნა, რომ 1956 წლის 9 მარტის შესახებ ჩანაწერები მხოლოდ პროფესორ ნოდარ ნათაძეს ჰქონდა.

რა თქმა უნდა, ცხელ კვალზე გაკეთებული ჩანაწერები ძალზე ემოციურია. ბევრ მოვლენას, მოვლენათა მონაწილე ადამიანების (ბევრი მათგანი შემდგომში ცნობილი პოლიტიკური მოღვაწე გახდა) პოზიციას დღეს შეიძლება სხვაგვარად ვაფასებ. მიუხედავად ამისა, შინაარსისა და სტილის შეუცვლელად ვაქვეყნებ მაშინდელ ჩანაწერებს. ამასთან, ბოდიშს ეუხდი ბევრ უნივერსიტეტელსა და პოლიტიკურ მოღვაწეს, მე ვწერდი მხოლოდ და მხოლოდ იმას, რასაც ვფიქრობდი იმხანად.

პროფესორი მერაბ ვაჩანაძე

19 იანვარი, 2007 წელი

კრიზისი სოციალისტური ბანაკის ქვეყნებში XX საუკუნის 80-იანი წლების დამდეგადან სულ უფრო აშკარა ხდებოდა. სოციალიატური ბანაკის რღვევა კი პოლონეთიდან დაიწყო. კომუნისტური რეჟიმის ანტიეროვნული პოლიტიკის, მმართველი ზედაფენის სულ უფრო მზარდი კორუმპირებულობისა და ეკონომიკის მკვეთრი დაცემის პირობებში ძალას იკრებდა პროფკავშირული მოძრაობა „სოლიდარობა“. ახალი მოძრაობა 1980 წლისათვის 10 მილიონ წევრს აერთიანებდა. ამავე წელს პოლონეთის მთავრობა იძულებული შეიქნა ხელშეკრულება დაედო „სოლიდარობასთან“, რითაც მოხდა ანტიკომუნისტური, ანტისოციალისტური და ანტისაბჭოთა მოძრაობის ლეგალიზება. მომდევნო წლები პოლონეთის კომუნისტური ხელისუფლებისა და „სოლიდარობის“ დაუსრულებელი კონფრონტაციის პერიოდი. ქვეყანაში ცხოვრების დონის მკვეთრად დაცემასთან ერთად განუხრელად იზრდებოდა „სოლიდარობისა“ და მისი აღიარებული ლიდერის ლეხ ვალენსას ავტორიტეტი. „სოლიდარობის“ ტაქტიკა სახელმწიფო ხელისუფლების მშვიდობიანი გზით დაუფლებაში მდგომარეობდა. 1989 წლის ივნისში პოლონეთის სეიმის არჩევნებში „სოლიდარობამ“ დიდ გამარჯვებას მიაღწია. არჩევნების შედეგად უმაღლეს საკანონმდებლო და აღმასრულებელი ხელისუფლების უმრავლესობაში, მართალია, კვლავ კომუნისტები რჩებოდნენ, პოლონეთის პრეზიდენტი გენერალი ვოიციხ იარუხელსკი კომუნისტის იყო, მაგრამ „სოლიდარობის“ გავლენით ქვეყანაში დაიწყო სოციალისტური ეკონომიკიდან საბაზრო ეკონომიკაზე გადასვლა. ასე დაიწყო სოციალისტური წყო-

ბილების რღვევა პოლონეთში. ამ პროცესის შერჩევა შეუძლებელი გახდა. 1990 წლის დეკემბერში პოლონეთის პრეზიდენტად ლეხ ვალენსა აირჩიეს. პოლონეთში ე. წ. „ზავერდოვანმა რევოლუციამ“ გაიმარჯვა. კომუნისტური დიქტატურა დასრულდა.

კომუნისტურმა რეჟიმმა 80-იანი წლების შუა ხანებისათვის ღრმა კრიზისამდე მიიყვანა უნგრეთის ეკონომიკა. უნგრელმა კომუნისტებმა 1988 წელს ქვეყნის პოლიტიკური ლიდერის იანოშ კადარის თავიდან მოცილებით სცადეს პოლიტიკური სისტემის გადარჩენა. ახალმა ლიდერმა, ქვეყნის პრემიერ-მინისტრმა კაროლ გროსმა ფეფქტური ეკონომიკური რეფორმები ვერ გაატარა. სწორედ ამის შედეგი იყო ის, რომ 1990 წლის მარტში გამართულ არჩევნებში უნგრელმა კომუნისტებმა წააგეს. ამრიგად, „ზავერდოვანი რევოლუციით“ დასრულდა კომუნისტური დიქტატურა უნგრეთშიც.

ჩეხოსლოვაკიის კომუნისტმა ლიდერმა გუსტავ შუსაკმა 80-იანი წლების ბოლოს რიგი ღონისძიებანი გაატარა, რათა თავიდან აეცილებინა პოლონეთსა და უნგრეთში მიმდინარე პროცესების გავრცელება ჩეხოსლოვაკიაში. მიუხედავად ამისა, კომუნისტური რეჟიმის გადარჩენა ჩეხოსლოვაკიაშიც შეუძლებელი გახდა. თავისი ხასიათით ანტისოციალისტური და ანტისაბჭოთა მოძრაობა „ქარტია-77, რომლის სათავეში ვაცლავ შაველი იდგა, აერთიანებდა მთელ ოპოზიციურ ძალებს. 1989 წლის ნოემბერსა და დეკემბერში პრაღაში დიდი დემონსტრაციები გაიმართა. 1989 წლის დეკემბერში ვაცლავ შაველი ჩეხოსლოვაკიის პრეზიდენტად აირჩიეს. კომუნისტური რეჟიმი ჩეხოსლოვა-

\* საქართველოს ისტორია. XX საუკუნე. პროფ. ვ. გურულის რედაქციით, „არტანუჯი“, თბილისი, 2003, გვ. 215-236.

კიამიცი „ხავერდოვანი რევოლუციის“ გზით დაემხო.

აღმოსავლეთ ევროპის სოციალისტური ბანაკის ქვეყნებიდან კომუნისტური რეჟიმის დამხობას სერიოზული სისხლისღერა მხოლოდ რუმინეთში მოჰყვა. 1989 წელს რუმინეთშიც დაიწყო ანტიკომუნისტური გამოსვლები. რუმინეთის კომუნისტმა ლიდერმა ნიკოლაე ჩაუშესკუმ საკუთარი მოქალაქეების წინააღმდეგ არმია გამოიყენა. დაიღვარა სისხლი. კიდევ უფრო მეტი მსხვერპლი მოჰყვა 1989 წლის დეკემბერში ბუქარესტში არმიისა და დემონსტრანტების შეჯახებას. ნიკოლაე ჩაუშესკუს ვერ უშეგლა დედაქალაქიდან გაქცევამ. არმია ოპოზიციური ძალების მხარეზე გადავიდა. რუმინეთის კომუნისტი ლიდერი შეიპყრეს და 1989 წლის დეკემბერში სიკვდილით დასაჯეს. 1990 წელს საპრეზიდენტო არჩევნებში ოპოზიციის ლიდერმა იონ ილიესკუმ გაიმარჯვა. კომუნისტური რეჟიმი ისტორიის კუთვნილება გახდა.

1989 წელი საბედისწერო აღმოჩნდა ბულგარეთის კომუნისტი ლიდერის ტოდორ ჟივკოვისათვის. თანაპარტიელებმა იგი ქვეყნის მმართველობას ჩამოაცილეს. ანტიკომუნისტური ოპოზიცია ბულგარეთში არ იყო სათანადოდ ორგანიზებული. სწორედ ამიტომ კომუნისტებმა 1990 წლის არჩევნებში აჯობეს პროდასავლური ორიენტაციის დემოკრატიულ ძალებს. სამაგიეროდ, 1992 წელს ბულგარეთის პრეზიდენტად ყოფილი დისიდენტი ფელიუ ფელევი აირჩიეს, რაც დემოკრატიული ძალების გამარჯვებას ნიშნავდა.

1992 წელს კომუნისტური დიქტატურა დასრულდა ალბანეთშიც. ამ წელს ალბანეთში აირჩიეს პირველი არაკომუნისტი პრეზიდენტი სალი ბერიშა.

კომუნისტური რეჟიმის მსხვერველს ბულგარეთსა და ალბანეთში თან ახლდა ეთნიკური კონფლიქტები. ამ კონფლიქტებმა ფართო მასშტაბი შეიძინა და დიდ სისხლისღერაში გადაიზარდა იუგოსლავიაში. აღმოსავლეთ ევროპის სხვა ქვეყნებისგან განსხვა-

ვებით, იუგოსლავია არ იყო ჩაკეტილი დასავლეთის სამყაროსთვის, რაც ხელს უწყობდა ეკონომიკის აღმავლობას. მაგრამ XX საუკუნის 80-იან წლებში იუგოსლავიის ეკონომიკა ღრმა კრიზისის სტადიაში შევიდა. პარალელურად გამწვავდა ეროვნული საკითხი. 1990 წელს სერბიაში, სლოვენიაში და ხორვატიაში ჩატარდა არჩევნები, რის შედეგადაც შეიქმნა ადგილობრივი მთავრობები. 1991 წლიდან სლოვენია და ხორვატია აშკარად დაადგა სრული დამოუკიდებლობის გზას. შეიქმნა იმის საშიშროება, რომ სლოვენიისა და ხორვატიის ტერიტორიაზე განლაგებული იუგოსლავიის ფედერალურ არმიას, რომლის ოფიცერთა უმრავლესობა სერბები იყვნენ, შეჯახება მოუხდებოდა ადგილობრივ სახალხო ლაშქართან. 1992 წელს დამოუკიდებლობა გამოაცხადა ბოსნიაში და ჰერცეგოვინაში. შეიქმნა შეიარაღებული კონფლიქტის დაწყების საფრთხე აქ მცხოვრებ მუსლიმებს, მართლმადიდებელ სერბებსა და კათოლიკე ხორვატებს შორის. ამ საფრთხის მშვიდობიანი გზით თავიდან აცილება შეუძლებელი გახდა. იუგოსლავია მოიცვა ეთნიკურმა და რელიგიურმა კონფლიქტმა, რასაც თან დიდი სისხლისღერა და გაუგონარი სისასტიკე მოჰყვა.

1989 წლის დამდეგი გერმანიის დემოკრატიულ რესპუბლიკაში კომუნისტურ რეჟიმს თითქოს არაფერს ცუდს არ უქადადა. პოლონეთსა და უნგრეთში მიმდინარე მოვლენების ფონზეც კი გერმანიის დემოკრატიული რესპუბლიკის კომუნისტი ლიდერი ერიკ ჰონეკერი ჯიუტად უარყოფდა რეფორმების დაწყების აუცილებლობას. რეფორმების აუცილებლობაში იგი ვერც მოსკოვმა დაარწმუნა. 1989 წლის ივნისში მიხეილ გორბაჩოვი გერმანიის ფედერაციული რესპუბლიკის კანცლერ ჰელმუტ კოლს საბჭოთა კავშირისთვის ეკონომიკური დახმარების სანაცვლოდ გერმანიის დემოკრატიული რესპუბლიკის თავისუფლებას დაჰპირდა. ამ პერიოდისათვის მასობრივი ხასიათი მიიღო სხვადასხვა გზით გერმანიის დემოკრატიული

რესპუბლიკის მოქალაქეების გადასვლამ გერმანიის ფედერაციულ რესპუბლიკაში. 1989 წლის ოქტომბერში გერმანიის დემოკრატიული რესპუბლიკის ბევრ ქალაქში დაიწყო საპროტესტო გამოსვლები. ერის პონეკერი დემონსტრანტების წინააღმდეგ პოლიციის გამოყენებას აპირებდა. სისხლისღვრა თავიდან იმით იქნა აცილებული, რომ მოსკოვის ფარული მითითების თანახმად, 1989 წლის ოქტომბერში ერის პონეკერი გერმანელმა კომუნისტებმა ხელისუფლებას ჩამოაცილეს. ახალი ლიდერი ვგონ კრენცი იძულებული გახდა 1989 წლის ნოემბერში აღმოსავლეთ ბერლინიდან დასავლეთ ბერლინში გადასვლაზე მოეხსნა აკრძალვა. კომუნისტური რეჟიმის შენარჩუნება გერმანიაშიც შეუძლებელი შეიქმნა. 1990 წლის აგვისტოში გერმანიის დემოკრატიული რესპუბლიკის პარლამენტმა მიიღო გადაწყვეტილება გერმანიის დემოკრატიული რესპუბლიკის ლიკვიდაციისა და აღმოსავლეთ გერმანიის ფედერაციულ რესპუბლიკაში შესვლის შესახებ. ასე უსისხლოდ გადაიჭრა 1990 წელს უერთლესი საკითხი — ორი გერმანიის ფართობი.

XX საუკუნის 80-იანი წლების შუა ხანებიდან საბჭოთა კავშირის პოლიტიკური ხელმძღვანელობა გადაუჭრელი პრობლემების წინაშე აღმოჩნდა. გატარებული რეფორმები შედეგს ვერ იძლეოდა. საბჭოთა კავშირის ცალკეულ რესპუბლიკებში დაწყებული ეროვნული მოძრაობა სულ უფრო რადიკალური ხდებოდა. კომუნისტური რეჟიმი კრიზისის უკანასკნელ სტადიაში შევიდა. აღმოსავლეთ ევროპის ქვეყნებში კომუნისტური რეჟიმების დაცემამ ხელი შეუწყო საბჭოთა კავშირში კომუნისტური რეჟიმის ლიკვიდაციას და თვით საბჭოთა კავშირის დაშლას.

XX საუკუნის 80-იანი წლების შუა ხანებიდან, როგორც აღვნიშნეთ, სულ უფრო რადიკალური გახდა ცალკეულ მოკავშირე რესპუბლიკებში დაწყებული ეროვნული მოძრაობა. ეს მოძრაობა აშკარად ანტირუსულ ხასიათს ატარებდა. 1986 წელს ირკუტსკში

შეჯახება მოხდა რუს და იაკუტ ახალგაზრდებს შორის. 1986 წელს ალმა-ატაში ანტირუსული გამოსვლა ჯარის გამოყენებით ჩაახშვეს. 1987 წელს დიდი ანტირუსული გამოსვლები მოეწყო ბალტიის რესპუბლიკებში. 1989 წელს ლიტვის, ესტონეთისა და ლატვიის რესპუბლიკების უზენაესმა საბჭოებმა მოითხოვეს საბჭოთა კავშირ-გერმანიის 1939 წლის 23 აგვისტოს ხელშეკრულების უკანონოდ ცნობა მისი ხელმოწერის მომენტიდანვე. ცნობილია, რომ სწორედ ამ ხელშეკრულების ძალით საბჭოთა კავშირმა გერმანიისაგან მიიღო ბალტიის რესპუბლიკების ოკუპაციის უფლება. საბჭოთა კავშირის სახალხო დეპუტატების I ყრილობა იძულებული გახდა ანგარიში გაეწია ამ მოთხოვნისათვის. ყრილობამ შექმნა სპეციალური კომისია, რომელსაც უნდა მოეხდინა 1939 წლის 23 აგვისტოს საბჭოთა კავშირ-გერმანიის ხელშეკრულების პოლიტიკური და სამართლებრივი შეფასება.

1987 წლიდან აზერბაიჯანის შემადგენლობაში შემავალ მთიანი ყარაბაღის ავტონომიურ რესპუბლიკაში დაიწყო სომხებისა და აზერბაიჯანელების შეიარაღებული შეჯახებები. სომხები ითხოვდნენ მთიანი ყარაბაღის აზერბაიჯანის შემადგენლობიდან გამოსვლას. ამის საპასუხოდ 1990 წელს ბაქოში დაიწყო სომხების დარბევა.

მოლდავეთში დაწყებული ეროვნული მოძრაობის წინააღმდეგ მოსკოვის ნაქეზებით აქტიურად ამოქმედდნენ სეპარატისტული ძალები. 1990 წელს სეპარატისტებმა მოითხოვეს მოლდავეთის რესპუბლიკიდან გამოეყოთ ტირასპოლი.

1989 წელს ანტირუსული გამოსვლები აღინიშნა უზბეკეთსა და ყაზახეთში, რასაც თან სდევდა დარბევები და ადამიანთა მსხვერპლი. იგივე მდგომარეობა იყო დუშანბეში 1990 წელს.

საბჭოთა კავშირის ტერიტორიულ მთლიანობას სერიოზული საფრთხე შეექმნა 1990 წლის გაზაფხულზე. 1990 წლის მარტში ლიტვაში, ლატვიასა და ესტონეთში გამა-

რთულ საპარლამენტო არჩევნებში გაიმარჯვეს დამოუკიდებლობის მომხრე ძალებმა. ლიტვის ახალმა პარლამენტმა მიიღო აქტი „ლიტვის სახელმწიფოს დამოუკიდებლობის აღდგენის შესახებ“. ამ აქტით ლიტვის ტერიტორიაზე შეჩერებულ იქნა საბჭოთა კავშირისა და ლიტვის საბჭოთა სოციალისტური რესპუბლიკის კონსტიტუციების მოქმედება. 1990 წლის 16 მარტს საქართველოს უზენაესმა საბჭომ მიიღო დეკრეტი რესპუბლიკის სუვერენიტეტის განაღობის შესახებ. საქართველომ პირველმა მოახდინა 1922 წლის 30 დეკემბრის სამოკავშირეო ხელშეკრულების დენონსირება.

მოვლენების განვითარებას სრულიად ახალი მიმართულება მისცა რუსეთის ფედერაციის სახალხო დემუტატების I ყრილობამ. 1990 წლის ივნისში ყრილობამ მიიღო დეკლარაცია რუსეთის სახელმწიფოებრივი სუვერენიტეტის შესახებ. რუსეთის ფედერაციის კვალბაზე სახელმწიფოებრივი სუვერენიტეტის შესახებ დეკლარაციები მიიღეს უზბეკეთმა, მოლდავეთმა, უკრაინამ, ბელორუსმა, თურქმენეთმა, სომხეთმა, ტაჯიკეთმა და ყაზახეთმა. ჯერჯერობით საქმე ეხებოდა სუვერენიტეტს საბჭოთა კავშირის ფარგლებში. ცხადი იყო, რომ ეროვნულ რესპუბლიკებში დანყებული მოძრაობა ამით არ დამთავრდებოდა.

საბჭოთა კავშირში დანყებული გარდაქმნის პროცესი, უპირველეს ყოვლისა, საჯაროობის კურსის გატარებას ნიშნავდა. გზა უნდა გაეხსნათ აზრის, შეხედულებების თავისუფლად გამოთქმისა და დასაბუთებისათვის. სუსტდებოდა საბჭოთა ცენზურის როლი. საჯაროობის პრინციპმა ხელი შეუწყო საზოგადოებრივი აზრის თავისუფლებას. დაიწყო სხვადასხვა მიზნებისა და შეხედულებების გამომხატველი პოლიტიკური ჯგუფებისა და ორგანიზაციების ჩამოყალიბება, რომლებსაც იმხანად არაფორმალურად, არაფორმალურ გაერთიანებებს უწოდებდნენ.

ერთ-ერთი პირველი არაფორმალური გაერთიანების „ილია ჭავჭავაძის საზოგა-

დობის“ დამფუძნებელი კრება 1987 წლის დეკემბერში ჩატარდა თბილისში. საზოგადობის მიზანი იყო ბრძოლა საქართველოს თავისუფლებისათვის, დემოკრატია და კაპიტალისტური ეკონომიკა. ილია ჭავჭავაძის საზოგადოება თავდაპირველად თავს უყრიდა მომავალში არაერთი პოლიტიკური პარტიის ლიდერს. საზოგადოების დამფუძნებლები იყვნენ: თამარ ჩხეიძე, გიორგი ჭანტურია, ირაკლი შენგელაია, ირაკლი ნერეთელი და სხვები. შემდგომში საზოგადოებაში შევიდნენ: მერაბ კოსტავა, ზურაბ ჭავჭავაძე და სხვები. ილია ჭავჭავაძის საზოგადოებას თითქოს უნდა გაერთიანებინა ეროვნული მოძრაობის ძალები. მოკლე ხანში, 1988-1989 წლებში, საზოგადოების ყოფილმა დამფუძნებლებმა დატოვეს საზოგადოება და რამდენიმე ახალი პოლიტიკური პარტია შექმნეს.

1988-1989 წლებში საქართველოში საფუძველი ჩაეყარა მრავალპარტიულ სისტემას. არენაზე გამოვიდნენ: ეროვნული დამოუკიდებლობის პარტია (ლიდერი ირაკლი ნერეთელი); სახალხო ფრონტი (ნოდარ ნათაძე), წმინდა ილია მართლის საზოგადოება, შოთა რუსთაველის საზოგადოება და სხვ. ზოგიერთი პოლიტიკური პარტია ადრე იყო დაარსებული და ახლა შეექმნა ლეგალური საქმიანობის შესაძლებლობა. მათ რიცხვს განეკუთვნებოდნენ: რესპუბლიკური პარტია (ვახტანგ ძაბირაძე), ეროვნულ-დემოკრატიული პარტია (გიორგი ჭანტურია) და სხვ. საქართველოში საფუძველი ეყრებოდა მრავალპარტიულ სისტემას, რაც ეროვნული და დემოკრატიული მოძრაობის თანამდევ პროცესს წარმოადგენდა.

ეროვნული მოძრაობის უმთავრეს ძალას თბილისის სახელმწიფო უნივერსიტეტის სტუდენტობა წარმოადგენდა. უნივერსიტეტის სტუდენტებმა შექმნეს პრესკლუბი, რომლის მუშაობას უნარიანად წარმართავდნენ: დათო ტურაშვილი, ფიქრია ჩიხრაძე, თედო ისაკაძე და სხვები. ეროვნული მოძრაობა ძლიერდებოდა ქუთაისში, ბა-

თუმში, სოხუმსა და სხვა ქალაქებში.

ეროვნულმა მოძრაობამ შედარებით მასშტაბური გამოსვლების ხასიათი 1988 წლიდან მიიღო. 1988 წლის თებერვალში თბილისის სახელმწიფო უნივერსიტეტის სტუდენტებმა დავით გარეჯის მუზეუმ-ნაკრძალის მიმდებარე ტერიტორიიდან საბჭოთა ჯარების საარტილერიო პოლიგონის გადატანა მოითხოვეს. 1988 წლის ივლისში საქართველოს მეცნიერებათა აკადემიის საკონსულტაციო საბჭოს გაფართოებულ სხდომაზე განიხილეს ტრანსკავკასიის რკინიგზის მშენებლობის საკითხი. აკადემიის შესახელულთან მიტინგი მოეწყო, რომლის მონაწილენი მოითხოვდნენ ტრანსკავკასიის რკინიგზის მაგისტრალის მშენებლობის შეწყვეტას. სამართალდაცავმა ორგანოებმა მიტინგის რამდენიმე მონაწილე დააკავეს, მათ შორის იყვნენ ზვიად გამსახურდია და მერაბ კოსტავა. საქართველოს პეკლსინკის კავშირის ლიდერების დაპატიმრებამ აღმფოთების უფრო დიდი ტალღა გამოიწვია, რის გამოც ხელისუფლებამ გაათავისუფლა დაპატიმრებულები.

თავისი მასშტაბით უპრეცედენტო იყო 1988 წლის ნოემბერ-დეკემბრის გამოსვლები. 1988 წელს მიხეილ გორბაჩოვის ხელისუფლებამ გადაწყვიტა საზოგადოებრივ და სახელმწიფოებრივ ცხოვრებაში მომხდარი ძირეული ცვლილებები აესახა საბჭოთა კავშირის კონსტიტუციის შესწორებებსა და დამატებებში. დემოკრატიული გარდაქმნების ამსახველ მუხლებთან ერთად დამატებები შეიცავდა აშკარა მიუღებელ მუხლებსაც, რომელთა მიზანიც იყო არ დაეშვათ საბჭოთა იმპერიის დაშლა. კერძოდ, კონსტიტუციის 118-ე და 119-ე მუხლებს ფაქტობრივად არარაობამდე დაჰყავდა მოკავშირე რესპუბლიკების უფლება, გასულიყენენ საბჭოთა კავშირის შემადგენლობიდან. კონსტიტუციის დამატებების განხილვამ საყოველთაო-სახალხო ხასიათი მიიღო. საზოგადოების დიდი ნაწილი მოითხოვდა აღნიშნული მუხლების ფორმულირების შეცვლასა და რესპუბლიკ-

ბის თავისუფალი არჩევანის უფლების აღდგენას, რასაც სტალინური კონსტიტუციაც კი აღიარებდა. საზოგადოების დარაზმვაში დიდი წვლილი შეიტანა აკაკი ბაქრაძემ. პოლიტიკურმა პარტიებმა და ორგანიზაციებმა საზოგადოების საპროტესტო განწყობილების გამოყენება სცადეს. 1988 წლის 12 ნოემბერს თბილისში, იპოდრომის ტერიტორიაზე, ეროვნულ-დემოკრატიული პარტიის ინიციატივით შედგა მრავალათასიანი მანიფესტაცია. მთავარი მოთხოვნები იყო: ხელისუფლების იმ ბრძანებულების გაუქმება, რომელიც კრძალავდა ნებადაურთველ მანიფესტაციებს; საბჭოთა კავშირიდან რესპუბლიკების გასვლის შემზღვეველი მუხლების გაუქმება და სვანეთში მიმდინარე გიგანტური წყალსაცავების მშენებლობის შეწყვეტა.

1988 წლის 22 ნოემბერს თბილისში, მთავრობის სასახლის წინ, დაიწყო შიმშილობა. საქართველოს ხელისუფლება იძულებული გახდა, ანგარიში გაენია მოშიმშილეებისა და მათი მხარდამჭერი მრავალრიცხოვანი საზოგადოებისთვის, არაფორმალური ორგანიზაციებისთვის. 25 ნოემბერს საქართველოს უმაღლესი საბჭოს პრეზიდიუმმა მიითხოვა საბჭოთა კავშირის კონსტიტუციიდან 118-ე და 119-ე მუხლების შესწორებების ამოღება. საბჭოთა კავშირის პოლიტიკურმა ხელმძღვანელობამ უკან დაიხია და შესწორებები უარყო. 1988 წლის 29 ნოემბერს მთავრობის სასახლის წინ მიმდინარე აქცია ორგანიზებულად შეწყდა.

1988 წლის ნოემბრის მიტინგებისა და მანიფესტაციების შემდგომი რამდენიმე თვე ქარიშხლის ამოვარდნის წინ დასადგურებულ სიმშვიდეს მოგვაგონებდა. ხელისუფლება გრძნობდა, რომ მასობრივი მიტინგები და დემონსტრაციები მალე ისევ დაიწყებოდა.

1989 წლის 18 თებერვალს ილია ჭავჭავაძის საზოგადოებამ საქართველოს პოლიტენიკური ინსტიტუტის წინ მასობრივი მიტინგის ჩატარება სცადა. ხელისუფლებამ და ინსტიტუტის ხელმძღვანელობამ მიტინგი



ჩაშალა. მომიტინგეებს ძალოვანი უწყებების გადაცემული თანამშრომლები და კომკავშირელი აქტივისტები შეესივნენ და რამდენიმე ადგილას პროვოკაციულად გამოიწვიეს ჩხუბი და არეულობა. საზოგადოების ზემოქმედების შედეგად ხელისუფლებამ კვლავ უკან დაიხია და მიტინგის ჩაშლის გარემოებათა დასადგენად შექმნა კომისია.

1989 წლის 4 აპრილს ისევ ილია ჭავჭავაძის საზოგადოების ინიციატივით მთავრობის სასახლის წინ პერმანენტული მიტინგი დაიწყო. ილია ჭავჭავაძის საზოგადოებამ და მისმა არცთუ მრავალრიცხოვანმა მხარდამჭერმა მომიტინგეებმა მოითხოვეს აფხაზეთის ავტონომიის გაუქმება. ეს იყო რეაქცია აფხაზი სეპარატისტების მიერ 18 მარტს ლიხნის შეკრებაზე მიღებული ანტიქართული დოკუმენტის წინააღმდეგ. მომდევნო დღეებში მომიტინგეებს შეუერთდნენ სხვა პოლიტიკური პარტიები და ორგანიზაციები, რომლებმაც აფხაზეთის ავტონომიის გაუქმების მოთხოვნა მეორეხარისხოვან მოთხოვნათა რიგში გადაიტანეს და წამოაყენეს საქართველოს დამოუკიდებლობის აღდგენის მოთხოვნა. თავდაპირველად მცირერიცხოვანი მიტინგი ხალხმრავალ პერმანენტულ მანიფესტაციად გადაიქცა. მომიტინგეთა რამდენიმე ათეული ადამიანისგან შემდგარმა ჯგუფმა შიმშილობის აქცია დაიწყო. მოშიმშილეები უმთავრესად ახალგაზრდები იყვნენ.

პოლიტიკური მოთხოვნების რადიკალიზაციამ ეროვნული მოძრაობისა და საქართველოს ხელისუფლების სრული დაპირისპირება გამოიწვია. საბჭოთა კავშირის პოლიტიკურმა ხელმძღვანელობამ გადაწყვიტა გადამჭრელი ზომებისთვის მიემართა. საქართველოს ეროვნული მოძრაობა საბჭოთა იმპერიის ყველაზე მთავარ მონაპოვარს — იმპერიის ტერიტორიულ მთლიანობას დაემუქვა. 1989 წლის 8 აპრილს კრემლის ზეგავლენით საქართველოს რესპუბლიკური აქტივისტების კრებამ მხარი დაუჭირა მომიტინგეთა მიმართ მკაცრი ზომების მიღების

წინადადებას. აქტივისტების მიმდინარეობის დროს მთავრობის სახლის წინ, რუსთაველის პროსპექტზე, ტანკმა გაიარა, ხოლო იმავე დროს, თბილისის ცაზე სამხედრო შევლმფრენები გამოჩნდნენ. საქართველოს კომუნისტური პარტიის ცენტრალური კომიტეტის მეორე მდივნის ნიკოლსკის ჩანადიქრით, სამხედრო ტექნიკის დემონსტრირებას მომიტინგეთა დაშინება უნდა მოჰყოლოდა. პირიქით, მომიტინგეთა რაოდენობა კიდევ უფრო გაიზარდა. მომიტინგეთა შორის იყო მოშიმშილეთა დიდი ჯგუფიც.

1989 წლის 8 აპრილს, გვიან ღამით, საქართველოს კომუნისტური პარტიის ცენტრალური კომიტეტის პირველმა მდივანმა ჯუმბერ პატიაშვილმა ამიერკავკასიის სამხედრო ოლქის ჯარების სარდალს გენერალ როდიონოვს სთხოვა, დემონსტრაციის დაშლა სხვა დროისთვის გადაეტანა. მაგრამ მოსკოვს სამხედრო ძალებით მიტინგის დაშლა მტკიცედ პქონდა გადაწყვეტილი. თბილისში 7 აპრილს ჩამოსულმა საბჭოთა კავშირის თავდაცვის მინისტრის მოადგილემ კოჩეტოვმა საქართველოს ხელისუფლებას განუცხადა, რომ თუ სამხედრო ძალებით არ მოხდებოდა სასახლის მოედნის განმენდა, უფრო დიდი სისხლისღვრა იქნებოდა მოსალოდნელი.

მიხეილ გორბაჩოვი, რომელიც ქვეყნის საგარეო საქმეთა მინისტრთან ედუარდ შევარდნაძესთან ერთად ინგლისში იმყოფებოდა, თბილისის მოვლენების კურსში იყო.

1989 წლის 8 აპრილს გამოქვეყნდა საბჭოთა კავშირის უმაღლესი საბჭოს პრეზიდიუმის ბრძანებულება მიტინგებისა და დემონსტრაციების აღკვეთის პირობების გამკაცრების შესახებ, რომელიც უშუალოდ თბილისის მოვლენების ლიკვიდაციის საჭიროებამ განაპირობა. ასე შეიქმნა თბილისში მიმდინარე მიტინგის დარტყვის იურიდიული საფუძველი.

თბილისში, მთავრობის სასახლის წინ, მიმდინარე მიტინგის დასაშლელად 1989 წლის 9 აპრილის დილისთვის მზად იყვნენ

ამიერკავკასიის სამხედრო ოლქის ჯარის ნაწილები. გარდა ამისა, მოსკოვიდან თვითმფრინავებით გადმოისროლეს საბჭოთა კავშირის შინაგანი ჯარების სპეცდანიშნულების 420 ჯარისკაცი გენერალ ეფიმოვის მეთაურობით. გენერალ ეფიმოვის სხვა სამხედრო ნაწილებთან ერთად თავის გამგებლობაში 1900 ჯარისკაცი ჰყავდა. მიტინგის დაშლას უშუალოდ მეთაურობდა ამიერკავკასიის სამხედრო ოლქის ჯარების სარდალი გენერალი იგორ როდიონოვი.

მიტინგის ხელშეწყობებმა ყურად არ იღეს უნშიდგისა და უნეტარესის, სრულიად საქართველოს კათოლიკოს-პატრიარქის ილია II-ის გაფრთხილება, რომელმაც მომიტინგეებსა და მოშიშვილებს აქციის შეწყვეტისაკენ მოუწოდა.

1989 წლის 9 აპრილს, დილის 4 საათზე, მომიტინგეებს დამსჯელმა ნაწილებმა ყველა მხრიდან შემოარტყეს ალყა. ისინი შეიარაღებულნი იყვნენ ხელკეტებით, ალესილი ნიჩბებით, მომნამეღელი გაზით. რამდენიმე ასეული ჯარისკაცი იერიშით შეიჭრა მთავრობის სახლის წინ მოედანზე და შეუბრალებლად დაუნყო ჩეხვა მომიტინგეებს, მოშიშვილე ახალგაზრდებს, რომელთა უმრავლესობას დასუსტებული ქალები და გოგონები წარმოადგენდნენ. დამრბევთა სისასტიკემ მოლოდინს გადააჭარბა. რამდენიმე წუთში მოიერიშებმა მოედანი განმინდეს. მოედანზე დარჩა 19 მოკლულის, აქედან 16 ქალის გვამი. არაერთმა დაჭრილმა გაქცევით უშველა თავს. 2000-ზე მეტი ადამიანი გაზით მოინამლა. მოგვიანებით დაიღუპა კიდევ ორი.

10 აპრილს დამსჯელებმა ალყა შემოარტყეს თბილისის სახელმწიფო უნივერსიტეტს, სადაც იმჟამად თავი მოეყარა ეროვნულ-პატრიოტული ძალების მნიშვნელოვან ნაწილს. მოსალოდნელი პროვოკაცია და სისხლისღერა თავიდან იქნა აცილებული უნივერსიტეტის პროფესორ-მასწავლებელთა და სტუდენტთა ჯგუფის გააზრებული მოქმედების შედეგად.

9 აპრილის სისხლიანმა ტრაგედიამ მთელ მსოფლიოს დაანახა საბჭოთა იმპერიალიზმის სახე. საბჭოთა კავშირის პოლიტიკურმა ხელმძღვანელობამ სცადა პასუხისმგებლობა მთლიანად საქართველოს ხელისუფლებისათვის დაეკისრებინა. საბჭოთა კავშირის საბჭოების II ყრილობის დელეგატების უმრავლესობამ ოცაიებით დააჯილდოვა დამნაშვე გენერალი როდიონოვი. საქართველოს დელეგაციამ პროტესტის ნიშნად ყრილობა დატოვა.

9 აპრილის ტრაგედიის შემდეგ საქართველოში კომუნდენტის საათი გამოცხადდა.

1989 წლის 9 აპრილის მოვლენებს ტრაგიკული ხასიათის მიუხედავად, გარდამტეხი მნიშვნელობა ჰქონდა საქართველოს პოლიტიკურ ცხოვრებაში. მან ეროვნული მოძრაობის აღმავლობა და ქართველი საზოგადოების რადიკალიზაცია გამოიწვია. საქართველოს კომუნისტურ ხელისუფლებას საბოლოოდ გაუტყდა სახელი. საქართველოს კომუნისტური პარტიის ცენტრალური კომიტეტის პირველი მდივნის პოსტი გადამდგარი ჯუმბერ პატიაშვილის ნაცვლად გივი გუმბარაძემ დაიკავა. საქართველოს ახალმა ხელისუფლებამ იმთავითვე დაკარგა მართვის სადავები. ეროვნული მოძრაობის სათავეში რადიკალური პოლიტიკური ძალები მოექცნენ. ისინი მართედნენ პოლიტიკურ პროცესებს. ხელი-სუფლება თითქმის მორჩილად ასრულებდა ეროვნული მოძრაობის მოთხოვნებს. ქვეყანაში ფაქტობრივად ორხელისუფლებიანობა დამყარდა.

რადიკალურმა პოლიტიკურმა პარტიებმა შექმნეს ეროვნული ხსნის კომიტეტი. მასში გაერთიანდნენ: პელსინკის კავშირი (თავმჯდომარე ზვიად გამსახურდია), ეროვნულ-დემოკრატიული პარტია (გიორგი ჭანტურია), ეროვნული სამართლიანობის კავშირი (ირაკლი შენგელაია), ეროვნული დამოუკიდებლობის პარტია (ირაკლი ნერეთელი), ილია ჭავჭავაძის საზოგადოება (ზურაბ ჭავჭავაძე) და სხვ. ეროვნული ხსნის კომიტეტის უმთავრესი მიზანი იყო

საქართველოს გამოყვანა საბჭოთა კავშირის შემადგენლობიდან და დამოუკიდებლობის მოპოვება, რაც ეტაპობრივად უნდა განხორციელებულიყო. ეტაპობრივი ბრძოლა ითვალისწინებდა საბჭოთა ხელისუფლების სტრუქტურების თანდათანობით გაუქმებას, ბრძოლის საშუალებად კი მიჩნეულ იქნა საპროტესტო მშვიდობიანი მოძრაობა (გაფიცვები, მიტინგები, შიმშილობა).

ეროვნული ხსნის კომიტეტის ინიციატივით 1989 წლის ოქტომბერში თბილისში, სპორტის სასახლესთან, მიმდინარეობდა იმ ქართველი ახალგაზრდების მჯდომარე აქცია, რომელნიც უარს აცხადებდნენ საბჭოთა არმიასი სამსახურზე. ოქტომბერშივე ხელოვნების მუზეუმთან აფხაზეთიდან ჩამოსული ქართველები მჯდომარე აქციის გზით რეგიონში არსებული პრობლემების მოგვარებას მოითხოვდნენ.

1989 წლის ოქტომბერ-ნოემბერში ეროვნული ხსნის კომიტეტის წევრები რამდენჯერმე შეხვდნენ ხელისუფლების წარმომადგენლებს და ნაუყენეს თავიანთი მოთხოვნები. ეროვნული ხსნის კომიტეტი მოითხოვდა: საზღვარგარეთის ქვეყნების პოლიტიკურ ორგანიზაციებთან ურთიერთობას, საერთაშორისო ფორუმებზე დასარების უფლებას, იმ წვევამდებობის დაუსჯელობას, რომლებიც უარს ამბობდნენ საბჭოთა არმიაში სამსახურზე, სოხუმში 1989 წლის ივლისში მომხდარი სისხლიანი შეტაკების მოთავეების დასჯას, აფხაზეთის რამდენიმე რაიონში საბჭოთა კავშირის შინაგანი ჯარების ნაცვლად ქართული მილიციის შეყვანას, სამხრეთ ოსეთის ავტონომიური ოლქის სახელწოდების შეცვლას ცხინვალის ოლქით, როკის გვირაბის გაუქმებას, გარდაბნის, მარნეულის, დმანისის რაიონებსა და ფონიჭალაში უკანონოდ მიტაცებული მიწების დაბრუნებას კანონიერ მფლობელთათვის, კოლმეურნეობებისა და საბჭოთა მეურნეობების დაშლასა და მათ მიერ მიკუთვნებული მიწების გლეხობის ხელში გადაცემას, საეთერო დროს ტელევიზიაში, რადიოში, ალტერნატი-

ულ ადგილს რესპუბლიკის ცენტრალურ გაზეთებში და ა. შ.

ოპოზიციურმა პოლიტიკურმა პარტიებმა წამოაყენეს საერთო-სახალხო კენჭისყრის მონაწილის იდეა. ქართველ ერს უნდა გამოეხატა თავისი დამოკიდებულება 1921 წელს საბჭოთა რუსეთის მიერ საქართველოს დემოკრატიული რესპუბლიკის ანექსიის ფაქტისა და საქართველოს დამოუკიდებლობის აღდგენის იდეისადმი. ოპოზიციური პოლიტიკური პარტიების ზეგავლენით, 1990 წლის მარტში საქართველოს უზენაესმა საბჭომ სპეციალური დადგენილებით 1921 წლის თებერვალში საქართველოს წინააღმდეგ საბჭოთა რუსეთის სამხედრო მოქმედება შეაფასა, როგორც ქვეყნის ოკუპაცია და ფაქტობრივი ანექსია.

ეროვნული მოძრაობის ზეგავლენით საქართველოს უზენაესმა საბჭომ მიიღო გადაწყვეტილება 1990 წლის მარტში უმაღლესი საკანონმდებლო ორგანოს არჩევნების ჩატარების შესახებ. არჩევნების მიმართ პოლიტიკურმა პარტიებმა არაერთგვაროვანი პოზიცია დაიკავეს. მას შემდეგ, რაც 1988 წლიდან ეროვნულმა მოძრაობამ მასობრივი ხასიათი მიიღო, საპროტესტო აქციებს პოლიტიკური პარტიები ხელმძღვანელობდნენ. ესენი იყვნენ, ერთი მხრივ, ჰელსინკის კავშირი და მისი აღიარებული მეთაურები ზვიად გამსახურდია და მერაბ კოსტავა, ამ თანაარსებობაში გადამწყვეტ როლს ასრულებდა მერაბ კოსტავას პიროვნული ავტორიტეტი, რომელიც ყოველთვის ახერხებდა არაფორმალების ორ ბანაკს შორის შეთანხმებას კომპრომისის საფუძველზე. 1989 წლის ოქტომბერში ავტოკატასტროფაში მერაბ კოსტავას დაღუპვით ეროვნულ მოძრაობაში განხეთქილება გარდუვალი შეიქმნა. „ჰელსინკელები“, მიუხედავად რადიკალური ბუნებისა, უფრო ზომიერ პოლიტიკურ ბრძოლასა და ლოზუნგებს უჭერდნენ მხარს; მეორე მხრივ, ეროვნულ-დემოკრატიული და ეროვნული დამოუკიდებლობის პარტიები, ილია ჭავჭავაძის საზოგად-

დოება (გიორგი ჭანტურია, ირაკლი ნერეთელი, ზურაბ ჭავჭავაძე) და სხვ. ამდენად, ეროვნული მოძრაობის სათავეში ორი თაობის პოლიტიკური მოღვაწეები აღმოჩნდნენ. მათ შორის თავიდანვე იყო ნინალმდევგობა, მაგრამ ეპიზოდური განხეთქილებების მიუხედავად, 1990 წლის გაზაფხულამდე ისინი მაინც ახერხებდნენ მშვიდობიან თანაარსებობას.

ქართული საზოგადოების ზომიერმა ლიბერალურმა ძალებმაც სცადეს პოლიტიკური ორგანიზაციების ჩამოყალიბება. ამ ცდებს ხელისუფლებაც უჭერდა მხარს. 1989 წლის მარტში შეიქმნა საქართველოს რუსთაველის სახელობის საზოგადოება, რომელშიც მწერლები, მეცნიერები და საზოგადო მოღვაწეები გაერთიანდნენ. საზოგადოების თავმჯდომარედ ცნობილი საზოგადო მოღვაწე აკაკი ბაქრაძე აირჩიეს. რუსთაველის საზოგადოებას თავიდანვე დაჰყვა კულტურულ-საგანმანათლებლო ხასიათი. მისი პროგრამა ქვეყნის პოლიტიკური ცხოვრების ევოლუციური განვითარების გზას ითვალისწინებდა, ხოლო საზოგადოების თავმჯდომარე აკაკი ბაქრაძე ცდილობდა იდეოლოგიური საფუძველი შეექმნა ეროვნული მოძრაობისთვის. ქვეყანაში მიმდინარე პოლიტიკური პროცესები უფრო სწრაფვალეებადი აღმოჩნდა და საზოგადოებამ ვერ შეძლო თავის გარშემო ზომიერი ლიბერალური ძალების შემოკრება.

მოსახლეობაში უფრო პოპულარობით სარგებლობდა მეორე ზომიერი მიმართულების ორგანიზაციის — სახალხო ფრონტის საქმიანობა. ამ ორგანიზაციის პირველადი უჯრედების ჩამოყალიბება დიდი ენთუზიაზმით მიმდინარეობდა თბილისისა და საქართველოს სხვადასხვა რაიონის წარმოება-დანსებაულებებში. სახალხო ფრონტს ჰქონდა პრეტენზია გაერთიანებინა ეროვნული მოძრაობა, მაგრამ ეს მისია ვერ შეასრულა. ამ ორგანიზაციას მალე ჩამოესცილდნენ მემარჯვენე თუ მემარცხენე ჯგუფები, ხოლო თვით სახალხო ფრონტი ჩვეულებრივ, რიგით პოლიტიკურ ორგანიზაციადა ჩამო-

ყალიბდა. იყო სხვა ზომიერი ცენტრისტული ჯგუფებიც.

ზომიერი მიმართულების ძლიერი პოლიტიკური პარტიის ჩამოყალიბებლობა ქართული პოლიტიკური სპექტრის სერიოზული ნაკლი იყო. ემოციურად განწყობილი ქართველი საზოგადოებისთვის უფრო მიმზიდველი აღმოჩნდა რადიკალური ხასიათის ლოზუნგები და მისი მქადაგებელი რადიკალური პოლიტიკური მიმდინარეობები. რადიკალურმა ძალებმა მიიჩნიეს, რომ ხელისუფლების მიერ ორგანიზებული 1990 წლის 25 მარტის არჩევნები ერთპარტიული სისტემის პირობებში ტარდებოდა. სხვა პოლიტიკურ პარტიებს მასში გაუფორმებელი სახით უნდა მიეღოთ მონაწილეობა. 1990 წლის 13-15 მარტს რადიკალური ძალების ინიციატივით თბილისში, ფილარმონიის დიდ დარბაზში, ჩატარდა ეროვნული მოძრაობის საგანგებო კონფერენცია — ეროვნული ფორუმი. მასში ეროვნული მოძრაობის ყველა ძირითადი ძალა მონაწილეობდა. ფორუმმა ბოიკოტი გამოუცხადა 1990 წლის 25 მარტის არჩევნებს და, საერთოდ, უკანონოდ ცნო საბჭოთა სისტემა. ეროვნულმა ფორუმმა მაქსიმალისტური პოზიცია დაიკავა არსებული ხელისუფლების მიმართ. 1990 წლის აპრილში გამოქვეყნდა ფორუმის მიმართვა „ქართველი ერისა და მსოფლიო საზოგადოებრიობისადმი“, სადაც იგი აცხადებდა, რომ ყველა ის პოლიტიკური პარტია, რომელიც თავის მოქმედებას შეუხამებდა „საბჭოურ კონსტიტუციასა და კანონმდებლობას, ვერ ჩაითვლებოდა ოპოზიციად“. არსებული ხელისუფლების ნინალმდეგ ბრძოლის მთავარ საშუალებად ეროვნული დაუმორჩილებლობა იქნა მიჩნეული.

ეროვნული მოძრაობა, რომელსაც ერთი მიზანი — საქართველოს სრული დამოუკიდებლობა — ჰქონდა, ფორმალურად და ფაქტობრივად 1990 წლის გაზაფხულამდე ერთიანი იყო, მაგრამ მის ორ დაჯგუფებას შორის ნინალმდეგობა უკვე

შეუძლებელს ხდიდა ერთიანობას. ნინაალმ-დეგობას ეროვნულ მოძრაობაში ჰეგემონის-თვის ბრძოლა ც განაპირობებდა, მაგრამ იყო იდეურ-სტრატეგიული უთანხმოებანიც, რომელსაც პრინციპული მნიშვნელობა ჰქონ-და. ეროვნული მოძრაობის რადიკალური ახალგაზრდული ფრთა მაქსიმალისტურად უპირისპირდებოდა საბჭოთა სისტემასა და სახელმწიფოებრივ სტრუქტურებს. მაქსი-მალისტების აზრით, ეროვნულ მოძრაობას უნდა მიეღწია საქართველოს კოლონიური მდგომარეობის აღიარებისათვის და დაუმორ-ჩილებლობის გზით ებრძოლა დეკოლონი-ზაციისთვის, როგორც ეს მოხდა აფრიკა-აზიის რიგ ქვეყნებში.

ეროვნულ მოძრაობაში რადიკალიზმის ერთ-ერთი იდეოლოგი გიორგი ჭანტურია მიიჩნედა, რომ საბჭოური სტრუქტურების გამოყენების პოლიტიკამ ბალტიისპირეთის ქვეყნების ეროვნული მოძრაობანი თითქმის გამოუვალ ჩიხში მოაქცია. მისი აზრით, აუცილებელი იყო ეროვნული მოძრაობის არა საბჭოურ, ძველ სტრუქტურებზე მორგება პროგრამა-მინიმუმის განხორ-ციელების მიზნით, არამედ ახალი დემოკრატიული სტრუქტურების შექმნის დაწყება პროგრამა-მაქსიმუმის განხორ-ციელებისათვის. ახალი დემოკრატიული სტრუქტურა უნდა ყოფილიყო — ეროვნუ-ლი კონგრესი, რომელიც ბოიკოტს გამოუც-ხადებდა ყოველგვარ საბჭოთა სტრუქტურა-სა და მის მიერ ორგანიზებულ არჩევნებს.

უფრო რეალისტურ ნიადაგზე აღმოჩნ-დნენ უფროსი თაობის რადიკალები (ზვიად გამსახურდია და მისი თანამოაზრენი). მათი აზრით, დეკოლონიზაციის აფრიკულ-აზიური პრაქტიკა მიუღებელი იყო საქარ-თველსათვის. საქართველო, ფორმალურ-იუ-რიდიული თვალსაზრისით, საბჭოთა კავშირის ფედერაციაში შემავალი სოციალ-ისტური სახელმწიფო იყო. კონსტიტუციურა-დაც საქართველოს საბჭოთა სოციალისტურ რესპუბლიკას საბჭოთა კავშირიდან გასვლის უფლება ჰქონდა. თუნდაც ეს ფორმალური

უფლება საქართველოს შესაძლებლობას აძლევდა საბჭოური სტრუქტურების გამოყენებით, სამართლებრივი გზით ებრძოლა დამოუკიდებლობისათვის.

1990 წლის 25 მარტის არჩევნების ჩაშლის შემდეგ პელსინკის კავშირი და მისი მხარდამ-ჭერი ძალები ეროვნული ფორუმიდან გავიდ-ნენ და ჩამოაყალიბეს ახალი პოლიტიკური ბლოკი „მრგვალი მაგიდა-თავისუფალი საქართველოს“ სახელწოდებით. მასში შეი-დი ორგანიზაცია გაერთიანდა. ეროვნულ ფორუმში დარჩენილმა ძალებმა ეროვნული ყრილობა მოინვეიეს და ეროვნული კონგრე-სის არჩევა გადაწყვიტეს.

ამრიგად, რადიკალური ძალები ორ დაპირისპირებულ ბანაკად გაითიშა და ეროვნულ მოძრაობაში ჰეგემონობისთვის დაიწყო შეურიგებელი ბრძოლა.

ლიბერალური ბანაკი, რომელიც საკ-მაოდ ჭრელი შემადგენლობის იყო და არსე-ბითად საქართველოს პოლიტიკური სექ-ტრის მესამე მიმართულებას წარმოადგენდა, თავდაპირველად რადიკალების ურთიერთდა-პირისპირებაში არ მონაწილეობდა. ისინი საბჭოთა სისტემის ევოლუციური ტრანს-ფორმაციის მომხრენი იყვნენ. ამ მიმა-რთულების ყველაზე სერიოზულ ძალას „ეროვნული თანხმობისა და აღორძინების კავშირის“ პოლიტიკური ორგანიზაცია წარ-მოადგენდა (თავმჯდომარე ვალერიან ად-ვაძე). მის ბირთვს ეროვნულად განწყობილი პარტიულ-ბიუროკრატიული ნომენკლატუ-რისა და ელიტარული ინტელიგენციის წარ-მომადგენლები შეადგენდნენ.

1990 წლის 25 მარტის არჩევნების ჩაშლის შემდეგ საქართველოს საბჭოთა სოციალის-ტური რესპუბლიკის უზენაესი საბჭოს სესი-ის დადგენილებით გადაწყდა უზენაესი საბჭოსა და ადგილობრივი საბჭოების დეპუ-ტატების არჩევნების ჩატარება 1990 წლის ოქტომბერში. საქართველოს მოქმედ კონსტი-ტუციაში შეტანილი შესწორებების თანახმად, ახალი არჩევნები მრავალპარტიული სისტე-მის საფუძველზე უნდა ჩატარებულიყო. ეს

იყო ეროვნული მოძრაობის დიდი გამარჯვება.

1990 წლის 28 ოქტომბერს საქართველოში უზუნაესი საბჭოს დეპუტატების არჩევნები ჩატარდა. ეს იყო 1919 წლის შემდეგ პირველი თავისუფალი არჩევნები, რომელიც მრავალპარტიული სისტემის პირობებში განხორციელდა. არჩევნებში დამაჯერებელი გამარჯვება მოიპოვა ეროვნული მოძრაობის ყველაზე ძლიერმა ფრთამ, საარჩევნო ბლოკმა: „მრგვალი მაგიდა — თავისუფალი საქართველო“, რომელმაც საპარლამენტო ადგილების უმრავლესობა (62%) მოიპოვა. საქართველოში ფაქტობრივად „ხავერდოვანი რევოლუცია“ მოხდა. კომუნისტურმა ერთპარტიულმა დიქტატურამ საქართველოში სამოცდაათწლიანი არსებობა დაასრულა და ქვეყნის სათავეში ეროვნული ხელისუფლება აღმოჩნდა.

ეროვნული ძალების ხელისუფლებაში მოსვლით იწყება იმ ღონისძიებებისა და მოვლენების სერია, რომელთა გარეშეც შეუძლებელია სახელმწიფოებრივი დამოუკიდებლობის მოპოვება. 1990 წლის 14 ნოემბერს საქართველო ოფიციალურად გამოცხადდა რესპუბლიკად. საქართველოს უზენაესი საბჭოს თავმჯდომარედ მის პირველსავე სესიაზე არჩეულ იქნა ზვიად გამსახურდია.

ეროვნული ძალების ხელისუფლებაში მოსვლა რამდენადმე მოულოდნელიც იყო. გარდამავალი პერიოდის უქონლობამ ახალი ხელისუფლება დამატებითი სიძნელეების წინაშე დააყენა. საქართველოს მართვა მოსკოვიდან ერთბაშად შეწყდა და ეროვნული ხელისუფლება მოზღვავებული პოლიტიკური, ეკონომიკური, სოციალური, კულტურული და სხვა ხასიათის პრობლემებს მხოლოდ საკუთარი ძალებით უნდა შეეჭიდებოდა. ეს, რა თქმა უნდა, სათანადო სახელმწიფოებრივ-პოლიტიკური მართვის გამოკვდილობის გარეშე ძნელი იყო.

ეროვნული ხელისუფლების პირველი ნაბიჯები მიზნად ისახავდა საბჭოთა ინსტიტუტების ადგილზე ახალი სახელმწიფო-

ბრივი სტრუქტურების ჩამოყალიბებას. ქვეყანაში დაიწყო წერილი სანარმოებისა და ობიექტების პრივატიზაცია, თავისუფალი მენარმოების ჩასახვა, კომერციული ბანკების შექმნა, თავისუფალი ჟურნალ-გაზეთების გამოცემა და სხვ.

საბჭოთა სისტემის შეცვლის ერთ-ერთი პირველი ღონისძიება იყო 1990 წლის ნოემბერში მიღებული კანონი გარდამავალი პერიოდის შესახებ, რომლის ერთ-ერთი მიზანი იყო ადგილობრივი ხელისუფლების ორგანოების ახალი ინსტიტუტების შექმნა. კანონის თანახმად, უნდა ჩამოყალიბებულიყო ადგილობრივი საკანონმდებლო და აღმასრულებელი ორგანოები — საკრებულოები და პრეფექტურები. საკრებულოების დეპუტატთა არჩევნები 1991 წლის მარტში ჩატარდა. დამტკიცდა ადმინისტრაციულ-ტერიტორიული მოწყობის ახალი წესი, რომლის თანახმადაც, ტერიტორიულ ერთეულებს წარმოადგენდნენ: რაიონი, ქალაქი და თემი.

ახალი ხელისუფლების მოსკოვთან დამოკიდებულების კურსი უკომპრომისო იყო — საქართველოს სრული სახელმწიფოებრივი დამოუკიდებლობა, საბჭოთა კავშირისაგან სრული გამოყოფა. 1991 წლის 31 მარტს ეროვნულმა ხელისუფლებამ რეფერენდუმი ჩაატარა. მოსახლეობას თავისი ნება უნდა გამოეხატა საქართველოს დამოუკიდებლობის საკითხზე და ამით დაედასტურებინა არა მხოლოდ ხელისუფლების, არამედ მოსახლეობის საერთო ნებაც. რეფერენდუმმა საყოველთაო მასშტაბით დაადასტურა საქართველოს მოსახლეობის სურვილი — რეფერენდუმში მონაწილეობდა ხმის უფლების მქონე მოსახლეობის 90%. ქვეყნის დამოუკიდებლობის აღდგენის 1918 წლის 26 მაისის საქართველოს დამოუკიდებლობის აქტის საფუძველზე მხარი დაუჭირა რეფერენდუმში მონაწილეთა 97%. რაც მთავარია, საქართველოს დამოუკიდებლობის იდეას მხარი დაუჭირა ქვეყნის არაქართულმა მოსახლეობამაც.

რეფერენდუმის საფუძველზე 1991 წლის 9 აპრილს უზენაესმა საბჭომ საქართველოს სახელმწიფოებრივი დამოუკიდებლობა აღდგენილად გამოაცხადა.

1991 წლის აპრილში საქართველოს უზენაესმა საბჭომ ზვიად გამსახურდია რესპუბლიკის პრეზიდენტად აირჩია, რაც 26 მაისს ჩატარებულმა საპრეზიდენტო არჩევნებმა დაადასტურა. საპრეზიდენტო არჩევნებმა კიდევ ერთხელ ცხადყო, რომ საქართველოს მოსახლეობის დიდი ნაწილი ზვიად გამსახურდიას სახელთან აკავშირებდა ეროვნული თავისუფლებისა და სახელმწიფოებრივი სუვერენიტეტის განმტკიცების საუკუნოვან იდეას.

ახალგაზრდა დამოუკიდებელი საქართველოს წინაშე სულ უფრო მეტად იყრიდა თავს გადაუჭრელი პოლიტიკური, სოციალურ-ეკონომიკური და საერთაშორისო მასშტაბის პრობლემები. მათი გადაჭრა მართოდენ ხელისუფლების წრფელ ენთუზიაზმს არ ძალუძდა.

საბჭოთა კავშირისა და სოციალისტური ბანაკის დაშლა მტკივნეულად მიმდინარეობდა. საბჭოთა კავშირში შემავალ რესპუბლიკებში აზვირთებულ ეროვნულ მოძრაობას მოსკოვი სხვადასხვა საშუალებებით ებრძოდა. ერთ-ერთ ასეთ საშუალებას წარმოადგენდა სეპარატისტული ძალების ნაქეზება, ეთნიკური და რელიგიური კონფლიქტების პროვოცირება. მოსკოვი იძულებული გახდა დაეთმო აღმოსავლეთ ევროპა, ხოლო უშუალოდ საბჭოთა კავშირის შემადგენლობიდან — ლიტვა, ლატვია, ესტონეთი. დანარჩენ მოკავშირე რესპუბლიკებში გავლენის შესანარჩუნებლად საბჭოთა კავშირის პოლიტიკური ხელმძღვანელობა ენერგიულად იბრძოდა. 1991 წლის 21 დეკემბერს საბჭოთა სოციალისტური რესპუბლიკების კავშირი ოფიციალურად დაიშალა. მის ადგილზე შეიქმნა 12 დამოუკიდებელი სახელმწიფო, რომლებიც შევიდნენ სახელმწიფოთა ახალ გაერთიანებაში — დამოუკიდებელ სახელმწიფოთა თანამეგობრობაში (დსთ).

დასავლეთი თავდაპირველად შეურიგდა დამოუკიდებელ სახელმწიფოთა თანამეგობრობაში რუსეთის ლიდერობასა და სამხედრო-პოლიტიკურ გავლენას.

საქართველო ერთადერთი სახელმწიფო აღმოჩნდა თორმეტთაგან, რომელიც არ შესულა დამოუკიდებელ სახელმწიფოთა თანამეგობრობაში. რუსეთის გავლენისაგან სრული თავდადნევა ზვიად გამსახურდიას ხელისუფლების ოფიციალური საგარეო პოლიტიკური კურსი გახდა, რაც მაქსიმალიზმა და რომანტიზმს ნიშნავდა პოლიტიკაში. ამგვარი კურსი სრულიად მიუღებელი იყო რუსეთისათვის, რომელმაც დაუყოვნებლივ აამოქმედა პატარა ურჩი ქვეყნის წინააღმდეგ ბრძოლის სხვადასხვა მექანიზმი. პირველ რიგში რუსეთმა ხელი შეუწყო საქართველოში არსებულ ავტონომიურ რესპუბლიკებში სეპარატისტულ მოძრაობას.

საქართველოში საბჭოთა ხელისუფლების დამყარების შემდეგ (1921 წ.) აფხაზური საზოგადოების ერთ ნაწილში ანტიქართული განწყობილება ყოველთვის შეიმჩნეოდა და თითქმის ყოველ ათწლეულში ერთხელ მსხვილ ანტიქართულ მოძრაობაში გადაიზრდებოდა ხოლმე. გორბაჩოვისეული გარდაქმნების პერიოდამდე უკანასკნელ ანტიქართულ გამოსვლებს 1978 წელს ჰქონდა ადგილი აფხაზეთში. 1978 წლის დასაწყისში აფხაზი ინტელიგენციის ერთმა ნაწილმა წერილი გაუგზავნა საბჭოთა კავშირის პოლიტიკურ ხელმძღვანელობას, რომელშიც საჩივარი იყო აღძრული საქართველოს კომუნისტური ხელისუფლებისა და ქართველი ინტელიგენციის წინააღმდეგ. აფხაზური წერილის ავტორები მიიჩნევენ, რომ ავტონომიურ რესპუბლიკაში საქართველოს ხელისუფლების პოლიტიკა მიმართული იყო აფხაზი ხალხის ინტერესების წინააღმდეგ; მიმდინარეობდა აფხაზური ეთნოსის დემოგრაფიული შევიწროება; აფხაზთა ისტორიის გაყალბება, მათი კულტურისა და ტრადიციების დაკნინება და ა. შ. საქართველოს კომუნისტური

ხელისუფლება, სამწუხაროდ, ანტიქართული მოძრაობის მიჩქმალვის, გარეგნული სტაბილიზაციისა და მასთან მუდმივი კომპრომისების, დათმობების გაუმართლებელ ზვას დაადგა. არამართებული იყო, რომ სოხუმში პედაგოგიური ინსტიტუტის ბაზაზე შეიქმნა უნივერსიტეტი, მაუწყებლობა დაიწყო აფხაზურმა ტელევიზიამ, ჩამოყალიბდა აფხაზური თეატრი, გფფართოვდა გამომცემლობა „ლაშარი“ და ა. შ. ყოველივე ეს აფხაზეთის ავტონომიური რესპუბლიკის აბორიგენი ქართული მოსახლეობისა და საქართველოს მთლიანობის ინტერესების შელახვის ხარჯზე მიმდინარეობდა.

ანტიქართულმა ისტერიამ აფხაზეთში ახალი სიძლიერით XX საუკუნის 80-იანი წლების ბოლოს იფეთქა. 1989 წლის 18 მარტს აფხაზმა სეპარატისტებმა სოფ. ლიხნში მოაწყვეს დიდი თავყრილობა, რომელმაც მიმართვა გაუგზავნა იმეამად მიმდინარე სკკპ XIX კონფერენციას. სეპარატისტები აცხადებდნენ, რომ აფხაზური ეთნოსი გაქრობის საფრთხის წინაშე იდგა და მას უშველიდა მხოლოდ აფხაზეთის ავტონომიური რესპუბლიკის სტატუსის შეცვლა — აფხაზეთის მოკავშირე რესპუბლიკად გარდაქმნა, ე.ი. საქართველოდან გამოყოფა. აფხაზი სეპარატისტების გამოსვლებს ავტონომიური რესპუბლიკის ქართველი მოსახლეობის საპროტესტო აქციები მოჰყვა, რამაც მდგომარეობა დაძაბა. როგორც აფხაზი, ისე ქართველი მოსახლეობის მოთხოვნებში იყო ისეთი საკითხები, რომელიც ორივე ხალხის შეთანხმების გზით უნდა გადაჭრილიყო. ნაცვლად ამისა მოსკოვმა მოახერხა, რომ აფხაზი მოსახლეობის მოძრაობისთვის სეპარატისტული მიმართულება მიეცა და ქართველი ერის ინტერესებისათვის დაეპირისპირებინა.

1989 წლის ივნისში სკკპ ცენტრალური კომიტეტისა და საბჭოთა კავშირის უმაღლესი საბჭოს პრეზიდიუმისთვის გაგზავნილ წერილში ე. წ. აფხაზეთის მშრომელთა წარმომადგენლების კრება ისევე მოითხოვდა

აფხაზეთის საბჭოთა სოციალისტური რესპუბლიკის სტატუსის „აღდგენას“ და საქართველოს კომუნისტური პარტიიდან აფხაზეთის კომუნისტური ორგანიზაციის გამოყოფას, მის უშუალო დაქვემდებარებას საბჭოთა კავშირის კომუნისტური პარტიისადმი. წერილში გამოთქმული იყო უკმაყოფილება საქართველოს პოლიტიკური პარტიებისა და ორგანიზაციებისადმი, რომლებიც, ავტორთა აზრით, მიმართული იყო ეითომ აფხაზი ხალხის ინტერესების წინააღმდეგ. მოსკოვის მიერ მხარგამაგრებელი სეპარატისტები საქართველოს ხელისუფლებას კატეგორიულ მოთხოვნებს უყენებდნენ და იმუქრებოდნენ, რომ მათი შეუსრულებლობის შემთხვევაში მოსალოდნელი იყო „შეტაკებათა უმართავი და სისხლიანი ჯაჭვი“. 1989 წლის 16 ივლისს აფხაზმა ექსტრემისტებმა სოხუმში დაარბიეს საშუალო სკოლის შენობა, რომელშიც განლაგებული იყო თბილისის სახელმწიფო უნივერსიტეტის სოხუმის ფილიალი. პროოკაციულად გამოწვეული შეტაკების დროს დაიღუპა 14 კაცი. დაპირისპირებისა და შეტაკების საბაზად გამოიყენეს სოხუმის სახელმწიფო უნივერსიტეტის ეროვნული ნიშნით გაყოფის ფაქტი.

ანტიქართულ მოძრაობაში აქტიურ როლს ასრულებდა აფხაზური სეპარატისტული ორგანიზაცია „აიდგილარა“, რომელიც მკვეთრად დაუპირისპირდა ქართულ ეროვნულ მოძრაობას. ზემოაღნიშნული „ლიხნის წერილი“ და სხვა სეპარატისტული აქციები სწორედ „აიდგილარას“ მეთაურობით ხორციელდებოდა.

1990 წლის 25 აგვისტოს აფხაზ დემუტატა ერთმა ჯგუფმა აფხაზეთის ავტონომიური რესპუბლიკის უმაღლესი საბჭოს სესია მოიწვია. ეკორუმის უქონლობის გამო სესია არ იყო უფლებამოსილი. მიუხედავად ამისა, სესიამ ცალმხრივად მიიღო „დეკლარაცია აფხაზეთის ასსრ სახელმწიფოებრივი სუვერენიტეტის შესახებ“.



1990 წლის 4 დეკემბერს აფხაზეთის უმაღლესი საბჭოს სესიამ საბჭოს თავმჯდომარედ ვლადისლავ არძინბა აირჩია. თავდაპირველად საქართველოსა და აფხაზეთის ახალ ხელისუფალთა შორის საქმიანი, კონსტრუქციული მოლაპარაკებები მიმდინარეობდა, რაც ადრინდელ სისხლიან დაპირისპირებათა ფონზე თითქოს კონფლიქტისა და ორი ხალხის ურთიერთმონყობის მშვიდობიან პერსპექტივას ქმნიდა.

ცალკეული ეპიზოდების მიუხედავად, საქართველოს სახელმწიფოებრივი დამოუკიდებლობის გამოცხადების შემდეგაც, აფხაზური სეპარატისტული მოძრაობა საქართველოს ტერიტორიული მთლიანობის რღვევისა და აფხაზეთის გამოყოფის სტრატეგიული მიზნით მიმდინარეობდა.

მოსკოვიდან იმართებოდა ე. წ. სამხრეთ ოსეთში მიმდინარე პროცესებიც, რომლებიც წმინდა ანტიქართული ისტერიის ხასიათს ატარებდა.

1989 წლის მაისში ოსი მოსახლეობის ერთმა ნაწილმა სკკპ ცენტრალური კომიტეტის მაშინდელ გენერალურ მდივანს წერილი გაუგზავნა. წერილში საქართველოს კომუნისტურ ხელმძღვანელობასა და ქართველ საზოგადოებას ბრალი ედებოდა ოსი ხალხის სოციალურ, ეკონომიკურ და დემოგრაფიულ შევიწროებაში; ოსური ბოლშევიკური ინტელიგენციის განადგურებაში; ოსეთის ტოპონიმიკური სურათის შეცვლაში და ა. შ. წერილის ავტორები სამხრეთი და ჩრდილოეთი ოსეთის გაერთიანებასა და მის რუსეთის ფედერაციაში შესვლას მოითხოვდნენ.

1988 წლის აპრილში ცხინვალში პირველი მასობრივი დემონსტრაცია მოეწყო. დემონსტრანტები მოითხოვდნენ სამხრეთ ოსეთის ჩრდილოეთ ოსეთთან შეერთებას. ანტიქართულ მოძრაობას მეთაურობდა ოსური სეპარატისტული ორგანიზაცია „ადამონ ნიხასი“, რომლის ლიდერი აღან ჩოჩიევი სოლიდარობას უცხადებდა სეპარატისტებს. 1989 წლის სექტემბერში სამხრეთ ოსეთის ავტონომიური ოლქის სახალხო დეპუტატთა

საბჭოს სესიის გადაწყვეტილებით ავტონომიური ოლქის სახელმწიფო ენად გამოცხადდა ოსური. ეს, რა თქმა უნდა, ქართული ენის კონსტიტუციური სტატუსის შეზღუდვის ხარჯზე მოხდა.

„ოსეთის მშრომელების“ და „ადამონ ნიხასის“ მიმართვაში (1989 წლის ოქტომბერი) საბჭოთა კავშირის პოლიტიკური ხელმძღვანელობისადმი ნამოყენებული იყო ჩრდილო და სამხრეთ ოსეთის გაერთიანების მოთხოვნა, რომლის პირველ ეტაპზე სამხრეთ ოსეთის ავტონომიური ოლქი რესპუბლიკად გარდაიქმნებოდა და მოსკოვს დაექვემდებარებოდა. 1989 წლის 10 ნოემბერს ზემოაღნიშნული და სხვა ანტიქართული მოთხოვნები ოფიციალურ სახეს იღებს სამხრეთ ოსეთის ავტონომიური ოლქის სახალხო დეპუტატების საბჭოს სესიის გადაწყვეტილებათა სახით. ქართველმა საზოგადოებრიობამ და ეროვნულმა მოძრაობამ ანტიქართული ისტერიის აღკვეთა მოითხოვა. საქართველოს კომუნისტური პარტიის ცენტრალური კომიტეტის ბიურომ და საქართველოს უზენაესი საბჭოს სესიამ ზემოაღნიშნული სესიის გადაწყვეტილებანი უკანონოდ ცნო, მაგრამ ამის იქით არ წასულა. სეპარატისტული მოძრაობის აღკვეთას სამართალდამცავი ორგანოების ჩარევით, მოსკოვის ნებართვის გარეშე, საქართველოს კომუნისტური ხელისუფლება ვერ ბედავდა. ამგვარ ნებართვას კი მოსკოვი არც აფხაზი და არც ოსი სეპარატისტების წინააღმდეგ არ გასცემდა.

ამგვარ ვითარებაში ქართულმა საზოგადოებამ, საქართველოს პოლიტიკურმა პარტიებმა და ორგანიზაციებმა თავად სცადეს არ დაეშვათ სამხრეთ ოსეთში მოვლენების ანტიქართული მიმართულებით განვითარება. პოლიტიკურმა პარტიებმა და ორგანიზაციებმა ქართველ საზოგადოებას მოუწოდეს მონაწილეობა მიეღოთ 1989 წლის 23 ნოემბერს ცხინვალში განზრახულ მიტინგში. საზოგადოება აქტიურად გამოეხმაურა ამ მოწოდებას. ცხინვალისკენ ათიათასობით ადამიანი დაიძრა, მაგრამ მათ გზა გადა-

უღობეს საქართველოს კომუნისტური ხელისუფლების ბრძანებით მობილიზებულმა ძალოვანი სამსახურების ქვედანაყოფებმა.

ორივე მხრიდან ურთიერთობის ნორმალიზაციისათვის გადადგმული ნაბიჯების მიუხედავად, სამხრეთ ოსეთში ანტიქართულმა ექსტრემიზმმა გაიმარჯვა. ოსურ სეპარატიზმს რომ რუსული იმპერიალიზმი ასაზრდოებდა, ეს კარგად იყო ცნობილი ქართული საზოგადოებრიობის აბსოლუტური უმრავლესობისათვის. უწმიდესისა და უნეტარესის, სრულიად საქართველოს კათოლიკოს-პატრიარქი ილია II კონსტანტინოპოლის პატრიარქს დიმიტრიოს I-ს წერდა: „საბჭოთა კავშირი ატარებს ბარბაროსულ აქციებს საქართველოს ტერიტორიაზე, ხელოვნურად ამწვავებს ურთიერთობას ქართველ და ოს მოსახლეობას შორის, რითაც ქმნის მტრულ ურთიერთობას ამ ორ ქრისტიანულ ერს შორის... გთხოვთ აღმიბალოთ ხმა“.

სამხრეთ ოსეთში სეპარატისტული პოლიტიკური პროცესები გეგმაზომიერად წარიმართა. 1990 წლის სექტემბერში მიღებულ იქნა დეკლარაცია სამხრეთ ოსეთის სუვერენიტეტის შესახებ; ნოემბერში — სამხრეთ ოსეთი საბჭოთა რესპუბლიკად გამოცხადდა, ხოლო დეკემბერში სეპარატისტებმა სამხრეთ ოსეთი დამოუკიდებელ რესპუბლიკად გამოაცხადეს.

**საქართველოს სახელმწიფოებრივი დამოუკიდებლობის აღდგენის წინა ხანებში და აღდგენის შემდეგ სეპარატისტული მოძრაობა სულ უფრო ძლიერდებოდა.**

საქართველოს დამოუკიდებელ სახელმწიფოდ ჩამოყალიბების გზაზე უმნიშვნელოვანესი იყო საქართველოს რესპუბლიკის პრეზიდენტის 1991 წლის 9 სექტემბრის ბრძანებულება „საქართველოს რესპუბლიკის თავდაცვის სამინისტროს შექმნის შესახებ“, რომელსაც მოჰყვა საქართველოს რესპუბლიკის უზენაესი საბჭოს 1991 წლის 15 სექტემბრის დადგენილება „საქართველოს რესპუბლიკაში სსრ კავშირის შეიარაღებუ-

ლი ძალების სტატუსის შესახებ“, რომელიც ვკითხულობთ:

„ვინაიდან 1921 წ. თებერვალ-მარტში საქართველოს ოკუპაცია და ანექსია განხორციელდა წითელი არმიის — შეიარაღებული აგრესიის ძალის მეოხებით, რომელიც დღემდე იმყოფება საქართველოს რესპუბლიკის ტერიტორიაზე და ემორჩილება მხოლოდ სსრ კავშირის ხელმძღვანელობას, აგრეთვე იმის გათვალისწინებით, რომ საქართველოს რესპუბლიკის სახელმწიფო ხელისუფლების უზენაესმა ორგანომ ქართველი ხალხის, საქართველოს მოსახლეობის ერთსულოვანი ნების საფუძველზე 1991 წლის 9 აპრილს გამოაცხადა სახელმწიფოებრივი დამოუკიდებლობის აღდგენა, საქართველოს რესპუბლიკის უზენაესი საბჭო ადგენს:

1) საქართველოს რესპუბლიკის ტერიტორიაზე განლაგებული სსრ კავშირის შეიარაღებული ძალები გამოცხადდეს საოკუპაციო შეიარაღებულ ძალად.

2) საქართველოს რესპუბლიკის მთავრობამ დაიწყო მოლაპარაკება სსრ კავშირთან საქართველოს ტერიტორიიდან სსრ კავშირის შეიარაღებული ძალების გაყვანის თაობაზე.

3) საქართველოს რესპუბლიკის ტერიტორიიდან სსრ კავშირის შეიარაღებული ძალების სრულ გაყვანამდე სსრ კავშირის წინაშე დაისვას საკითხი აფხაზეთის ავტონომიური ოლქის ტერიტორიიდან საბჭოთა არმიის ნაწილების დაუყოვნებლივ გაყვანის შესახებ, რადგანაც მათი ყოფნა და მოქმედება ხელს უშლის მდგომარეობის სტაბილიზაციას ამ რეგიონში“.

ზემოთ აღნიშნულს მოჰყვა საქართველოს უზენაესი საბჭოს დადგენილება „საქართველოს რესპუბლიკის ტერიტორიაზე განლაგებული საკავშირო და საკავშირო-რესპუბლიკური დაქვემდებარების სანარმოების, დანესებულებებისა და ორგანიზაციების სტატუსის შესახებ“ (1991 წლის 15 სექტემბერი), „სსრ კავშირის სახელმწიფო საკუთრებაში საქართველოს წილის შესა-

ბებ“, „საქართველოს რესპუბლიკის საბა-  
ფოს შესახებ“, „საქართველოს რესპუბ-  
ლიკის საპაერო სივრცის შესახებ“ კანონე-  
ბი (1991 წლის 15 სექტემბერი) და სხვა.

ამავე დღეებში საქართველოს უზენაესმა  
საბჭომ მიიღო დადგენილებები: „ადამიანის  
უფლებათა დეკლარაციასთან საქართვე-  
ლოს რესპუბლიკის შეერთების შესახებ“,  
პელსინკის „ვეროპის უშიშროებისა და  
თანამშრომლობის თათბირის დასკვნით  
აქტთან“ და ვენის „ვეროპის უშიშროებისა  
და თანამშრომლობის თათბირის შემა-  
ჯამებელ დოკუმენტთან“ საქართველოს  
რესპუბლიკის შეერთების შესახებ (1991  
წლის 15 სექტემბერი).

აგონიაში მყოფი საბჭოთა იმპერია  
მტრულად შეხედა საქართველოს სახელმ-  
წიფოებრივი დამოუკიდებლობის აღდგენას.  
ცხადია, საქართველოს ხელისუფლებას  
გაუჭირდებოდა საბჭოთა კავშირის პოლიტი-  
კური ხელმძღვანელობის წინააღმდეგ ბრძო-  
ლა. ის ფაქტი, რომ საქართველოს  
საზღვრებს საბჭოთა კავშირის ჯარები  
იკავდნენ, ხოლო საქართველოს ტერიტო-  
რიაზე საბჭოთა კავშირის სამხედრო ბა-  
ზები იყო განლაგებული, მრავალი სირ-  
თულის წინაშე აყენებდა საქართველოს  
ახალ ხელისუფლებას. გარდა ამისა, მოს-  
კოვს შეეძლო საქართველოში საფინანსო-  
ეკონომიკური კრიზისის ხელოვნურად გამოწ-  
ვევა. საბჭოთა კავშირის პოლიტიკური  
ხელმძღვანელობა ჯერ კიდევ საქართვე-  
ლოს სახელმწიფოებრივი დამოუკიდე-  
ბლობის აღდგენამდე ქართული ეროვნული  
მოძრაობის წინააღმდეგ ეფექტურად  
იყენებდა აფხაზ და ოს სეპარატისტებს.

ურთულესი ვითარების მიუხედავად,  
საქართველოს უზენაესი საბჭო შეუდგა  
მუშაობას საბჭოთა კავშირის შემადგენლობა-  
ში იძულებით ყოფნის პერიოდში დანერგილი  
სახელმწიფო სისტემის შესაცვლელად. შეიქმ-  
ნა საქართველოს რესპუბლიკის ახალი  
კონსტიტუციის პროექტის მოსამზადებელი  
კომისია (1990 წ. 15 ნოემბერი), საქართვე-

ლოს რესპუბლიკის ტერიტორიაზე შეჩერ-  
და სავალდებულო სამხედრო სამსახურის  
შესახებ საბჭოთა კავშირის კანონის მო-  
ქმედა (1990 წლის 15 ნოემბერი). მიღებულ  
იქნა დადგენილება „შინაგან ჯარებში -  
ეროვნულ გვარდიაში განვევის დროებითი  
დებულების შესახებ“ (1991 წ. 29 იანვარი);  
კანონი „გარდამავალ პერიოდში ხელისუ-  
ფლების ადგილობრივი ორგანოების საკრებ-  
ულოს არჩევნების შესახებ“ (1991 წლის 29  
იანვარი); კანონი „რეფერენდუმის შესახებ“  
(1991 წლის 29 იანვარი) და სხვ.

ეროვნული ხელისუფლება ცდილობდა  
მშვიდობიანი, სამართლებრივი ფორმების  
გამოყენებით მოეგვარებინა მოსკოვის მიერ  
ინსპირირებული კონფლიქტები სამხრეთ  
ოსეთის ავტონომიურ ოლქსა და აფხაზეთის  
ავტონომიურ რესპუბლიკებში.

1990 წლის 22 ნოემბერს მიღებულ იქნა  
საქართველოს რესპუბლიკის უზენაესი საბ-  
ჭოს დადგენილება „სამხრეთ ოსეთის ავ-  
ტონომიური ოლქის სახელით სახალხო  
დეპუტატთა საბჭოს მიერ ოლქის სტატუ-  
სის შეცვლის თაობაზე მიღებულ გადაწ-  
ყვეტილებათა შესახებ“, რომელშიც, კერ-  
ძოდ, ნათქვამია:

„გაუქმდეს სამხრეთ ოსეთის ავტონომი-  
ური ოლქის სახალხო დეპუტატთა საბჭოს  
დადგენილება ავტონომიური ოლქის ე. წ.  
„სამხრეთ ოსეთის საბჭოთა დემოკრატიულ  
რესპუბლიკად“ გარდაქმნის შესახებ და,  
აქედან გამომდინარე, მის მიერ მიღებული  
ყველა გადაწყვეტილება, მათ შორის 1990  
წლის 2 დეკემბრისთვის არჩევნების დანიშ-  
ვნისა და ჩატარების შესახებ, რადგანაც  
ისინი ეწინააღმდეგებიან საქართველოს რე-  
სპუბლიკის მოქმედი კონსტიტუციის, აგრე-  
თვე სსრ კავშირის კონსტიტუციის დებულე-  
ბებსა და საქართველოს სსრ უზენაესი  
საბჭოს პრეზიდიუმის 1990 წლის 21 სექტემ-  
ბრის დადგენილებას.

საქართველოს რესპუბლიკის უზენაესი  
საბჭო მიმართავს სამხრეთ ოსეთის ავტონო-  
მიურ ოლქში მცხოვრებ ყველა მოქალაქეს,

განსაკუთრებით ოსი ეროვნების მოქალაქეებს, მონოდებით გამოიჩინონ კეთილგონიერება, პოლიტიკური წინდახედულება, სიფრთხილე და სწორად შეაფასონ სეპარატისტული ძალების სახიფათო მოქმედება, რომელსაც შეიძლება მოჰყვეს საერთო დესტაბილიზაცია და უაღრესად მძიმე, გაუთვალისწინებელი შედეგები.

რესპუბლიკის უზენაესი საბჭო აცხადებს, რომ იგი განუხრელად იბრძოდება საქართველოს რესპუბლიკის ტერიტორიული მთლიანობისა და სუვერენიტეტისათვის. ამასთან ერთად, იგი ადასტურებს თავის გადამწყვეტილებას, რომ კვლავაც დაიცავს საქართველოში მცხოვრები ყველა ეროვნული უმცირესობის უფლებებს საერთაშორისო საყოველთაოდ აღიარებული პრინციპების შესაბამისად.

ასეთი დადგენილების მიუხედავად, მოსკოვის მიერ ნაქვზებული ოსი სეპარატისტები აგრძელებდნენ საქართველოს რესპუბლიკის კონსტიტუციის სანინაალმდეგო მოქმედებას, რასაც მოჰყვა იძულებითი ნაბიჯი ქვეყნის ტერიტორიული მთლიანობის შენარჩუნების მიზნით, მიიღეს - საქართველოს რესპუბლიკის კანონი „სამხრეთ ოსეთის ავტონომიური ოლქის გაუქმების შესახებ“ და დადგენილება „ქ. ცხინვალისა და ჯავის რაიონის ტერიტორიაზე საგანგებო წესების გამოცხადების შესახებ“ (1990 წლის 11 დეკემბერი).

საბჭოთა კავშირის პოლიტიკური ხელმძღვანელობა ოსი სეპარატისტების ნახალისების გზას დაადგა. 1991 წლის იანვარში გამოვიდა საბჭოთა კავშირის პრეზიდენტის მიხეილ გორბაჩოვის ბრძანებულება სამხრეთ ოსეთის ავტონომიური ოლქის აღდგენის შესახებ. ოსი სეპარატისტების ანტიქართული ქმედებების შედეგად დაიძაბა ურთიერთობა სამარაბლოს ქართველ და ოს მოსახლეობას შორის. დაიწყო შეიარაღებული შეტაკებები.

მოსკოვის მიერ ყოფილი სამხრეთ ოსეთის ავტონომიური ოლქის ტერიტორიაზე

ინსპირირებული საომარი მოქმედების შეჩერების მიზნით ზვიად გამსახურდიამ მონოდებით მიმართა ოს მოსახლეობას, რომელშიც ნათქვამი იყო:

... ქართველები და ოსები, რომლებიც ხანგრძლივი დროის მანძილზე მშვიდობიანად და მეგობრულად ცხოვრობდნენ ამ მიწაზე, ახლა ურთიერთს ხოცავენ, ეომებიან გარეშე ძალის ნაქვზებით. ვინაიდან ეს ძმათამკვლელი ომი ვილაცის იმპერიული ამბიციების დასაყრდენია... სირცხვილი იქნება, თუ ჩვენს ერთობლივი ძალისხმევით არ აღდგება მშვიდობა და ძალისხმევა ჩვენს ხალხებს შორის. ამის უპირველესი და აუცილებელი პირობაა ყველა უკანონო შეიარაღებული ფორმირების მიერ იარაღის ჩაბარება შინაგან საქმეთა სამინისტროსთვის, მათი სრული და უსიტყვო განიარაღება, რაც საქართველოს მთელ ტერიტორიაზე მიმდინარეობს. ცხინვალის გამონაკლისი არ უნდა იყოს. შეიარაღებული ჯგუფები უნდა განიარაღდნენ. სამაგიეროდ ჩვენ სრული ხელშეუხებლობის გარანტიას ვაძლევთ მათ, ვინც ნებაყოფლობით ჩააბარებს იარაღს და ნორმალურ ცხოვრებას დაუბრუნდება... ოსები-ოსეთის შენარჩუნებული იქნება კულტურული ავტონომიის ყველა უფლება, რომელიც მათ ოლქის არსებობის პერიოდში ჰქონდათ. ის უფლებები კიდევაც გაიზრდება, გაფართოვდება და განმტკიცდება საქართველოს რესპუბლიკის კანონმდებლობით... ქართველები და ოსები თანაბარი უფლებებით ისარგებლებენ. გარანტირებული იქნება მათი ხელშეუხებლობა, შრომითი მონყობა და მშვიდი ცხოვრება შიდა ქართლის მთელ ტერიტორიაზე...”

მოსკოვის ნაქვზებით თანდათან იძაბებოდა სიტუაცია აფხაზეთში. ჯერ კიდევ საქართველოს სახელმწიფოებრივი დამოუკიდებლობის აღდგენამდე, 1990 წლის აგვისტოში, აფხაზეთის ავტონომიური რესპუბლიკის უზენაესმა საბჭომ მიიღო დეკლარაცია აფხაზეთის სახელმწიფოებრივი სუვერენიტეტის შესახებ. საქართველოს უზენაესმა საბჭომ

გააუქმა ეს უკანონო დეკლარაცია. საქართველოს უზენაესი საბჭოს 1991 წლის 25 თებერვლის დადგენილებაში „აფხაზეთის ასსრ უზენაესი საბჭოს არჩევნების შესახებ“ ვკითხულობთ:

„აფხაზეთის ასსრ უზენაესი საბჭოს არ გაუგრძელებია ვადა, არ მიუღია აფხაზეთის უზენაესი საბჭოს არჩევნების შესახებ კანონი და შესაბამისადაც არც აფხაზეთის უზენაესი საბჭოს არჩევნები დაუწინავეს.

ყოველივე ზემოთ აღნიშნულიდან გამომდინარე, საქართველოს რესპუბლიკის უზენაესი საბჭო ადგენს:

1) წინადადება მიეცეს აფხაზეთის ასსრ უზენაესი საბჭოს:

აფხაზეთის ასსრ უზენაესი საბჭოს არჩევნები ჩატარდეს არა უგვიანეს 1991 წლის 1 ოქტომბრისა;

აფხაზეთის ასსრ კონსტიტუციის 75-ე მუხლის შესაბამისად გააგრძელოს თავისი უფლებამოსილების ვადა ა. წ. 15 მარტამდე.

2) იქიდან გამომდინარე, რომ საქართველოს რესპუბლიკის კონსტიტუციის მიხედვით ავტონომიურ რესპუბლიკათა სახელმწიფო ორგანოების ვადა განასაზღვრულია ხუთი წლით, ხოლო აფხაზეთის ასსრ უზენაესი საბჭო ექვს წელზე მეტია მოქმედებს, ამ დადგენილების პირველი მუხლის შეუსრულებლობა გამოიწვევს აფხაზეთის ასსრ რესპუბლიკის უზენაესი საბჭოს ახლანდელი შემადგენლობის უფლებამოსილების შეწყვეტას“.

არსებული დაძაბული მდგომარეობის განმუხტავს ისახავდა მიზნად ზეიად გამსახურდიას 1991 წლის 12 მარტის „მიმართვა აფხაზი ხალხისადმი“, რომელშიც ვკითხულობთ:

„აფხაზთა და ქართველთა ძმობა უხსოვარი დროიდან იწყება... ჩვენ ერთ მიწა-წყალზე ვცხოვრობდით მუდამ და ურთიერთის ჭირ-ვარამს ვიზიარებდით... ჩვენ მრავალი იმპერიის შემოტევას გაეუძელით, ჩვენი ძმობა და მიგობრობა ვერ შეარყიეს ვერც რომაელებმა, ვერც ბიზანტიელებმა, ვერც არაბებმა, ვერც თურქებმა და ვერც სხვებმა.

მაგრამ, აი, XIX-XX საუკუნეში, ჩვენ დაგვიპირისპირდა იმპერიათა შორის უვერ-აგესი და უბოროტესი — რუსეთის იმპერია, რომელმაც არნახული უბედურება მოუტანა ჩვენს ხალხს... მიზნად დაისახა ჩვენი ხალხების სრული ასიმილაცია და მოსპობა. მან დაინახა, რომ ამას ვერ განახორციელებდა მხოლოდ რეპრესიებითა და გენოციდით, ამიტომ გამოიყენა ყველა იმპერიის ნაცადი ხერხი — გათიშე და იბატონე და ყოველგვარ ღონეს ხმარობდა აფხაზი და ქართველი ხალხების ურთიერთდასაპირისპირებლად... დღევანდელმა მოდერნიზებულმა კომუნისტურმა იმპერიამ, საუბედუროდ, მიაღწია ამას თავისი აგენტურის მეშვეობით, რაც, მისი გეგმით, დასაწყისი უნდა გახდეს კავკასიის ბალკანიზაციისა და ლიბანიზაციისა, რათა ცენტრმა შეინარჩუნოს თავისი პოზიციები და შეგემონა კავკასიაში.“

სამწუხაროდ, მოსკოვის მიერ წაქეზებული სეპარატისტული ძალები აფხაზეთში აგრძელებდნენ ანტიკონსტიტუციურ ქმედებებს. აი, რას წერდა 1991 წლის 29 მარტს ზეიად გამსახურდია ვლადისლავ არძინბას:

„საქართველოს რესპუბლიკის ტერიტორიაზე 1990 წლის 11 დეკემბრის კანონით საქართველოს რესპუბლიკის მთელ ტერიტორიაზე შეწყდა საბჭოების უფლებამოსილება, ხოლო 1991 წლის 29 იანვარს საერთოდ გაუქმდა ადგილობრივი საბჭოების სისტემა. საქართველოს რესპუბლიკისა და აფხაზეთის ასსრ უზენაესი საბჭო ვალდებული იყო საქართველოს რესპუბლიკის კონსტიტუციასთან შესაბამისობაში მოეყვანა აფხაზეთის ასსრ კონსტიტუცია, რაც შეუწყნარებლად ჭიანჭურდება და მრავალი უხეზულობის მიზეზად შეიძლება იქცეს...“

მიუხედავად მოსკოვის იმპერიული ძალების წინააღმდეგობისა, ქართული და აფხაზეთი მხარის ორმხრივი კონსულტაციის საფუძველზე მაინც მოხერხდა მდგომარეობის ნორმალიზება — მიღებულ იქნა საარჩევნო კანონი, რომელიც გარკვეული კვოტების პრინციპს ითვალისწინებდა. კერ-

ოდ, აფხაზეთის ავტონომიური რესპუბლიკის უმაღლეს საბჭოში იქნებოდა 65 დეპუტატი, მათ შორის — 28 აფხაზი ეროვნების, 26 — ქართველი და 11 — სხვა დანარჩენი ეროვნების დეპუტატი. მიღწეული შეთანხმების თანახმად, აფხაზეთის ავტონომიური რესპუბლიკის უმაღლესი საბჭოს თავმჯდომარე იქნებოდა აფხაზური დეპუტაციის წარმომადგენელი, მისი პირველი მოადგილე — ქართველი დეპუტაციის, მინისტრთა საბჭოს თავმჯდომარე — ქართველი, ხოლო მისი პირველი მოადგილე — აფხაზი. რაც მთავარია, აფხაზეთის ავტონომიური რესპუბლიკის მოქმედ კონსტიტუციაში შევიდა ცვლილება, რომლის თანახმადაც ყველა მნიშვნელოვანი გადაწყვეტილება (გარდა საპროცედუროსი) უნდა მიღებულიყო ხმების ორი მესამედით, რომლის მოსაგროვებლად (44 ხმა) აუცილებელი ხდებოდა ქართველ და აფხაზური მხარის დეპუტატთა ურთიერთკომპრომისი.

საქართველოს ახალი ხელისუფლებისთვის ერთ-ერთ ძირითად პრობლემად იქცა ურთიერთობა საბჭოთა კავშირის პოლიტიკურ ხელმძღვანელობასთან. მოსკოვი პრინციპულად არ ცნობდა საქართველოს დამოუკიდებლობას და ყველაფერს აკეთებდა საქართველოში ვითარების დაძაბვისათვის.

საქართველოში, ისევე როგორც ბალტიის რესპუბლიკებში, მიმდინარე პროცესი დიდ წინააღმდეგობას უქმნიდა ახალი სამოკავშირეო ხელშეკრულების დადებას. ახალი სამოკავშირეო ხელშეკრულების დადების ინიციატივა რუსეთის ფედერაციას და, კერძოდ, ბორის ელცინს ეკუთვნოდა. ბორის ელცინმა ნაშოაყენა წინადადება სამოკავშირეო ხელშეკრულების დადების მიზნით დანყებულიყო მოლაპარაკება ცალკეულ რესპუბლიკებთან ყოველგვარი წინასწარი პირობის გარეშე. რუსეთის ფედერაციის პოლიტიკური ხელმძღვანელობის აზრით, ახალი სამოკავშირეო ხელშეკრულებით საბჭოთა კავშირის ნაცვლად უნდა შექმნილიყო

სუვერენულ სახელმწიფოთა კავშირი, რომელიც ფედერაციის, კონფედერაციისა და თანამეგობრობის პრინციპებს დაემყარებოდა. 1990 წლის აგვისტოში ახალი სამოკავშირეო ხელშეკრულების პროექტები განხილვისათვის გადაიგზავნა საბჭოთა კავშირისა და მოკავშირე რესპუბლიკების უმაღლეს საბჭოებში. 1990 წლის დეკემბერში საბჭოთა კავშირის სახალხო დეპუტატთა საბჭოების IV ყრილობამ მიიღო დადგენილება, რომელშიც აღნიშნული იყო, რომ ახალი სამოკავშირეო ხელშეკრულება წარმოადგენდა ქვეყანაში მდგომარეობის სტაბილიზაციის უმნიშვნელოვანეს ფაქტორს. ყრილობამ მიზანშეწონილად ჩათვალა ხელშეკრულების შემდგომი დამუშავების მიზნით მოკავშირე რესპუბლიკების უმაღლესი თანამდებობის პირებისაგან შექმნილიყო სპეციალური კომიტეტი („მოსამზადებელი კომიტეტი“). ამასთან ერთად, ყრილობამ საბჭოთა კავშირის უმაღლეს საბჭოსა და საბჭოთა კავშირის პრეზიდენტს დაავალა უზრუნველყოთ ხელისუფლების ყველა საკავშირო ორგანოს ნორმალური ფუნქციონირება ახალი სამოკავშირეო ხელშეკრულების დადებამდე.

მრავალპარტიული არჩევნების (1990 წლის ოქტომბერი) შედეგად საქართველოში ხელისუფლების სათავეში მოსული ეროვნული ძალები აშკარად უარყოფითად იყვნენ განწყობილნი ახალი სამოკავშირეო ხელშეკრულებისადმი. ეს დადასტურდა მრავალპარტიული არჩევნების შემდეგ 1990 წლის ნოემბერში გამართული საქართველოს უზენაესი საბჭოს პირველი სესიის მიერ მიღებული დოკუმენტებით. ცხადია, საქართველოს უზენაესი საბჭოს ასეთ პოზიციას მოსკოვი მონონებით ვერ შეხვდებოდა. 1991 წლის 17 მარტს საბჭოთა კავშირის უმაღლესი საბჭოს მიერ მიღებული დადგენილების საფუძველზე ჩატარდა რეფერენდუმი საბჭოთა სოციალისტური რესპუბლიკების კავშირის შენარჩუნების მიზანშეწონილობის თაობაზე. აღნიშნული რეფერენდუმი საქართველოს ტერიტორიაზე არ ჩატარებულა.

ლა. საპირისპიროდ ამისა, 1991 წლის 31 მარტს საქართველოში ჩატარებული რეფერენდუმის შედეგების მიხედვით მოსახლეობის აბსოლუტურმა უმრავლესობამ მხარი დაუჭირა ქვეყნის დამოუკიდებლობას. რეფერენდუმის შედეგებზე დაყრდნობით, როგორც აღვნიშნეთ, 1991 წლის 9 აპრილს საქართველოს უზენაესმა საბჭომ მიიღო საქართველოს სახელმწიფოებრივი დამოუკიდებლობის აღდგენის აქტი. ყოველივე ეს ხდებოდა მაშინ, როდესაც მოსკოვში გამაღებული მუშაობა მიმდინარეობდა ახალი სამოკავშირეო ხელშეკრულების მოსამზადებლად. ცხადია, საქართველოს ეროვნული ხელისუფლების ასეთი ნაბიჯები ძალზე აღიზიანებდა მოსკოვს.

1991 წლის 23 აპრილს საბჭოთა კავშირის პრეზიდენტის მიხეილ გორბაჩოვის რეზიდენციაში, ნოვო ოჯარევოში, შედგა მიხეილ გორბაჩოვისა და ცხრა მოკავშირე რესპუბლიკის ხელმძღვანელთა შეხვედრა. საქართველო ამ შეხვედრაში არ მონაწილეობდა. ახალ სამოკავშირეო ხელშეკრულებას ფორსირებული ტემპით ამზადებდნენ. ხელშეკრულებაზე ხელმოწერა დანიშნული იყო 1991 წლის 20 აგვისტოსათვის.

1990 წლის ნოემბრიდან 1991 წლის აგვისტომდე განვილილ პერიოდში ცხადი შეიქმნა, რომ საქართველოს ეროვნული ხელისუფლება მოსკოვის ნებას არ დამორჩილებოდა. საქართველოს პრეზიდენტი ზვიად გამსახურდია სულ უფრო აშკარად უპირისპირდებოდა მიხეილ გორბაჩოვის პოლიტიკურ კურსს. დათმობას არც ერთი მხარე არ აპირებდა. მოსკოვი აშკარად უჭერდა მხარს აფხაზ და ოს სეპარატისტებს. განსაკუთრებით დაიძაბა პოლიტიკური სიტუაცია 1991 წლის აგვისტოს ბოლოს.

მოსკოვის აგრესიულ ქმედებებს, აშკარა თუ ფარულ ანტიქართულ პოლიტიკას, უნდა დამირისპირებოდა ქართველი ერის მტკიცე ერთობა. სამწუხაროდ, საქართველოში არსებული სხვადასხვა პოლიტიკური პარტიები და ეროვნული ძალები ვერ გაერთი-

ანდნენ. ხელისუფლების უმრავლესობაში მყოფ ბლოკს „მრგვალი მაგიდა — თავისუფალი საქართველო“ აშკარად დაუპირისპირდა ეროვნულ-დემოკრატიული პარტია, ეროვნული დამოუკიდებლობის პარტია და სხვა პარტიები და ორგანიზაციები, ასევე ორგანიზაცია „მხედრიონი“. ოპოზიციის ლიდერებს გიორგი ჭანტურიას, ირაკლი წერეთელსა და სხვებს თანადგომა გამოუცხადეს მხედრიონის ხელმძღვანელმა ჯაბა იოსელიანმა, გვარდიის სარდალმა თენგიზ კიტოვანმა და ყოფილმა პრემიერ-მინისტრმა თენგიზ სიგუამ. პარლამენტში ხელისუფლების აშკარა კრიტიკით გამოადიოდნენ სახალხო ფრონტის ლიდერი ნოდარ ნათაძე და სხვა დეპუტატები. თვით ხელისუფლების სათავეში მოსული ბლოკი „მრგვალი მაგიდა — თავისუფალი საქართველო“ გაითიშა. ზვიად გამსახურდიას ხელისუფლების პოლიტიკით უკმაყოფილებას გამოთქვამდა ბლოკ „მრგვალი მაგიდა — თავისუფალი საქართველოს“ ერთ-ერთი დამაარსებელი ვაჟა ადამია.

წინააღმდეგობა გარდაქმნების მომხრე და მონინალმდევე ძალებს შორის საბჭოთა კავშირის პოლიტიკურ ხელმძღვანელობაში საკმაო ხნის მანძილზე მნიფდებოდა. მიხეილ გორბაჩოვი აპირებდა ხელისუფლების უმაღლეს ემულონებში საკადრო ცვლილებების გატარებას. 1991 წლის 29 ივლისს ნოვო-ოჯარევოში საიდუმლო ვითარებაში ერთმანეთს შეხვდნენ მიხეილ გორბაჩოვი, ბორის ელცინი და ნურსულთან ნაზარბაევი. შეხვედრაზე განიხილეს იმ საკადრო ცვლილებების საკითხი, რომელიც საბჭოთა კავშირის პოლიტიკურ ხელმძღვანელობაში უნდა განეხორციელებინათ ახალი სამოკავშირეო ხელშეკრულების დადების (ე. ი. 20 აგვისტოს) შემდეგ. ამ შეხვედრის შემდეგ მიხეილ გორბაჩოვი მოსკოვიდან დასასვენებლად გაემგზავრა. 1991 წლის 19 აგვისტოს, ახალ სამოკავშირეო ხელშეკრულებაზე ხელმოსაწერად დანიშნულ დროზე ერთი დღით ადრე მოსკოვში დაიწყო პუტჩი. პუტჩისტებ-

მა ტელევიზიითა და მასობრივი ინფორმაციის სხვა საშუალებებით გაავრცელეს განცხადება, რომ ჯანმრთელობის მდგომარეობის გამო მიხეილ გორბაჩოვს აღარ შეუძლია საბჭოთა კავშირის პრეზიდენტის მოვალეობის შესრულება და ეს ფუნქცია დააკისრა ვიცე-პრეზიდენტ გენადი იანაევს. ამავე დროს გამოცხადდა, რომ ძალაუფლება გადავიდა საგანგებო მდგომარეობის სახელმწიფო კომიტეტის ხელში, რომელიც შევიდნენ პუტჩის ორგანიზატორები და მათი მომხრეები, ანუ ის ძალები, რომლებიც დამლუქველად მიიჩნევენ საბჭოთა კავშირში მიმდინარე გარდაქმნებს, ასევე რესპუბლიკებში მიმდინარე პოლიტიკურ პროცესებს. პუტჩისტების მოქმედებას დაუპირისპირდა რუსეთის ფედერაციის პრეზიდენტი ბორის ელცინი და, საერთოდ, რუსეთის პოლიტიკური ხელმძღვანელობა. მოსკოვში კრიტიკული სიტუაცია შეიქმნა. მართალია, მოსკოვის პუტჩი დამარცხდა, მაგრამ იმ დღეებმა (19-23 აგვისტო) საქართველოში ვითარება ძალზე დაძაბა. საქართველოს ხელისუფლება მძიმე მდგომარეობაში აღმოჩნდა. ძნელი იყო იმის პროგნოზირება, თუ როგორ განვითარდებოდა მოვლენები მოსკოვში.

პუტჩის დღეებსა და მომდევნო ხანებში ისეთ მოვლენებს ჰქონდა ადგილი, რომელთაც საფუძველი გამოაცალეს საბჭოთა კავშირის არსებობას. ჯერ კიდევ 1991 წლის 20 აგვისტოს ესტონეთის პარლამენტმა მიიღო რესპუბლიკის სახელმწიფოებრივი დამოუკიდებლობის დადგენილება, 21 აგვისტოს კი ლატვიის პარლამენტმა მიიღო კონსტიტუციური კანონი რესპუბლიკის სახელმწიფო სტატუსის შესახებ. 24 აგვისტოს უკრაინის უზენაესმა საბჭომ სახელმწიფოებრივი დამოუკიდებლობა გამოაცხადა. 25 აგვისტოს გამოცხადდა ბელორუსიის დამოუკიდებლობა. 1991 წლის აგვისტოს ბოლომდე დამოუკიდებლობა გამოაცხადეს მოლდოვამ, აზერბაიჯანმა, ყირგიზეთმა და უზბეკეთმა.

საქართველოში არსებული ვითარება კიდევ უფრო გაამწვავა საბჭოთა კავშირის დაშლის პროცესში (1991 წლის დეკემბერი) შექმნილმა არასტაბილურმა პოლიტიკურმა სიტუაციამ. პუტჩის დამარცხების შემდეგ შექმნილ ვითარებაში რუსეთის ფედერაციას ხელსაყრელი პირობები შეექმნა სახელმწიფოებრივი სუვერენიტეტის განმტკიცებისთვის. მთელი რიგი საკავშირო მნიშვნელობის უწყებები რუსეთის ფედერაციის იურისდიქციაში გადავიდა. მიხეილ გორბაჩოვი ვეღარ მართავდა სიტუაციას. მან ისლა მოახერხა, რომ საბჭოთა კავშირის V რიგგარეშე ყრილობის დადგენილებით 1991 წლის სექტემბრის დამდეგს შექმნა საბჭოთა კავშირის სახელმწიფო საბჭო, რომელსაც უნდა ემოქმედა ახალი სამოკავშირეო ხელშეკრულების დადებამდე და ახალი სახელმწიფო სისტემის ჩამოყალიბებამდე. სახელმწიფო საბჭოს ერთ-ერთ პირველ ნაბიჯს წარმოადგენდა 1991 წლის სექტემბერში საბჭოთა კავშირიდან გასვლის შესახებ ადრე მიღებული კანონის სანაწილმდეგოდ ლატვიის, ლიტვისა და ესტონეთის დამოუკიდებლობის ცნობა. საბჭოთა კავშირის სახელმწიფო საბჭოს მიერ საქართველოს სახელმწიფოებრივი დამოუკიდებლობის არცნობა მძიმე დარტყმა იყო ეროვნული ხელისუფლებისათვის.

მოსკოვში ახალი სამოკავშირეო ხელშეკრულების მზადება მრავალი წინააღმდეგობის მიუხედავად, მაინც მიმდინარეობდა. საქართველო ამ პროცესში არ მონაწილეობდა, ამიტომ პროცესის წარმატებით დასრულება საქართველოსთვის არახელსაყრელი რომ იქნებოდა, ცხადი იყო.

1991 წლის 1 ოქტომბერს აღმა-ატაში შედგა საბჭოთა კავშირში შემავალი 13 რესპუბლიკის ხელმძღვანელთა შეხვედრა. შეხვედრაზე განიხილეს საბჭოთა კავშირის ფარგლებში ეკონომიკური თანამეგობრობის შესახებ ხელშეკრულების პროექტი. ამ ხელშეკრულების პარაფირება მოხდა 4 ოქტომბერს. 18 ოქტომბერს ეკონომიკური თანამე-



გობროვის შესახებ ხელშეკრულებას ხელი მოაწერეს მიხეილ გორბაჩოვმა და 8 რესპუბლიკის ხელმძღვანელმა. ხელშეკრულებას ხელი არ მოაწერა საქართველომ, უკრაინამ, აზერბაიჯანმა და მოლდოვამ. 1991 წლის 5 ნოემბერს მიხეილ გორბაჩოვმა სახელმწიფო საბჭოს წევრებს დაუგზავნა სუვერენულ სახელმწიფოთა კავშირის შესახებ ხელშეკრულების პროექტი. უკრაინამ, რომელმაც მოახდინა ეკონომიკური თანამეგობრობის შესახებ ხელშეკრულების პარაფირება, უარი განაცხადა ხელი მოეწერა: სუვერენულ სახელმწიფოთა კავშირის შექმნის ხელშეკრულებაზე, სანამ უკრაინაში არ ჩატარდებოდა რეფერენდუმი სახელმწიფოებრივი დამოუკიდებლობის შესახებ. ეს რეფერენდუმი 1991 წლის 1 დეკემბრისთვის იყო დანიშნული. 1991 წლის 25 ნოემბერს ნოვოგარეჯოვში დანიშნული იყო სუვერენულ სახელმწიფოთა კავშირის შესახებ ხელშეკრულების პარაფირება. უკრაინის წარმომადგენლის გამოუცხადებლობის გამო ხელშეკრულების პარაფირება არ შედგა. 1 დეკემბერს უკრაინაში გამართულმა რეფერენდუმმა ცხადყო, რომ მოსახლეობის აბსოლუტური უმრავლესობა მხარს უჭერდა დამოუკიდებლობას. 2 დეკემბერს უკრაინის დამოუკიდებლობა ცნო რუსეთის ფედერაციის პრეზიდენტმა ბორის ელცინმა. ცხადი გახდა, რომ მიხეილ გორბაჩოვის კარიერა დასასრულს უახლოვდებოდა.

1991 წლის 8 დეკემბერს ბელორუსიაში, ბელოვეჟში, რუსეთის, უკრაინისა და ბელორუსიის პოლიტიკურმა ლიდერებმა ბორის ელცინმა, ლეონიდ კრავჩუკმა და სერგეი შუშკევიჩმა განაცხადეს: საბჭოთა სოციალისტური რესპუბლიკების კავშირმა, როგორც საერთაშორისო სამართლის სუბიექტმა და გეოპოლიტიკურმა რეალობამ, არსებობა შეწყვიტა. 1991 წლის 10 დეკემბერს დამოუკიდებელ სახელმწიფოთა თანამეგობრობის შექმნის შესახებ ხელშეკრულების რატიფიცირება მოახდინეს უკრაინამ და ბელორუსიამ. 11 დეკემბერს ამ

ხელშეკრულებას შეუერთდა სომხეთი და ყირგიზეთი, 12 დეკემბერს ხელშეკრულების რატიფიკაცია მოახდინა რუსეთის ფედერაციის უმაღლესმა საბჭომ.

1991 წლის 21 დეკემბერს ალმა-ატაში ბელოვეჟის შეთანხმების მხარდასაჭერად მიღებულ დეკლარაციას ხელი მოაწერა 11 დამოუკიდებელი სახელმწიფოს მეთაურმა. დეკლარაციაში აღნიშნული იყო, რომ დამოუკიდებელ სახელმწიფოთა თანამეგობრობის შექმნით არსებობა შეწყვიტა საბჭოთა სოციალისტური რესპუბლიკების კავშირმა.

დამოუკიდებელ სახელმწიფოთა თანამეგობრობის შექმნა საქართველოს გარეშე მოხდა. მოსკოვმა ვერ შეძლო საქართველოს ეროვნული ხელისუფლება კომპრომისზე დაეყოლიებინა. ცხადია, თანამეგობრობის შექმნის შემდეგ საბჭოთა კავშირის სამართალმემკვიდრე რუსეთი საქართველოს ეროვნული ხელისუფლების მიმართ კეთილგანწყობას არ გამოიჩენდა. ეს კი იმას ნიშნავდა, რომ დამოუკიდებელ სახელმწიფოთა თანამეგობრობის სიერცეში საქართველოს ხელისუფლება მხარდაჭერას ვერ მიიღებდა. საქართველოს ეროვნული ხელისუფლების ძალით დამხობა მოსკოვში 1991 წლის აგვისტოს პუტჩის შემდეგ დაიგეგმა.

1991 წლის 2 სექტემბერს თბილისში, რუსთაველის გამზირზე, სპეცნაილებმა დაარბიეს ოპოზიციის მიტინგი, რომელიც ქვეყნის გარედან იმართებოდა. ამ დღეს საქართველოში ჩამოვიდა ამერიკელ კონგრესმენტა დელეგაცია, რომლის მიზანი იყო ქვეყანაში არსებული მდგომარეობის შესწავლა. მზადდებოდა ჩვენი ქვეყნის ცნობა მრავალი უცხო სახელმწიფოს მიერ.

აღნიშნულ მოვლენასთან დაკავშირებით 1991 წლის 15 სექტემბერს საქართველოს რესპუბლიკის უზენაესმა საბჭომ მიიღო დადგენილება „1991 წლის 2 სექტემბერს ქ. თბილისში მიტინგის დროს მომხდარი ფაქტის შესახებ“, რომელშიც ვკითხულობთ:

ა. ნ. 2 სექტემბერს ქ. თბილისში, რუსთაველის გამზირზე, მოხდა შეტაკება მიტინგის მონაწილეებსა და მილიციის ნაწილს შორის, რომლის შედეგადაც დაშავდნენ როგორც მომიტინგეები, ასევე მილიციის მუშაკები.

ითვალისწინებს რა ადამიანის უფლებათა დაცვისა და დემოკრატიის აღიარებული პრინციპების მოთხოვნებს, საქართველოს რესპუბლიკის უზენაესი საბჭო ამ ფაქტს მიიჩნევს ქართველი ერის ინტერესების წინააღმდეგ ჩადენილ დანაშაულად და აქედან გამომდინარე ადგენს:

1) დაიგმოს ა. ნ. 2 სექტემბერს ქ. თბილისში, რუსთაველის მოედანზე მიტინგის დროს ძალის გამოყენების ფაქტი.

2) მიღებულ იქნეს ცნობად, რომ ამ ფაქტის გამო თბილისის პროკურატურამ აღძრა სისხლის სამართლის საქმე და ანარმობებს გამოძიებას.

3) მომხდარი ფაქტის გარემოებათა ყოველმხრივი შესწავლისა და სათანადო დასკვნების გამოტანის მიზნით შეიქმნას საქართველოს რესპუბლიკის უზენაესი საბჭოს კომისია ყველა რეგისტრირებული პარტიის, აგრეთვე საზოგადოების წარმომადგენელთა მონაწილეობით.

4) კომისიამ თავისი დასკვნები წარუდგინოს უზენაეს საბჭოს".

1991 წლის 24 სექტემბერს გამოვიდა საქართველოს რესპუბლიკის პრეზიდენტის ბრძანებულება „ქ. თბილისში 1991 წლის 25 სექტემბრიდან საგანგებო წესების გამოცხადების შესახებ“, რომელშიც ვკითხულობთ:

„მასთან დაკავშირებით, რომ საქართველოში მიმდინარეობს სამხედრო და სამოქალაქო პუტჩი, შექმნილია ხუნტა, რომელსაც აქვს ძალა, ქ. თბილისში გააქტიურდნენ დესტრუქციული ძალები, რაც გამოიხატა უსანქციო მიტინგების მოწყობასა და კანონიერი ხელისუფლების ძალადური დამხობისათვის მოწოდებაში, უკანონო შეიარაღებული ფორმირებების მიერ მასობრივი ინფორმაციის საშუალებათა ბლოკირებასა და

სახელმწიფო დაწესებულებების შენობების დაკავებაში, საბრძოლო იარაღის ხელში ჩაგდების მიზნით შინაგან საქმეთა ორგანოებზე თავდასხმასა და სატრანსპორტო საშუალებების გატაცებაში, საეჭრო და სასჯების ობიექტების ძარცვაში, მოქალაქეთა და მათი ავტომანქანების თვითნებურ დაკავებაში, ჩხრეკასა და ნივთების დათვალიერებაში:

1. გამოცხადდეს ქ. თბილისში საგანგებო წესები ა. ნ. 25 სექტემბრიდან;

2. დაინიშნოს ქ. თბილისის სამხედრო კომენდანტად პოლკოვნიკი ჯემალ ქუთათელაძე;

3. გამოცხადდეს საერთო მობილიზაცია საქართველოს მთელ ტერიტორიაზე;

4. დაევალოს ადგილობრივი მმართველობის ორგანოებს შექმნან სამობილიზაციო პუნქტები, ჩამოაყალიბონ სახალხო რაზმები;

5. დაევალოს საქართველოს რესპუბლიკის შინაგან საქმეთა სამინისტროს, გამოიყენოს კანონით მინიჭებული უფლებები ქ. თბილისში სახელმწიფო და საზოგადოებრივი ნესრიგის დამყარებისა და მოსახლეობის უსაფრთხოების უზრუნველსაყოფად“.

საქართველოს რესპუბლიკის პრეზიდენტი და მთავრობა ყველაფრს აკეთებდა, რათა უმსხვერპლოდ მოეგვარებინათ ქვეყანაში შექმნილი უაღრესად მძიმე მდგომარეობა.

ზეიად გამსახურდიას ოპოზიციამ გამოიყენა საგარეო გართულება — საქართველოს ხელისუფლების დაძაბული ურთიერთობა რუსეთთან. შეიარაღებული გამოსვლა დაიგეგმა 1991 წლის 22 დეკემბერს. ოპოზიციის ემინოდა, რომ საბჭოთა კავშირის დაშლასა და დამოუკიდებელ სახელმწიფოთა თანამეგობრობის შექმნას (1991 წლის 21 დეკემბერი) მოჰყვებოდა საბჭოთა კავშირში შემავალი რესპუბლიკების, შათ შორის საქართველოს, დამოუკიდებლობის ცნობა. ეს კი განამტკიცებდა ზეიად გამსახურდიას ოპოზიციებს. ოპოზიციას ამ მოვლენისთვის უნდა დაეცნო. 1991 წლის 22 დეკემბერს ოპოზიციურმა ძალებმა,

საქართველოში განლაგებული რუსეთის ჯარების მხარდაჭერითა და დახმარებით, დაიწყო შეტევა პარლამენტის შენობაზე. პუტჩს მხარს უჭერდნენ რუსეთის რეაქციული წრეები. 1992 წლის 6 იანვრამდე თბილისში, მთავრობის სახლის მიდამოებში, მიმდინარეობდა ბრძოლები ოპოზიციასა და პრეზიდენტ ზვიად გამსახურდიას მომხრეებს შორის. ამ ბრძოლებმა უამრავი ქართველის სიცოცხლე შეინირა. 6 იანვარს ზვიად გამსახურდიამ თავის მომხრეებთან ერთად თბილისი დატოვა.

1991 წლის დეკემბერსა და 1992 წლის იანვარში თბილისში სამხედრო ძალის გამოყენებით დაემხო კანონიერი ხელისუფლება. პრეზიდენტმა ზვიად გამსახურდიამ ჯერ სომხეთს, ხოლო შემდეგ ჩეჩნეთს შეაფარა თავი. ძალაუფლება ხელში აიღო სამხედრო საბჭომ (ჯაბა იოსელიანი, თენგიზ კიტოვანი, თენგიზ სიგუა).

სამხედრო გადატრიალებამ დასაბამი მისცა სამოქალაქო ომს ქვეყანაში.

სამხედრო საბჭოს მართველობის პერიოდში კრიზისი სულ უფრო მწვავედებოდა. დევნილ პრეზიდენტს ზვიად გამსახურდიას საქართველოში ბეერი მხარდამჭერი ჰყავდა, რომლებიც აგრძელებდნენ ბრძოლას. ქვეყანა აშკარად გაითიშა ორ ნაწილად — ძველი ხელისუფლების მომხრეებად და სამხედრო საბჭოს მხარდამჭერებად. პოლიტიკური კრიზისი თბილისში, რომელსაც ბოლო არ უჩანდა, ხელსაყრელ პირობებს უქმნიდა აფხაზ და ოს სეპარატისტებს. სულ უფრო აუტანელი ხდებოდა ქართველი მოსახლეობის მდგომარეობა აფხაზეთსა და შიდა ქართლში (ცხინვალის რეგიონში).

ქვეყნის კრიზისიდან გამოყვანის გზად ქართულმა ინტელიგენციამ მოსკოვიდან ედუარდ შევარდნაძის ჩამოყვანა დასახა. სამხედრო საბჭომ ანგარიში გაუწია მოსახლეობის გარკვეული ნაწილის, ძირითადად, ინტელიგენციის მოთხოვნას. 1992 წლის 7 მარტს ედუარდ შევარდნაძე საქართველოში დაბრუნდა. ედუარდ შევარდნაძის ჩამოსვლის

შემდეგ სამხედრო საბჭომ ძალაუფლება სახელმწიფო საბჭოს გადასცა. სახელმწიფო საბჭოში, განსხვავებით სამხედრო საბჭოსაგან, შევიდნენ პოლიტიკური პარტიების, ინტელიგენციისა და საზოგადოებრივი ორგანიზაციების წარმომადგენლები. მიუხედავად ამისა, სახელმწიფო საბჭო მაინც ხელისუფლების არალეგიტიმური ორგანო იყო, რაც ართულებდა მრავალი გადაუდებელი პრობლემის მოგვარებას, მათ შორის ქვეყნის ტერიტორიული მთლიანობის დაცვას. საქართველოს სახელმწიფო საბჭოს თავმჯდომარე ედუარდ შევარდნაძე გახდა. შექმნილ ვითარებაში აუცილებელი იყო უმაღლესი საკანონმდებლო ორგანოს — პარლამენტის — არჩევნების ჩატარება. 1992 წლის 11 ოქტომბერს გამართული არჩევნების შედეგად პარლამენტში აღმოჩნდა თითქმის ყველა ძალა, რომელმაც ედუარდ შევარდნაძესთან თანამშრომლობა განიზრახა. პარლამენტის თავმჯდომარეს ედუარდ შევარდნაძეს სახელმწიფოს მეთაურის ფუნქციები მიენიჭა.

კრიზისი საპარლამენტო არჩევნების შემდეგაც გაგრძელდა. დასავლეთ საქართველოში ტერიტორიის ერთ ნაწილს კონტროლს უწევდნენ დევნილი პრეზიდენტის ზვიად გამსახურდიას მომხრეები, აფხაზეთსა და შიდა ქართლში — სეპარატისტები. მთელი ამ უმძიმესი პერიოდის მანძილზე აფხაზეთის სეპარატისტული ხელისუფლება რუსეთის რეაქციული ძალების მხარდაჭერით ამზადებდა აფხაზეთის გამოყოფას საქართველოსაგან. დაიწყო ადამიანთა გაცაცება და თავდასხმები საქართველოში მომავალ სატერითო მატარებლების შემადგენლობებზე მათი გააძრვების მიზნით. სახელმწიფო საბჭოს გადაწყვეტილებით, 1992 წლის 14 აგვისტოს სატრანსპორტო მაგისტრალის დაცვის მიზნით აფხაზეთში შევიდა ქართული პოლიცია და ჯარი, რაც პოლიტიკური შეცდომა იყო. ხელისუფლებას წინასწარ უნდა განეჭვრიტა, რომ აფხაზეთი საქართველოს განუყოფელი ნაწილია და იქ ჯარების შეე-

ვანა ყოვლად გაუმართლებელი იყო. ანგარიში უნდა გაენიათ იმისათვისაც, რომ იმხანად ჩვენთან სახელმწიფო მხოლოდ ყალიბდებოდა, ხელისუფლების სტრუქტურები ფაქტობრივად ან არ არსებობდა, ან მხოლოდ შეუმნის პროცესში იმყოფებოდა, სუსტი და არაორგანიზებული ჯარი სათანადოდ არ იყო შეიარაღებული. პროვოკაციების შედეგად ჯარი ჩაბმული აღმოჩნდა საბრძოლო მოქმედებებში. არაორგანიზებული და უღისციპლინო ჯარი ხშირად თვითნებურადაც მოქმედებდა, რისი მაგალითიც იყო სოხუმის დაკავება. ასე დაიწყო ომი აფხაზეთისათვის.

ქართული მხარე არ ნყევტდა მოქმედებას აფხაზეთში მშვიდობის დამყარების მიზნით. ამის დამადასტურებელია 1992 წლის სექტემბერში მოსკოვში და 1993 წლის ივლისში სოჭში ხელმოწერილი შეთანხმებები, რომლებიც დარღვეულ იქნა აფხაზი სეპარატისტების მიერ. საომარი მოქმედებები აფხაზეთში განახლდა. ომში აფხაზი სეპარატისტების მხარეს იბრძოდნენ დაქირავებულები (კაზაკები, ჩრდ. კავკასიის კონფედერაციის მეომრები). მათ მხარს უჭერდა აფხაზეთის ტერიტორიაზე განლაგებული რუსეთის არმიის ნაწილები. გარეშე ძალების აქტიური დახმარებით სეპარატისტებმა აიღეს გაგრა (1992 წ. 2 ოქტომბერი), დიდი ბრძოლების შედეგად — სოხუმი (1993 წ. 27 სექტემბერი), ოჩამჩირე, გალი და 1993 წლის სექტემბრის ბოლოს ენგურზე გააღლეს საზღ-

ვარი. სეპარატისტებმა ტყვედ აიყვანეს და დახვრიტეს აფხაზეთის მინისტრთა საბჭოსა და თავდაცვის საბჭოს თავმჯდომარე ყოული შარტავა. მან საკუთარი სიცოცხლის ფასად ათასობით სოხუმელს აფხაზ სეპარატისტთა ტყვეობაში ჩაეარდნა და სიკვდილი ააცილა თავიდან. აფხაზეთიდან გამოიდევნა დაახლოებით 300 000 ქართველი და სხვა ეროვნების მოქალაქე. აფხაზეთში მარცხს ხელი შეუწყო საქართველოში შექმნილმა მძიმე პოლიტიკურმა სიტუაციამ. ვერ მოხერხდა მთელი ძალების მობილიზება ომისათვის. კერძოდ, 1993 წლის შემოდგომაზე შექმნილ კრიტიკულ ვითარებაშიც კი შეუძლებელი გახდა საერთო მტრის წინააღმდეგ საბრძოლველად ექსპრეზიდენტ ზვიად გამსახურდიას მომხრე სამხედრო ფორმირებებისა და სამთავრობო ჯარების გაერთიანება. უფრო მეტიც, ქვეყანაში ფაქტობრივად დაიწყო სამოქალაქო ომი, რომელიც ექსპრეზიდენტის მომხრეთა მარცხით დამთავრდა. ზვიად გამსახურდიას მომხრე შეიარაღებული ფორმირებების დამარცხებაში გადამწყვეტი როლი შეასრულეს საქართველოს ხელისუფლების მიერ მოწვეულმა რუსეთის სამხედრო შენაერთებმა. 1993 წლის 31 დეკემბერს, დღემდე დაუდგენელ ვითარებაში, დაიღუპა საქართველოს პირველი პრეზიდენტი ზვიად გამსახურდია. ეს იყო საქართველოს უახლესი ისტორიის დიდი ტრაგედია.

**1989 წელი**



## 8-9 აპრილი

8 აპრილს, დილით უნივერსიტეტში მივედი. სტუდენტები ისევ ისხდნენ კიბეებზე. დღის 12 საათი იყო, ვაკიდან ჩამოიარეს ტანკებმა. დათო ტურაშვილი და კიდევ ზოგიერთი სტუდენტი ტანკებს გაეკიდა. საღამოს 8 საათზე რექტორის, ნოდარ ამალლობელის\* კაბინეტში შევიკრიბეთ. რექტორი ტელევიზიაში იყო წასული. მის კაბინეტში ვიყავით: თემურ ხუროძე, ემილ კოპალიანი, მარლენ შენგელია, ელგუჯა ხინთიბიძე, რეზო ჩხოპაძე და ალექსიძის მოადგილე – რეზო შელვაია. რექტორი ორ საათში დაბრუნდა. მალე ტელევიზიით მისი გამოსვლა აჩვენეს. ცოტა ხნის შედეგ მოვიდა ვახტანგ გოგუაძე, რომელიც მოლაპარაკებას ანარმოებდა არაფორმალუბთან. არაფორმალუბს უარი განუცხადებიათ მოლაპარაკებაზე. ლამის პირველ საათზე სტუდენტები რუსთაველზე წავიდნენ. მე და მარლენმა გადაწყვიტეთ, გაეყოლოდით მათ. გული ცუდს მიგრძნობდა. მანქანა ზემელზე დაეაყენეთ და ფეხით წავედით. შესანიშნავი ამინდი იყო. რუსთაველზე ნამდვილი სახალხო სეირნობა გამართულიყო. შეგვხვდნენ დეკანი გია მარი და მისი მეუღლე, სტუდენტი ჭიჭილეიშვილი, ჩემი კლასელი ზევახ კვასხვაძე, ელდარ ნადირაძე, კინო „რუსთაველის“ წინ — ოლეგ მელაძე და ჩვენი სტუდენტი დუშეთიდან. აქ იყვნენ კინორეჟისორები გიორგი შენგელია და ირაკლი კვირიკაძე. ვნახე მიშა მინდაძე, რომელსაც მიეულოცე ქალაქის სახალხო განათლების სამმართველოს უფროსობა. კარგად ვერ ვხედავდი, მიტინგი მიყავდა ან გია ჭანტურიას, ან ირაკლი წერეთელს. განწყობილება იყო სადღესასწაულო. ეძებდნენ ოთარ რამიშვილს, რათა მას დაეკრა. ჩვენ ისე გავერთეთ, რომ კიდევ გადაგვაკინყდა რექტორის თხოვნა: სამ საათამდე დაბრუნდითო. რექტორს

აინტერესებდა, რა ხდებოდა რუსთაველზე. მისი თხოვნა გაგვახსენდა და უნივერსიტეტში დავბრუნდით. უნივერსიტეტში მოვედით 3 საათსა და 10 წუთზე. რექტორი კაბინეტში აღარ დაგვიხვდა, მარტო მორიგეები იყვნენ. მარლენმა შინ დაურეკა რექტორს და უთხრა, რომ რუსთაველზე სინყნარე იყო. მან გვითხრა, შინ წავსულიყავით, რადგან თვითონ ერთ საათში დაბრუნდებოდა. მე და მარლენი შინ წავედით.

9 აპრილს, დილით 6 საათზე და 30 წუთზე ტელეფონით დამიკავშირდა მარლენი და მითხრა: ემილმა დამირეკა, დემონსტრაცია დაარბიესო. მარლენი 10 წუთში მოვიდა. წავედით უნივერსიტეტში. ილია ჭავჭავაძის ძეგლთან დავინახეთ ჩქარი ნაბიჯებით მომავალი პროფესორი გურამ თევზაძე და პროფესორი ზურაბ კიკნაძე, მესამე ვინ იყო, არ მახსოვს. უნივერსიტეტში დამიხვდნენ რექტორი, ემილ კოპალიანი, ჩარიტა ჯაში, კომკავშირის მდივნის მოადგილე ვახტანგი (გვარი არ მახსოვს). მე და მარლენი ჩავედით ეზოში, სადაც ხალხი იკრიბებოდა. გამოგვყვა გურამ აროშიძე (პროფკავშირის თავმჯდომარე). ეზოში დაგვხვდა ნოდარ ნათაძე, რომელიც ხალხს მოუწოდებდა, დაშლილიყვნენ. დროდადრო ვილაცხა დაიძახებდა: ჯარი მოდისო და ყველა გარბოდა, ჩვენს გარდა, რადგან ჩვენ ჯერ კიდევ არ ვიცოდით, რა საშინელება მოხდა რუსთაველზე. დემონსტრაციის დარბევის თვითმხილველებს ლაპარაკის თავიც არ ჰქონდათ. ამ დროს გამოჩნდა დათო ტურაშვილი, რომელსაც ფეხი ჰქონდა ნატკენი, და ჩვენი სტუდენტი ლევან თითმურია, რომელიც ნაცემი ჩანდა. ორივეს ვთხოვე, რომ შინ წასულიყვნენ. დათო ავიდა კედელზე და დროშა ააფრიალა. მე და მარლენი თემურ ხუროძის მოსაყვანად წავედით, რადგან მისი ტელეფონი არ მუშაობდა. უკან რომ დავბრუნდით, უნივერსიტეტის ეზოში

\* ნოდარ ამალლობელმა ყველაფერი გააკეთა იმისათვის, რომ უნივერსიტეტში სისხლი არ დაღვრილიყო.

ბევრი ხალხი დაგვიხვდა. მათ ქუჩებში შავი ვოლგების დამტრევა დაიწყო. დილის 10 საათზე მოვიდა ირაკლი წერეთელი და მიტინგი ჩაატარა. იგი ცუდად გამოიყურებოდა. უნივერსიტეტის კარები ჩაკეტეთ, რადგან კვირა დღე იყო და ლექციები არ ტარდებოდა. უნივერსიტეტის შენობაზე გააკეთეს ნარჩენა, რომ ჯუშუბერ პატიაშვილი მკვლელია. რექტორის კაბინეტში ვიყავი, როდესაც დარეკა პატიაშვილმა და პითხა რექტორს, თუ როგორი იყო ხალხის განწყობა. ამ კითხვით რექტორი მე მომიტრიალდა, რადგან ეზოდან ახალი ამოსული ვიყავი. რექტორს ეუთხარი რომ, პატიაშვილს ყველა აგინებს და მკვლელად თვლის. რექტორმა პატიაშვილს უთხრა, რომ ხალხის განწყობილება ძალზე ცუდი იყო, მაგრამ არაფერი უთქვამს ნარჩენების შესახებ. თანდათან მოვიდნენ უნივერსიტეტის პროფესორ-მასწავლებლებიც. ველოდებოდით ინფორმაციას ტელევიზიით. მალე ტელევიზიით გადმოსცეს, რომ დაიღუპა 16 ადამიანი, მათ შორის 14 ქალი. ეს საშინელი შოკი იყო, გონზე ვერ მოვდობოდი.

მე და მარლენი ხშირად გავდიოდით ეზოში, სადაც მრავლად იყო ხალხი. ტანკები უკვე იდგნენ უნივერსიტეტის წინ. ახალგაზრდობა მანქანებით დაქროდა, ხელში შავი დროშები ეკავათ. ხალხი ტიროდა. მთელი დღე უნივერსიტეტში ვიყავი, შემდეგ შინ დავბრუნდი. შინ დაბრუნებიდან 10 წუთის შემდეგ ტელევიზიით გამოვიდა იგორ როდონოვი. ეს მოხდა ზუსტად 10 საათსა და 55 წუთზე. როდონოვმა განაცხადა, რომ 11 საათიდან დაწესდა კომენდანტის საათი.

## 10 აპრილი

10 აპრილი - ყველაზე მნიშვნელოვანი დღე უნივერსიტეტში. დაახლოებით დილის 10 საათზე ფეხით მივედი უნივერსიტეტში. მიტინგი უკვე მიმდინარეობდა. მომიტინგეთა წინააღმდეგ ჯარი ნამოვიდა. ესენი იყვნენ მკვლელები - ფარებით, ნიჩბებით, ხელკეტებით, მუზარადებით. ოფიცრებს ავ-

ტომატები ეჭირათ. მიტინგის მონაწილეობა ან ერთად შევევარდი უნივერსიტეტში, სადაც საშინელი მდგომარეობა დამხვდა. უამრავ ხალხს მოეყარა თავი, ბევრ მათგანს თავზე შავი თავსაფარი ჰქონდა წაკრული. მათ შორის ჩემთვის ბევრი იყო უცნობი. მათ ეტყობოდათ, რომ რკინის ხელკეტები ჰქონდათ. ეს იყო დაუმორჩილებელი, 9 აპრილის ამბებით განრისხებული ახალგაზრდობა. ისინი მზად იყვნენ, თავი დაედოთ საქართველოს განთავისუფლებისთვის. მათგან ბევრი რაიონებიდან იყო ჩამოსული. რექტორის კაბინეტისკენ გავიქეცი, მაგრამ ის საქართველოს კომუნისტური პარტიის ცენტრალური კომიტეტის ბიუროზე წასულიყო. ამ დროს უნივერსიტეტში შემოვიდა ირაკლი წერეთელი თავის ჯგუფთან ერთად. კორპუსში იყვნენ პარმენ მარგველაშვილი და აკაკი ბაქრაძე, რომლებიც მალე პრორექტორ ვახტანგ გოგუაძის კაბინეტში შევიდნენ. მათთან ერთად კაბინეტში შევიდნენ დათო ტურაშვილი, დავლაძე (ისტორიკოსი) და რამდენიმე კაცი. ავედი მეორე სართულზე. იქ იდგნენ ოთარ ჯაფარიძე, ნოდარ ნონიკაშვილი, კოტე ანთაძე. ქვემოდან ყვირილი გავიგონე. აღმოჩნდა, რომ გარეთ ჯარისკაცები ხელკეტების ცემით მოსდევდნენ სტუდენტთა ჯგუფს. პირველ სართულზე სტელაყები იდგა, რომლებიც სტუდენტებმა დაამტვრიეს და შეიარაღდნენ. მე და პრორექტორი მირიან შიხაშვილი კარებისკენ გავიქეცი და სტუდენტებს ვაკაევებდით. ამ დროს კორპუსში ჯარისკაცები შემოსულან. როდესაც მოვიხუდე, ისინი ჩემს უკან იდგნენ. ერთ მათგანს ანეული ჰქონდა ხელკეტი და აპირებდა ჩემთვის ჩაერთყა. მაგრამ, ეტყობა, როცა დაინახა, რომ სხვებს ვაკაევებდი, შეყოყმანდა. მე დავიყვირე, რომ იქ დარჩებოდნენ მხოლოდ უნივერსიტეტის ხელმძღვანელები (ვიგულისხმე მირიან შიხაშვილი). გამომიხტა ერთი ეკონომისტი და საქმის გარჩევა დამიწყო: სადა ჰყავს უნივერსიტეტის ხელმძღვანელებიო. მე ხელი ვკარი. ჯარისკაცები უკან გაბრუნდნენ.



ზემოთ უნდა აღმნიშნა, უნივერსიტეტის კორპუსში რომ ჯარისკაცები შემოიჭრნენ, მე შევეარდი ვახტანგ გოგუაძის კაბინეტში და აკაკი ბაქრაძეს ვთხოვე, ისეთი კაცი დამხმარებოდა, რომელიც უკეთ იცნობდა შეკრებილ ხალხს. გამოვიდა ზურაბ უვანია (ბიოლოგი), რომელიც ძალიან მოგვეხმარა. ჩემთან მოვიდა ვარლამ გოგუაძე (ლაბორანტი), მას ვთხოვე, ასულციო მეორე სართულზე და ისტორიკოსებისთვის ეთხოვა დახმარება. მართლაც ჩამოვიდნენ ნოდარ ნონიკაშვილი და როლანდ ჯანაშია. ისინი ძალიან დამეხმარნენ, სტუდენტობა მეორე სართულზე ავიყვანეთ და კარები ჩაკეტეთ. მე გავიქეცი რექტორის კაბინეტისკენ და რექტორის თანამშენეს, გულიკოს ვთხოვე, რომ ცენტრალურ კომიტეტში დაგვერეკა. ნუგზარ ფოფხაძის კაბინეტში დავრეკეთ. შემხვდა მდივანი, რომელმაც მითხრა, ფოფხაძე ბიუროზეაო. თავი ვეღარ შევიკავე და დავიწყე ყვირილი: რექტორი მაინც გამოუშვით, უნივერსიტეტში დიდი ქაოსია!

ამის შემდეგ მეორე სართულზე ავიდი და დავიწყეთ სტუდენტებისა და ხალხის შეყვანა აუდიტორიებში. მოვიდნენ ემილი და თემურ ხუროძე. ხუროძე რექტორის კაბინეტში შევიდა. ხალხი აღზნებული იყო. დავიწყეთ მათი აუდიტორიებში შეყვანა, ვითომ ლექციები ტარდებოდა. არ გვინდოდა ჯარისთვის უნივერსიტეტში შემოჭრის საბაზი მიგვეცა. ამის შემდეგ ქვემოთ ჩამოვედით და გარეთ გავიხედეთ. გამოჩნდა კიდევ ერთი ტანკი, მოვიდნენ ჯარისკაცებიც, რომლებმაც გადაკეტეს ქუჩა ლეჩკომბინატთან და ჰაერში სროლა დაიწყეს. ამჟვე დროს დაერივნენ ხალხს. ხალხი ვაკის მიმართულებით გაიქცა. ჩვენ უნივერსიტეტის პირველი კორპუსის უკანა კარიდან გვექონდა გასასვლელი. ხალხის ნაწილმა ამ გასასვლელით ისარგებლა, მაგრამ ისიც დაგვიკეტეს. უნივერსიტეტის პირველი კორპუსის მეორე და მესამე სართულებიდან ხალხი ჯარისკაცებს რაღაც საგნებს ესროდა. მათ

ისევ დაიწყეს ჰაერში სროლა და რუპორით მოითხოვეს, თუ ფანჯრებს არ დაეკეტავდით, სროლას დაიწყებდნენ. მალე ავეარდით, ყველა აუდიტორიაში შევედიოდით და ვთხოვდით, ფანჯრები დაეკეტათ. დაგვიჯერეს და ფანჯრები დახურეს; ჩამოვედით ქვემოთ. მივხვდი, რომ ალყაში აღმოვჩნდით. მოიყვანეს დამატებითი ჯარის ნაწილები, აშკარად იერიშისათვის ემზადებოდნენ. მე, მირიანი, ნოდარ ნონიკაშვილი, გია ბაბუნაშვილი, ლევან ალექსიძე და მისი შვილი გოგი ალექსიძე ქვემოთ ჩამოვედით, მეორე გასასვლელიდან, მაგრამ ჯარისკაცები არავის ატარებდნენ. ლევან ალექსიძე თემურ ხუროძესთან ავიდა, რომელმაც ბეგლარ მახარაშვილს დაურეკა და სთხოვა, ხალხი უნივერსიტეტიდან გაეშვათ. ბეგლარ მახარაშვილმა უთხრა, რომ სამხედროებთან დასაკავშირებლად დრო დასჭირდებოდა. ცოტა ხნის შემდეგ მურმან ომანიძე მოვიდა (საათობრივზე იყო მონვეული იურიდიულ ფაკულტეტზე). მან თქვა, რომ კაპიტანს ელაპარაკა და ორი გოგონა გააშვებინა. ომანიძემ გვიჩიო, სამხედროებს მოველაპარაკოთ. ყველა სამხედროებთან მივედით. კაპიტანმა გვითხრა, რომ თანახმაა მხოლოდ ქალების გაშვებაზე, მაგრამ პასუხს ჩვენ ვაგვბდით. გაგვაფრთხილეს, ვინმეს რომ რაიმე მოემოქმედებინა, მაშინვე გვესროდნენ. სამხედროებმა გახსნეს კორიდორი ნაფარეულის ქუჩისკენ. საშინელი სანახაობა იყო. ახლომახლო კაციშვილი არ ჭაჭანებდა. ისეთი შთაბეჭდილება შემექმნა, რომ კინოდარბაზში ვიყავი და ფაშისტებს უუყურებდნენ. ვიგრძენი, ნამდვილი ოკუპანტების წინაშე ვიდექი. ხალხი გავაფრთხილეთ, რომ ჯარისკაცები მხოლოდ ქალებს გაატარებდნენ. ორ-ორ ქალს ვაცილებდით ავტომატიანი ჯარისკაცების კორიდორში. უნდა აღვნიშნო, რომ ქალებმა ძალზე ვაჟაკურად გაიარეს; ამისთვის ორი საათი დაგვჭირდა; მერე მამაკაცების გაყვანაც ვთხოვეთ, რაც, ცხადია, ძალზე საშიში იყო. მამაკაცებს განუცხა-

დეთ, ვისაც თავისი იმედი არ ჰქონდა, ჯობდა არ გამოსულიყო უნივერსიტეტიდან. პირველ კორპუსში აკაკი ბაქრაძე და ვახტანგ გოგუაძეც ურჩევდნენ მამაკაცებს, რომ მშვიდობიანად დაშლილიყვნენ. ისინიც ორ-ორი გაგვყავდა, თან ვთხოვდით, ხმა არ ამოელოთ, წინააღმდეგ შემთხვევაში გვესროდნენ.

მანამდე ლევან თითმურიაშვილი (სტუდენტი, ისტორიკოსი) დათო ტურაშვილის დედის გაყვანა მთხოვა ერთ ქალთან ერთად. დათოს დედა ტიროდა, რადგან შვილს შენობაში ტოვებდა. მე ვამშვიდებდი, ვარწმუნებდი, რომ სანამ ცოცხალი ვიყავი, ბავშვებს არ მივატოვებდი და არც დათოს დავტოვებდი მარტო; მერე ცრემლები მომერია, შეილები გამახსენდა. დათო ტურაშვილის დედა ნაფარეულის ქუჩამდე მივაცილე და უკან დავბრუნდი.

ვაყვების გაყვანა დავასრულეთ. გავისტუმრე დათოც. ირაკლი წერეთელი, ირაკლი მელაშვილი და რამდენიმე კაცი მეორე გასასვლელიდან გავიდნენ, რადგან დაჭერის ემინოდით. მართლაც, ნახევარ საათში მოვიდა მილიცია, აშკარად მათ ეძებდნენ. ხალხის გაყვანა რომ დავასრულეთ, უკან ამოვედით რექტორთან. იქ იყვნენ ოთარ ჯაფარიძე, გურამ ლორთქიფანიძე, მარიკა ლორთქიფანიძე, გურამ თევზაძე, ზურაბ კიკნაძე, პარმენ მარგველაშვილი, კარლო მუშველიანი, ზურაბ ფვანია (ბიოლოგი), ზურაბ ფვანია (უცხოეთის განყოფილება), თეიმურაზ კოპალეიშვილი, თამაზ გამყრელიძე, ოთარ გამყრელიძე, ზურაბ ფორაქიშვილი და კიდევ უნივერსიტეტის სამეცნიერო საბჭოს რამდენიმე წევრი, რომლებიც ადგენდნენ უნივერსიტეტის პროფესორ-მასწავლებლების მიმართვის ტექსტს.

მე და ემილი პირველსა და მეორე კორპუსს შორის გამოვედით და კომენდანტებად დავდექით, რათა უნივერსიტეტში ზედმეტი ხალხი არ შემოსულიყო და ამავე დროს მშობლებისთვის პასუხი გაგვეცა - ქალაქში

ხმა გავრცელდა, უნივერსიტეტში ხალხი დახოცესო. ამბის გასაგებად მოდიოდა უამრავი ადამიანი, ყველას ვუხსნიდით, რომ არავინ არ მოუკლავთ. უნივერსიტეტთან კვლავ იდგა ტანკი, ოღონდ ის ჩაფხუტიანი მხეცეები აღარ იყვნენ.

ხალხი შეგროვდა. გოგონები და ბიჭები ტანკის წინ ჩამოსხდნენ. მათ დილით მომხდარი ამბების შესახებ არაფერი იცოდნენ. გულმა არ მომითმინა, ჩავედი და ვთხოვე, შინ წასულიყვნენ. არ დამიჯერეს. მეორე კორპუსისკენ მიმავალმა გავიგონე ყვირილი. თურმე ვილაცა ტანკზე მდგომი ჯარისკაცებისთვის ბოთლი უსვრია და ისინიც ხალხს გამოეკიდნენ. კიდევ კარგი, უბედურება არ მოხდა.

სალამოს რექტორის კაბინეტში მოვიყარეთ თავი. მალე მიმართვეც შეადგინეს. მე, ემილმა და ჩარიტა ჯაშმაც მოვანერეთ ხელი. რექტორმა ფოფხაძესთან დარეკა და შეატყობინა, რომ ცენტრალურ კომიტეტში აგზავნიდა გურამ თევზაძესა და ზურაბ კიკნაძეს (მესამე არ მახსოვს). ერთი საათის შემდეგ ფოფხაძემ დარეკა და გვითხრა: უკვე მოქმედებს სამხედრო ცენზურა, მიმართვიდან ერთი პუნქტის ამოღება იყო საჭირო, წინააღმდეგ შემთხვევაში მიმართვა არ დაიბეჭდებოდა. ეს იყო პუნქტი მთავრობის გადადგომის შესახებ. ამაზე ყველამ უარი განაცხადა. მალე ცენტრალურ კომიტეტში გაგზავნილი სამი კაციც მოვიდა. მათ გვაცნობეს, რომ ფოფხაძეს ძალიან უჭირდა მიმართვის დაბეჭდვა. ყველანი ნავიდნენ. დავრჩით მე, ემილი, მარლენი და თემურ ხუროძე. ღამის 11 საათისთვის ჩვენც შინ წავედით.

## 14 აპრილი

14 აპრილი გლოვის დღედ გამოცხადდა. დილით რექტორთან ვიყავით მე, მარლენი, ემილი, ხუროძე. ამ დროს შემოვიდა რუსი

მაიორი, რომელსაც ორი ჯარისკაცი შემო-  
ჰყვა. ერთი იმოდენა იყო, რომ წელამდე  
ვწვდებოდი. ჯარისკაცს წელზე დიდი დანა  
ეკიდა. მაიორმა თქვა, რომ შავი დროშა,  
რომელიც უნივერსიტეტის პირველი კორპუსის  
მეორე სართულზე იყო გამოკიდებული,  
უნდა ჩამოგვეხსნა. რექტორმა აუხსნა, რომ  
სამგლოვიარო დღე ოფიციალურად იყო  
გამოცხადებული. მაიორმა რექტორს ურჩია,  
ნითელ დროშაზე გაგვეკეთებინა შავი არშია.  
რექტორმა მაიორს უპასუხა, რომ დროშას-  
თან დაკავშირებით ცენტრალურ კომიტეტ-  
ში დარეკავდა. მაიორს გაეცინა და უთხრა:  
*„Сперва снимите, а потом позвоните“*.

ნერვიულობისაგან კინალამ გავგიჟდი,  
არ ვიცოდი, რა მექნა. ეგრძნობდი, რომ  
უძლური ვიყავი, და ეს მაშინ, როცა ჩემს  
ცხოვრებაში არავისთვის არაფერი შემირჩე-  
ნია. მაიორი გავიდა, ცოტა ხანში შემოვიდა  
ლეიტენანტი და გვითხრა, რომ მაიორი  
დროშის ჩამოსახსნელად მხოლოდ ხუთ  
წუთს გვაძლევდა. რა გვექნა, ყველა მეორე  
სართულზე ავედით. არ გვინდოდა, რომ  
უნივერსიტეტში ჯარი შემოსულიყო. ამას  
ძალზე ცუდი შედეგები მოჰყვებოდა. შე-  
მოგვიერთდა ნოდარ ბლიაძე. კომკავშირის  
კომიტეტის კაბინეტი დაკეტილი დაგვხვდა.  
რექტორმა თქვა, მდივანი მოიყვანეთო.  
ულტიმატუმის დროიდან უკვე ორი წუთი  
იყო გასული. იძულებული გავხდი ფეხის  
დარტყმით შემენგრა კარი. მეხუთე წუთზე  
ჩამოვხსენით დროშა. ტირილი ამივარდა.  
ვერ წარმოვიდგენდი, რომ ოდესმე ასეთ  
საცოლად მდგომარეობაში აღმოვჩნდებო-  
დი.

## 27 აპრილი

შეიკრიბა ისტორიის ფაკულტეტის  
სამეცნიერო საბჭო. მე მოვითხოვე, მოგ-  
ვენვია ფაკულტეტის კრება და შეგვეფასე-  
ბინა 9 აპრილის მოვლენები. კრება გაიმარ-

თა 27 აპრილს. გამოვედი სიტყვით. აფხ-  
აზეთიდან ჩამოვიდნენ პროფესორ-მასწავ-  
ლებლები, რომელთაც გვთხოვეს, მხარი  
დაგვეჭირა სოხუმში თბილისის უნივერსიტე-  
ტის ფილიალის შექმნისთვის. კრებამ იმსჯე-  
ლა ამ საკითხზე და მხარი დაუჭირა აფხ-  
აზეთში უნივერსიტეტის ფილიალის დაარსე-  
ბას. კრებამ ოთხ საათს გასტანა. კარგად  
გამოვიდნენ სტუდენტები – დავლაძე, კვი-  
ტაიშვილი და სხვ. რალაც გამოცოცხლება  
იგრძნობოდა. ბოლოს თამაზ გამყრელიძე  
მოვიდა. მან გვთხოვა, რომ მხარი დაგვეჭირა  
თბილისის უნივერსიტეტისათვის ივანე  
ჯავახიშვილის სახელის მინიჭებისთვის. ამ  
წინადადებას ყველა დაეთანხმა.

## 13 მაისი

ოსუ-ში სახალხო ფრონტის დაარსება.

დღეს შემხვდა ბეჟან ჯავახია. მან მითხრა:  
საინიციატივო ჯგუფის წევრების ერთ ნაწი-  
ლს ფაქტობრივად უნდა, უნივერსიტეტი  
გამოეყოს სახალხო ფრონტსო. არსებობს  
მეორე პროექტი, რომელიც უფრო მისაღე-  
ბია. მეორე პროექტის მომხრენი დამარცხდ-  
ნენ, რადგან აქტიურობდნენ ფიზიკოსები. მე  
და ბეჟანი მარიკა ლორთქიფანიძესთან შევე-  
დით, გადავწყვიტეთ, მეორე პროექტის მო-  
მხრეებს დავხმარებოდით. წინა რიგებში  
ერთად დავსხედით ოთარ ჯაფარიძე, ეთერ  
ავსაჯანიშვილი, მარიკა ლორთქიფანიძე,  
ფილოლოგი გომაძე და მე. სხდომის თავმჯ-  
დომარედ ზურაბ კიკნაძე აირჩიეს.

გამოვიდა ერთი ფიზიკოსი და პირველი  
პროექტი ნაგვიკითხა, სადაც უნივერსიტე-  
ტის სახალხო ფრონტს ეწოდა ეროვნული  
სახალხო ფრონტი. გამოვიდა ნიქაბაძე, მან  
მეორე პროექტი წაიკითხა, რომელიც აღი-  
არებდა, რომ უნივერსიტეტის სახალხო  
ფრონტი საქართველოს სახალხო ფრონტის  
შემადგენელი ნაწილი იყო და რომ თბილი-  
სის სახელმწიფო უნივერსიტეტის სახალხო

ფრონტის სათათბიროში უნდა შესულიყვნენ ფაკულტეტის წარმომადგენლები. ეს პროექტი დამსწრეთა ძირითად ნაწილს მოეწონა. შემდეგ კრებაზე გამოვიდნენ - ლევან სანიკიძე, ბეჟან ჯავახია, გოგი ლაპიაშვილი (ფიზიკოსი), ზურაბ ჟვანია (ბიოლოგი). თავმჯდომარე ცდილობდა, გასულიყო პირველი პროექტი. მოვიდა ნოდარ ნათაძე, რომელმაც ფაქტობრივად პრესკონფერენცია გამართა. მე გაუფრთხილვარე თავმჯდომარეს შეკითხვა იმის შესახებ, თუ რამდენი სახალხო ფრონტი იყო შექმნილი ფიზიკის ფაკულტეტზე. მან იმ დროს მიპასუხა, როდესაც ხალხი ყვიროდა. ამის გამო ხალხმა ვერ გაიგო, რომ შექმნილი იყო სამი სახალხო ფრონტი. თავმჯდომარემ ნიკიტხა პირველი პროექტი, რომლის მიხედვითაც თბილისის უნივერსიტეტის სახალხო ფრონტის სათათბირო უნდა შემდგარიყო პირველადი ჯგუფების წარმომადგენლებისაგან. მაშინ მე გამოვედი კრებაზე და ვთქვი, რომ ამ პროექტის მიხედვით ფიზიკის ფაკულტეტიდან სამი წარმომადგენელი იქნებოდა, ხოლო სხვა ფაკულტეტებიდან - ერთი. ამიტომ მოვითხოვეთ, რომ ყველა ფაკულტეტს სათათბიროში ერთი წარმომადგენელი უყოლოდა. საბოლოოდ მეორე პროექტი გავიცდა.

## 19 მაისი

დღეს 9 აპრილს დაღუპულების ორმოცი გადაიხადეს, რომელზეც უამრავი ხალხი მოვიდა. ნირვა მთლიანად აჩვენეს ტელევიზიით. წინა დღეს, 18 მაისს, ღამის 12 საათზე საპატიმროდან გამოუშვეს ზვიად გამსახურდია, მერაბ კოსტავა, ვია ჭანტურია, ირაკლი წერეთელი. ახალგაზრდობა ამ ამბავს დიდი სიხარულით შეეგება.

## 21 მაისი

უნივერსიტეტში გაიმართა დიდი მიტინგი. ხალხი 10 საათისთვის შეიკრიბა. მე დაგვიანებით მივედი, როდესაც განიხილავდნენ საკითხს ხუდონჰესის მშენებლობის შესახებ. საბოლოოდ სიტყვით გამოვიდა მერაბ კოსტავა, რომელსაც წვერი ჰქონდა მოშვებული. მიტინგი ლოცვით დამთავრდა. ხალხმა დაიჩოქა. მერაბ კოსტავამ აღნიშნა, რომ ყველაფერში საბჭოთა ხელისუფლება იყო დამნაშავე.

მიტინგის დროს მოვიდნენ ჩემი სტუდენტები - მესხეთე ურსელები. მათ მომიტანეს პლაკატი, რომელზეც ეწერა: მხარი დაუჭიროთ მერაბ ვაჩნაძის წინადადებასო. საქმე ის იყო, რომ მე განათლების სამინისტროს წინადადების წინააღმდეგ წავედი და ჩემი ინიციატივით მოეხსენი სახელმწიფო გამოცდა სკკპ ისტორიაში. სწორედ ამიტომ გამოხატეს თანადგომა სტუდენტებმა. ბედნიერი ვიყავი.

დღეს გამოქვეყნდა ჯონი ხეცურაიანის დასკვნა, სადაც აღნიშნული იყო: საქართველოს უმაღლესი საბჭოს პრეზიდიუმს უფლება არ ჰქონდა გამოეცხადებინა კომუნდატის საათი. უკანონო ქმედება იყო ისიც, რომ ხალხი წინასწარ არ გააფრთხილეს.

## 25 მაისი

15 საათზე 93-ე აუდიტორიაში შეიკრიბებთ ვახტანგ გოგუაძე, მარიკა ლორთქიფანიძე, ოთარ ჯაფარიძე, სოლიკო ხუციშვილი, ზურაბ კიკნაძე, ზურაბ ჭუმბურიძე, ემილ კოპალიანი, მე, სტუდენტები (გიორგი მაისურაძე, მანჯავიძე), ფიზიკოსი გოგი ლაპიაშვილი, ბეჟან ჯავახია, დათო დარჩიაშვილი. განვიხილავდით ერთ საკითხს - საქართველოს ეროვნული დროშა ალგემაზ-

თა უნივერსიტეტის თავზე. ყველა დაეთანხმა.

## 26 მაისი

დღის 11 საათზე უნივერსიტეტში მიტინგი დაიწყო. მე გვიან მივედი, რადგან ვაკეში გზა გადაკეტილი იყო. ამდენი ხალხი ჯერ არ მენახა. თითქმის ყველას დროშები ეჭირა. დაიწყო სვლა ვაკის პარკისკენ. შემხვედა ელდარ ნადირაძე და უნივერსიტეტში ავედით, რათა მიმეცა პროგრამა. მე და ელდარი ჩამოვედით ეზოში, სადაც პაატა ფირანაშვილი შეგვხვდა. ნავედით ვაკის პარკში. გზაში ელდარი დაგვეკარგა. მივედით მიტინგზე. სიტყვით გამოდიოდა მერაბ კოსტავა. შემდეგ გამოვიდა კულტურის მინისტრი ვალერი ასათიანი. ირაკლი წერეთელმა ნაიკოთხა პარტიის დეკლარაცია, მიმართული გაეროსადმი, ჯორჯ ბუშისა და მარგარეტ ტეტჩერისადმი. სიტყვით გამოვიდა ირაკლი შენგელაიაც. მან აღნიშნა, რომ შეიქმნა ეროვნული ხსნის კომიტეტი, რომელშიც შევიდნენ წმინდა ილია მართლის საზოგადოება, ეროვნულ-დემოკრატიული პარტია, ეროვნული დამოუკიდებლობის პარტია, სამართლიანობის კავშირი და პელსინკის ჯგუფი. სიტყვით გამოვიდა გია ჭანტურია, რომელმაც თქვა, რომ საქართველოს ეროვნულ-განმათავისუფლებელი მოძრაობა მიდის სწორი გზით, რომ მათ არაფერი შეუცვლიათ და რომ ჩვენ გავხდით სამაგალითონი სხვებისთვის, თვით ბალტიისპირელებისთვისაც კი; გამოვიდნენ წარმომადგენლები სომხეთიდან, ლიტივიდან და რუსეთიდან. შემდეგ მიტინგი უნდა გამართულიყო რიყზე. გამომრჩა დათო ტურაშვილის გამოსვლა, რომელიც ყველაზე მეტად მომეწონა. მან თქვა: ჩვენ არ უნდა ავიღოთ ამერიკელების მაგალითი, რადგან მათთვის უცხოა ეროვნული საკითხი. ჩვენ უნდა მოვახდინოთ კონსოლიდაცია. შეცდომა იყო ის, რომ გუშინ უნი-

ვერსიტეტში ცენტალური კომიტეტის წევრს სიტყვა არ მივეცი და გავეგდეთო. საღამოს შევიკრიბეთ გია ბერულავას სახლში და აღვნიშნეთ დღევანდელი დღე.

## 29 მაისი

დღეს ჩაინერეს ჩემი ინტერვიუ რადიოსთვის, საბჭოთა კავშირის საბჭოების ყრილობის მსვლელობის შესახებ. მე აღვნიშნე, რომ ბევრს არაფერს ველოდი ამ ყრილობისგან, რადგან იქ შეკრებილია 1200-1300 დეპუტატი –გარდაქმნების აშკარა მონიშნაღმდეგე. რას უნდა ელოდე, როდესაც სიტყვის თქმის უფლებას არ აძლევენ აკადანდრეი სახაროვს და უმაღლეს საბჭოში არ აირჩიეს ბორის ელცინი. ამავე დროს აღვნიშნე, რომ მალე თვით მიხეილ გორბაჩოვი გადაიქცეოდა მუხრუჭად დემოკრატიის განვითარების გზაზე. შემდეგ ვისაუბრე იმის შესახებ, რომ საქართველოს განათლების სამინისტრო არ უნდა ერეოდეს თბილისის უნივერსიტეტის საქმეებში; არ შეიძლება თავისუფლების დროშა ფრიალებდეს სერგო ორჯონიკიძის სახელობის რაიონში. დაუყოვნებლივ უნდა გადაერქვას ამ რაიონს სახელი.

## 30 მაისი

ჩემი სიტყვები გამართლდა. დღეს დეპუტატთა ყრილობაზე გამოვიდა თამაზ გამყრელიძე. სიტყვის ბოლოს დეპუტატების ნაწილი ფეხზე ადგა. შემდეგ გამოვიდა გენერალი იგორ როდიონოვი, რომელმაც, რა თქმა უნდა, ყველაფერი უარყო. მაგრამ ეს არ იყო მოულოდნელი, მკვლელისაგან სხვას რას უნდა ელოდე. ჩემი აღმფოთება გამოიწვია იმან, რომ როდიონოვს დარბაზში „სახალხო დეპუტატებმა“ ხანგრძლივი ტაში დაუკრეს. მერე გამოვიდა ჯუმბერ პა-

ტიაშვილი. აღმფრთხილებელი წამოყვანილი უნივერსიტეტში, სადაც ქალთა მიტინგი მიმდინარეობდა. მიტინგი მიყავდა ლუიზა შაკიაშვილს. მათ მიიღეს მიმართვა საბჭოთა კავშირის დეპუტატთა ყრილობისა და საბჭოთა კავშირის გენერალური პროკურორის, სუხარევისადმი. გამეცინა. სასაცილო არ იყო მიმართვის გაგზავნა იმ ყრილობისადმი, რომლის დეპუტატებიც ტაშს უკრავდნენ როდიონოვს. თურმე ისინი გადაწყვეტიენ საკითხს, სად იმსახურონ ქართველებმა ჯარში – საქართველოში თუ საბჭოთა კავშირის სხვა ქალაქებში.

### 31 მაისი

დღეს ყრილობაზე ნაიკითხეს 9 აპრილის მოვლენების შემსწავლელი კომისიის დასკვნა. კომისიის შემადგენლობა საზიზლარია. მასში შედიან საბჭოთა კავშირის თავდაცვის მინისტრის იაზოვის მოადგილე გოგოროვი, პოლკოვნიკი მარტინსონი. ამ კომისიის თავმჯდომარედ ყაზახეთის მინისტრთა საბჭოს თავმჯდომარე ნურსულთან ნაზარბაევი დაუნიშნავთ. მან ვერ მოითმინა და თქვა, რომ წინა ღამეს ნახა ფილმი 9 აპრილის შესახებ და იქ მხოლოდ დიქტორი ლაპარაკობდა, ფაქტები კი არ იყო. გამოვიდა რეზო თაბუკაშვილი და აცილება მისცა მის კანდიდატურას. გადაწყვიტეს, რომ თავმჯდომარე აერჩიათ თვით კომისიის წევრებს. დარბაზი საზიზლარად იქცევა. მაგრამ ამ ისტერიაში გამოდის ლიტველი დეპუტატი, რომელმაც განაცხადა, რომ არ უნდა მკვლელ როდიონოვთან ერთად ჯდომა. სიტყვის თქმის საშუალებას არ აძლევენ, მაგრამ ის მაინც იხსნის თავის უფლებამოსილებას. მე და ჩემი მეუღლე მიაა ქუაზე აღარა ვართ ნერვიულობისაგან, ველით, რომ ქართველები გამოვლენ. ისინი არ ჩანან. ვტირით. მერე წამოყვანილი უნივერსიტეტში. მიმდინარეობდა მიტინგი. გამოვი-

და ირაკლი წერეთელი. მან თქვა, რომ ყველაფერი ჩვენი ბრალია, რომ საერთოდ მონაწილეობა არ უნდა მიგველო დეპუტატთა ყრილობის დელეგატების არჩევნებში, ბოიკოტი უნდა გამოვუცხადოთ არჩევნებს და ჩვენ რაღაც რწმუნებულების არჩევნები უნდა ჩავატაროთ. ამას ხალხი არ შეხვდა ენთუზიაზმით. კარგად გამოვიდა პროფ. ნოდარ ნათაძე, რომელმაც განაცხადა, რომ ბრძოლის ყველა ხერხი უნდა გამოვიყენოთ და რომ საჭიროა საქართველოს უმაღლეს საბჭოს არჩევნებში მონაწილეობა. გამოვიდა ირაკლი მელაშვილი. განსაკუთრებით მომენონა დათო ტურაშვილის გამოხსენება. მან თქვა, რომ უნდა გავერთიანდეთ. შემდეგ აღნიშნა, რომ ნაწყენია, რატომ არ იღებს ხმას პარამენ მარგველაშვილი, რომლის გულისთვისაც დარბოდა არჩევნებზე. განსაკუთრებით ნაწყენი იყო იმის გამო, რომ ყრილობაზე პარამენ მარგველაშვილი დანიშნეს ხმების დამთვლელად. დათო ტურაშვილმა აღნიშნა, რომ ქართველები ბუნებით ჩქარი ხალხი ვართ, რომ უცებ გვინდა თავისუფლება, რახან გამოვიღვიძეთ, ახლავე გვინდა დამოუკიდებლობა. დათომ გამოაცხადა, რომ როდიონოვს მოსკოვში სახლის ფანჯრები ჩაუშტვრიეს და რომ პირველი საათიდან როდიონოვმა დატოვა ყრილობის დარბაზი. ყველა აღფრთოვანებული შეეგება ამ ცნობას.

### 2 ივნისი

ყრილობის მიმდინარეობის დროს დელეგატები მიხილდნენ გორბაჩოვის შეხვედრას. შეხვედრაზე გამოვიდა თამაზ გამყრელიძე. აღმოჩნდა, რომ მისი მოხსენება არაეის ნაუკითხავს და რომ მხოლოდ ჩვენს წარმომადგენლობაში განიხილეს. ამ დღეს ნავედი უნივერსიტეტში მიტინგზე, სადაც ორი დღეა ერთად ვართ მე, თამაზ დვალი და გია ბერულავა. მიტინგზე ირაკლი მელაშვილმა

აღნიშნა, რომ ჩვენ დეპუტატები საერთოდ არ გვყავს. როდესაც ის ტრიბუნიდან ჩამოვიდა, მე ვუთხარი, რომ სჯობს ჩვენ დელეგატებად ავირჩიოთ ბალტიისპირელები, რომლებიც უკეთესად ლაპარაკობენ ჩვენს პრობლემებზე. ირაკლი უკან შეტრიალდა და ჩემი სიტყვები გამოაცხადა მიტინგზე. ამას ხალხი დიდი ოვაციით შეხვდა. გამოვიდა ოთარ ევაძე, შოთა ბადრიძე. შემდეგ იყო ლაპარაკი ჯარზე, იყვნენ მოშიშვლები (ბოლოს, როცა მიტინგი დაიშალა, ერთად ვსაუბრობდით გოგი დემეტრაძე, ომარ გოგიაშვილი, მანანა (ომარის მეუღლე), კოტე გაბაშვილი, გია ბერულავა, გია მარი. გვიან დავიშალეთ.

#### 4 ივნისი

რეზო თაბუკაშვილი და აკაკი ბაქრაძე გამოვიდნენ ტელევიზიით. ისინი სპეციალურად ჩამოვიდნენ მოსკოვიდან. რეზომ თქვა, რომ რასაც ჩვენ მოვითხოვთ, ყველაფერზე გვეუბნებიან, კომისიას გადავცემთ; გვეუბნებიან, რომ როდისღაც პასუხი გავცემთ; გვეუბნებიან, რომ შეკითხვები გავგზავნა შინაგან საქმეთა მინისტრს, სამხედრო მინისტრს; ამავე დროს აღნიშნა, რომ დიდი განსხვავება იყო დარბაზში მყოფ დეპუტატებს და ლუჟნიკებში (სტალიონზე) მყოფ მომიტინგეებს შორის. რ. თაბუკაშვილმა თქვა, რომ მერვე დღეა ჩანერილია ყრილობაზე გამომსვლელთა სიაში, მაგრამ არ აძლევენ სიტყვას; დაგვირდა, ასეთი შერცხვენილები არ დავბრუნდებითო. ჩვენ კინალამ დავტოვეთ ყრილობა, იმის გამო, რომ ლიტელმა დატოვა მანდატი. ჩვენ წამოსვლა გადავწყვიტეთ. ყრილობაზე საშუალო მდგომარეობაა. პროვოკაციის საბაბი არ უნდა მივცეთ, მაშინ სამუდამოდ დავკარგავთ ყველაფერსო. აკაკი ბაქრაძემ თქვა, რომ დარბაზში დეპუტატების მხოლოდ 10% არის სალად მოაზროვნე, დანარჩენი 90% — შავნელი მასაა, რომელსაც არაფრის განსჯა არ

უნდა. რაც შეეხება 1921 წლის 25 თებერვლის აქტს, ბალტიისპირელებს ურჩევიათ, რომ ჯერ თავიანთ უმაღლეს საბჭოში დააყენონ ეს საკითხი. ა. ბაქრაძემ აღნიშნა, თქვენ არ იცით, რა ხდება კულუარებში, თვითონ ლიტველები მოვიდნენ და გვითხრეს, ყრილობა არ დატოვოთო. მათ გვითხრეს, არ შეგვედარებინა თავი ბალტიისპირელებისთვის, რადგან ამ ერებს დიდხანს ჰქონდათ თავისუფლება, რომ ისინი ნამდვილი ევროპელები არიან.

4 ივნისს, კვირა დღით პეკინში მომიშლილ სტუდენტების წინააღმდეგ გამოიყენეს არმია. დაიღუპა 1000 სტუდენტი, უკეალოდ დაიკარგა 10000. ჩა სანიტარესო დამთხვევაა. მეორე დღეს ჩინეთის ხელისუფლებამ გამოაცხადა, რომ იქ ექსტრემისტები იყვნენ და რომ მათ სოციალისტური წყობილების დამხობა უნდოდათ.

#### 8 ივნისი

დღეს გაზ. „თბილისში“ იყო ინტერვიუ ზვიად გამსახურდიასთან, სადაც მან საბჭოთა კავშირის დეპუტატთა ყრილობას კარგი სპექტაკლი უწოდა.

#### 10 ნოემბერი

ამ პერიოდში ყველაზე მნიშვნელოვანი და ტრაგიკული იყო ერთ-ერთი უდიდესი მამულიშვილის, მერაბ კოსტავას დაღუპვა. მერაბ კოსტავას ჯერ კიდევ ახალგაზრდობიდან დიდ პატივს ვცემდი, იმიტომ, რომ ვერაფრით ვერ გატეხეს. მთელი ცხოვრება დაუდგრომელი კაცი გახლდათ. ვერ წარმომიდგენია, როგორ შეიძლება ერთ ადამიანში ყოფილიყო ამდენი სიყვარული სამშობლოსადმი. მის სიკვდილამდე ორი დღით ადრე ვიყავი ვახტანგ გოგუაძესთან, რომელიც რექტორის მოვალეობას ასრულებ-

და. ამ დროს შემოვიდა მერაბ კოსტავა და ყველას ხელი ჩამოგვართვა.

## 11 ნოემბერი

ისტორიის ფაკულტეტზე სანარმოო თათბირი გაიმართა. რამდენიმე დღით ადრე უნივერსიტეტში საგაფიცვო კომიტეტი შეიქმნა, რომელშიც შევიდნენ მათემატიკოსი ვახტანგ ცაგარეიშვილი, ეკონომისტი მურმან ტოგონიძე, ჯემალ კახნიაშვილი, დემურ ბახტაძე. მათ მოითხოვეს 14 ნოემბრამდე რექტორის გადაყენება. სანარმოო თათბირზე გამოვედი და ვთქვი, რომ მე ვერც რექტორატის დამქაში ვაგზდები და ვერც საგაფიცვო კომიტეტს დაუჭერ მხარს, რადგან ძალდატანებას ვერ ვიტან. საგაფიცვო კომიტეტს არც ჩვენმა სტუდენტებმა დაუჭირეს მხარი.

## 17 ნოემბერი

რექტორის მოთხოვნით გაიმართა ფაკულტეტის სამეცნიერო საბჭოს სხდომა, რომელზეც უნდა განგვეხილა და დაგვეგმო 14 ნოემბერს გამართული მიტინგის მოთხოვნები. საბჭოს ზოგიერთმა წევრმა საგაფიცვო კომიტეტის დასჯა მოითხოვა. მე გამოვედი და აღვნიშნე, რომ ჩვენ ვერ ავიტანთ ძალდატანებას, რომელსაც მიმართავდა საგაფიცვო კომიტეტი, მაგრამ ამჟამად ვერ ავიტანთ იმას, რომ გამარჯვებული რექტორატი თვითონ მიმართავს ძალადობას. ამიტომ საერთოდ ამ საკითხის განხილვის წინააღმდეგი წავედი. საბჭოს სხდომა ჩაიშალა.

## 18 ნოემბერი

ძლივით პირველ კორპუსთან შევხვდი ვახტანგ ცაგარეიშვილს, რომელსაც დიდი

ხანია ვიცნობ. მას ვუთხარი, რომ არ ღირდა გაფიცვის დაწყება. 12 საათისთვის მაღლივი კორპუსიდან ჩამოვიდნენ გაფიცულები თავიანთი სტუდენტებით და პირველი კორპუსის ეზოში მიტინგი დაიწყეს. ჩემთან მოვიდნენ ჩემი სტუდენტები: მაისურაძე, ჭელიძე, მესხიძე, სხირტლაძე, ჭარელიშვილი და მოთხრეს, რომ უნდა გამოვიდეთ მიტინგზეო. მეც გავეყვი. გამოვიდა გიორგი მაისურაძე, რომელმაც უნივერსიტეტის პრეს-კლუბის სახელით მოუწოდა მომიტინგეებს, სტუდენტებისთვის მთავარია სწავლა და არა გაფიცვაო. მე კი შეკრებილებს მივმართე, რომ უნივერსიტეტი უნდა ყოფილიყო ერთიანი, რომ ჩვენც გვექონდა მრავალი მოთხოვნა. მიუხედავად ამისა, ჩვენ წინააღმდეგნი ვართ ძალადობის, რადგან სწორედ მას მიმართავდა საბჭოთა ხელისუფლება 70 წლის განმავლობაში. შემდგომ ისტორიკოსები ამოვედით პირველ კორპუსში და გავემართეთ კრება, სადაც შემუშავდა ისტორიის ფაკულტეტის მოთხოვნები. ეზოში დაწყებული მიტინგი მალე დაიშალა.

## 21 ნოემბერი

15 საათზე რექტორატის სხდომაზე გამოიტანეს ბრძანება, რომლის ძალითაც სასტიკი საყვედურები გამოეცხადათ საგაფიცვო კომიტეტის წევრებს — ორი ფაკულტეტის დეკანის მოადგილე მოხსნეს. ბრძანებას ყველა მხარს უჭერდა. მე გამოვედი და ვთქვი: მე და ჩემი სტუდენტები არ დაეუშვებთ, ვინმე დაისაჯოს უნივერსიტეტში და რომ დასჯა არ არის ადამიანთა შეცდომების გამოსწორების მეთოდი. ფილოლოგიის ფაკულტეტის დეკანმა კორნელი დანელიამ მხარი დამიჭირა, რომელმაც განაცხადა, რომ მასთან იყვნენ დათო ტურაშვილი, გია მამალაძე და სხვები. მათ უთქვამთ, რომ არ დაუშვებდნენ ვინმეს დასჯას. რექტორატმა არ გაიზიარა ჩვენი აზრი, მიუხედავად იმისა, რომ სამჯერ გამოვედი სიტყვით.



დღეს გაიხსნა საბჭოთა კავშირის საბჭოების II ყრილობა. კარგი სიტყვა თქვა ბალტიისპირეთის წარმომადგენელმა, რომელმაც თავის დროზე პირველმა მოითხოვა 9 აპრილის მოვლენების განხილვა. მან აღნიშნა, რომ 7 აპრილს სკკპ ცენტრალური კომიტეტის მდივანმა ეგორ ლიგაჩოვმა საბჭოთა კავშირის თავდაცვის მინისტრთან დიმიტრი იაზოვთან ერთად გადანყვიტა ჯარების გაგზავნა თბილისში და თუ სკკპ ცენტრალური კომიტეტის პოლიტიბიურო პასუხს არ მოსთხოვს იაზოვს, მაშინ ისინი დატოვებენ დეპუტატობის მანდატებს.

სამხედროებმა სამხედრო პროკურორის მოხსენება მოითხოვეს. სობჩაკმა და სხვა იურისტებმა განაცხადეს, რომ დეპუტატთა კომისია 9 აპრილის მოვლენებს პოლიტიკურ შეფასებას აძლევს და ამიტომ არ შეიძლება პროკურორის მოხსენების მოსმენა. მიხეილ გორბაჩოვი ჩვენს წინააღმდეგ წავიდა. მე და ჩემი მეუღლე ისევ ვტირით. თუ ასე გაგრძელდა, ვაბარებ სკკპ წევრის ბილეთს. მეტი აღარ შემიძლია.

უნივერსიტეტში გაიმართა კრება. მოინეის აკაკი ბაქრაძე. კრება ეხებოდა იდეოლოგიური დაწესებულებებისგან (კერძოდ, პარტკომი და კომკავშირის კომიტეტი) უნივერსიტეტის განთავისუფლებას. კაკომ შესანიშნავი ლექცია წაიკითხა. კრება მიჰყავდა ვახტანგ ცაგარეიშვილს, სტუდენტგია მამალაძეს და დათო ტურაშვილს. კრებამ მიიღო რეზოლუცია:

1. რუმინეთის ხალხს გაეგზავნა სამძიმრის დეპეშა 2 ათასი სტუდენტის დალუპვის გამო.
2. 25 თებერვლიდან უნივერსიტეტში აღარ არსებობდეს პარტიული კომიტეტი და კომკავშირის კომიტეტი.
3. ვინც არ წავიდა საბჭოთა არმიასი, მათ წინააღმდეგ არ გამოიყენონ ძალა.



**1990 წელი**

---



მთავრობის სასახლესთან შიმშილობა დაიწყო. ტელევიზიით აჩვენებენ ირინა სარიშვილს, რომელიც თბილისში სკკპ ცენტრალური კომიტეტის პოლიტბიუროს წევრების ჩამოსვლას მოითხოვს.

## 10 იანვარი

ტრანსპორტი საერთოდ არ მუშაობს. გაფიცულებმა საქართველოს კომუნისტური პარტიის ცენტრალური კომიტეტის შენობის პირველი სართული დაიკავეს. ღამით ტელევიზიით გამოვიდა ცენტრალური კომიტეტის პირველი მდივანი გივი გუმბარიძე, როგორც მკვდარი ისე გამოიყურებოდა, ძლივს ლაპარაკობდა.

## 11 იანვარი

ქუჩებში ტრანსპორტი გამოჩნდა. გარეთ სიცივეში დაიტანჯნენ ქალები და ბავშვები. ნუთუ ვერ ხვდებიან გაფიცულები, რომ საზოგადოებრივი ტრანსპორტი სჭირდება ხალხს: ზოგს ავადმყოფი ჰყავს შინ, ზოგს საჭმელი არა აქვს, განსაკუთრებით მძიმე მდგომარეობაში არიან ისინი, ვინც ნუცუბიძის პლატოზე ცხოვრობენ. უნივერსიტეტში გამოცდები ნორმალურად მიმდინარეობს. გაბ ბერულავას მანქანით გამოვედი უნივერსიტეტიდან. დათო ტურაშვილი მოხუც ქალს ქუჩაში გადასვლაში ეხმარებოდა. ვიფიქრე: იმ მოპიკეტეებს, რომლებიც აჩერებენ ავტობუსებს და ქალებსა და ბავშვებს ძირს ყრიან, ნუთუ უფრო უყვართ საქართველო, ვიდრე დათო ტურაშვილს? თითქოს ისეთ სახელმწიფოში ვცხოვრობთ, რომ მოსკოვში ინერვიულებენ: ქართველი მანდილოსნები და ბავშვები ფეხით დადიან და თავისუფლება მივცეთ საქართველოს!

დღეს, დავით აღმაშენებლის ხსენების დღეს, 2 საათზე თბილისის სახელმწიფო უნივერსიტეტის სააქტო დარბაზში გამოცხადდა დეკლარაცია უნივერსიტეტის დამოუკიდებლობის შესახებ, რომელიც ნაიკითხა რექტორმა ნოდარ ამალალობელმა. სიტყვით გამოვიდნენ პროფ. ზურაბ კიკნაძე, პროფ. ელგუჯა ხინთიბიძე, პროფ. ვახტანგ გოგუაძე, დოც. ზურაბ შენგელია, აკად. ანდრო აფაქიძე, ესწრებოდა მინისტრი გურამ ენუქიძე. გამოვიდა ამ დღისადმი მიძღვნილი თსუ-ის გაზეთი, სადაც იყო ჩემი სტატია „რა ავირჩიოთ“. სხდომის მიმდინარეობის დროს რექტორს გაეუგზავნე ორი ბარათი. ერთში ეწერა, რომ საქართველოს კომუნისტური პარტიის ცენტრალური კომიტეტისა და განათლების სამინისტროს თანამშრომლებმა დალუპეს უნივერსიტეტისთვის თავდადებული კაცი გურამ ჭილაშვილი და, რომ უნივერსიტეტს მადლობაც კი არ უთქვამს კაცისთვის, რომელიც მძიმედ ავადმყოფი წევს საავადმყოფოში. მეორე ბარათში ეწერდა: რატომ გამოვიდა უნივერსიტეტის გაზეთი წარწერით, რომლის მიხედვით უნივერსიტეტის გაზეთი არის თსუ პარტიული კომიტეტის, რექტორატის და კომკავშირის კომიტეტის ორგანო.

ეს ბარათები გადავეცი სტუდენტ მჭედლიშვილს, რომელმაც იგი გადასცა რექტორს. ცოტა ხანში რექტორი წამოდგა და დარბაზში ვილაცის ძებნა დაიწყო, ბოლოს დაიძახა: სად არის ბატონი მერაბ ვაჩნაძე? მე წამოვდექი და მივედი. მან მიხოცა, რომ ორივე პირობას შეასრულებდა, ოღონდ ნუ ჩავაგდებდი ამ დღეს უხეხულ მდგომარეობაში. მე დავთანხმდი.

## 23 თებერვალი

თსუ სააქტო დარბაზში გაიმართა შეკრება, რომელიც თბილისის სახელმწიფო უნი-

ვერსიტეტის დეიდეოლოგიზაციას მიეძღვნა. პრეზიდენტში იყვნენ დოც. ვახტანგ ცაგარეიშვილი, სტუდენტი გია მამალაძე და კიდე ერთი, რომლის გვარი არ ვიცი. მათ ჯერ კიდე ადრე გამართეს ასეთი სხდომა და მოითხოვეს, რომ პარტიულ კომიტეტსა და კომკავშირის კომიტეტს უნივერსიტეტი დაეტოვებინა. ამ ხნის განმავლობაში პარტიულმა და კომკავშირის კომიტეტებმა პასუხი არ გასცეს მოთხოვნას. სიტყვით გამოვიდა ქრისტიანულ-დემოკრატიული ახალგაზრდობის ასოციაციის პრეზიდენტი ირაკლი კაკაბაძე. მისი გამოსვლისას დარბაზში შემოვიდა ახალგაზრდების ჯგუფი ირაკლი ნერეთლის მეთაურობით. შემოსულების ნაწილი ტრიბუნაზე ავიდა. ერთ-ერთმა მათგანმა განაცხადა, რომ ისინი ამიერკავკასიის სამხედრო ოლქის შტაბიდან მოდიან და გზად შემოიარეს, რათა მხარდაჭერა გამოეცხადებინათ უნივერსიტეტის დეიდეოლოგიზაციისათვის. სიტყვებით გამოვიდნენ პროფ. ტარიელ კვანჭილაშვილი, პროფ. ვახტანგ გოგუაძე, დათო ტურაშვილი, რომლებმაც მოითხოვეს, რომ მეორე დღეს შეკრებილიყო თსუ დიდი სამეცნიერო საბჭო და გადაეწყვიტა იდეოლოგიზაციის საკითხი. მეორე დღეს, 24 თებერვალს, სრულდებოდა ორი წელიწადი მას შემდეგ, რაც უნივერსიტეტის ბაღში თედო ისაკაძემ, დათო ტურაშვილმა, ფიქრია ჩიხრაძემ, ნიკო ნიკოლოზიშვილმა და სხვებმა პირველად მოაწყვეს მიტინგი. ენჭისყურის დროს მთელმა დარბაზმა, მათ შორის მეც, მხარი დაუჭირეთ დ. ტურაშვილის ნინადადებას.

## 25 თებერვალი

დღეს გაიმართა სამგლოვიარო პროცესია, რომელსაც არ დავსწრებივარ. ეს მარ-

თლაც მძიმე და საშინელი დღე არის საქართველოს ისტორიაში. როგორც იქნა მოვესწარით იმას, რომ სამშობლოს დაპყრობის დღეს ზეიმიით აღარ აღგვანიშნებენ.

## 27 თებერვალი

სამშაბათს, 2 საათზე თსუ დიდმა საბჭომ გადაწყვიტა პარტიული და კომკავშირის კომიტეტების გაუქმება უნივერსიტეტში. საღამოს ამას დაეთანხმა თსუ პარტიული კომიტეტიც.

## 22 მარტი

22 მარტს დავენერე განცხადება, სადაც აღნიშნული იყო: თუ შარშან არ იყო ცნობილი, ვინ იყო დამნაშავე 9 აპრილის ტრაგედიაში, ამჟამად ეს უკვე ვიცით. დამნაშავე გახლავთ კომუნისტური პარტია, ამიტომ გავდივარ საბჭოთა კავშირის კომუნისტური პარტიის რიგებიდან.

## 9 აპრილი

9 აპრილს, საღამოს ვსვამდით ანდროჭელიძესთან. ლამის ორ საათზე ჩემი მანქანით ნავედი. მანქანა ზემელზე დავაყენე. მთავრობის სასახლესთან უამრავი ხალხი იყო. მე პიონერთა სასახლესთან დავდექი, საიდანაც შარშან ტანკები წამოვიდა. გამთენიისას, 4 საათზე, უწმიდესი და უნეტარესი, სრულიად საქართველოს კათოლიკოს-პატრიარქი ილია II გამოვიდა. ყველა ვიჩოქებთ და თითქმის ყველა ტირის. ყველა ერთად ვართ.

**1991 წელი**

---





## 23 თებერვალი

ალარ ვაპირებდი დღიურის წერას, მაგრამ გუშინდელმა შეხვედრამ უნივერსიტეტში მიიძულა გამეგრძელებინა წერა.

მე მხოლოდ მოკლედ გავიხსენებ, რა მოხდა მანამდე. ზვიად გამსახურდიამ, საკოორდინაციო ცენტრისგან განსხვავებით, შექმნა „მრგვალი მაგიდაჟ, თავისუფალი საქართველო“ და გადაწყვიტა მონაწილეობა მიეღო ე. წ. არასაბჭოურ, დემოკრატიულ, მრავალპარტიულ არჩევნებში. საკოორდინაციო ცენტრმა კი გადაწყვიტა, კონგრესის არჩევნები ჩაეტარებინა. უნივერსიტეტში, ჩვენს ქვემოთ აუდიტორიაში, არ მახსოვს რა დღეები იყო, არასაბჭოური არჩევნების ჩატარების მოთხოვნით ხუთი ახალგაზრდა შემვიღობდა. მათ შორის ჩემი ნაცნობები – ემზარ გოგუაძე და ნუგზარ ნიკლაური. მე ხშირად ჩავდიოდი და ვამხნევებდი მათ. სხორად ამ დროს უნივერსიტეტში მოვიდნენ საკოორდინაციო სუბბაზის წევრები: ირაკლი წერეთელი, სუმბათაშვილი, გოგა ხაინდრავა, გიორგიძე (გია ჭანტურია არ იყო, თუ არ ვცდები, პარიზში იყო. მასთან ერთად იყო მისი მეუღლე ირინა სარიშვილიც). შეხვედრა მიყავდა დათო ტურაშვილს. დარბაზი აშკარად მხარს უჭერდა ზვიად გამსახურდიას. ერთ მომენტში ირაკლი წერეთელმა თავი ვერ შეიკავა, ოდნავ ხელი ჰკრა დათო ტურაშვილს და მიკროფონი გამოართვა. დათო გაფითრდა და, როცა მიკროფონი აიღო, განაცხადა: აჟ უნივერსიტეტია და უხერხულია, თორემ მანაც მშვენიერად იცის ხელის კერა. გამოვიდა ნუგზარ ნიკლაური, რომელმაც განაცხადა: პრორექტორი ვახტანგ გოგუაძე საღამოს ტელეფონით ელაპარაკებოდა ვიღაც თანამდებობის პირს და არწმუნებდა, რომ ბიჭები არ შემვიღობენო. ამან მთელი დარბაზი ალაშფოთა. შემდეგ მოვიდა ზვიადი. მას აღფრთოვანებით შეხვდნენ.

30 სექტემბერს დაიწყო კონგრესის არჩევნები, რომელმაც რამდენიმე დღე

გასტანა და შემდეგ კიდევ გაგრძელდა. ხალხი დაქვდა, რომ ეს იყო ფალსიფიკაცია, მაგრამ კონგრესი მაინც აირჩიეს.

ახლოვდებოდა მრავალპარტიული არჩევნები. 77-ე აუდიტორიაში შიმშილობა დაიწყო ემზარ გოგუაძემ, თემურ ლეჟავამ და სხვებმა. მოშიმშილეები მოითხოვდნენ, საზოგადოება „სტალინი“ არ დაეშვათ არჩევნებში. მე ვინახულე მოშიმშილეები, ქობულეთში მივდიოდი და გოგა ხუნდაძეს ვთხოვე, რომ მათთვის დახმარება აღმოეჩინა. დაენერე განცხადება, რომ მეც მომხრე ვიყავი, არ დაეშვათ ორგანიზაცია „სტალინი“ არჩევნებში, რადგან იგი ძალმომრეობას ქადაგებდა. დიდი ფიქრის შემდეგ ქობულეთში გადავწყვიტე, რომ ხმა მიმეცა „მრგვალი მაგიდასათვის“, რადგან მიმაჩნდა, რომ, სხვა ბლოკებისაგან განსხვავებით, მას უფრო შეეძლო ებრძოლა დამოუკიდებლობისთვის.

ერთ დღეს ვესაუბრებოდი პრორექტორ ლევან ალექსიძეს და პროფ. გურამ ლორთქიფანიძეს, რომლებიც დარწმუნებულები იყვნენ კომუნისტების გამარჯვებაში. კერძოდ, ბატონმა ლევანმა მითხრა, რომ, სოციალური გამოკვლევების მიხედვით, „მრგვალი მაგიდა“ მიიღებს 17%-ს, კომუნისტები – 45%-ს. მე ვუთხარი, რომ პირიქით მოხდებოდა: კომუნისტები მიიღებენ მაქსიმუმ 30%-ს, ხოლო „მრგვალი მაგიდა“ — 50%-ზე მეტს. თან ვუთხარი, რომ შემეძლო დამედო სანაძლეო.

28 ოქტომბერს ჩატარდა არჩევნები. მეორე დღეს, როდესაც ლევანმა დამინახა, ღამიძახა და მითხრა: მგონი მართალი აღმოჩნდიო. მართლაც, „მრგვალმა მაგიდამ“ დიდი უპირატესობით გაიმარჯვა.

მე ალარ ვჩერდები სხვა საკითხებზე. პირველი დაპირისპირება ახლად არჩეულ უზენაეს საბჭოსა და ოპოზიციას შორის დაიწყო ტელევიზიაში, სადაც თავმჯდომარედ დანიშნეს კვანტალიანი. მან სულ სამი დღე იმუშავა და ტელევიზიაში დიდი აქციები გამოიწვია. 1991 წლის იანვარში კი „ქართულ ფილმში“ მივიდნენ ნოდარ წულუისკირი,

გიორგი მარჯანიშვილი და ბესარიონ გუგუშვილი. მათ ბრძანებებით დაიწყეს კინოსტუდიაში საუბარი, რასაც დიდი უკმაყოფილება მოჰყვა.

17 თებერვალს საბჭოთა არმიის ნაწილები თავს დაესხნენ შავნაბაღზე განლაგებულ მხედრონის ბაზას.

18 თებერვალს მთავრობის სასახლესთან გაიმართა მიტინგი. ზვიად გამსახურდიამ მხედრონის ბრალი დასდო კრემლის აგენტობაში. მისი თქმით მხედრონი მოქმედებდა მოსკოვში მოკალათებული გ. მეგლადის, გივი გუმბარაძის, ნუგზარ ფოფხაძის დავალებით. ამავე დროს ოპერასთან გაიმართა მიტინგი. ჯუმბერ კოპალაიანმა, გურამ ყორანაშვილმა და ჯაბა იოსელიანმა ზვიად გამსახურდიას რუს სამხედროებთან კავშირში დასდეს ბრალი. ამ მიტინგზე შემთხვევით მოხვედრილა ლევან სანიკიძე. იგი დეკანატიში მომიყვა, რომ თეატრალურ ინსტიტუტში მიდიოდა, გზაში შეხვედრია შვილი, გორდა, რომელსაც უთქვამს: შავნაბადაზე 40 კაცი არ მოუკლავთ და, რომ მხოლოდ რამდენიმე დაჭრილია. ამის გამო გორდას დაუნყეს ცემა. ლევანი მიეშველა შვილს, გორდამ გაისროლა. გორდას რამდენიმე კაცი სცემდა. ლევანი ყვიროდა: შვილი არ მომიკლათო. გორდა ვილაცეებს გადაურჩენიათ.

იმავე საღამოს დაიჭირეს ზაზა ვეფხვაძე, ხოლო 19 თებერვალს, დილის 8 საათზე — ჯაბა იოსელიანი.

21 თებერვალს უნივერსიტეტში გაიმართა კრება (მე არ ვესწრებოდი), რომელზეც მოითხოვეს, რომ 22 თებერვალს 12 საათზე მოსულიყვნენ ზვიად გამსახურდია და თემურ ქორიძე.

22 თებერვალს მე და გოჩა ხუნდაძე უნივერსიტეტის სააქტო დარბაზში შევედით. უამრავი ხალხი იყო. მოვიდა თემურ ქორიძე. სხდომა დათო ტურაშვილს მიჰყავდა. მან ნაიკითხა მიმართვა, რომელსაც ხელს აწერდნენ აკაკი ბაქრაძე და სხვები. დათომ განაცხადა, რომ ის არც ერთ პარტიას არ ეკუთვნის, მაგრამ აღმფოთებლია, რომ

დაიწყოს დაჭერები, აგრეთვე ხალხის ნების გაუთვალისწინებლად პრეფექტების დანიშვნები. დათომ აგრეთვე გაიხსენა ის ინციდენტი, რომელიც კინოსტუდიაში მოხდა. დათო ძალიან ღელავდა. გამოვიდა ლევან ლენჯილია, ფიქრია ჩიხრაძე, თემურ ფიფია. დარბაზში ბევრი იყო კონგრესის წარმომადგენელი. ქალები კიოდნენ, შეუძლებელი ხდებოდა რაიმე ღონისძიების ჩატარება. თემურ ქორიძეს და ნუგზარ მოლოდინაშვილს ლაპარაკს არ აცლიდნენ. ხალხი სცენაზე აიჭრა. დარბაზი ფაქტობრივად ორად გაიყო.

ძალიან შეეწუხდი, რადგან ეს ის ხალხი იყო, რომლებიც ერთად იბრძოდნენ კომუნისტების წინააღმდეგ. დამაინტუნდა მეთქვა, რომ გამოვიდა ჩემი სტუდენტი გიორგი მაისურაძე. არ ვიცი, რა გვეშველება. დათო ტურაშვილი, თედო ისაკაძე, ფიქრია ჩიხრაძე, გიორგი მაისურაძე, რომლებმაც დაიწყეს ეროვნული მოძრაობა უნივერსიტეტში და რომლებსაც მე დიდ პატივს ვცემ, ფაქტობრივად ყოველთვის ზვიად გამსახურდიას უჭერდნენ მხარს. ამჟამად ისინი ზვიადის პოლიტიკის წინააღმდეგ გამოვიდნენ. ბევრს არ ესმის, რომ ეს სხვა თაობაა, ისინი წინააღმდეგები არიან დაჭერების, დემოკრატიის შეზღუდვის. ეს ის თაობაა, რომელსაც გაფრთხილება სჭირდება. მეშინია, მათ რაიმე არ შეამთხვიონ. საშობო ვითარებაა. მაგალითად, დღეს მყავდა მოსწავლეები სახლში, მათ შორის ჩემი მეგობრის ზევახ კვასხვაძის დისშვილი, ბაკურ გეგია. მან თქვა, რომ აკაკი ბაქრაძე გველია, ხოლო ალექსანდრე (ლალი) ჯავახიშვილი დასაჭერია. ძალიან შევეშოთიდი.

მეცნაურა ერთი რამ. 1978 წლის 14 აპრილის შემდეგ მთავრობა გამოსვლებისა და დემონსტრაციების მზადების ან დიდი რელიგიური დღესასწაულების დროს ცდილობდა ტელევიზიით ეჩვენებინა გადაცემა „ილუზიონი“. ამას ისე მივეჩვიეთ, რომ, თუ „ილუზიონს“ უჩვენებდნენ, მაშინვე დამირეკავდნენ მეგობრები და მეკითხებოდნენ: რა ხდება უნივერსიტეტში? დღეს ისევ

აჩვენეს „ილუზიონში“ „ანუელიკას“ ორი სერია. მე მგონი, ყველაფერი მეორდება.

23 თებერვალს კინოს სახლთან მოეწყო მიტინგი ირაკლი წერეთლის თაოსნობით. მომიტინგეები ამიერკავკასიის სამხედრო ოლქის შტაბთან არ წავიდნენ და წავიდნენ მთავრობის სასახლესთან.

სალამოს ტელევიზიით გამოვიდა აკაკი ბაქრაძე. მან წაიკითხა მიმართვა, სადაც სიმშვიდისა და შერიგებისკენ მოუწოდებდა. ძალიან აღელვებული ჩანდა, განსაკუთრებით ანონიმურ ქალებზე, რომლებიც პრესაში დაჭერებს და დაპატიმრებებს მოითხოვდნენ. აღსანიშნავია, რომ, თურმე, აკაკი ბაქრაძე-საც წერენ მუქარის წერილებს.

ამჟამად ვუსმენ ზვიად გამსახურდიას ინტერვიუს, რომელმაც განაცხადა, რომ ის ინტელიგენცია, რომელიც მოითხოვს დაპატიმრებულების განთავისუფლებას, ხელს აფარებს დამნაშავეებს.

ცხინვალისთვის შუქის მინოდებაზე შეეკითხნენ კორესპოდენტები. ზვიად გამსახურდიამ უპასუხა, რომ ენერგეტიკოსების კავშირი დამოუკიდებელია და მას არ ემორჩილება, გარდა ამისა იქ მიმდინარეობს გაფიცვა.

ზვიად გამსახურდიამ ბრალი დასდო რუს სამხედროებს, რომ ისინი ცხინვალში იარაღს აწვდიან ექსტრემისტებს. რაც შეეხება გია ჭანტურიას პარტიას, ზვიადმა განაცხადა: განსხვავება არ არის ეროვნულ-დემოკრატიულ პარტიასა და მხედრიონს შორის, ეროვნულ-დემოკრატიული პარტია დანაშაულებრივი ორგანიზაციაა.

## 1 მარტი

დღეს, 12 საათზე უნივერსიტეტში მოწვეულნი იყვნენ ვალერიან ადვაძე და ჯანსუღ ჩარკვიანი. აღმოჩნდა, რომ საექტო დარბაზი დაკეტილი იყო. დათო ტურამილი და სხვა ახალგაზრდები 93-ე აუდიტორიაში შევიდნენ. ძალიან ბევრი ხალხი მოე-

ბაზი, ამიტომ ძალით გააღეს საექტო დარბაზი. აღმოჩნდა, რომ იქ რემონტს იწყებდნენ. მიკროფონები აღებული იყო. ვ. ადვაძემ დაგმო უზენაესი საბჭოს პოლიტიკა „სამხრეთ ოსეთში“. ჯ. ჩარკვიანმა განაცხადა: სასაცილოა, რას წარმოადგენს ეს დამოუკიდებელი ენერგეტიკოსთა კავშირი, რომლის სურვილზეცაა შუქის გამორთვა. მან აღნიშნა, რომ ჯაბა იოსელიანის დაპატიმრება მხოლოდ იმის გამო, რომ იარაღი ჰქონდა, მიუღებელია, რადგან მაშინ საქართველოში 2 მილიონი კაცი უნდა დაიჭირო. ბოლოს ჯ. ჩარკვიანმა აღნიშნა, რომ უნდა შეწყდეს თავდასხმები, განსაკუთრებით აკაკი ბაქრაძეზე. თუ პირადად მასთან სახლში შეიჭრებიან მამაკაცები, მათ საკადრის პასუხს გასცემს, მაგრამ ახლა უფრო ქალები იჭრებიანო სახლებში.

დათო ტურამილიმა აღნიშნა, რომ პრესა, რადიო, ტელევიზია მხოლოდ ცალმხრივად აშუქებს მოვლენებს. რა საზიზღრობაა, როდესაც ისევე ქვეყნდება „მშრომელთა წერილები“. მაგალითად, აღმამფოთებელია, როდესაც გორის ბამბეულის კომბინატის მშრომელები გმობენ უნივერსიტეტის გადაწყვეტილებებს. დათომ აღნიშნა, რომ ეს აუბრუნებ დეკანს, კორნელი დანელიას. დადგინდა, რომ ის პირველკურსელები დღის განყოფილებაზე, რომლებმაც გამოაქვეყნეს განცხადება გაზ. „საქართველოს რესპუბლიკაში“, ფაკულტეტს არ ჰყავს და რომ ამ საკითხს გაარკვევენ.

ისტორიის ფაკულტეტის სტუდენტმა გიორგი მაისურაძემ აღნიშნა, რომ შეიარაღებული ფორმირებები ჰყავთ მერაბ კოსტავას საზოგადოებას, ილია მართლის საზოგადოებას და სხვებს.

## 2 მარტი

უყურებ „მოამბეს“. გამოყავთ „სამხრეთ ოსეთში“ მცხოვრები ქართველები, რომლებიც მოითხოვენ ჯაბა იოსელიანის დას-

ჯას. ყოვლად აღმაშფოთებელია, რომ ერთ-ერთი სოფლის მცხოვრები საუბრობს იმაზე, თუ როგორ მიიღო ჯაბა იოსელიანმა პროფესორობა და ვინც ხმა მისცა მისი დისერტაციის დამტკიცებას, ისინიც, თურმე, უნდა დაისაჯონ. მართლაც სასაცილოა. ალბათ, ამ გლახს უნდა გადაეცეს ჯაბა იოსელიანის სადოქტორო დისერტაცია და იქნება მოგვცეს დასკვნა, თუ რა ღირებულებები გააჩნია ამ დისერტაციას. ეს ახალი აღარ არის, ეს ძველი სიმღერაა.

#### 4 მარტი

„შომაბეში“ გადაცეს, რომ გურჯაანის რაიონის სოფ. ბაკურციხის ტექნიკუმის საერთო კრებამ დაგმო უნივერსიტეტის პროფესორ-მასწავლებლები და სტუდენტები, რომლებიც მოითხოვენ ჯაბა იოსელიანის განთავისუფლებას.

უნივერსიტეტის რექტორს, პროფესორ-მასწავლებლებსა და იმ სტუდენტებს, რომლებმაც თავისი აზრი გამოთქვეს ჯაბა იოსელიანის გათავისუფლების შესახებ, გმობენ თბილისელი მოქალაქე ზაქაიძე და სხვები.

დღეს ნავიკითხე გაზ. „ცხოვრება“, სადაც გამოქვეყნებულია ლადო ბახტრიონელის ღია წერილი საქართველოს რესპუბლიკის უზენაესი საბჭოს თავმჯდომარის ზვიად გამსახურდიასადმი. არ დავიწყებ ტექსტის გარჩევას, მოვიყვან რამდენიმე ადგილს წერილიდან: 1. ნუთუ თქვენ სერიოზულად ფიქრობთ, რომ ბაგრატიონებს ძალუთ მისცენ ქართველ ერს ის, რაც კომუნისტებმა ვერ მისცეს, მაშინ როცა ისინი კომუნისტებზე დიდხანს მართავდნენ საქართველოს; 2) ბაგრატიონ მეფეებს სტალინზე, ორჯონიკიძეზე და მახარაძეზე ნაკლები დანაშაული არა აქვთ ჩადენილი; 3) ნუთუ თქვენ მართალი გგონიათ, რომ ქრისტიანობას შეუძლია ის მისცეს ერს, რაც კომუნისტებმა ვერ მისცეს.

როგორც ხედავთ, მეორე უკიდურესობა ის, რასაც წერენ ზვიადის მონინალმდეგეები. ღმერთო, რა ეშველება საქართველოს!

#### 31 მარტი

დღეს რეფერენდუმია საქართველოს დამოუკიდებლობის აღდგენის თაობაზე. რა თქმა უნდა, ამის მომხრე ალბათ იქნება დაახლოებით 90%. საკრებულოს არჩევნებში ვერ გავიგე ვის ირჩევდნენ. ერთი ხმა ექიმს მივეცი და მეორე — გეოგრაფს. გეოგრაფს იმის გამო მივეცი ხმა, რომ ზურაბ სეფერთელაძემ მთხოვა: ჩემი კოლეგა არისო. რა აზრი აქვს ამ საკრებულობის არჩევნებს.

დღეს გაზ. „თავისუფალ საქართველოში“ ვკითხულობდი მასალას უზენაესი საბჭოს წევრებთან ინტელიგენციის და სტუდენტების შეხვედრის შესახებ. ძალზე აღმაშფოთა სტუდენტ ფიქრია ჩიხრაძის გამოსვლასთან დაკავშირებით თემურ ქორიძის რეპლიკამ. კერძოდ, ფიქრიამ განაცხადა, რომ სიტყვაში გამოსვლის დროს ის ძალიან ლელავდა. თემურ ქორიძემ უპასუხა: „უნივერსიტეტშიც ლელავდით თქვენ“. ამით მან ფიქრიას გაახსენა შეხვედრა უნივერსიტეტში (ეს შეხვედრა მოუწყვეს თემურ ქორიძეს 22 თებერვალს).

ფიქრია ჩიხრაძე: „ბატონო თემური!... მე თქვენზე მინდა ვთქვა. მე თქვენი რამდენი გამოსვლაც მომისმენია ამგვარ თავყრილობებზე ყოველთვის ერთ-ერთი იმათგანი ხართ, ვინც არასოდეს ხელს არ უწყობს, რომ კონსტრუქციულად წარიმართოს დიალოგი...“

თემურ ქორიძე: თქვენი უმნიფარო აზრის დემონსტრირების ადგილი აქ არ არის. დაუკვირდით ამას, თქვენს აბსოლუტურ უმეცრებაზე მეტყველებს ის, რასაც ახლა ლაპარაკობთ.

ფიქრია ჩიხრაძე: დიდი მადლობა კომპლიმენტებისათვის, ბატონო თემური! თემურ ქორიძე: ეს კომპლიმენტი არ არის, ეს სიმართლეა.

ლამით ვუყურებდი რუსეთის სახალხო დეპუტატთა ყრილობას, სადაც დიდი თავდასხმებია ბორის ელცინზე. ყრილობამ „სამხრეთ ოსეთის“ შესახებ მიიღო დადგენილება.

1. აღადგინოს „სამხრეთ ოსეთის“ ავტონომია;
2. გაათავისუფლოს კულუმბეკოვი;
3. დააბრუნოს ლტოლვილები;
4. დაამყაროს სიმშვიდე;
5. თუ ეს პუნქტები არ შესრულდა, არ დაიდოს ხელშეკრულება საქართველოსთან.

როდესაც ეს მოვისმინე გულმა რეჩხი მიყო: ამას ალბათ სხვა აქციებიც მოჰყვება.

## 1 აპრილი

სალამოს რეფერენდუმის შედეგები გამოქვეყნდა. რეფერენდუმში მონაწილეობა მიიღო ამომრჩეველთა 89%-მა. დამოუკიდებლობას ხმა მისცა 99%-მა.

ჩემი ვარაუდი „სამხრეთ ოსეთის“ შესახებ მართლდება. დღეს საბჭოთა კავშირის უმაღლესმა საბჭომ მიიღო დადგენილება, რომ ეთხოვოს საბჭოთა კავშირის პრეზიდენტს „სამხრეთ ოსეთში“ საგანგებო წესები გამოაცხადოს.

## 4 აპრილი

დღეს რექტორატიდან დარეკეს, რომ 12 საათზე სხდომათა დარბაზში მივსულიყავით, სადაც გაიმართებოდა სხდომა სამაჩაბლოს თაობაზე. სხდომათა დარბაზში წინა რიგში დავჯექით მე, ირაკლი შაფაქიძე, თემურ ხუროძე, ელგუჯა ხინთიბიძე და სხვები. სხდომა რექტორს, ნოდარ ამალალობელს მიჰყავდა, უზენაესი საბჭოდან დაესწრო თემურ ქორიძე. სიტყვებით გამოვიდნენ ლევან ალექსიძე, ტარიელ კვანჭილაშვილი, ბეჟან

ბარდაველიძე, რომლებმაც პროტესტი განაცხადეს იმის გამო, რომ პრეზიდენტ მიხეილ გორბაჩოვის მიერ მზადდებოდა სამაჩაბლოში საგანგებო წესების შემოღება და, რომ ჯარის ნაწილები უკვე შემოდიან სამაჩაბლოში.

შემდეგ სიტყვით გამოვიდა თემურ ქორიძე, რომელმაც საუბარი კარგად დაიწყო, მაგრამ უცებ აღნიშნა, რომ უნივერსიტეტში არსებობდა ივანე ჯავახიშვილის სკოლა, ბერიტაშვილის სკოლა, შეიძლება ითქვას, თამაზ გამყრელიძის სკოლაც შეიქმნაო. ვერაინ მიხვდა, რა შუაში იყო ასეთი საუბარი. ბოლოს თემურ ქორიძემ აღნიშნა, რომ არ არის საჭირო უნივერსიტეტის ავტონომია. ამან დარბაზში დიდი უარყოფითი რეაქცია გამოიწვია. სტუდენტებმა, რომლებიც გვერდით ფანჯრის რაფაზე იყვნენ ჩამომსხდარნი, კამათი გაუმართეს მას და პკითხეს, თუ რატომ არ ამტკიცებდა უზენაესი საბჭო უნივერსიტეტის წესდებას. თემურ ქორიძემ უპასუხა: უზენაესმა საბჭომ რატომ უნდა დაამტკიცოს თბილისის სახელმწიფო უნივერსიტეტის წესდება, თვითონ ჩაატარეთ რეფერენდუმი და თვითონვე დაამტკიცეთო. მე დამეინწყდა მეთქვა, რომ ქორიძემ აღნიშნა შემდეგი: საჭირო არ იქნება ამდენი მისაღები გამოცდა, სრულიად საკმარისია ერთი გამოცდა. გამეცინა, ეტყობა თემურ ქორიძემ არაფერი არ იცის მისაღები გამოცდების შესახებ. ოთხი გამოცდით ძლივ ვარჩევთ ჩასარიცხ კონტინგენტს და ეხლა გვინდა ერთი გამოცდით ჩავრიცხოთ. სხდომის ბოლოს ლევან ალექსიძემ წაიკითხა დეპუტის ტექსტი, რომელიც მიხეილ გორბაჩოვს გავგზავნა.

არ მომწონს დღევანდელი 4 აპრილი, რადგან სწორედ 1989 წელს 4 აპრილიდან დაიწყო აპრილის ამბები. მაშინ აფხაზეთის საკითხი იდგა. მალე იგი საქართველოს დამოუკიდებლობის მოთხოვნაში გადაიზარდა. ღმერთო, გადაგვარჩინე ქართველობა, აღარ განმეორდეს 9 აპრილი.

9 აპრილი, ერთ-ერთი ყველაზე საშინელი დღე ქართველი ერისათვის, გადაიქცა ერთ-ერთ უბედნიერეს დღედ. დღეს გაიმართა უზენაესი საბჭოს საგანგებო სხდომა, სადაც მოხსენებით გამოვიდა ზვიად გამსახურდია. მან ნაიკითხა რეფერენდუმის მონაცემები და 9 აპრილი საქართველოს სახელმწიფოებრივი დამოუკიდებლობის აღდგენის დღედ გამოაცხადა. მთელი დარბაზი ოვაციებით შეხვდა. ერთხმად გაიძახოდნენ: „საქართველო“ და „ზვიად“. ცრემლები მომდის, ვიცი ძნელი იქნება დამოუკიდებლობის მიღწევა, მაგრამ ეს დღე ისტორიაში შევა, როგორც უდიდესი დღე. ამ დღით საქართველომ პირდაპირ ბრძოლაში გამოიწვია გორბაჩოვის დამპალი იმპერია. ღმერთო, შენ დაიფარე საქართველო! საღამოს ხუთ საათზე მთავრობის სახლთან გაიმართა მიტინგი. მე არ ვესწრებოდი, ტელევიზიით ვუყურე. გამოვიდა ზვიად გამსახურდია, რომელმაც ქართველ ხალხს სახელმწიფოებრივი დამოუკიდებლობის აღდგენა მიულოცა. ხალხი აღტაცებით შეხვდა. ყველა ბედნიერია. სიტყვით გამოვიდნენ აკაკი ახათიანი, ჯანმრთელობის დაცვის მინისტრი მანანა ძოჭვაშვილი, თენგიზ სიგუა, მისი მოადგილე, ბაქარ გიგინეიშვილი და ბევრი სხვა. მეც ბედნიერი ვარ, მაგრამ რალაც შიშის გრძნობა მიპყრობს. ღმერთო, ასეთი ბედნიერი იყოს ქართველი ერი. დიდი ბრძოლა მოგვიწევს, მართალია, ინგრევა იმპერია, მაგრამ მისთვის არაფერს წარმოადგენს გაფლიტოს პატარა ერი. ამჟამად რუსეთში მიმდინარეობს მემახტეთა ვაფიცვა, გაფიცვებია ბელორუსიაში. ჩემი აზრით, თუ რუსეთში არ მოისპო კომუნისტთა ბატონობა, გორბაჩოვი საქართველოში აუცილებლად ჯარებს შემოიყვანს.

იმპერია გააქტიურდა სამაჩაბლოში. ცხინვალის შესასვლელი შინაგანმა ჯარებმა დაიკავეს. ქართულ სოფლებში 25 ქართველი მილიციელი დააკავეს.

ზვიად გამსახურდიამ პრესკონფერენცია ჩაატარა, სადაც აღნიშნა, რომ „მრგვალი მაგიდას“ პოლიტიკურმა ორგანიზაციებმა დაიწყეს გაფიცვები დასავლეთ საქართველოს რკინიგზაზე — ბათუმში და ფოთში. ეს არის პროტესტი სამაჩაბლოში იმპერიის აგრესიის წინააღმდეგ, რაც საქართველოს შინაურ საქმეებში ჩარევაში გამოიხატა.

## 11 აპრილი

იმპერიის ჯარები გააქტიურდნენ. დაიწყეს სამაჩაბლოში ქართული სოფლების დარბევა. ქართული მილიცია მთლიანად ჩამოაცხილეს სამაჩაბლოს საქმეებს.

## 14 აპრილი

უზენაესმა საბჭომ საქართველოს რესპუბლიკის პრეზიდენტად ერთხმად აირჩია ზვიად გამსახურდია. გადაწყდა, პრეზიდენტის საყოველთაო არჩევნები ჩატარდეს 26 მაისს. რა შეიძლება ითქვას ამ საკითხზე? რა თქმა უნდა, დამოუკიდებლობის გამოცხადების შემდეგ საქართველოს, მით უმეტეს ამ გაჭირვების დროს, სჭირდებოდა პრეზიდენტი, რომელიც აღარ დაელოდებოდა უზენაესი საბჭოს გადაწყვეტილებებს და პასუხისმგებლობას საკუთარ თავზე აიღებდა. უზენაესი საბჭო ფაქტობრივად მაინც ზვიად გამსახურდიას დანამატი იყო, რადგან ქართველმა ხალხმა არჩევნებში ბლოკ „თავისუფალ საქართველოს“ და მის შემადგენელ პარტიებს ხმა მისცა მხოლოდ იმის გამო, რომ მას ზვიად გამსახურდია მეთაუ-

რობდა. ძალიან ბევრი იქნება დამოკიდებუ-  
ლი იმაზე, როგორ საპრეზიდენტო საბჭოს  
შექმნის პრეზიდენტი, ვინ ეყოლება მრჩე-  
ვლები, რადგან უზენაეს საბჭოში აშკარად  
ჩანს ბევრი დეპუტატის არაკომპეტენტურ-  
ობა, ხშირად ვერ არჩევენ პარლამენტში  
არიან თუ მიტინგზე.

## 15 აპრილი

საქართველოში დაიწყო გაფიცვები  
მოთხოვნით – გაიყვანონ საბჭოთა ჯარები  
სამაჩაბლოდან. ჩერდება რკინიგზები.  
გაფიცვები ძირითადად მიმდინარეობდა  
საკავშირო დაქვემდებარების სანარმოებში.

## 24 აპრილი

ცხრა რესპუბლიკის წარმომადგენელმა,  
მათ შორის ბორის ელცინმა, ხელი მოაწერა  
მიმართვას, სადაც აღნიშნული იყო, რომ  
ეკონომიკური უპირატესობა მიენიჭება იმ  
რესპუბლიკებს, რომლებმაც ხელი უნდა  
მოაწერონ სამოკავშირეო ხელშეკრულებას.  
ამ მიმართვას ხელს აწერს მიხეილ გორბა-  
ჩოვიც. მიმართვაში აღნიშნულია, რომ  
სამოკავშირეო ხელშეკრულების ხელმოწერი-  
დან ექვსი თვის შემდეგ, არანაკლებ ექვსი  
თვით, დაითხოვენ საბჭოთა კავშირის  
უმაღლეს საბჭოს, დეპუტატთა ყრილობას და  
აირჩევენ საბჭოთა კავშირის პრეზიდენტს. ამ  
დოკუმენტში მნიშვნელოვანია ის, რომ აღი-  
არებულია ლიტვის, ლატვიის, ესტონეთის,  
საქართველოს, მოლდოვასა და სომხეთის  
რესპუბლიკების მისწრაფება დამოუკიდებ-  
ლობისკენ.

რა შეიძლება ითქვას ამ დოკუმენტზე.  
საქართველოს ინტერესებიდან გამომდინარე,  
გორბაჩოვის და ელცინის გაერთიანება არ  
იქნება სასურველი საქართველოსთვის. ცხ-  
ადია, რაც მეტი არეულობაა რუსეთში, მით

უკეთესია ჩვენთვის. მე მემინია, რომ ამ  
მიმართვას არ მოჰყვეს იმ გაფიცვების შენ-  
ყვეტაც, რომელიც მიმდინარეობს ბელორუ-  
სიაში და მზადდება უკრაინაში. თუ რუსეთ-  
სა და ბელორუსიაში დამთავრდა გაფიცვე-  
ბი, მაშინ ჩვენი გაფიცვები გადაიქცევა ავან-  
ტიურად და მთლიანად საკავშირო მასშტა-  
ბით არავითარი გავლენა არ ექნება. პირი-  
ქით, ქართველი ერი ჩაეარდება მძიმე  
ეკონომიკურ მდგომარეობაში. უკვე აღარ  
იშოვება ბენზინი, კარაქი, არ თბება ბინები,  
როდემდე გავძლებთ, არ ვიცო. უზენაესი  
საბჭო დაკავებულია მხოლოდ პოლიტიკური  
საკითხების გადანყვევით და საერთოდ არ  
ფიქრობს ეკონომიკაზე.

## 26 აპრილი

მგონი, მართლდება ჩემი სიტყვები. ბე-  
ლორუსიის მემსახტეებს დაჰპირდნენ რუსეთის  
იურისდიქციაში გადაყვანას. ენახოთ, რა  
მოხდება ბელორუსიაში.

## 29 აპრილი

უნივერსიტეტის პირველ კორპუსში  
მანქანით მივედი, პირველი საათი და 15  
ნუთი იყო. ჩემთან ერთად მანქანაში ისხდ-  
ნენ მაია და თაზო, რომელიც საავადმყოფო-  
ში გვყავდა წაყვანილი. უცებ დავინახე შე-  
ნობიდან გარეთ გამოსული ხალხი. ყველა  
ამბობდა, რომ 6 ბალიანი მინისძვრა იყო.  
ჩვენ არაფერი გვიგრძენია.

ღამით, 10 საათსა და 40 ნუთზე კვლავ  
მოხდა მინისძვრა. შეგვეშინდა. ვაკეში  
წავედი დასაძინებლად. 12 საათსა და 40  
ნუთზე მინისძვრა ისევ გამეორდა.

## 30 აპრილი

პირველ საათზე აჩვენეს კადრები. სამი-წელეებაა, განსაკუთრებით დაზიანდა საჩხერის, ონის, ამბროლაურის რაიონები.

დილით, როდესაც უნივერსიტეტში მივედი, კარლო მეშველიანმა მითხრა, რომ პრორექტორ თემურ ხუროძესთან ჩავსულიყავი. ხუროძემ გამომაყოლა სპორტკლუბიდან ამირანი. სისხლის გადასხმის ცენტრში უნდა მივსულიყავით. ნავედით ქეთარაძის ქუჩაზე. იქ უამრავი ხალხი იყო. ვნახე მთავარი ექიმი ჩხაიძე. მან მითხრა, რომ უნივერსიტეტში ბრიგადას გამომაყოლებდა. შევთანხმდით 10 საათისთვის.

2 საათზე რექტორთან შევიკრიბეთ. იქ გადაწყდა ფულის შეგროვება. შეიქმნა შტაბი.

## 1 მაისი

დღეს გლოვის დღეა საქართველოში. გაფიცვები შეწყდა.

## 26 მაისი

დღეს პრეზიდენტის არჩევნებია. მანამდე ტელედებატები მიმდინარეობდა. მონაწილეობდნენ — ვალერიან ადვაძე, ირაკლი შენგელაია, თამაზ კვაჭანტირაძე, ჯემალ მიქელაძე. ამ მოვლენებს არ აღვწერ, რადგან საკმაოდ ცნობილია და ისტორიისთვის არ დაიკარგება. მე ჩემ პირად აზრს ვიტყვი. ზვიად გამსახურდიას მონაწილედვეგათა გამოსვლებში იყო საკმაოდ მნიშვნელოვანი კრიტიკაც, მაგრამ აშკარად ჩანს, რომ ისინი ფაქტობრივად ვერაკითარ კონკურენციას ვერ გაუწევენ მას. ამაზრუნვია ზვიად გამსახურდიას მხარდამჭერთაგან ძალიან ბევრი მლიქვნელის გამოსვლები პრესით, ტელევიზიით, რადიოთი. რა საჭიროა ზვიად გამსახურდიას

ამდენი ქება. მან გაიმარჯვა 1990 წლის 28 ოქტომბერს, როდესაც არავითარი რეკლამა არ ჰქონდა. ახლა ის ხალხი გამოდის მის მხარდამჭერად, რომელიც გუშინ ხშირად ჩემს თვალწინ აგინებდა ზვიად გამსახურდიას. ეს ხალხი დალუპავს ზვიად გამსახურდიას და საქართველოსაც.

მიუხედავად იმისა, რომ ახლად არჩეულ ზუენაეს საბჭოს ბევრი შეცდომა მოსდის, არ ემალება რომ საპარლამენტო არჩევნებში ხმა მივეცი ზვიად გამსახურდიას. ვთვლი, რომ ამჟამად, როდესაც გამეფებულია ძალმომრეობა, ადვაძე, შენგელაია და კვაჭანტირაძე ვერ მოუვლიან საქართველოს. ამასთან ერთად მიმარწია, რომ სახელმწიფოს მართვაში უნდა ჩაერთოს მთელი საქართველოს ინტელექტუალური ძალები და არა მიტინგზე ხშირად გამოსვლი პიროვნებები, რომელთაც ცოდნა არ ჰყოფნით გაუძღვნენ საქმეს. თუ ზვიად გამსახურდიამ არ გადადგა ნაბიჯები ეროვნული შერიგებისაკენ, მაშინ საქმე კატასტროფისკენ წავა, რადგან ამით მოსკოვი ისარგებლებს.

## 28 მაისი

ინტერვიუ მივეცი რადიოს, სადაც მივესალამე ზვიად გამსახურდიას არჩევას პრეზიდენტად. ღმერთო, ბედნიერი იყოს საქართველო!

## 13 სექტემბერი

ვფიქრობდი, რომ აღარ გავაგრძელებდი დლიურის წერას, იძულებული ვარ განვაგრძო, რადგან მდგომარეობა ისევ დაიძაბა. მდგომარეობა შედარებით სტაბილური იყო იენის-იელისში. ავეისტოში მოხდა განხეთქილება. თენგიზ სიგუამ მოითხოვა, გადაეყენებინათ ის მინისტრები, რომლებიც ხელს უშლიდნენ მუშაობაში. ზვიად გამსახურდიამ,



პირიქით, პირადი განცხადების საფუძველზე გაანთავისუფლა თენგიზ სიგუა, საგარეო საქმეთა მინისტრი გიორგი ხოშტარია, თენგიზ სიგუას მოადგილე ოთარ ქვილითაია. საგარეო საქმეთა მინისტრის თანამდებობა ზვიად გამსახურდიამ მურმან ომანიძეს შესთავაზა. 19 აგვისტოს მოსკოვში დაიწყო პუტჩი. დილით, როდესაც ეს გავიგე, სურამში ვიყავი და თბილისში წამოვედი.

სალამოს ზვიად გამსახურდია ტელევიზიით გამოვიდა და მოსახლეობას სიმშვიდისკენ მოუწოდა. აშკარად დაბნეული ჩანდა. 20 აგვისტოს მივიღე „იზვესტია“, სადაც დაიბეჭდა ხუნტის ბრძანებულებანი. ზვიად გამსახურდიას ბრძანებით, ეროვნული გვარდია გარდაიქმნა შინაგან საქმეთა სამინისტროს ერთ-ერთ ქვედანაყოფად. ეს იყო გვარდიის გადარჩენის ერთადერთი გზა. მოსკოვში ბორის ელცინის მეთაურობით რევოლუცია მოხდა. 21 აგვისტოს დაამხეს ხუნტა. 22 აგვისტოს ზვიად გამსახურდიამ ბორის ელცინს წარმატება მიულოცა.

გაზეთ „დრონს“ თენგიზ სიგუამ და გოგი ხოშტარია იმ ტერვოუ მისცეს, სადაც პრეზიდენტი არაკომპეტენტურობაში და მათ საქმეებში აშკარად ჩარევაში დაადანაშაულეს. ამას დიდი რეაქცია მოჰყვა. ორი დღე „მომბეზში“ გადმოსცემდნენ პრეზიდენტის პრესსამსახურის განცხადებას — „პუტჩი საქართველოში“. ძალზე აღმაშფოთებელი განცხადებაა. ისევ ედუარდ შევარდნაძეს დასდეს ბრალი და მას ზურაბ წერეთელიც მიაყოლეს.

ნოდარ ამაღლობელი რექტორობიდან გაათავისუფლეს. ამ დროს სურამში ვიყავი. რექტორად დანიშნეს თამაზ გამყრელიძე. მე ეჭვი შემეპარა, რომ ეს იყო ფარსი. თამაზ გამყრელიძეს ადრეც სთავაზობდნენ რექტორობას და დიდი საბჭოც მას უეჭველად აირჩევდა. მიუხედავად ამისა, თამაზ გამყრელიძე უარს ამბობდა რექტორობაზე

და ძალიან საეჭვო იყო ახლა დათანხმებულის, მით უფრო, რომ უნივერსიტეტში კი არ ირჩევდნენ, არამედ პრეზიდენტი ნიშნავდა. თამაზ გამყრელიძე თბილისში არ აღმოჩნდა. როდესაც მოსკოვიდან დაბრუნდა მან „დრონში“ გამოაქვეყნა განცხადება, სადაც აღნიშნული იყო, რომ რექტორად დანიშვნა მასთან არ იყო შეთანხმებული. ჩემი აზრით, ნოდარ ამაღლობელის გაშვება უნდოდათ და თამაზ გამყრელიძის სახელს ამოეფარნენ. ხელისუფლებას სურს თავისი კაცის რექტორად დანიშვნა. 2 სექტემბერს საშინელი ფაქტი მოხდა კინოს სახლთან. გააჭანტურია მიტინგს ატარებდა. მათ თავს დაესხა „ომონი“, სროლა ატეხა და ხალხი დაიჭრა\*.

მეორე დღეს ხმა გააცრეკლეს, რომ თითქოს მომიტინგეებმა ესროლეს „ომონს“. მაგალითად, მოიტანეს ომონელის ჯავშანფილეთი, რომელსაც თითქოს ოთხი ტყვია ჰქონდა მოხვედრილი. მართლაც საშინელი ფარსია. ამის შემდეგ დაიწყო დიდი გამოსვლები. განხეთქილება თვით უზენაეს საბჭოში. ჯერ მოხდა განხეთქილება პრეზიდენტსა და ვაჟა ადამიას შორის. ვაჟა ადამიას კომისია შეუერთეს ნუგზარ მოლოდინაშვილის კომისიას და ორივე კომისიის თავჯდომარედ ლევან ალექსიძე დანიშნა.

19-21 აგვისტოს პუტჩის დროს ეროვნული გვარდიის ნაწილი, თენგიზ კიტოვანის ხელმძღვანელობით, არ დაემორჩილა ზვიად გამსახურდიას ბრძანებას. გვარდიის ეს ნაწილი რკონში წავიდა. 3 სექტემბერს გვარდიელები რკონიდან ჩამოვიდნენ და შვენაბაძე დადგნენ. მათ განაცხადეს: თუ ომონი დაარბევდა მომიტინგეებს, მაშინ ისინი დაიცავდნენ მათ. საშინელი ისტერია დაიწყო შევარდნაძის წინააღმდეგ. სასაცილოა, რა შუაშია შევარდნაძე და იაკოვლევკი? მთავრობის სასახლესთან პრეზიდენტის მომხრეები არიან. შიმშილობენ მეტეის რაიონის წარმო-

\* იმ დღეს თბილისში იმყოფებოდა ამერიკის შეერთებული შტატების კონგრესმენთა დელეგაცია. ოპოზიციას სურდა ხელისუფლების პროვოცირება და კიდევ მიაღწია მიზანს.

მადგენლები. პირველ სკოლასთან მონარქის-ტული პარტია, ცოტა მაღლა - ეროვნულ-დემოკრატიული პარტია, იმელთან — ირაკლი ნერეთელი. გუშინ უნივერსიტეტში რომ მივედი, შიშობობდნენ ჯანსუღ ჩარკვიანი, ბლოკი „თავისუფლება“, „მწვანეები“, ლიბერალური პარტია.

11 სექტემბერს ბორჯომში წავედი. დილით, როდესაც ჩამოვედი, მითხრეს: ოთარ ჯაფარიძე დანიშნეს რექტორადო. ნამდვილად გამეხარდა. ჩანს, რადგან არეულობაა, ხელისუფლებამ ვერ გაბედა სხვა ვინმეს დანიშვნა რექტორად და ნორმალური პიროვნება მონახეს. 13 სექტემბერს, როდესაც უნივერსიტეტში მივედი, აღმოჩნდა, რომ რექტორის დანიშვნის ბრძანებაზე პრეზიდენტს არ ჰქონდა ხელი მონერილი. თვითონ ოთარ ჯაფარიძეც უკვე რექტორად დანიშვნის წინააღმდეგი იყო.

იმავე დღეს მარია ლორთქიფანიძე დაიბარეს უზენაეს საბჭოში. ოთხი საათი ელოდებოდით მის დაბრუნებას კარლო მეშველიანი, ნოდარ ნონიკაშვილი, ავთანდილ ნერეთელი, თემურ გვირაძე. მარია ლორთქიფანიძე დაბრუნდა და განაცხადა, რომ ოთარ ჯაფარიძე დაუსმენიათ, რომ იგი კონგრესის მომხრეა, ხოლო მისი ქალიშვილი პრეზიდენტის წინააღმდეგ მონყობილ მიტინგებზე დადისო. ჩემი აზრით, ოთარ ჯაფარიძეს ებრძოდა პრეზიდენტის მომხრეთა ის ჯგუფი, რომელსაც თავისი კაცის დანიშვნა უნდოდა რექტორად. საბოლოოდ გადაწყვიტეს ოთარ ჯაფარიძე მოვალეობის შემსრულებლად დაემტკიცებინათ.

გამომრჩა მეთქვა, რომ უზენაეს საბჭოში ოპოზიციაში გადადის თედო პაატაშვილი, მერაბ ურიდია, ირაკლი მელაშვილი, მაღხაზ კვანჭილაშვილი. მანამდე ოპოზიციაში გადავიდა დიხაშინჯია. საოცარია, როგორ უნდა მოახერხო პრეზიდენტმა, რომ რამდენიმე თვეში ამხელა ოპოზიცია შეიქმნა მაშინ, როდესაც იენისში ოპოზიცია უმნიშვნელო ძალას წარმოადგენდა.

## 15 სექტემბერი

დღეს გაიხსნა უზენაესი საბჭოს სხდომა. ტელევიზიით სხდომა არ აჩვენეს. საღამოს წავედი უნივერსიტეტში მიტინგზე, სადაც გავიგე, რომ დეპუტატების ნაწილს დაუტოვებია უზენაესი საბჭოს სხდომა.

## 18 სექტემბერი

16 სექტემბერს რესპუბლიკის მოედანზე დიდი მიტინგი გაიმართა. მე დაგვიანებით მივედი. თენგიზ სიგუა გვარდიელებს მიყავდათ, მას ხალხი მიაცილებდა, ყველა ტაშს უკრავდა. აქ მთელი თბილისის ინტელიგენცია იყო თავმოყრილი.

17 სექტემბერს დაუპატიმრებიათ გააჭანტურია და მისი მეუღლე ირინა სარიშვილი, ასევე ვახტანგ ტალახაძე. თვითმფრინავი, რომელშიც ისინი ისხდნენ, აეროპორტიდან აფრინდა, მაგრამ მალევე უკან დასვეს. მე მგონი რეპრესიების დაწყებას აპირებენ. ღმერთმა დაგვიფაროს!

ორი დღეა ტელეგადაცემები აღარ არის. მიმდინარეობს ტელევიზიის შენობის პიკეტირება. რადიოთი მოვისმინე მიტინგზე ზვიად გამსახურდიასა და აკაკი ასათიანის სიტყვები. ზვიადი ისევ აგრძელებს შევარდნაძის გინებას და პროვოკატორების დასახელებას. ასათიანი მერყეობს, ეტყობა სინდისი აწუხებს.

ღამით, პირველ საათზე შემთხვევით გავიგონე ტელევიზორის ხმა. ჩავრთე ტელევიზორი. გამოდიან ქალები, რომლებიც აცხადებდნენ, რომ თითქოსდა მათ ცემეს ირაკლი ნერეთელმა და მისმა მეგობრებმა. დღეს, ეტყობა, ეს ქალები მიუშვეს ირაკლი ნერეთლის ხალხზე. ეს აშკარა პროვოკაციაა. ამ გადაცემით აღიზიანებენ ხალხს, აჩვენებენ, რომ ქალებს გარდა ბავშვიც ცემეს. ეს სამოქალაქო ომის დასაწყისია.

ვინც ეს პროვოკაცია მოახსოვს, სწორედ ის არის ჩასაქოლი.

## 21 სექტემბერი

დილიდანვე დაიწყო ზვიად გამსახურდიას გამოხსენება. მან განაცხადა, რომ პუტჩისტები ცდილობენ აიღონ მთავრობის სასახლე და მთელ მოსახლეობას მოუწოდებენ მოსულიყვნენ და დაეცვათ უზენაესი საბჭო და პრეზიდენტი. მთელი დღე ეს გადაცემა იყო.

## 22 სექტემბერი

როგორც გავიგეთ, ირაკლი ნერეთლის ხალხი მთავრობის სასახლესთან დაჯდომას აპირებდა.

ზვიად გამსახურდიას დასახმარებლად რაიონებიდან ჩამოვიდა უამრავი ხალხი. ღამის ოთხ საათზე ისინი მიადგნენ ეროვნულ-დემოკრატიული პარტიის ბარიკადებს და იმელს. მოხდა შეტაკება, არიან დაჭრილები და ნაცემები. ზვიად გამსახურდიამ განაცხადა, რომ ბარიკადებს მიადგა მშვიდობიანი დემონსტრაცია, მათ დაუშინეს ქვები, იხმარეს ხელკეტები და გაზი. ღმერთო რა ხდება? ქართველები ერთმანეთზე მიუშვებს! რასაც ზვიად გამსახურდია აცხადებდნენ 9 აპრილს: ჯარს მომიტინგეებმა ესროლეს ქვები, გამოიყენეს ხელკეტები და გაზი. ეს დღევც საქართველოს ისტორიაში შევა როგორც შეებნელი დღე.

## 25 სექტემბერი

დიდუბეში, თელასთან მოხდა შეტაკება, რომლის დროსაც სამი მილიციონერი და ორი გვარდიელი მოკლეს.

## 27 სექტემბერი

ღამით შეანაბრდა თავს დაესხა მილიციელთა ქვედანაყოფი. მსხვერპლი არ არის. შუადღისას ვიყავი ტელევიზიასთან. ირაკლი ბათიაშვილმა მოუწოდა ხალხს მშვიდობიანი მსვლელობა მოეწყობათ უნივერსიტეტისაკენ. ბევრი არ გაყვა.

მთელი დღე აცხადებენ, რომ ვაჟა ადამიამ მძევლად ჩაიგდო მერაბ კოსტავას დედა და სახლის სხვა მცხოვრებლები. ბრალდება, მართლაც, საშინელია. მაგრამ, რა იცის მთელმა საქართველომ, რომ ვაჟა ადამია იმავე სახლში ცხოვრობდა და იქ არის გაზრდილი. ის იყო ერთ-ერთი დიდი მეგობარი მერაბ კოსტავასი. რა საშინელებაა, როდესაც ასეთი ცინისნამება გადაიცემა ტელევიზიით. ჩემი აზრით, ტელევიზიის პროგრამა „მოამბე“ უნდა მიეცეს პასუხისგებაში, ქართველთა შორის შუღლის გაღვივებისთვის.

## 29 სექტემბერი

ტელევიზიით ისევ გამოდიან მშრომელები, მაგალითად, ქუთაისიდან, ასევე ქარხნის დირექტორები და ა. შ.

## 1 ოქტომბერი

გუშინ თითქოს სროლა იყო ცირკთან. 29 სექტემბერს, ღამით, 10 საათზე, ტელევიზიასთან მოხდა აფეთქება. ჭურვი მოხვდა აგრომრენის შენობას. ორივე მხარე სხვადასხვანაირად ხსნის ამ ფაქტს. 30 სექტემბერს რუსთაველზე, მთავრობის სასახლესთან, დიდი მიტინგი იყო. ზვიად გამსახურდიამ მოუწოდა ხალხს ტელევიზიის შენობასთან წასულიყვნენ. ხალხი მოადგა გმირთა მოედანს, შემდეგ უკან გამობრუნდნენ. ტელევიზიით გამოსვლისას ავთანდილ

რცხილადემ ოპოზიციას ბრალი დასდო, რომ მათ არ სურთ შერიგება. ამჟამად დროს აღნიშნეს, რომ პრეზიდენტის მომხრეები პირველ რიგში კიდევ ერთხელ შეეცადებიან ტელევიზიის დაკავებას. მე პირადად მიმაჩნია, რომ ეს არის დიდი ავანტიურა, რადგან ორი სხვადასხვა აზრის მქონე დიდი მასის შეხვედრამ შეიძლება მსხვერპლი გამოიწვიოს.

დღეს გაზ. „თბილისში“ სათაურით — „ოცდაათი ვერცხლის ფასად“ გამოქვეყნებულია ფინანსთა მინისტრის მოადგილის რ. კაკულისას სტატია. ეს სტატია რომ ნაეიკითხე, გული ცუდად გამიხდა, თურმე აკაკი ბაქრაძე, გარდა ერის მოღალატისა, ყოფილა ჩალიჩა, უკანონო თანხების მიმთვისებელი და კიდევ უამრავი რამ.

### 3 ოქტომბერი

გაზეთში გამოქვეყნდა თენგიზ კიტოვანის და ვაჟა ადამიას შეთანხმება. ისინი ტოვებენ ქალაქს, რათა ყველაფერი მშვიდობიანი გზით გადაწყდეს. თენგიზ კიტოვანმა განაცხადა: თუ დაინებენ ოპოზიციის დევნას, მაშინ იგი დაბრუნდებოდა ქალაქში.

სალამოს „მომამბეში“ აჩვენეს ზვიად გამსახურდიას გამოსვლა მიტინგზე. ეს გამოსვლა იყო საშინელი. პრეზიდენტმა ქართველ ხალხს მიულოცა გამარჯვება (ნეტავი ვისზე?) და აღნიშნა, რომ ახლა პასუხი უნდა გაეცეს ყველას და მოვახდინოთ იმ დეპუტატების და ინტელიგენციის ნაწილის იზოლაცია, რომელნიც პუტჩისტებს უჭერდნენ მხარს.

### 4 ოქტომბერი

დილით დედაჩემი ნავიყვანე საავადმყოფოში. უნივერსიტეტში 12 საათზე დავბრუნდი. ხალხი შემფოთებული იყო, სროლა არი-

სო იმ ადგილას, სადაც დაბანაკდა კიტოვანი, კერძოდ თბილისის ზღვასთან. მართლაც, აღმოჩნდა ორი დაჭრილი. კიტოვანს ალყა აქვს შემორტყმული. ტელევიზიით გამოვიდა ზვიად გამსახურდია და ხალხს მოუწოდა, 2 საათზე მასთან მისულიყვნენ. ოპოზიციას კომუნისტი სანდრო კავსაძე მოუძღვისო. ეს მოწოდება რამდენჯერმე განმეორდა. საღამოს ტელევიზიით განაცხადეს, რომ უშიშროების საბჭოს გადაწყვეტილებით, თბილისის ზღვაზე 20 საათიდან მოიხსნა ალყა. მეგონა, რომ ყველაფერი დაწყნარდა, მაგრამ 9 საათისთვის დიქტორმა, დავით სოკოლოვმა ტელევიზიით დაიწყო იგივე პანიკური განცხადებების გადაცემა, ყოველ ხუთ წუთში. თითქოს, მთავრობის სახლზე მოსალოდნელი იყო თავდასხმა თავისუფლების მოედნიდან. ხალხს მოუწოდებდნენ დასახმარებლად მისულიყვნენ.

დავით სოკოლოვმა ტელევიზიით გამოსვლისას განაცხადა, რომ პროვოკატორები დარბიან და ამბობენ, რომ ზვიად გამსახურდია პრეზიდენტი აღარ არისო, რომ ეს ტყუილია. რა ხდება მთავრობის სასახლის წინ, არ გვეუბნებიან.

### 5 ოქტომბერი

დღეს დილით დედაჩემი ნავიყვანე საავადმყოფოში. მამაჩემმა მითხრა, რომ გუშინ რაღაც უბედურება მომხდარა მთავრობის სახლთან. ღმერთო ჩემო! რომ ვნერდი, არაფერი ინფორმაცია არ არის, რა ხდება მთავრობის სასახლესთანო, თურმე რუსთაველის პროსპექტზე, იქ, სადაც 9 აპრილს ქართველებს ხოცავდნენ, ამჟამად, პირიქით, ქართველები დაერივნენ ერთმანეთს. რა თქმა უნდა, ტელევიზიით სოკოლოვმა ომახიანად განაცხადა, რომ სამი იერიში მოეწყო მთავრობის სასახლეზე, მემბობეებმა მოგვიკლეს ერთი და დაგვიჭრეს ათი კაციო. ამას ისე აცხადებს, როგორც

ლევიტანი აცხადებდა სამამულო ომის დროს, თუ რამდენი მოგვიკლეს და დაგვიჭრეს გერმანელებმა. ოპოზიციას, თურმე, უდანაშაულო ხალხისთვის ავტომატები უსერია! ღმერთო, რა ხდება? დღეს გავიგე, რომ დილით პირდაპირ ქუჩაში აპატიმრებდნენ ხალხს. ტელევიზიით გვაჩვენეს, თუ როგორ დაესხა თავს ოპოზიცია პრეზიდენტის მომხრეებს. ამ დროს აჩვენებენ, თუ როგორ გავარდებიან ხოლმე მთავრობის მომხრეები ხალხის საცემრად და აშკარად ჩანს, მთავრობის სასახლიდან ისროდნენ, მაგრამ ჰაერში.

დღეს გამოაცხადეს, რომ 7 საათზე გაიმართება უზენაესი საბჭოს საგანგებო სესია. სესიაზე გამოვიდა ზვიად გამსახურდია. მისი სიტყვა არ შეიცავდა მოწოდებებს ოპოზიციის გასანადგურებლად. სამაგიეროდ ღამით ტელევიზიით აჩვენეს მთავრობის სასახლის წინ გამართული მიტინგი, სადაც ნაიკითხეს რეზოლუცია. რეზოლუცია მოუნდებდა სესიას, რომ პასუხისგებაში მიეცათ ოპოზიცია.

უნივერსიტეტში, ღამის პირველ საათზე მოვიდნენ: ირაკლი მელაშვილი, რომან გოცირიძე, ავთანდილ იმნაძე. მათ აღნიშნეს, რომ უზენაესი საბჭოს უმრავლესობა მათ სიტყვას არ აძლევს. სესიაზე ერთადერთი დადებითი ის იყო, რომ სხდომის დროს შემოვიდა თბილისის მერი თამაზ ვაშაძე, რომელმაც განაცხადა: ვაჟა ადამიას ხალხმა გადაკეტა რკინიგზა და საავტომობილო გზა ქარელთან. პრეზიდენტმა მოითხოვა პასუხი ეგო ვაჟა ადამიას, ჩემი აზრით, ვაჟა ადამია საკმაოდ ვაჟაკურად იქცევა.

## 7 ოქტომბერი

დღის ორ საათზე ჩემმა სტუდენტმა გიორგი მაისურაძემ უნივერსიტეტთან მიტინგი გახსნა. მოვიდა ნოდარ ნათაძე, რომელმაც განაცხადა: პრეზიდენტი, რომელიც თავის ხალხს ესერის, საბრალდებულო სკამზე უნდა იჯდესო. სალამოს ტელევიზიამ

გადასცა, რომ უნივერსიტეტთან მიმდინარეობს მიტინგი და მომიტინგეებს მოუწოდა, არ დაძრულიყვნენ მთავრობის სასახლისკენ. ჩაეჯექი მანქანაში და უნივერსიტეტში წავედი. იქ შეკრებილი იყო ძალზე ცოტა ხალხი და არავითარი მიტინგი არ მიმდინარეობდა. გამოვიდა მხოლოდ ზურაბ ქაფიანიძე, ამბობდნენ პახმელიაზე არისო. შემდეგ გამოვიდა ირინა სარიშვილი. უნივერსიტეტიდან ღამის 12 საათზე წამოვედი. წამოსვლამდე ევსაუბრებოდი ნიაზ ჯეირანაშვილს, იქვე იყო აგრეთვე ჩემი სიმამრი ნოდარ ნებიერიძე, გოგი ლორთქიფანიძე და სხვ. ყველა აღმფრთხილებოდა, თუ როგორ უსწორდებოდნენ დემონსტრანტებს 5 ოქტომბერს.

## 8 ოქტომბერი

სალამოს მიტინგზე ვიყავი. ირინა სარიშვილი და მისი მომხრეები ახალი დაბრუნებულები იყვნენ მანიფესტაციიდან. ეს მანიფესტაცია მიმდინარეობდა ტელეგრაფთან, რადგან ისინი წინ აღარ გაუშვეს. ირინამ აღნიშნა, რომ ამ მანიფესტაციას დიდი მნიშვნელობა ჰქონდა, ამით მოეხსნა ის შიში, რაც ადრე განიცადა.

ზემოთ გამომრჩა მეთქვა. 5 ოქტომბრის „საქართველოს რესპუბლიკა“ ნაეიკითხე. იქ იყო სტატია — „მათ უკვე გვესროლეს ყვავილები“. ჩემი აზრით, ეს სტატია შეიძლება შევეადარო (შეიძლება უფრო მაღლაც დგას) „მოსკოესკიე ნოვოსტში“ გამოქვეყნებულ სტატიას, სადაც პირველად ითქვა სიმართლე 9 აპრილის შესახებ. ეს სტატია იყო მეხის გასროლა მთავრობისთვის. მასში აშკარად ჩანს, თუ როგორ უსწორდებოდა მთავრობა უიარაღო ხალხს. ძალიან გამიკვირდა, როგორ დაბეჭდეს ეს სტატია. სალამოს ტელევიზიით გამოაცხადეს, რომ რედაქტორი მამუკა ფაჩუაშვილი გაათავისუფლეს რედაქტორობიდან. მამუკა, ეტყობა, სინდისმა შეაწუხა და წავიდა ამ

გმირობაზე. მას, როგორც რედაქტორს, დიდი დანაშაული მიუძღვის ქართველი ერის წინაშე იმ დეზინფორმაციისთვის, რასაც ეწეოდა მთელი თვეების განმავლობაში. მე არ შემიძლია მამუკა ფაჩუაშვილს ბრალი დავდო, რადგან ყველას გვემლება რაღაც. მთავარია, საბოლოოდ აირჩიო წესიერი გზა.

## 9 ოქტომბერი

უზენაესი საბჭოს სესია გაგრძელებულა დილის ხუთ საათამდე. 3 საათზე დაიწყო სესიის ტრანსლაცია. დათო ბერძენიშვილმა ნაიკითხა ირინა ტალიაშვილის კომუნისტური სულისკვეთებით დანერვილი ლექსი. დათო ბერძენიშვილი ამით იმას უსვამდა ხაზს, რომ იმხანად ანტიკომუნისტურ პოზიციაზე მდგარი ირინა ტალიაშვილი ადრე კომუნისტების მეზობტე იყო. რომან გოცირიძემ განაცხადა, რომ უზენაეს საბჭოში თვითონ დეპუტატები ვერ შემოდიან, რადგან შენობაში შემოსულია 200 ფსიქიკურად დაავადებული ქალი და მამაკაცი ჯოხებით, ამ ბრბოს გამო დეპუტატები ძლივს გადაიან შენობიდან. განიხილავენ კომუნისტი დეპუტატების საკითხს.

აშკარად ჩანს, რომ „ქარტია-91“ კარგად არის მომზადებული. დმანისიდან გამოვიდა ნონიაშვილი. საშინელებაა, როგორ შეიძლება იგი დეპუტატი იყოს! თედო ნინიძემ აშკარად დაამტკიცა, რომ კანონი ირლევება. თედომ ძალიან ვაჟკაცურად დატოვა პარლამენტი. ასევე კაცურად დატოვა პარლამენტი თემურ შაშიაშვილმა. მან განაცხადა, რომ დეპუტატებს არ უნდა ეჯავრებოდეთ ერთმანეთი.

მინდია სალუქვაძემ პრეზიდენტს უთხრა: „ბატონო პრეზიდენტო! თქვენ დიდი უნარი გაქვთ შენების ნაცვლად ნგრევისა. ამ პარლამენტით შორს ვერ წახვალთ.“ აგრესიულ-მორჩილი უმრავლესობა თავის საქმეს აკეთებს.

ყოფილი კომუნისტური პარტიის დეპუტატებს, 109 ხმით, უფლებამოსილება შეუწყვიტეს.

დაიწყო ზვიად გამსახურდიას მთავარი პოლიტიკური მოხსენება. მან თქვა: „მე რომ ნავიდე, თბილისში ანარქია დაიწყება და მკედარ ქალაქად გადაიქცევაო“ (ამ ჭეშმარიტების იმხანად არავის, მათ შორის არც მე, სჯეროდა. ზვიადის სიტყვები მალე ახდა).

დაიწყო შეკითხვები. შეკითხვებს იძლეოდნენ: ნოდარ ნათაძე, რომან გოცირიძე, ირაკლი მელაშვილი, დათო ბერძენიშვილი. თანამომხსენებელი იყო თედო პაატაშვილი.

ელდარ შენგელაიამ მოითხოვა, რომ არცერთმა მხარემ არ იხმაროს ძალა და დაიწყონ მოძრაობა დემოკრატიისათვის. აკაკი ასათიანმა სწორად თქვა, რომ დაიღუპებიან მხოლოდ ქართველები, ქართველები, გინდა გვარდიიდან და გინდა მილიციიდან. ირინე ტალიაშვილმა მიუთითა, რომ უნდა დაისჯოს ის, ვინც შეიარაღებული ახალგაზრდები მთავრობის სასახლესთან მიუშვა.

თემურ ქორიძემ აღნიშნა, რომ მზადდებოდა პრეზიდენტის და პარლამენტის დამხობა.

ლამით ვიყავი უნივერსიტეტთან. ხალხი ელოდებოდა სესიის დამთავრებას. დეპუტატები მიტინგზე უნდა მოსულიყვნენ. მათი დაცვა იკისრეს „ავღანელებმა“. მე პირადად მომწონდა ავღანელები კავშირის თავმჯდომარის ნოდარ გიორგაძის გამოსვლა. ამ დღეებში ალბათ გადაწყდება, დამყარდება თუ არა დიქტატურა საქართველოში. სამწუხაროდ, საქართველოს მოსახლეობის დიდი ნაწილი მიჩვეული აღმოჩნდა მონობაში ცხოვრებას. სტალინის ფენომენი საკმაოდ არის გამჯდარი ქართველ ერში.

## 10 ოქტომბერი

სალამოა უნივერსიტეტის ეზოში მივლდი. იქ მიმდინარეობდა მიტინგი. გამოვიდა ლევან ლვინჯილია, რომელიც ნინა სალამოს დააპატიმრეს. მან თან მოიყვანა თავისი პატარა გოგონა. ლვინჯილიამ დაწვრილებით აღგვიჩერა, თუ როგორ დააპატიმრეს კერძოდ, ის მიყავდათ იაე, როგორც მონადირეებს მიაქვთ ნანადირევი და თან გარემო ცეკვავდნენ. გზაში ქალები ცდილობდნენ შეეფურთხებინათ მისთვის. უზუნაეს საბჭოში მას დაავდნენ ავთანდილ რცხილაძე, კოტე ფირციალავა, მერე შემოსულა კულტურის მინისტრის მოადგილე ჯულიეტა მილდინი, რომელსაც ლვინჯილიასთვის შეუტყუებია. შემდეგ მას ბრალი დასდო დეპუტატმა ბურკაძემ (რომელიც, ისევე როგორც ლვინჯილია, ჩემი მეზობელია - მ. ვ.), თითქოს ლვინჯილიას პატივშვილის დროს ეთქვა, რომ ძალით უნდა აეყარათ დემონსტრანტები აპრილის დღეებში. შემდეგ იგი ნაუყვანიათ კიროვის რაიონის მილიციამ (ახლა კრწანისის სახელობისა) და მხოლოდ დილას გამოუშვიათ.

მიტინგზე გამოვიდა გურამ ფანჯიკიძე, რომელმაც წაიკითხა ნაწყვეტი, თუ არ ვცდები, ნივნივადის ლექსიდან, რომელიც ეძღვნებოდა ავთო რცხილაძეს (როგორც ამბობდნენ, რცხილაძე ადრე მედოლე ყოფილა). ეს ლექსი იწყებოდა „დემპიტაური, დამპიტაური“. გვიან ლამემდეგ ველოდებოდით დეპუტატებს.

## 13 ოქტომბერი

ნინა დღეებში თენგიზ კიტოვანს გარდაცვალა მამა, რომელიც უნივერსიტეტის პირდაპირ ცხოვრობდა. ამ დღეებში სინყნარე იყო. უზენაეს საბჭოში იხილებოდა ეკონომიკური რეფორმები.

დღეს ჩართეს ააკაკიშრო და რუსეთის ტელევიზია.

## 31 ოქტომბერი

ამ დღეების მნიშვნელოვანი მოვლენა იყო ის, რომ რეცტორად (უფრო სწორად, მოვალეობის შემსრულებლად) დაინიშნა როინ მეტრეველი. ძალზე მისასალმებელი ფაქტია. 21 ოქტომბერს ბატონმა როინ მეტრეველმა დიდი პასუხისმგებლობით დაიწყო რექტორობა. ერთი კვირის განმავლობაში მნიშვნელოვნად განმტკიცდა ნესრიგი უნივერსიტეტი.

მნიშვნელოვანი ფაქტი გახლავთ ის, რომ 1 იზოლატორში ისევ მოხდა აჯანყება, 4 კაცი მოკლეს, 22 დაჭრეს. გია ჭანტურია და გოგა ხაინდრავა არ მონაწილეობდნენ.

დღეს ვუსმენ გუშინდელ სესიას. მაია ნათაძემ განაცხადა, რომ ქალები პიკეტირებას აწყობენ და შენობაში არ უშვებენ დეპუტატებს. მაია ნათაძეს ნათელა ქუთელიამ მისცა შეკითხვა, რომ ძალადობა ხდება უნივერსიტეტში და ამის შესახებ რატომ ხმას არ იღებო.

ვალტერ შურღაიამ ძალზე ეთქაყურად ეთქვა, რომ ეს ქალები შლიან ყველა მოლაპარაკებას. გიორგი მარჯანიშვილმა ილაპარაკა, მაგრამ რა უნდოდა ეთქვა, ვერ გავიგე, ეტყობა, ნამეტანი ჭკვიანი ჰგონია თავი.

თედო პაატაშვილმა მოითხოვა, შემოეყვანათ დეპუტატები და დაენყოს სესია. გაავზანეს ვახტანგ ცვაკარეიშვილი და დილარ ხაბუღიანი.

თედო პაატაშვილმა მოითხოვა ტელედეპარტამენტის საკითხი განეხილა პარლამენტს. გამოეპასუხა ბესარიონ გუგუშვილი. ხმების უმრავლესობით პაატაშვილის წინადადება უარყვეს.

## 1 ნოემბერი

დღეს გრძელდება უზენაესი საბჭოს სესია. მოხსენებით გამოვიდა ბესარიონ გუგუშვილი. გიორგი მარჯანიშვილი წინააღმდეგია რუსეთთან ეკონომიკური კავშირის, ვიდრე რუსეთი პოლიტიკურად არ გვაღიარებს.

მოხსენებით გამოვიდა მურმან ომანიძე.

რომან გოცირიძემ აღნიშნა, — როცა ჩვენ ბალტიისპირეთის მაგალითები მოგვეყვას, უნდა გვახსოვდეს, რომ ბალტიისპირეთში ისეთი ეკონომიკური რეფორმები ჩაატარეს, რომ მზად არიან გარდაქმნებიან სათვისაო. დეპუტატები გოცირიძეს არ აღაპარაკებენ, უშლიან სიტყვის თქმას.

ნემო ბურჭულაძემ წაიკითხა „მრგვალი მაგიდის“ წინადადება, იმის შესახებ, რომ თედო პაატაშვილი განთავისუფლდეს კომისიის თავმჯდომარის თანამდებობიდან (საუბარი იყო ავთ. იმნაძეზე, მაგრამ არ მახსოვს, საიდან ათავისუფლებდნენ). ვაჟა ადამიამ განაცხადა, რომ „მრგვალი მაგიდას“ მისი ერთ-ერთი საზოგადოების (იგულისხმება მერაბ კოსტავას საზოგადოება — მ. ვ.) გარეშე უფლება არ აქონდა დაეყენებინა საკითხი თედო პაატაშვილის თანამდებობიდან გადაყენების შესახებ. რომან გოცირიძემ განაცხადა, რომ ავთო იმნაძის გადაყენებას შეაფასებს მთელი საქართველო.

თედო პაატაშვილმა განაცხადა, — მე არ გადამიხვევია იმ გეზისათვის, რასაც ითვალისწინებდა ბლოკი „მრგვალი მაგიდა“, თვითონ ბლოკმა გადაუხვია თავისი გზიდანო. წარმოდგენილი იყო დოკუმენტი აშშ სახელმწიფო დეპარტამენტისგან, რომელსაც პრეზიდენტმა „სიგუას ქალაქი“ უწოდა. ამ დოკუმენტში ეწერა, რომ აშშ შენუხებულა თბილისში მომხდარი ამბებით, იყო თხოვნა, მშვიდობიანად გადაექრათ საკითხები. პრეზიდენტმა ამ დოკუმენტთან დაკავშირებით განაცხადა, სიყალბეს ნუ ეწევითო.

მერაბ ურიდია გამოვიდა, არ აცლიან ლაპარაკს. მან განაცხადა, რომ თუ ეკონო-

მიკურად არ გაეძლიერდით, ისე ვერ მივალნეთ თავისუფლებას. მისი აზრით, შეცდომა იყო ის, რომ ჩვენი განთავისუფლება მივაბით კავკასიის საკითხს.

ნათელა ქუთელიამ განაცხადა, რომ ურიდია და პაატაშვილი არაკომპეტენტურები არიან.

ნემო ბურჭულაძემ კენჭისყრაზე დააყენა თედო პაატაშვილის გადაყენების საკითხი. ხმები არ ყოფნით. თედომ განაცხადა, ხვალ მე თვითონ გადავდგებიო. სულ 84 ხმა იყო, დააკლდა 6 დეპუტატის ხმა. განაცხადეს, რომ ქვეორში არ იყო.

## 3 ნოემბერი

როდესაც სესიაზე გამოიტანეს საკითხი პოლიტიკურ პარტიათა საქმიანობის დროებით შეჩერების შესახებ, კამათი არ გამართულა. პრეზიდენტმა განაცხადა, განმარტებას მე მივცემო. როცა გამოსვლა დაამთავრა, ზვიად გამსახურდიამ თქვა, რომ კამათი საჭირო არ იყო და საკითხი კენჭისყრაზე დაეყენებინათ. ნემო ბურჭულაძემ მაშინვე დააყენა საკითხი კენჭისყრაზე. ფაქტობრივად კამათი არ ყოფილა. ოპოზიციამ დაიწყო პროტესტის გამოთქმა, მაგრამ არ აცალეს, საჩქაროდ ასწიეს ხელები და მიიღეს 94 ხმით. ეს იყო უმრავლესობის მიერ უმცირესობის დაჩაგვრის კლასიკური ნიმუში. ვაჟა ადამიამ განაცხადა, რომ მერაბ კოსტავას საზოგადოება არ მონაწილეობს კენჭისყრაში, „დემოკრატიულმა ცენტრმაც“ დაიწყო ლაპარაკი, მაგრამ ეს აღარ აჩვენეს ტელევიზიით.

სხდომის ბოლოს გამოვიდა ეთიკის კომისიის თავმჯდომარე ფირცხალაშვილი. მე მგონი, მან ლაპარაკი არ იცის. ფირცხალაშვილმა განაცხადა, რომ რამდენიმე დეპუტატი (რა თქმა უნდა, ოპოზიციიდან — მ. ვ.) აცდენს სხდომებს, რის გამოც უნდა გავრიცხოთ უზენაესი საბჭოდანო. დეპუტატი



ლონლაქე გამოვიდა და თქვა, რომ ერთმა დეპუტატმა ბავშვი საოპერაციოდ წაიყვანა მოსკოვში და იქიდან გამოაგზავნა დეკემბა. დეპუტატ ხუციშვილს ბოტკინი ჰქონია. ჩანდა, რომ კომისიას არ ჰქონდა საკითხი შესწავლილი, რის გამოც ეს საკითხი გადაიდო.

## 18 ნოემბერი

დღეს ჩვენმა დეკანმა, კარლო მეშველიანმა მითხრა, რომ სტუდენტები აპირებენ მიტინგის მოწყობას და ჩაივდით ეზოში. პირველ საათზე არ მეცალა და რომ მივედი ორს უკლდა თხუთმეტი წუთი. მიტინგი მიჰყავდა სტუდენტ გიორგი მაისურაძეს. მან აღნიშნა, რომ დაპატიმრებულია მონარქისტული პარტიის თავმჯდომარე თემურ ყორულიანი. გამოვიდნენ სამედიცინო ინსტიტუტის, სულხან-საბა ორბელიანის და სხვა ინსტიტუტების წარმომადგენლები. ისინი გამოდნენ მთავრობის პოლიტიკას. მიტინგს ესწრებოდნენ ირაკლი მელაშვილი და დათო ტურაშვილი. ესწრებოდა რექტორიც. გულში გამკრა, ქვემოთ „ზვიადისტები“ დარბოდნენ და ერთმანეთში ჩურჩულებდნენ. ამ დასწრებას, ჩემი აზრით, გამოიყენებენ როინ მეტრეველის წინააღმდეგ. მიტინგი რომ დამთავრდა სამს უკლდა ოცი წუთი. მომიტინგეთა ნაწილი სიონის ტაძრისკენ დაიძრა. მათ ზემელთან ქვემოთ ჩაუხვიეს, რადგან ამ დროს, 2 საათზე, მთავრობის სახლთან დანიშნული იყო მიტინგი.

## 2 დეკემბერი

29 ნოემბერს დანიშნული უზენაესი საბჭოს სხდომა ჩაიშალა. სხდომის დასაწყისში განცხადება გაუკეთებია მერაბ კოსტავას საზოგადოების წევრს ოზაძეს იმის შესახებ, რომ დაუჭერიათ საზოგადოების სამი წევრი. ამის შემდეგ გამოვიდა ზვიად გამსახურდია.

პრეზიდენტს პასუხი გაცა ხავთასმა. დაიწყო არეულობა. ადამიანთვის პრეზიდენტს გამოურთვია მიკროფონი. შემდეგ ნათელა ქუთელიას უთქვამს აკაკი ასათიანისთვის, რომ იგი ხშირად აძლევდა სიტყვას ოპოზიციას. აკაკი ასათიანს განუცხადებია, რომ გადადგებოდა. პრეზიდენტი გავიდა საათობიროდ. ნახევარი საათის შემდეგ დაბრუნდნენ და თქვეს, რომ აკაკი ასათიანს გული ცუდად გაუხდა და სააუადმყოფოში დაანეწნესო. სხდომა ჩაიშალა.

3 დეკემბერს გაიმართა უზენაესი საბჭოს სხდომა. ადამია და ხავთასი ქალებმა დარბაზში არ შეუშვეს. ოპოზიციამ სხდომა დატოვა. დარჩენილებმა მალე მიიღეს კანონები. ხავთასს არაეთიკური მოქცევის გამო მოუხსნეს დეპუტატის უფლებამოსილება; მიიღეს კანონი უკანონო სამხედრო ფორმირებებთან დაკავშირებით; იდგა საკითხი სტუდენტთა მოთხოვნების შესახებ; განიხილეს ტელევიზიის საკითხი. ძალზე ცუდი შთაბეჭდილება დატოვა ბესარიონ გუგუშვილმა. ნამდვილად არ ველოდი ისე წაართვა ბესარიონ გუგუშვილმა მიკროფონი ავთანდილ იმნაძეს და ლაპარაკობდა როგორც ძველი ბიჭი (კერძოდ, ოპოზიციის მისამართით ამბობდა: წინილებივით გარბოდითო და სხვა). სხდომა მიყავდა ნემო ბურჭულაძეს. ეტყობა, აკაკი ასათიანს აღარც დააბრუნებენ.

4 დეკემბერს უნივერსიტეტში სტუდენტებმა დაიწყეს აქცია. ღამით წავიკითხე „იზვესტიამი“ მასალა სათაურით „Протест рабочих кино“, სადაც ევროპის ცნობილი რეჟისორები სთხოვდნენ ზვიად გამსახურდიას გაეთავისუფლებინა მათი კოლეგა გოგა ზაინდრავა. ხელს აწერენ ბერლინში შექმნილი ევროპის კინოაკადემიის წევრები: ბერნარდო ბერტოლუჩი, ვინ ვენდურსი, იშტვან საბო, ანდრეი სმირნოვი, ელემ კლიმოვი, ნიკიტა მიხალკოვი.

## 9 დეკემბერი

სტუდენტები შიშობენ უნივერსიტეტში. დღეს უკვე ბევრი ხალხია უნივერსიტეტის ბაღში.

## 14 დეკემბერი

სტუდენტების მოთხოვნებს მთავრობამ არავითარი ყურადღება არ მიაქცია, ამიტომაც ისინი დასხდნენ მთავრობის სასახლესთან. სტუდენტები მოითხოვენ პოლიტიკტიმრების განთავისუფლებას, პრესის და ტელევიზიის თავისუფლებას. მოხდა შეხვედრა პრეზიდენტთან. ორი დღეა ამ შეხვედრას ტელევიზიით გადაცემენ. ტელევიზია მაინც ეშმაკობს. სტუდენტების ხმებს ახშობენ. უნდა ითქვას, რომ საკმაოდ მაღალი მომზადება აქვს სტუდენტობას. აშკარაა, მათ სიმართლე უნდათ, ვერ იტანენ ტყუილს, ისევე როგორც ვერ იტანდნენ ტყუილს 1988-1989 წლებში. ძალზე ცუდი შთაბეჭდილება დატოვა ბესარიონ გუგუშვილიმა. ამ კაცს ეტყობა საერთოდ ცხოვრებაში არაფერი უნახავს და უცებ მოხვდა თანამდებობაზე. მე მოვიყვან ერთ მაგალითს. ერთ-ერთ სტუდენტს ბესარიონ გუგუშვილიმა უთხრა: როგორ ელაპარაკება ხალხის მიერ არჩეულ პრეზიდენტსო. სტუდენტები სიცილით კვდებიან. როგორ, ბატონო ბესარიონ, მათ არ იციან, რომ პრეზიდენტი არჩეული არის ხალხის მიერ? ან კიდევ, გუგუშვილი აცხადებს, რომ ეს სტუდენტები წარმოადგენენ სტუდენტთა საერთო რაოდენობის 2-3%-ს. გუშინ გარდაიცვალა ჩემი კათედრის გამგე პროფ. აკაკი სურგულაძე. ძალზე გული დამწყდა, იგი ჩემი ხელმძღვანელი იყო. ბედნიერი ვიყავი, როდესაც ბატონი აკაკის ბოლო ორ ლექციას დავესწარი.

დღეს „იზვესტიაში“ არის ჯეიმს ბეიკერის სიტყვა. იგი აცხადებს, რომ აშშ დაეხმარება ყოფილ საბჭოთა რესპუბლიკებს, მათ შორის

ყირგიზსტანსაც, სადაც არის დემოკრატია, მაგრამ არ დაეხმარებიან საქართველოს და აზერბაიჯანს. ბეიკერის აზრით, ზვიად გამსახურდია იმისი მაგალითია, თუ როგორ შეიძლებოდა კომუნისტური მმართველობიდან გადავიდნენ ადგილობრივ ავტორიტარულ მმართველობაზე. გუშინ „იზვესტიაში“ რუსეთის პრემიერის მოადგილემ ეგორ გაიდარმა განაცხადა, რომ 1992 წელს საქართველოსთან ეკონომიკურ ხელშეკრულებას არ მოაწერენ ხელს.

## 20 დეკემბერი

გუშინ კინოს სახლთან ირაკლი ნერთელმა ჩაატარა მიტინგი. ხალხი საკმაოდ ბევრი იყო. დღეს, სამ საათზე, რესპუბლიკის მოედანზე დანიშნული იყო ოპოზიციის მიტინგი. რა თქმა უნდა, მთავრობის სასახლესთან პრეზიდენტის მომხრეთა მიტინგი გაიმართა, რომელიც ტელევიზიით აჩვენეს. ნეტა ამ მთავრობას ქკუა არა აქვს, რომ ასეთ მიტინგს აჩვენებენ. ეს იყო საშინელება. გუშინ ღამით ტელევიზიით გამოვიდნენ დეპუტატები ზიძინა გიორგოზიანი, ავთანდილ რცხილაძე. რცხილაძემ აჩვენა დილარ ხაბულიანი, რომელსაც სახეზე გაზი შეასხეს. ხაბულიანი ინვა, მერე იგი წამოაყენეს და თვალები აუხილეს. ეტყობა ეწვოდა თვალები. აჩვენეს კადრები, სადაც ჩანდა, თუ ოპოზიციის დიდ მანქანას როგორ გაჰყავდა მთავრობის მომხრეთა მიერ ჩახერგილი ავტობუსი. აჩვენეს ისიც, თუ ოპოზიციონერთაგან ერთ-ერთს, თეთრქურთუკიანს როგორ აქვს ავტომატი ჩამოკიდებული.

## 21 დეკემბერი

დღეს მთელი დღე რადიო და ტელევიზია გაჰკივის: მოგვეშველეთ ოპოზიცია ეზზადება მთავრობის სასახლის შტურმისთვისო.

ამას ხალხი ისე მიეჩნევა, რომ ერთხელაც აღარ დაიჯერებენ და აღარავინ მიეშველება. გამომრჩა, გუშინ აჩვენეს პრეზიდენტის შეხვედრა სტუდენტებთან. ამჟამად შეხვედრა მის მომხრეებთან იყო და ხმებიც შესანიშნავად ისმოდა. ეს შეხვედრა წარმოადგენდა კომკავშირულ შეკრებას, რომელსაც ესწრებოდა ცენტრალური კომიტეტის პირველი მდივანი.

დღეს მნიშვნელოვანი ამბებია მოსალოდნელი. აღმა-ათაში ხვდებიან საბჭოთა კავშირის თერთმეტი რესპუბლიკის წარმომადგენლები. საქართველოდან ჩავიდნენ ნემო ბურჭულაძე და გურამ აბსანაძე. აქ გადაწყდება საბჭოთა სოციალისტური რესპუბლიკების კავშირის ბედი, თუმცა ბედი პრაქტიკულად გადაწყვეტილია, რადგან ბელორუსიამ, უკრაინამ და რუსეთმა 1991 წლის 8 დეკემბერს ბელოვეჟის (ბელორუსიაში) შეხვედრაზე ფაქტობრივად გააუქმეს სსრკ. სსრკ საგარეო საქმეთა უკანასკნელი მინისტრი აღმოჩნდა ედუარდ შევარდნაძე.

## 22 დეკემბერი

ამ დღეს დილიდან დაიწყო ბრძოლა თბილისში. 12 საათისთვის დაილუპა 3 და დაიჭრა 29 კაცი. ტელევიზიით გადმოსცეს, რომ მოიტაცეს ავთანდილ რცხილაძე. სროლა მიმდინარეობს მთავრობის სასახლესთან. ეს, ეტყობა, ოპოზიციის საქმეაოდა კარგად მოფიქრებული გეგმა იყო.\* ტელევიზიით გამჟღავნებული გაპყვირიან გურამ პეტრიაშვილი, ქობულაშვილი, ნოდარ ნულეისკირი, მანანა ძოძუაშვილი. ღმერთო ჩემო, აი, მთელი ძალები, ვისი გამოყვანაც ამ დღეს შეძლო პრეზიდენტმა ტელევიზორიდან ისმის სროლის ხმა. არავის უნდოდა დაეჯერებინა, რომ საქართველოში განმეორდებოდა

ბაზალეთის ომი. რას მოვესწარიო 9 აპრილის შემდეგ! ქართველები ერთმანეთს ვხვაცავთ! მე არ ვიცი ვინ გაიმარჯვებს, მაგრამ რალა აზრი აქვს ზვიად გამსახურდიას პრეზიდენტობას, როდესაც ქართველები ილუპებინან! დაახლოებით ოთხი საათისთვის ტელევიზია გამოირთო, არ მუშაობს რადიოც.

5 საათსა და 40 წუთზე გამოვიდა ტელევიზიის დიქტორი. ძალიან მყავე გუნებაზე. თქვა, რომ იყო შეფერხებები, ამჟამად სიმშვიდეა, არ არის სროლა.

8 საათია. ტელევიზორი დუმს. ეტყობა, რალაც ხდება. შემატყობინეს, რომ რუსთაველზე სროლა აღარ არის. ჩემი აზრით, მთავრობას ცუდად აქვს საქმე, თორემ აქამდე უნდა გამოსულიყვნენ. თუ ადრე ასე ხშირად გამოდიოდნენ დეპუტატები, ახლა რალა დაემართათ?

9 საათზე გადაცემა „ვესტიმ“ აჩვენა, თუ როგორ უტყევა ოპოზიცია მთავრობის სასახლეს. შემდეგ მეზობელმა ამოიტანა ამბავი ნოდარ ნათაძე მოკლესო. მე იმწუთშივე ვუთხარი, რომ ეს იქნება ტყუილი. ახლა არ მინდა შინ ყოფნა, ევლარ გავჩერდი, ნავედი ანდროსთან და იქ დავლიეთ ბოლმაზე.

დღეს თუ არ დაუთმობს მთავრობა, ხვალ ყველაფერი ტრაგედიით დამთავრდება. წუთუ ვერაინ ხედება ამას მთავრობაში? წუთუ ზვიადს მეგობარი არ დარჩა? ვის იმედზე ხართ, ბატონო ზვიად? ბატონო ზვიად! თქვენ უდიდეს პიროვნებად უნდა დარჩენილიყავით საქართველოს ისტორიაში.

## 23 დეკემბერი

დღეს უნივერსიტეტში სულ სხვადასხვა ხმები მოდის. გუშინ მთელი ღამე ისროდნენ.

\* ოპოზიციის გამოსვლა ზუსტად 22 დეკემბერს შემთხვევითი არ იყო. 21 დეკემბერს იურიდიულად დაიშალა საბჭოთა კავშირი, რასაც ავტომატურად მოჰყვებოდა ყოფილი საბჭოთა რესპუბლიკების, მათ შორის საქართველოს აღიარება მსოფლიოს სახელმწიფოების მიერ. ამის შემდეგ ოპოზიციის უმთავრესი არგუმენტი, რომ ზვიად გამსახურდიას ხელისუფლებას მსოფლიო არ ცნობდა, გაქარწყლდებოდა (მ. ე.).

თქვეს, რომ თენგიზ ეპიტაშვილმა აიღო თენგიზ კიტოვანის ყოფილი რეზიდენცია თბილისის ზღვაზე. დღეს ტელევიზიით მოუხსმინე თენგიზ სიგუას. მან თქვა, რომ პრეზიდენტს შეეთავაზებოდა ნასულიყო ბათუმში, ხოლო იქედან – სადაც უნდოდაო. თენგიზ სიგუას თქმით, ზვიადი ჯერ დასთანხმებოდა, მაგრამ მერე გადაიფიქრაო. პირველი სკოლა და სამხატვრო გალერეა დაწვევარია. ოპოზიციას არავითარ შემთხვევაში არ უნდა გაემართა ბრძოლა რუსთაველზე. მეცოდება სანყალი ახალგაზრდობა, რომელიც ილუპება რუსთაველის პროსპექტზე. ამას ნარმოვიდგენდი 1990 წელს 9 აპრილის შემდეგ? როდესაც 9 აპრილს, გამთენიისას, 4 საათზე, სრულიად საქართველოს კათალიკოს-პატრიარქმა უნმინდესმა და უნეტარესმა ილია II-მ მოგემართა სიტყვით და ყველანი დაჩოქილები ვტიროდით, ერთმანეთს ვეხვეოდით. ვერ ნარმოვიდგენი, რომ 1991 წლის 22-23 დეკემბერს ერთმანეთის სისხლს დაღვრიდნენ ქართველები. ამ ბრძოლაში ვერცერთი მხარე ვერ გაიმარჯვებს, ორივე მხარეს ისტორია გასცემს საკადრის პასუხს. ხალხიც გადაირია. დღეს ხან ერთი გამოვარდება და გაპკივის — ოპოზიცია იმარჯვებსო და ზოგიერთი ამას სიხარულით ხედება. შემდეგ მოვარდება მეორე და იტყვის — პრეზიდენტი იმარჯვებსო და ეხლა სხვები არიან გახარებულნი. რა უხარიათ ამ უბედურებს? ის, რომ ერთმანეთს უღეტენ ქართველები! ძალიან მიმიძიხნენ წერა, მე თვითონ საშინელ დღეში ვარ. წინათ, როდესაც რუსთაველზე რუსის ჯარი იდგა, გასაგები იყო. მაშინ ნახვიდოდი მარალა და თავს შეაკლავდი. ახლა რა ექნა, ვის ვებრძოლო იარაღით, ქართველებს?

## 24 დეკემბერი

დღეს დილით უნივერსიტეტში ვიყავი. როგორც გავიგეთ, გუშინ ოპოზიციას შეეუღლმფრენით მთავრობის სასახლეზე ჩამოუვდია ასაფეთქებელი ნივთიერება, არიან დაჭრილები. ამჯერადაც სხვადასხვა

ხმები მოდის. მდგომარეობა გაურკვეველია. ფაქტია, რომ მილიცია არ ერევა კონფლიქტში. დღეს „სვობოდანია გრუზიამი“ წერია, რომ მილიციამ „Проявила неаппетитность и трусость.“ მილიცია, ჩემი აზრით, აბსოლუტურად სწორად იქცევა. რა ქნან, ვის ესროლონ? გუშინდელი ხმები ბნის შესახებ, რომ ეპიტაშვილმა აიღო ბანკის თბილისის ზღვაზე, სწორი არ აღმოჩნდა. მართალი არ გამოდგა ისიც, თითქოს კიტოვანი დაჭრილია. დღეს ორივე მხარე სხვადასხვა ინფორმაციას იძლევა. უნივერსიტეტში ოპოზიციის ერთი მომხრე შემოვიდა და თქვა: ეპიტაშვილი გადავიდა ოპოზიციის მხარეზეო. შემდეგ შემოვიდა ზვიადისტი და თქვა: ეპიტაშვილი ოთხი ჯავშანტრანსპორტიორით შევიდა მთავრობის სახლის ეზოში და იცავს მთავრობასო. დღეს, პირველ საათსა და 30 წუთზე, მთავრობის სახლთან სროლა განახლდა. მთანმინდის რაიონში ტელეფონები გამოართულია. ისევ გამოართულია რადიო და ტელევიზია. გამომრჩა მეთქვა: გუშინ „მერმისის“ არხზე გამოვიდა სიგუა. მან თქვა: საქართველოში ჩამოყალიბდა დიქტატორული რეჟიმი, დემონსტრანტებს მთავრობის სახლიდან ესროლესო. ოპოზიციამ შესთავაზა ზვიად გამსახურდიას ნასულიყო ბათუმში, ხოლო იქიდან — სადაც სურდა. ამ წინადადებას პრეზიდენტი დაეთანხმა, რის გამოც სროლა შეწყდა, მაგრამ პირველ საათზე ზვიად გამსახურდიამ შეცვალა გადაწყვეტილება. თენგიზ სიგუამ განაცხადა, რომ ახალგაზრდა გეარდიულებს, რომლებიც მთავრობის სახლში არიან, უნდათ შინ წასვლა, მაგრამ არ უშვებენო.

## 25 დეკემბერი

დღეს, 12 საათისთვის, უნივერსიტეტის ეზოში გაიმართა ზვიად გამსახურდიას მომხრეთა მიტინგი. იყვნენ რაიონებიდან ჩამოსულები. გამოვიდნენ გიორგი მარჯანიშვილი და თემურ ქორიძე. მე, ემილ კოპალიანი,

გოჩა ხუნდაძე და თამაზ დვალი ეიყავით პირველ სართულზე. მოულოდნელად, ორი საათისთვის დემონსტრანტებმა დაიწყეს ბრახუნის კარებზე. კარი გაიღო და შემოვიდნენ ქალები, გიუებივით პქონდათ თვალები. თურმე ვილაცას გამოუცხადებია, რომ უნივერსიტეტის სახურავზე ავიდნენ ოპოზიციონერები და სროლას დაიწყებენო. ჩვენ აუხსენით, რომ უნივერსიტეტში არავინ შესულა, რომ დილიდან აქ ვართ და ყველას ვიცნობთ, მაგრამ ვერ დავაჯერეთ. მერე ვუთხარი ერთ ქალს, რომ, თუ უნდოდათ, წამოგვეყოლოდნენ სხვენში და დავათვალიერებინებდით იქაურობას. რა თქმა უნდა, არ წამოგვეყვინენ. ყაყანი იქაურობა აიკლეს. ერთი გაიძახოდა: მთელი უბედურება აქედან იწყებაო. მეორემ რექტორს პკითხა: როგორ აჩერებდნენ უნივერსიტეტში ისეთ მეცნიერს როგორც ნოდარ ლომოური? რექტორმა როინ მეტრეველმა უპასუხა, რომ ლომოური არ არის უნივერსიტეტის თანამშრომელი და ისინიც ცოტათი დამშვიდნენ. შემდეგ ხალხი თანდათან დაიშალა. ისევ სხვადასხვა ცნობები მოდის. ზვიად გამსახურდიას მომხრეები ამბობენ, კიტოვანი დაჭრილია და პირველ საავადმყოფოში წევსო, ხავთასი ტყვედ ჩაიგდესო, ადამია კი გაიქცაო. მათივე ცნობით, სასტუმრო „თბილისის“ პირველი სართული აღებულა. ოპოზიციის მომხრეები ამბობენ, რომ პრეზიდენტს დღეს ლამის 12 საათამდე მისცეს ბოლო ვადა, შემდეგ კი დაიწყებენ მთავრობის სასახლის შტურმსო. აქვთ რაკეტები „ზემლია-ვოზდუხ“, სულ 4 ცალი. ეტყობა, დღეს ღამით გაირკვევა ყველაფერი. დღეს ოფიციალურად გადადგა მიხეილ გორბაჩოვი.

## 26 დეკემბერი

2 საათისთვის უნივერსიტეტელმა ზვიადისტებმა ისევ მოაწყვეს მიტინგი. აშკარად ჩანს, რომ ხელისუფლებას არ შეუძლია სამხედრო ძალით ჩაახშოს ოპოზიციის გა-

მოსვლა. ამიტომ ფიქრობენ ხალხის მოპილირებას. მართალია, ძალიან ტრაბახობენ, რომ ოპოზიციას ბოლო ელება, მაგრამ რალაც არ მჯერა. საერთოდ იმდენ ტყუილს ლაპარაკობენ, რომ ჩემმა მტერმა უსმინა. ერთი გამაგებინა, ეს ეპიტაფილი სად არის? როგორ ტრაბახობდნენ, ბანაკი თბილისის ზღვაზე აიღო, ორი ჯავშანტრანსპორტიორი ააფეთქა, თვითონ კი ოთხი ჯავშანტრანსპორტიორით შევიდა მთავრობის სახლის ეზოში.

## 27 დეკემბერი

„საქართველოს რესპუბლიკაში“ ვკითხულობ: ვაჟა ადამიას ბანდებს დაკავებული აქვთ თავისუფლების მოედნის მხარე, სროლები მიმდინარეობდა პუშკინისა და ლესელიძის ქუჩებზე, კიტოვანის ხალხს დაკავებული აქვს კემირგაბმულობის შენობა. გაზეთის ცნობით, დანარჩენ ტერიტორიას ეროვნული ძალები აკონტროლებენ. ამ პატარა განცხადებიდან ჩანს, რომ ხელისუფლებას კარგად არა აქვს საქმე, რადგან მაშინ უფრო სატრაბახოს დანერდნენ. ჩემი აზრით, საბრძოლო გამოცდილება ოპოზიციის მხარეზეა. ადამიას ხალხი ნაბრძოლია სამაჩაბლოში. კიტოვანის ბიჭები ვნახე, მოგეწონება ისეთი ნაღდი თბილისელები არიან, საკმაოდ კარგი გარეგნობისა. ზვიადის გვარდიაც ვნახე, საცოდაობაა. ამავე დროს, უკანდასახევი გზა ოპოზიციის ძალებს არა აქვთ, რადგან ყველას დახვრეტენ. ამიტომ ოპოზიცია უფრო გულმოდგინებით იბრძვის. ზვიად გამსახურდიასთან თავმოყრილია მლიქვნელებისა და კარიერისტების ჯგუფი, მილიცია საერთოდ არ ეხმარება ხელისუფლებას, მათაც ხელს აძლევთ ოპოზიციის გამარჯვება, რადგან მთავრობა მათაც მოუტრიალდება და არ შეარჩენს უმოქმედობას.

დღეს ოპოზიციამ გაანთავისუფლა პოლიტპატიმრები.

შუქი გამორთულია. დაგვირეკეს და გვაცნობეს, რომ ტელევიზიით გამოდიან: ოპოზიციიდან — კიტოვანის მოადგილე და ხელისუფლებიდან — სამხედრო მინისტრის მოადგილე ბესიკ ქუთათელაძე. იწყება მოლაპარაკება. ეტყობა ზვიადის საქმე არ არის კარგად. ტელეფონით გვითხრეს, რომ ოპოზიციამ მთავრობის სასახლის ორი სართული აიღო. გავრცელდა ხმა, ზვიადი დააპატიმრესო. 2 საათზე ჩემმა სიდედრმა დარეკა და გვითხრა: დიდი სროლა ატყდაო. არა მჯერა, რომ ზვიადი დაჭერილი ყავდეთ. ეტყობა, ოპოზიცია მთავრობის სასახლეში შევიდა, მაგრამ ზვიადი არ დანებდა. 5 საათსა და 30 წუთზე ტელევიზიით გამოვიდა დიქტორი თენგიზ ნათაძე. მან ასეთი ცნობა გადასცა: შუიკრიბენ მინისტრი ჯონი ხეცუერიანი, შინაგან საქმეთა სამინისტროს შინაგანი ჯარების სარდალი ვანო ჭელიძე, უშიშროების მინისტრის მოადგილე ანზორ მაისურაძე, მილიციის სკოლის დირექტორი გივი კვანტალიანი, სამხედრო მინისტრის პირველი მოადგილე ნოდარ გიორგაძე, სამხედრო მინისტრის მოადგილე ბესიკ ქუთათელაძე, მერაბ კოსტავას საზოგადოებიდან და თენგიზ კიტოვანისგან — ანზორ საკანდელიძე. მათ მიიღეს ასეთი გადაწყვეტილება: 18 საათიდან შეწყდეს ცეცხლი, ხოლო საღამოს 9 საათისთვის ორივე მხარე შეხედეს მოსალაპარაკებლად, რომელი მხარეც არ გამოცხადდება მოლაპარაკებაზე, პასუხისმგებლობა მას დაეკისრება. 19 საათსა და 15 წუთზე თენგიზ ნათაძე აცხადებს, რომ ცეცხლი წაეკიდა სასტუმრო „თბილისს“ და კავშირგაბმულობის შენობას, ხოლო უზენაესი საბჭოს შენობიდან ისევ ისვრიან და მებანძრეებს საშუალებას არ აძლევენ ცეცხლი ჩააქრონ. რამდენიმე მებანძრე დაიჭრა და ითხოვენ, რომ შეწყდეს სროლა.

გუშინ ღამით გამოსულა თავდაცვის მინისტრის მოადგილე ბესიკ ქუთათელაძე, რომელსაც უთქვამს, რომ სამი დღე იყო პრეზიდენტთან და თვლის, რომ პრეზიდენტის მოქმედება ამჯამად არ არის სწორი. ზვიად გამსახურდიას ხშირად მოჰყავს გენერალ დე გოლის მაგალითი, მაგრამ ავიწყდება, რომ როდესაც დე გოლის გამო კინალამ სამოქალაქო ომი დაიწყო საფრანგეთში, იგი გადადგა.

დღეს ტელევიზია არ მუშაობს. შინ ვარ. როგორც მითხრეს, საღამოს ზვიადისტები დაძრულან ტელევიზიისკენ, ხოლო ორ საათზე ოპოზიციას მიტინგი გაუმართავს უნივერსიტეტთან. რუსეთის რადიომ გადამოსცა, რომ ძალაუფლება გადავიდა აკაკი ასათიანის ხელში. ცნობილი არ არის, დათანხმდა იგი თუ არა ამას. ნოდარ გიორგაძეს გამოუცხადებია, რომ ავღანელები არცერთის მხარეზე არ იბრძობლებენო.

### 30 დეკემბერი

მდგომარეობა დღესაც გაურკვეველია. ქუჩაში მანქანითაც ძალზე საშიში გახდა სიარული. ჩემს მეზობელს, ზურიკო ახვლედიანს შემთხვევით მანქანა დაუცხრილეს რესტორან „მტკვართან“, ძლივს გადაჩრა. არ გამართლდა ის ჭორი, თითქოს ზვიად გამსახურდია დაკავებული იყო. ამავე დროს აღნიშნეს, რომ ჯაბა იოსელიანი შეიარაღდა თავის მხედრობიდან ერთად. აკად. მინდია სალუქვაძემ სწორად უთხრა ზვიადს, რომ მას გააჩნდა დიდი დამანგრეველი ძალა და რომ მან თავისი მისია ამოწურა. ზვიადს არ გააჩნია აღმშენებლობის უნარი. მას რომ ბრძოლის დიდი უნარი აქვს დაამტკიცა არა მარტო მთელი თავისი ცხოვრების მანძილზე, არამედ ახლაც. საოცარია, რომ ზვიადის

გარშემო ფაქტობრივად არ დარჩა გონიერი ადამიანი. ზვიადი ფაქტობრივად მარტო ებრძვის ყველა ოპოზიციურ პარტიას, ყველა შეიარაღებულ ფორმირებას. თბილისი მართლაც გადაიქცევა მკვდარ ქალაქად. სინენ-ენმა გადმოსცა, რომ თბილისი ზეირუთს ემსგავსება.

### 31 დეკემბერი

რა შესანიშნავი ახალი წელი გვითენდება ქართველებს! რომელი მტერი, რომელი რუსის ჯარი დაანგრევდა ასე თბილისს? ისე იბრძვიან, თითქოს მტრის ქალაქში არიან. არ ვიცი, როდის მომიწევს იმ რუსთაველის პროსპექტის ნახვა, სადაც ჩემი ახალგაზრდობა გავატარე. ალბათ, გული

გამისკდება. რა ძნელი ყოფილა, როდესაც არაფრის გაკეთება არ შეგიძლია. ქალაქი გადაიქცა ქურდებისა და ნარკომანების თავშეყრის ადგილად. ყველა მამაძალდი ცდილობს როგორმე ხელი მოითბოს, ქუჩაში გასვლა საშიშია. რა თქმა უნდა, იციან, რომ ეს ყველაფერი დაბრალდება ან პოზიციას ან ოპოზიციას. არაფერი ინფორმაცია არ არის. თქვენს მხოლოდ, რომ მურმან ომანიძე და ნოდარ გიორგაძე დააპატიმრესო. საღამოს 9 საათსა და 15 წუთზე ჩართეს ტელევიზია. გადასცეს ბესიკ ქუთათელაძის სიტყვა და აჩვენეს რუსთაველზე როგორ იწვის სახლები. გული მოგიკვდება. მხოლოდ ილიას და აკაკის ძეგლები დგას ამაყად. ილია რომ ცოცხალი ყოფილიყო, დღეს მასაც მოკლავდნენ, ოლონდ კი მიზანს მიაღწიონ!





**1992 წელი**

---



## 1 იანვარი

დღისით ვიყავით ანდრო ჭელიძესთან. მოვედით საღამოს 8 საათზე. ტელევიზია ჩაირთო. გამოვიდნენ მოქალაქეები და საუბრობენ, რომ პრეზიდენტი უნდა გადადგეს. ღამით თენგიზ სიგუა გამოვიდა ტელევიზიით.

## 2 იანვარი

დღეს ქალაქი ფაქტობრივად მკვდარია. საშინლად აცივდა, არ არის გათბობა, ტელეფონები გამოირთულია. საღამოს ჩართეს ტელევიზია. ფიქრია ჩიხრაძეს მოეუსმინე. აბსოლუტურად სწორად ილაპარაკა. აჩვენეს ოთარ მეღვინეთუხუცესის შეხვედრა გურჯაანში, რომელმაც განაცხადა: მე არ მიმიცია პრეზიდენტისთვის ხმა, მაგრამ, როცა იგი აირჩიეს, ყოველ სუფრაზე მის სადღეგრძელოს ვსვამდიო, სანამ არ დაუშვებდა საბედისწერო შეცდომებსო. ოთარ მეღვინეთუხუცესს ჰკითხეს, თუ რა ურთიერთობა პქონდა ჯაბა იოსელიანთან. მან უპასუხა: ჯაბას და ჩემი მასწავლებელი იყო, მე მათ ოჯახში გავიზარდე. ჯაბა შესანიშნავი თეატრმცოდნეა, მან თავი გადადო საქართველოსთვის, ამიტომ მოვანერე მის განთავისუფლებაზე ხელიო. ო. მეღვინეთუხუცესმა აღნიშნა: 9 აპრილს ყველა ერთად ვიყავით, ვინ მოახდინა ერის ორად გახლეჩა? არავის აქვს უფლება ერი გახლეჩოს. ზვიად გამსახურდიამ ყველა ძმაცაქი გაყიდა, ამიტომ არ შემოძლია მის გვერდით ვიყო. მართლაც, როდესაც ზვიად გამსახურდიამ დაიწყო დაპირისპირება და გაითმა ეროვნული მოძრაობა, ეს დაპირისპირება შემდგომში გადავიდა მთელ ერში. აი, აქედან დაიწყო დიდი უხედურება. აკაკი ასათიანის მიმართვაში აღნიშნულია, რომ საქართველოს კატასტროფა ემუქრება. კატასტროფის თავიდან აცილების მიზნით აკაკი ასათიანის აზრით აუცილებელია:

1. შეიქმნას ეროვნული ხსნის კომიტეტი;
2. დაინშნოს პარლამენტის ახალი არჩევნები.

აკაკი ასათიანი აცხადებს, რომ მას პრეზიდენტობაზე არც უფიქრია, მაგრამ არ ტოვებს თანამდებობას და იმედი აქვს მოსახლეობის მხარდაჭერისა.

გადაიცა სამხედრო საბჭოს მიმართვა: პრეზიდენტის ძალაუფლება გაუქმებულია, ხოლო ბესარიონ გუგუშვილი გადაყენებულია. შემოღებულია საგანგებო წესები – 23 საათიდან 6 საათამდე. სამხედრო საბჭოს სახელით ამ განცხადებას ხელს აწერდნენ თენგიზ კიტოვანი და ჯაბა იოსელიანი.

ინტერვიუ თ. კიტოვანთან და ჯ. იოსელიანთან. თ. კიტოვანმა თქვა: ჩვენ 19 სექტემბერს შეგვეძლო გადაგვეყენებინა გამსახურდია, მაგრამ იტყოდნენ, რომ ეს იყო პუტჩი. ახლა მსოფლიო მიხვდა, რომ ზ. გამსახურდია იყო დიქტატორი.

ვალერი კვარაცხელია შეეკითხა ჯ. იოსელიანს: რას იტყოდით პრეზიდენტის ძალით დამხობის შესახებ?

ჯ. იოსელიანი — პრეზიდენტმა ალიარა 1948 წლის ადამიანთა უფლებების დეკლარაცია, სადაც აღნიშნულია, რომ დიქტატორობის წინააღმდეგ ბრძოლა სამართლიანია. ჯ. იოსელიანმა განაცხადა, რომ ჯერ კიდევ 1978 წელს ზ. გამსახურდიას უზნეო გამოსვლამ შეგვარცხვინა ქართველებიო.

ვ. კვარაცხელია: თანამდებობა ხომ არ გინდათ?

ჯ. იოსელიანი: არ გამოვირცხავ.

თ. კიტოვანი: მე გავაფრთხილე გამსახურდია, რომ, ვინც პირველი გაისროდა, ის წაგებდა. 22-ში დღლით მათ გაისროლეს. ახლა რომ არ მომხდარიყო ეს ამბავი, ის 1937 წელს მოაწყობდა.

ვ. კვარაცხელია: რა გარანტიაა, რომ დიქტატურა არ იქნება?

ჯ. იოსელიანი: საქართველო წავა საპარლამენტო გზით.

ვ. კვარაცხელია: უკვე კვირანახევარია ომი მიდის, თუ ძალები არ გეყოფთ?

თ. კიტოვანი: ჩვენ თავს ვიკავებთ იმ-იტომ, რომ იქ ბევრი ბავშვია. იქ ზვიად გამსახურდია მიტინგებს აწყობს, ვადა ხვალამდე მიეცით. რაც სისხლი დაიღვრება მის ნამუსზე იყოს.

ვ. კვარაცხელია: იქნება თუ არა შურისძიება.

ჯ. იოსელიანი: წინააღმდეგი ვიქნები. მოვიდნენ ექსპერტები და ნახონ, რა ძალა გაგვაჩნია, რომ წინააღმდეგობის განწევას აზრი არა აქვს.

თენგიზ ნათაძემ გადასცა ინფორმაცია: დღეს ჩამოვიდა სომხეთის დელეგაცია – მანუჩარიანი და ვარდანანი. მათ დავალებული აქვთ შუამავლობა. 2 იანვარს 22 საათამდე ორივე მხარემ უნდა გამოაგზავნოს წარმომადგენლები. თენგიზ სიგუა ითხოვს, რომ ბაკურ გულუა მოვიდეს.

ეროვნულ-დემოკრატიული პარტიის ლიდერი გია ჭანტურია აცხადებს: „ხალხი ილუპება, რუსთაველი განადგურებულია“.

ტელევიზიით გამოვიდნენ ვახტანგ კიკაბიძე და ოთარ ლითანიშვილი. მათ თქვეს, რომ თავისი სურვილით მოვიდნენ ტელევიზიაში.

ვახტანგ კიკაბიძე: მინდა მოგილოცოთ ყველაზე უბედური 1992 წელი. თუ ჩვენ რაიმე არ მოვიმოქმედეთ, დავილუპებით. დროა ხალხმა ტინი გაანძროს. 31-ში მცხეთის გზატკეცილზე ვიყავი. ვიცოდი, რომ დიდი იარაღი უნდა შემოსულიყო და გზა გადაგვეტეთ. გავაჩრეთ სასწრაფო, რომელშიც დღე 12 რაკეტა, რამდენიმე ავტომატი, არ ვასახლებ იმ ქალაქებს, საიდანაც იარაღი მოქეცნდათ. აფრიკის არცერთ ქვეყანაში არ არის ისეთი მდგომარეობა, როგორც ჩვენთან.

ოთარ ლითანიშვილი: რუსთაველის გამზირი დაინგრა. მიმჩნია, რომ ტრაგედია მარტო ის არ არის, რომ შენობებს ანგრევენ, ტრაგედიაა ის, რომ მეგრული — გურულს,

დედა — შეილს ესერის... მე მინდა დავდეგო ერთად.

ვახტანგ კიკაბიძე: მე ყვავილებით ხელში წავედი ამ ხელისუფლების ასარჩევად.

### 3 იანვარი

დღეს მოვეხსინე პროფ. ნოდარ ლომოურს, რომელმაც ბრალი დასდო პრეზიდენტს შექმნილ ვითარებაში. როგორ შეიძლება, რომ ოპოზიცია იჯდეს სასტუმრო „თბილისში“ და თვითონვე დანვას შენობა? შემდეგ ოპოზიცია შევიდა მხატვრის სახლში და ისიც დანვას, შევიდნენ კაეშირგაბშულობის შენობაში და ისიც დანვას.

ტელევიზიით გამოვიდა გურამ მუჩაიძე, შემდეგ ირაკლი სურგულაძე და სხვები. ირაკლი სურგულაძემ განაცხადა, რომ ზვიადი ცდილობდა პიროვნების კულტის დანერგვას და რომ ხელისუფლება ინტელიგენციის წინააღმდეგ იბრძოდა.

ლანა ლოლოზერიძე: როგორ ერთ მუშტად ვიყავით შეკრული 9 აპრილის შემდეგ. ამ ხალხმა ჩაატარა მრავალპარტიული არჩევნები. რა მოხდა შემდეგ? შემოქმედებით ინტელიგენციას უნდოდა თავის საქმეს შედგომოდა. ჩვენ გვინდოდა დაგვეჯერებინა, რომ „მრგვალი მაგიდა“ შეძლებდა მდგომარეობის გაუმჯობესებას. პირველი დარტყმა მათ განახორციელეს „ქართული ფილმები“. იმედი მაქვს, ნახავთ ამ ფირს. ნუ-ღისკირი, გუგუშვილი და მარჯანიშვილი გვეწვივნენ გამზადებული ბრძანებით, ისეთი ბრძოლა გაგვიმართეს, თითქოს მტერს ებრძოდნენ. „ქართული ფილმი“ აღარ არსებობს. მეორე ეტაპზე იყო ინტელიგენციის შეხვედრა პრეზიდენტთან. ჩვენ გვინდოდა გვეთქვა სიმართლე, რომ ხელისუფლებასთან დიალოგი გვინდოდა. მესამე ეტაპი სექტემბრის ამბებს უკავშირდება. სისხლი არ დაიღვრებოდა, ხალხში რომ არ ყოფილიყო გამჯდარი, ოპოზიციაში მოლაღალტეები არიანო.

ჩვენ თავს უნდა დაეუბრუნდეთ. საქენერგომ მთელი წლის განმავლობაში ვერ გადაწყვიტა სანარმოს პრობლემები ვერც რესპუბლიკაში, ვერც მის გარეთ. გუგუშვილი იკამდე მივიდა, რომ უკანასკნელი მეტალი აზერბაიჯანში გაყიდა. იქ ყველა სანარმო მუშაობს, ჩვენთან 70% არ მუშაობს. ხელმძღვანელობაში მოვიდა ხალხი, რომელსაც უნდოდა თავი გამოეჩინა ლოზუნგებით. მე ვარ მომსწრე იმისა, რომ ფინანსთა მინისტრმა განაცხადა ასეთი რამ: არ არის საჭირო მეცნიერებათა აკადემია, მეცნიერებმა დანერონ წიგნი და გაყიდონ.

ლამით მოვისმინე მინისტრების დანიშვნის შესახებ: სამხედრო მინისტრი — შარაშენიძე, შინაგან საქმეთა მინისტრი — დავით სალარიძე, ჯანმრთელობის დაცვის მინისტრი — ირაკლი მენაღარიშვილი, ეროვნული ბანკის პრეზიდენტი — ჯინჯიხაძე.

15 საათზე გამოვიდა მარიკა ლორთქიფანიძე. მან განაცხადა — როცა საქართველო დამოუკიდებელ სამეფოებად დაიშალა და ქვეყნის ერთი ნაწილი თურქეთში აღმოჩნდა, მაშინაც არ დამოკიდდა ერთსულოვნება. შეგნება მაინც შენარჩუნებული იყო მონინავე ადამიანების მიერ. მერე ეკონებს აჭარის დაბრუნებას. შემდეგ მარიკამ განაცხადა: ხდება ის, რაც ბოლშევიკებმა 70 წლის განმავლობაში ვერ მოახერხეს. მე მივმართავ ყველა ქართველს, ყველა ერთად უნდა ვიყოთ. ის, რაც ამ ერთი წლის განმავლობაში მოხდა ჩვენი გათიშულობის მიზეზი იყო. ზვიადს დიდი დამსახურება აქვს: ცნობილია მისი ბრძოლა ქართული ენის, ეკლესიისთვის და ბევრი სხვაც გააკეთა. ამჯერად ბატონმა ზვიადმა თავი უნდა გადადოს საქართველოსთვის. 2 სექტემბრის შემდეგ მე ვუთხარი ზვიადს: სამოქალაქო ომის გამო თქვენ მოგთხოვენ პასუხს, იმიტომ, რომ თქვენ ხართ პრეზიდენტი.

3 იანვარს გაიმართა პოლიტიკური პარტიების სხდომა, გამოქვეყნდა მათი განცხადება.

ტილევინით გამოდის მანანა გიგინეიშვილი და ამბობს: ბუნეკერში ჩაკეტილი პრეზიდენტი გაიძახის, რომ, თუ ის დაილუპება, დაილუპება საქართველო. ამას წინათ ზვიად გამსახურდია ჩვენს სტუდენტებს შეხვდა და უთხრა: იმიმშობლეთ, მასების აგორება მე შემძლიაო (ადრე გამოსულა აკაკი ბაქრაძე, მაგრამ შუქი გამორთული იყო). ბევრი სისულელე მოვისმინეთ, ამბობს ქალბატონი მანანა, თვითმარქვია მესიას ნუ დავანგრევენებთ საქართველოს.

გიგა ლორთქიფანიძე: ყველას ერთი აქვს ტკივილი.

რესპუბლიკის პროკურატურის კოლეგია ინონებს სამხედრო საბჭოს მიერ გენერალურ პროკურორად ეახტანგ რაზმაძის დანიშვნას.

კიტოვანის მოადგილემ განაცხადა, რომ პრეზიდენტს ხვალამდე მიცემთ დროს, თუ არა და ჩამოვაგდებთ ბოშს და შემდეგ მთავრობის სახლის ადგილას ავაშენებთ ეკლესიასო.

ერთი პატარა ბიჭი სოფ. ნიქოზიდან ტილევინით გამოსვლისას ჰყვება: 21 დეკემბერს დაგვირიგეს იარაღი, მოგვათავსეს ბუნეკერში და იქიდან არ გვიშვებდნენ, უჩავას ხალხი მოვიდა, ის არის შტაბის უფროსი, მერე რამდენიმეს ავტომობილები წავვართვეს.

გამოვიდა დეპუტატი, სახეზე ვიცნობ. იგი გარკვეულ ხანს ყოფილა ცენტრალური კომიტეტის შენობაში. იქ იყო სოხუმის ბატალიონი და ომონი. სოხუმის ბატალიონის გამოყვანისას ამტყდარა სროლა ჩასასვლელთან. სროლა ამტყდარა მეორე სართულიდან, სამი კაცი დაჭრეს, გამოსვლის საშუალება არ მისცეს.

ექიმი პაატა როინიშვილი: უზენაეს საბჭოში მოვხვდი. იქ ორი მიცვალებული და 30 დაჭრილი იყო. ქუჩაში გამოვედი, აღმაშენებლის ხეივანში დამაკავეს, თან მქონდა ნაგანი და ყუმბარა. ბუნეკერში იყო თვითმკვლელობის ცდა. გვარდიელებს წა-

მოსვლა უნდოდათ, მათ მითხრეს, რომ იარაღი არ უკონდათ.

**გალის პრეფექტი:** ჩავედი ბუნკერში, 22-27 კაცი ვიყავით. ეს იყო საშინელება.

**ზუგდიდელი მილიციელი ქვარაია:** ჩამოგიყვანა მილიციის უფროსმა, გექონდა მაკაროვის სისტემის პისტოლეტები.

**მძლოლი ლაშხია:** ამაყენეს ლოგინიდან 5 საათსა და 30 წუთზე. ნამოვედით.

**მილიციის კაპიტანი ჩორგოლაშვილი:** ღამის ორ საათზე მომაკითხეს. მილიციის უფროსმა გამოძახა, ჩავეჯექით ავტობუსებში, 43 კაცი იყო შეკრებილი, გვახლდა ფოთის მილიციის უფროსის მოადგილე მაიორი მიქაძე.

**გადასცეს სამხედრო საბჭოს განცხადება:** მეტრო დიდუბესთან გაიმართა მიტინგი, დაიღვარა სისხლი. სამხედრო კომენდანტის ბრძანება: დაევალოს მილიციის სამმართველოს არ დაუშვას ხალხის შეკრება.

**ჯ. ჩარკვიანი:** 31 დეკემბერს იმდენი სროლა იყო, გამიკვირდა. რა უხაროდათ? ეტყობა, იმდენად ანერვიულებულია ხალხი, რომ კონტროლს ვეღარ უწევენ. ოპოზიცია ებრძვის უზნეობას.

## 4 იანვარი

აკაკი ბაქრაძის ინტერვიუ გაიმეორეს. მან აღნიშნა:

**ქართველებო! და არაქართველებო!** არსებითად განადგურებულია რუსთაველის პროსპექტი. ღმერთმა არ ქნას, ეს მთელ საქართველოს მოედოს. მე გამოვაცქეყენე „ცნობიერების ღიბანიზაცია“, რომლის ყველა დადებითი თვისება გამოვამჟღავნეთ. ისედაც გაპარტახებული ეკონომიკა დაინგრევა, გაიძარცვება მუზეუმები, არ იქნება თეატრი, კინო, მოისპობა განათლება. მივექანებით უფსკრულისაკენ. საქართველო დაქუცმაცდება, დაკვარავთ შიდა ქართლს, აფხაზეთი გამოეყოფა საქართველოს,

თურქეთი ნაგვართმევს აჭარას, აზერბაიჯანელებითა და სომხებით დასახლებული ოლქების მოსახლეობა დახმარებისათვის მიმართავს თავიანთ სახელმწიფოებს.

**აჩვენებენ „ქართულ ფილმში“ შუხვედრის კადრებს.** „ქართული ფილმის“ თანამშრომლებს ეუბნებიან: რადგან ფულს ბიუჯეტი გიხდით, თქვენ ხართ დაქვემდებარებული ორგანიზაცია... რეზო ჩხეიძეს დიდი დამსახურება აქვს, მაგრამ უყავს ბევრი მონინააღმდეგე, ამიტომ დირექტორის თანამდებობა უნდა გაუქმდეს და მმართველობა კოლექტიური გახდეს.

**ბესარიონ გუგუშვილი:** კინოსტუდია იყო სოციალისტური, სისტემა უნდა შეიცვალოს, რომ პროცესი დემოკრატიულად წარიმართოს, ახალი სისტემა შეიქმნება, უნდა შეიქმნას ადმინისტრაციული საბჭო კინოზე ომის შემდეგ ნახევარი მილიარდი დაიხარჯა.

ფულს, რომელსაც სახელმწიფო გაძლევთ, მისი სურვილით უნდა დაიხარჯოს. ლაშამ გვითხრა, ჩვენი აზრი უნდა გაინტერესებდეთო, კი ბატონო, მაგრამ ეს არის ბრძანება, უნდა მიეჩვიოთ, რომ მილიონების პატრონი თქვენ არა ხართ.

**ელდარ შენგელაია:** ამაში ჩაქსოვილია მთელი ჩვენი ცხოვრება, თქვენ კი პირდაპირ ბრძანებით მოხვედით, ეს უკვე შეცდომაა, მანამდე უნდა შეეხვედროდით. ვინ გადანჯვითა, რომელმა პროფესიონალმა. მე მივმართე ქორიძეს, მან მითხრა: თუ კინოს საკითხი განიხილებოდა დავცნობოდი მაინცო.

**ნოდარ წულეისკირი:** მე გირეკავდით გუშინ და გუშინწინ.

**ელდარ შენგელაია:** საბჭოთა სტრუქტურებმა ერთი წელია უარი თქვეს ამ დიქტატზე. მთავარია, რომ ჩვენი ბედი გადანჯვითეს არაპროფესიონალებმა. მე არ მესმის (მიმართავს ნ. წულეისკირს), რა შუაშია პარტიები და კინოსტუდია. ყოველივე ამას დირექტორი გადააყოლებთ, რომელიც საერთოდ პოლიტიკაში არ ერევა. მხოლოდ ერ-

თობლივი მუშაობით შეეძლებოდა საქმის გაკეთებას. რას ნიშნავს ფართო მასების წარმომადგენელი? ეს არის კომუნისტური ფორმა.

**ბ. გუგუშვილი:** გარდაქმნა უნდა დაიწყოს და მასში ყველამ უნდა მიიღოს მონაწილეობა.

**ლანა ლოლობერიძე:** ჩვენ ყველამ ვიბრძოლეთ, რომ რუსეთის დიქტატურა დაგვენგრია და ეს ჩვენ მოვახერხეთ, გაიმარჯვა ეროვნულმა მოძრაობამ, კერძოდ „მრგვალმა მაგიდამ“ და დიდი სიამოვნებით ვითანამშრომლეთ. მე მეშინია საერთოდ ასეთი შეცდომებით არ ვიაროთ. მე გავოცდო: მოსკოვიდან აღარ მიმიღია ბრძანება და ახლა თქვენ გვიგზავნი.

**ბ. გუგუშვილი:** ის, რაც თქვით, გასაგებია, მაგრამ ფულს გაძლევთ ჩვენ. თუ არ გინდათ ბრძანება, იყოს პროექტი.

**ნ. ნულეისკირს ნამოცდა:** ხომ იცით, რატომ ხდება ყველაფერი ეს? (კერძოდ მან ყველას გააგებინა, რომ რეზო ჩხეიძის საითხი გადანყვეტილი იყო).

**მამუკა კიკალეიშვილი:** მაშინ რისთვის შეგეყვართ? გამოგეკრათ ქვეშით ბრძანება და წაეკითხავდით. ცხვრები ხომ არ ვართ?

**ქეთი დოლიძე:** გვითხარით პირდაპირ, რომ რეზოს მოცილება გინდათ...

**თემურ ბაბლუანი:** ერთხელ მივიღე მონაწილეობა პოლიტიკაში. ეს იყო 9 აპრილს. ნეკნები დამიმტერიეს. მამამ მითხრა: არ ჩაერიო პოლიტიკაში და არ მოიპაროო. ყველა ქართველები არა ვართ. სიყვარულის გარდა არაფერი გვოშველის. აქ არიან ისეთი პროფესიონალები, რომლებიც მსოფლიოს ყველა ქვეყანას დაამშვენებდნენ. თქვენ რაც არ უნდა თქვათ, ეს საქმე არ იცით. ახლა დანა რომ მოგცეთ და ქირურგად გაგიშვათ, ხომ არ მოკლავთ კაცს?

**ნ. ნულეისკირი:** ახლა ასეთი ვითარებაა, თქვენ რეზოს დამცველები ხართ და ჩვენ მონაწილედგეგები, ბრძანება არ შეიცვლება.

**ლ. ლოლობერიძე:** ამდენმა ხალხმა ამდენი ილაპარაკა, გამოდის, რომ სულ ტყუილად. გინდათ ცხვრები ვიყოთ, მე მეგონა რომ გესმით: საქმე ეხება ქართულ კულტურას.

**ნანა ჯორჯაძე:** მე თქვენი ცინიზმის გამო მეტირება, თქვენ მარიონეტები ხართ...

**ოპარ გვასალია:** თქვენ ოთხი საათის განმავლობაში გისმენდით. არცერთმა არ მიიღო თქვენი ბრძანება...

**გურამ ფანჯიკიძე:** გამოდის ტელევიზიით: ვერ წარმომედგინა, რომ ასე მოგილოცავდით. ამას წინათ მე, გოგი ქაეთარაძე და თამაზ წიწინაძე მივიდიოდით, მანქანა გაგვიფუჭდა, მუშებმა მანქანა გაგვიკეთეს და მერე გეკითხეს: სუნი გვდისო? გავოცდით. თურმე მთავრობის სასახლეში არსებული ტელევიზია აცხადებდა, რომ ინტელიგენცია აბურჯად იგდებდა მშრომელ ხალხს. რა ღვარძლი, ცილისნამება იყო მიმართული ინტელიგენციის წინააღმდეგ... „ლტერატურული გაზეთი“ ფაშისტურად გამოაცხადეს, ხოლო 70 მწერალი — მოლატავით, ისიც დანერგეს, რომ მწერლები პუტჩშიც მონაწილეობდნენო.

**მერაბ კოსტავას მეუღლე:** ზვიად გამსახურდიას მოსვლამ სადამდე მიგვიყვანა. 1978 წელს, როდესაც მერაბი პერში ვინახულე, ზვიადზე შეეკითხეს: არა უშავს, მე ვაპატიე და აპატიებს მთელი საქართველო. როცა ზვიადი კორუპტიდან დაბრუნდა, მან თვითონ დანერგა, თითქოს ეს შეთანხმებული იყო კოსტავასთანო.

**გიორგი შაისურაძე:** ავთო რცხილაძემ გვითხრა — მონაწილელი თაობა ხართო...

**სტუდენტები:** ეკითხებიან აკაკი ასათიანს: რა უნდა იმის გაგებას თუ ვინ გასცა ბრძანება 2 სექტემბერს? ვინ არიან ის ქალბატონები, რომლებსაც იფარავენ პარლამენტის შენობაში.

**ფიქრია ჩიხრაძე:** ნუ მიეჩვიეთ იმ აზრს, რომ ადამიანები დეგენერატები არიან.

გვარდიის მთავარი ექიმი: 16 გვარდიელი მოკლეს, 60 დაჭრეს, ძირითადად სნაიპერებმა.

აეროპორტში აჩვენებენ ჩეჩნებს. რადიოთი ვუსმენ გიორგი და ელდარ შენგელაიებს.

ინტერვიუ მურმან ომანიძესთან: ბუნეკერში რომ მივედი პირდაპირ შემაგდეს ოთახში, სადაც შევხვდი ნოდარ გიორგაძეს, ხელზე ბორკილები დამადეს. მე ვუთხარი: ან გამიშვი, ან ნუ დამცინით. გასროლის ხმა გავიგონე. მეც გამიყვანეს და კედელთან მიმაყენეს. ლამის 3 საათზე გამომიყვანეს, მანქანაში შეძინა. პრეზიდენტთან მქონდა საუბარი. ვინ მისცა მათ უფლება ასე დამცინონ? ჩემი მეგობრების დახმარებით გამოვედი. მე არ ვამართლებ არცერთ მხარეს. ზვიადს დიდი უნარი ჰქონდა მეგობრები მტრებად გადაექცია.

კორ.: როგორ დაიწყო შეტაკება?

მ. ომანიძე: ყველას იგნორირება და იმის რწმენა, რომ ყველაფერი შენ ხარ. მიუხედავად იმისა, რომ ის პრეზიდენტად აირჩიეს 87%-ით, ის მაინც დისიდენტად რჩებოდა...

## 5 იანვარი

ინტერვიუ შინაგანი ჯარების სარდალთან, ვანო ჭელიძესთან: სარდალი აცხადებს, რომ საომარ მოქმედებებს წვევტენ... ინტერვიუ ცნობილ თ. ეპიტაშვილთან.

კორ.: თქვენზე უამრავ ამბებს ყვებოდნენ, თბილისის ზღვის მიდამოები და რუსთაველი დაიკავეო...

ეპიტაშვილი: ერთი ტყვია არ გამისროლია, ქართველს ტყვიას არ ვესვრი. 8-10 დღეა გორიდან წამოვედი. მდგომარეობა დაძაბულია, იტაცებენ ხალხს, პირუტყვს...

ინტერვიუ მერაბ კვიციანიშვილთან: სასწრაფო დახმარების მანქანის ბოლო გამოძახება გუშინ იყო. მძლოლებს ხშირად ეშინიათ.

სოფლის მეურნეობის აკადემიის პრეზიდენტი მხარს უჭერს პრეზიდენტის გადადგომას, რათა დამყარდეს მშვიდობა.

ირინა სარიშვილი: ამჟამად ზვიად გასახურდია არ არის პრობლემა. საქართველოს სირცხვილი ის არის, რომ ის საქართველოს პრეზიდენტი იყო. მცირერიცხოვანი ნაწილი ფიქრობს, რომ უნდა გაუსწორდეს ოპოზიციას: არის ხალხი, რომლებიც ორივე მხარის მიმართ უარყოფითად არის განწყობილი. უმრავლესობა მხარს უჭერს ოპოზიციას. რომ არ ყოფილიყო ასეთი ხელისუფლება, არ იქნებოდა შეიარაღებული შეტაკება. მან მისი მხარდამჭერები მტრებად გადააქცია.

აჩვენებენ დათო ბერძენიშვილის გამოსვლას 29 ნოემბერს, სადაც ის ამბობს, რომ პრეზიდენტის მოქმედებას ისტორია უარყოფითად შეაფასებს.

2 დეკემბერს გიორგი მაისურაძეს კარგი რამე უთქვამს: რუსთაველზე უცხოელი რომ გაივლის თავი ულან-ბატორში ეგონებაო (გულისხმობდა რუსთაველზე გაშლილ კარებს).

## 6 იანვარი

გადმოსცეს, რომ ზვიადი, თანმხლებ პირებთან ერთად, აზერბაიჯანის ტერიტორიაზე შევიდა და შეიძლება სომხეთისაკენ გაემართოს.

ნოდარ გიორგაძე გამოდის ტელეევიზით. მასზე ამბობდნენ, რომ დახვრიტეს. ის ამბობს: ჩემი დაკავება გამომდინარეობდა იქიდან, რომ ზედმეტი ინიციატივა გამოვიჩინე სამშვიდობო საკითხებზე. თანამოაზრეები იქ ვერ მოვძებნე, ზოგიერთმა მანდილოსანმა განაცხადა, რომ თავს მოიკლავდა. ასეთი ზემოქმედების ქვეშ იყო ყველა, ვისაც მშვიდობა უნდოდა. ჩემმა ბიჭებმა ოთხჯერ შემომთავაზეს გასვლა უზენაესი საბჭოს შენობიდან, ერთი კაცის საშვით, მაგრამ უარი ვუთხარი. ჩვენ მორ-



ალური უფლება არა გვაქვს ერთი კაცით ავსონოთ ერის ბედი. აქ ისეთი რამე ნახეს ჩემმა ზიქვებმა აელანეთში რომ არ უნახავთ. გული გიკვდება, როცა უყურებ, როგორ არ ინდობს ქართველი ქართველს.

აჩვენებენ რუსთაველის პროსპექტს. საშინელი სანახავია. პირველი სკოლა აღარ არსებობს, აღარ არსებობს მხატვრის სახლი. დაჭერილები არიან ნემო ბურჭულაძე, ირინა ტალიაშვილი, მერაბ კიკნაძე, ტარიელ გელანტია.

სალამოს მონანილობა მივიღე რეიდში, ვარჯერდით ავტომობილებს და ვჩხრეკდით. გავაჩრებ ერთი მანქანა. საჭეთთან იჯდა ჩემი ყოფილი მეზობელი თამაზ შილაკაძე, სახალხო ფრონტის გამგეობის წევრი. მის გვერდით იჯდა ნოდარ ნათაძე. ორივეს გამოველაპარაკე და მალე დავცილდით. შემხვდა ერთი ფიზიკოსი, ვიცანი დოლიძე. ჩემთან ერთად იდგა ჩემი მეგობარი ვალიკო კანდელაკი. რამდენჯერმე მოვიდა ვაკის მილიციიდან შატო იოსელიანი.\*

## 7 იანვარი

თენგიზ სიგუას გამოსვლა: 6 იანვარს გაიმარჯვა სახალხო აჯანყებამ. დიქტატურის აღმარცხება უსისხლოდ ვერ მოხერხდა. ეს აჯანყება მიზნად ისახავს სოციალისტური სტრუქტურების მოსპობას. მოვინანიოთ და ერთად გავიმარჯვებთ.

თამაზ ნინუა განთავისუფლდა უშიშროების მინისტრის თანამდებობიდან, დაინიშნა ანზორ მაისურაძე.

მერაბ კიკნაძეს მიადგა ერთი ტყვე და განაცხადა, რომ ის აგინებდა და ცემდა ტყვეებს. მერაბ კიკნაძემ უპასუხა, რომ არცერთ ტყვესთან ურთიერთობა არ ჰქონია, ტყვემ უთხრა: არ დამაინყვებდა შენი სახეო. იმავე ტყვემ განაცხადა, რომ დეპუტატი დიასამიძე დაკავებული იყო. ის დეპუტატთა

ოთახში იყო, სადაც ერთი დღე დაჰყო, მერე ჩვენთან იჯდაო. დაპატიმრებულებს იარაღი ჰქონდათ - ამბობს მერაბ კიკნაძე. მისი თქმით, ტყვეები სხვადასხვა სამუშაოს ასრულებდნენ.

**ყურნალისტი:** რას წარმოადგენს ბუნკერი?

**მერაბ კიკნაძე:** იქ არის სასადილო, ქვემოთ — მეორე ბუფეტი.

მიხეილ მჭედლიძე, ტელევიზიის თანამშრომელი, სასტიკად ნაცემი ჩანს.

გადასცეს დროებითი მთავრობის მიმართვა გაეროსადმი, სადაც დროებითი მთავრობა თავს უფლებამოსილად თვლიდა გამოეცხადებინა, რომ მოხდა საერთო სახალხო აჯანყება დიქტატორის წინააღმდეგ.

**ინტერვიუ საქმეთა მმართველ ჰამლეტ ჭიპაშვილთან:** საქმეთა მმართველობის აპარატი 76 კაციდან 216 კაცამდე გაიზარდა, მხოლოდ რამდენიმე კაცი დავრჩით, ძირითადად მოვიდნენ მანდილოსნები, წერა-კითხვის უცოდინრები. თუ ვეტყვოდი 9 საათზე კი არა 12 საათზე მოდიოთ, ისინი მეუბნებოდნენ: ეს კომუნისტური გადმონაშთი არისო.

**ინტერვიუ რომან გვენცაძესთან.** ინტერვიუ მიყავს მერაბ ბერაძეს.

**რომან გვენცაძე:** 7 საათსა და 30 წუთზე მოვიდა ცნობა, რომ შეიარაღებული ჯგუფი ჩხრეკას აწარმოებდა. შტაბი პირველ სართულზე იყო. იქ ქალები შემოვარდნენ. ჩვენ ეზოში გამოვედით, იქ იყო ქაოსი. მთავრობის მომხრე 150 კაცი იდგა კარვებთან, პირველ სკოლასთან. 10-15 გვერდიელი დადიოდა სამხატვრო გალერეასთან. გადაეწყვიტე მილიციის კორდონი გამეკეთებინა, რომ რამე არ მომხდარიყო. 8 საათზე მილიციელებს დავუძახე და, როცა ნახევარი კორდონი გავაკეთეთ 60-70 გვერდიელმა უმიზნოდ სროლა დაიწყო. მილიციელები მომიტინგეებთან გაიქცნენ. ჭიჭინაძის ქუჩაზე რომ ავედი, იქ მოხდა ავტომატის ჯვრის გასროლა. მე დავიჭერი, დავინყე

\* სალამოს შინ მივიღიოდი ნუცუბიძეზე, ნასვამი ვიყავი. შემხედნენ ნაცნობები და მითხრეს: არა გრცხვენია, ბანდიტები თარეშობენ და მოგვეხმარეო.

ფორთხვა აღმართზე. პრეზიდენტი არ იყო შენობაში, იქ მისი ცოლისდა იყო. ჯუშალ გოლუთიანმა მიცნო და მან შენობაში შემოყვანა.

ინტერვიუ აკაკი ბაქრაძესთან, მიყავს ეგაძეს.

აკაკი ბაქრაძე: რაც მოხდა ყველამ ვნახეთ, ეხლა გავაცნობიეროთ, რაც მოხდა და გამოვძებნოთ გზა... ბიჭების სიკვდილს ვერავინ აანახლავს.

ინტერვიუ თ. კიტოვანთან: კომენდატის საათი იმითომ არის, რომ შეიარაღებული ბანდები ჰყავთ...

ჯაბა იოსელიანი: სიმშვიდე გვჭირდება. აპრილში გაიმართება პარლამენტის არჩევნები. შევანაბადაზე რომ თავს დაგვესხნენ რუსებისათვის 250 ათასი ჰქონდათ გადახდილი.

დღეს ე. ნ. „ზევიადისტების“ დემონსტრაციები იყო სადგურთან, პროფკავშირების სახლთან. იქ დღეს სროლა იყო. არ ვიცი, რა მოხდა, რადგან ტელევიზიით არ არჩვენეს. ამბავი ძირითადად მოსკოვის გადაცემებიდან შევიტყვეთ.

## 8 იანვარი

დღეს ინტერვიუ იყო ნოდარ გიორგაძესთან. ძალიან თავშეკავებულად და ვაჟკაცურად ლაპარაკობდა. ერთი ეპიზოდი გაიხსენა, ცრემლები მომერია. თურმე, როდესაც დაკავებული ჰყავდათ მისი შვილი, ძალზე მთიმედ იყო და შოკში ჩავარდნილა. ნოდარს უთხოვნია ბადრაგით წამოყვანეთ და ბავშვი მაჩვენეთო. იქ ერთ ნამდვილად საზოგადოებრივ პიროვნებას უთქვამს, რომ წერილი დამინერე და აქ მოგიყვან მთელ ოჯახსო. ღმერთო, რა ცინიზმია! იქ, ბუნეკერში ძალიან აქტიურობდა ვაქრობის მინისტრი კოპალიანიო.

არჩვენს თენგიზ სიგუას პრესკონფერენცია უცხოელ და ქართველ ჟურნალისტებთან. მან აღნიშნა, რომ ყოფილმა პრეზი-

დენტმა დაახლოებით 200 მილიონი მანეთი წაიღო.

მოსკოვმა არჩენა ზვიად გამსახურდიას პრესკონფერენცია. მან განაცხადა, რომ ის პრეზიდენტად რჩება. სომხეთში ჩავიდა საქართველოს დელეგაცია. ზვიადი მათ არ შეხვდა.

## 9 იანვარი

ინტერვიუ ანზორ მაისურაძესთან, უშიშროების მინისტრის მოვალეობის შემსრულებელთან.

ანზორ მაისურაძე: ძალზე მძიმე სიტუაცია არის. შემაშფოთებელი ხმები მოდის დასავლეთ საქართველოდან. მძიმე მდგომარეობაა ზუგდიდში. საქართველო ორად იყოფა, გაისმის ხმები, რომ რიკოთი უნდა ჩაიკეტოსო.

კორ.: მართალია თუ არა, რომ დაარბიეს უშიშროების შენობა და რა ბედი ეწვია არქივს?

ანზორ მაისურაძე: ცენტრმა (მოსკოვმა - მ. ე.) გვთხოვა, რომ არქივები რესპუბლიკის გარეთ გადავეტანა. გარანტია არ გვექონდა რომ გადარჩებოდა. იძულებულნი იყვენენ დათანხმებულიყვენენ და არქივი სმოლენსკში გაიტანეს. იქ ნაწილი დაინვა. მთლიანად განადგურებულია თბილისში დარჩენილი არქივი.

კორ.: რატომ იყო განსხვავება მერაბ კოსტავასა და ზვიად გამსახურდიასთვის მისჯილ სასჯელებს შორის?

ანზორ მაისურაძე: მერაბი თავის კაცობით, ამალღებული სულით, უფრო დიდ საშიშროებას წარმოადგენდა. ახალი თაობა მერაბზე დიდ იმედებს ამყარებდა. ეს ინფორმაცია ჰქონდათ სუკში და ამიტომ ცდილობდნენ გაეხანგრძლივებინათ მისთვის პატიმრობის ვადა.

კორ.: თქვენი აზრით, ჯაბა იოსელიანი და 80-90 კაცი იყვნენ პოლიტიკური პატიმრები თუ არა? (პასუხი არ ჩამინერია. მ. ვ.).

ინტერვიუ გვარდიელ ხაჩატუროვთან, რომელიც ტყვედ ჰყავდათ: 29-ში დამიჭირეს, 6-ში გამოვედი. ვიყავით 42 გვარდიელი და კიდევ 20 კაცი. კაჩეგარკაში ვეგდეთ, დუბინკებს გვირტყავდნენ.

ინტერვიუ თენგიზ სიგუასთან: საშხედრო საბჭო მოიხსნის უფლებამოსილებას. გამსახურდია და მისი ოჯახი იჯევანში არიან, ცალკე სანატორიუმში...

ინტერვიუ ჯაბა იოსელიანთან.

კორ.: თქვენ განაცხადეთ, რომ სიმშვიდა.

ჯაბა იოსელიანი: ჩამოვიდნენ ოსეთიდან. მათ ქართულ მხარესთან მოლაპარაკება შეკრდათ. დელეგაციაში ერთი ქართველი კაცია. ორივე მხარე კმაყოფილი უნდა იყოს. დღეს გავუშვებთ კულუმბეგოვს.

ინტერვიუ ჭაბუა ამირეჯიბთან: არის კავკასიის ხალხთა ისლამური სახელმწიფოს შექმნის საფრთხე. ან უნდა გამოვიჩინოთ გონიერება და ვიყოთ ერთად, ანდა მოვიდა ერის აღსასრული. მე ქართველი ერი უკვდავად მიმაჩნდა. პრეზიდენტი ვერ დაბრუნდება.

## 10 იანვარი

დღეს გამოქვეყნდა ინტერვიუ ირაკლი მელაშვილთან და მერაბ ურიდიასთან.

მერაბ ურიდია: მთლიანი შეფასება ძნელია. რაიმე რომ თქვა და მოვლენა შეფასდეს, ის ჯერ უნდა დამთავრდეს. ახლა საჭიროა ფიქრი, რომ მოხდეს სტაბილიზაცია. ჩვენ შეგვიძლია შევაფასოთ ჩვენი როლი. ფრაქციამ თავისი შეხედულება გამოაქვეყნა 2 სექტემბრის შემდეგ. ჩვენი მიზანი სამოქალაქო მშვიდობა იყო. ჩვენ მიზანს ვერ მივალნივით. ბოლო გაფრთხილება იყო ჩვენი წერილი პრეზიდენტისადმი, გაგზავნილი 19

დეკემბერს, რომელიც გამოქვეყნდა 21 დეკემბერს გაზ. „დრონი“, სათაურით „კვანძი მალე გაიხსნება“.

ირაკლი მელაშვილი: მოქმედებდა გამარჯვებულის ფსიქოლოგია. ფიქრობდნენ, რომ ხუთი წელი რაც გვინდა იმას გავაკეთებთ, რაც შეეხება მომავალს, იმიჯი უნდა გამოსწორდეს. დემოკრატიულ ცენტრთან ერთად შევიკრიბეთ 5 საათზე. ავირჩიეთ დელეგაცია... თედო პაატაშვილი, რომან გოცირიძე, ვაჟა ადამია, ზაალ კახიანი; შევხვდით თენგიზ კიტოვანს, ჯაბა იოსელიანს; იყო ეროვნული ყრილობის მოწვევის ვარიანტი... ვიცი აკაკი ასათიანის აზრი, რომ ადრე თანახმა იყო.

დღევანდელ „იზვესტიაში“ არის სერგეი ბაბლუმანიანის ინტერვიუ ზვიად გამსახურდიასთან, სადაც ის ამბობს, რომ ის არჩეულია ხალხის მიერ და თუ ისე მოხდა, რომ ხალხი თავის ხმას უკან ნაიღებს, ის გადადგება. შემდგომ მან აღნიშნა, რომ ქვეყანაში გაგრძელდება ანარქია.

11 იანვარს გლოვად დედა. გამოქვეყნდა პარლამენტის წევრების განცხადება ეროვნული კრების მოწვევის შესახებ.

მუხრან მაჭავარიანი მწერალთა კავშირის თავმჯდომარეობიდან გადადგა. შეიქმნა საორგანიზაციო კომიტეტი, თავმჯდომარე — გურამ ფანჯიკიძე. გაათავისუფლეს ხუტა ბერულავა. გაათავისუფლეს სოსო სიგუა. მის მაგივრად დაინიშნა თამაზ ნიწნივაძე. ღამით იყო გადაცემა „სალამო მშვიდობისა“, ინტერვიუ დეპუტატ დიასამიძესთან: 27 დეკემბერს დამაკავეს, დაკავებული ვიყავი 28-ს ჩათვლით, ზოგი 22 რიცხვიდან იჯდა. მე ვუყურებდი როგორ ანამებდნენ, მერე გამლახეს. ჩემს იქ ყოფნაში რამდენიმე ახალგაზრდა კინალამ ცემით მოკლეს. მე ანთებული სიგარეტით დამწვეს. გაიყვანეს ერთი მოქალაქე, რომელსაც პისტოლეტით ფეხი გაუზვირტეს, დაჭრილი არ გადაიყვანეს საავადმყოფოში. მე, ექიმის კატეგორიული მოთხოვნით, საავადმყოფოში გადამიყვანეს.

აჩვენებენ 31 დეკემბერს გადაღებულ კადრებს. ზვიად გამსახურდია ბუნეკერში მყოფ ხალხს ულოცავს ახალ წელს. საშინელი სცენაა, ისმის შეძახილები: ზვიადი, ზვიადი.

## 11 იანვარი

დღეს გლოვის დღეა. ინტერვიუ რეზო ქვიშვილთან.

კორ.: როგორ მოხდა, რომ სიძულვილმა იმძლავრა?

რეზო ქვიშვილი: დღეს გლოვის დღეა. დღეს საშუალება არა გვაქვს, რომ ძირითადი ანალიზი გავაკეთოთ. საქართველო გლოვობს. ორგანიზებულად უნდა აღვადგინოთ შენობები, მაგრამ ვინ გააცოცხლებს იმით, ვინც დაიღუპა? ვინ აღადგენს ოჯახებს? ამის გამოსწორება როგორ მოხდება? რისთვის დაიღუპნენ? ჩვენ ვიცოდით, რისთვის გვეგლოვა 9 აპრილის გმირები. რა ჩავიდინეთ, რით გამოვიჩინეთ თავი? სწორედ იმ ადგილას ჩავიდინეთ ასჯერ, ათასჯერ მეტი უბედურება. 1937 წელს რუსთაველის იუბილე ვიზეიმეთ და ვამტკიცებდით, რომ სტალინი ჩვენი შვილია. რეზო თაბუკაშვილმა თქვა, რომ საქართველოს ისე იცნობენ, რომ ხელი მტკივა შავი ზღვისა და კასპიის ზღვის ჩვენებით. ეხლა მსოფლიოს ამ სიგლახით გავცვანით. ზოგიერთები ამბობენ, რომ არასტაბილური მდგომარეობაა არა მარტო საქართველოში, არამედ ამიერკავკასიაში. ჩვენ ისე დავგვჯიან, როგორც ერასყს.

კორ.: რა გზას ხედავთ?

რეზო ქვიშვილი: მე ყოველგვარი ძალადობის წინააღმდეგ ვამოქმედვარ, მაგრამ გზას ვერ ვხედავდი. ბოლო არ უჩანდა მონოდებებს: ჩამოვდით, მოვსპოთ ქართველი ხალხიო. ქართველი ხალხი გამოუტანს განაჩენს მათ. სინათლეს ვერ ვხედავდი. ვინ უნდა დაგვეცვა. პრეზიდენტი უნდა დავიცვათ? გუმინ შემზარა პრეზიდენტის საახალწლო მილოცვამ. მან მოუწოდა, გავანად-

გუროთ ჩვენი მტრებიო. ვინ გავანადგუროთ: როდინოვი, თურქები, თუ ვინ?

კორ.: გახსოვთ ინტელიგენციის შეხვედრაზე?

რეზო ქვიშვილი: ერთი და იგივე ლაპარაკი. უმისამართო გამოსვლები, შეაძულეს ხალხს ის, ვისაც ეთაყვანებოდნენ.

კორ.: ისეთი მწერლები როგორც რეზო ქვიშვილი, ძმები ჭილაძეები, ჭაბუა ამირეჯიბი უცბად მტრები გახდნენ და იდეოლოგობა დაეკისრა გურამ პეტრიაშვილს.

რეზო ქვიშვილი: ყველაზე შემზარავი ის იყო.

## 12 იანვარი

ჩემთვის საშინელი დღე იყო. შინ ვიყავით მე, მეუღლე, ორივე ბავშვი, მაიას ბიძამ-ვილი მზია ნებიერიძე. ვსვამდით მე, ზურა თავყელიშვილი და ანდრო ჭელიძე. საღამოს მ საათისთვის ზურიკო ტულუტში გავიდა და თურმე ამ დროს დარეკეს კარებზე. ზურიკომ დააპირა გაღება. მაიამ უთხრა: მოიცა, ქურდები არ იყვენო. ზურიკომ გააღო და გაიხუმრა: რალა ჩემ დროს იქნებიანო. უცებ შემოვიდა მილიციის ფორმამი ჩაცმული და ზურიკოს იარაღი დაადო. ჩემს მეუღლეს უთქვამს: ბავშვები არ შემომინოთ და რაც გვაქვს სახლში გამოგიტანთო.

გამოიტანა რაც გექონდა სახლში - 700 მანეთი. საქონლილო ბეჭედი, ძენკვი, რომელსაც ნათლობის ჯვარი პქონდა ჩამოკიდებული და თხოვა, ჯვარი დაეტოვებინათ. მათ დაუტოვეს. შემდეგ ისინი ოთახში შემოვიდნენ, სადაც მე და ანდრო ვიჯექით და იარაღი მოგვიშვირეს. მე ნამოვდექი და ეუთხარი: რაც გინდათ ნაილეთ, საერთოდ რომელი ფულის პატრონი მე ვარ, რომ მოხვედით? ჩემი ქურთუკი უკვე ეცვა ერთს. ანდროს ქურთუკი და ფულიც მიაყოლეს. შეურაცყოფა არ მოუყენებიათ, ამითაც მაღლობელი დავრჩი.

### 13 იანვარი

მოსკოვის გადაცემაში ვახტანგ რაზმაძემ თქვა: იმიტომ მომხსნეს, რომ გამსახურდიამ 28 კაცის დაპატიმრება მომთხოვა და უარი ეუთხარო. რაზმაძის კაბინეტის კედლები დაცხრილეს.

თენგიზ სიგუამ განაცხადა: ზვიადმა მოატყუა ხალხი, რასაც დაპირდა არაფერი გაუკეთებია. მისი დაჭერა არ შეიძლება, რადგან სულით ავადმყოფიაო.

### 15 იანვარი

გუშინ იყო ინტერვიუ თენგიზ სიგუასთან, ვახტანგ რაზმაძესთან და ირაკლი მეგრელაძესთან.

სიგუამ განაცხადა, რომ სომხების ორი ავტობუსი ხელში ჩაიგდეს ზუგდიდლებმა და ზვიად გამსახურდიას და ტარიელ გელანტიას ჩამოსვლა მოითხოვეს.

ვახტანგ რაზმაძე: აღიძრა საქმე. ჩამოთვლილი იყო ბანკები, საიდანაც ზვიად გამსახურდიამ და მისმა თანხლებმა პირებმა ფული გაიტანეს.

სალამოს აჩვენებენ ინტერვიუებს ქუთაისიდან. ძირითადად საუბრობენ იმის შესახებ, რომ თბილისმა დალუპა მთელი საქართველო. 14 იანვრის „იზვესტიაში“ წერია, რომ სამეგრელოში შეიქმნა დაუმორჩილებლობის კომიტეტი, რომლის ხელმძღვანელიც ვალტერ შურღაიაა.

ინტერვიუ რეზო მიშველაძესთან: ყველამ თავისი აზრი უნდა გამოთქვას იმ დროს, როცა საჭიროა. კომპარტიმ მახსოვს ეს ერთი წელი. პირველად გავოცდი ქარიშხალს სტადიონზე. ისეთი სიტყვა თქვა, ხელში აიყვანეს, წინ ქორიძე მიუძღოდა და დორიჟორობდა. მეორედ გავოცდი მაშინ, როცა პრეზიდენტის არჩევნებისას ორჯერ განაცხადა: არ მინდა პრეზიდენტობა, მაგრამ ვერ ვხედავ კაცს, ვინც საქართველოს დამოუკი-

დებლობისაკენ წაიყვანსო. შემდეგ ქუჩის ოპოზიციიდან 60 ათასი კაცი მივიდა, მაშინ კი თქვა: მე არ გადაეგდებიო და რომ გადავდე, რა გეშეულებათო? კიდევაც რომ ასე ფიქრობდე, შენს ერზე ასე არ უნდა ლაპარაკობდე. შემდეგ დაიწყო ლანძღვა. „ინტელიგენტები“ ეუბნებოდნენ: ძალიან გულჩვილი ხარ, ჩქარა უნდა გაუსწორდეთ თქვენს მონინალმდეგებსო. ირინა ტალიაშვილი და გურამ პეტრიაშვილი ტელევიზიით მიტინგის დაშლისაკენ მოუწოდებდნენ. ეს იყო სახალხო ამბოხება დიქტატურის წინააღმდეგ (ზუსტად ვერ ვინერ - მ. ვ.).

15 იანვარს გაიმართა დეპუტატთა შეხვედრა, გადაწყდა საქართველოს სახალხო კრების მოწვევა.

პარიზიდან მოვიდა პაპუაშვილის წერილი სიგუასადმი, სადაც წერდა, რომ თაყაიშვილის გაგზავნილ წერილში მისი აზრებია და არა სათვისტომოსი.

ლეონ ტერ-პეტროსიანი: სომხეთის მთავრობამ საქართველოს მდგომარეობა გაითვალისწინა. სისხლის ღვრის შეწყვეტის მიზნით 2-3 იანვარს თბილისში დელეგაცია გამოაგზავნა. 6 იანვარს ოპოზიცია, გამსახურდიას სომხეთში წასვლას დათანხმდა, ოღონდ იარაღი უნდა ჩაებარებინათ და პოლიტიკური საქმიანობა არ უნდა განეგრძობო.

გარდაიცვალა ირაკლი აბაშიძე, 19 იანვარს დასაფლავებენ დიდუბის პანთეონში.

„ერემიამ“ გამოაცხადა, რომ ინჯევიანიდან ზვიად გამსახურდია მიწვევით მიწვევით გაფრინდა. ახლა გამოაცხადეს, რომ ზვიად გამსახურდია გროზნოში ჩაფრინდა.

### 16 იანვარი

დღეს დილით გადმოუციათ, რომ ზვიად გამსახურდია უკვე ჩავიდა ზუგდიდში. ოპოზიციამ ვერ შეაფასა მისი უდიდესი ბრძოლის უნარი. კაცმა, რომელმაც 30 წე-

ლინადი იბრძოლა, ფაქტობრივად მარტომ და ამდენ უბედურებას გაუძლო, ნუთუ ეგონათ, რომ ის ასე მალე დანებდებოდა. ახლა რა მოხდება, ლმერთის გარდა არავინ იცის! დიდი უბედურება დატრიალდება.

ინტერვიუ თენგიზ სიგუასთან: ჩვენ ზვიად გამსახურდიასა და მის მომხრეებს მივეცი საშუალება ნ იანვარს გასულიყვენ ბუნკერიდან და ნითელ ხიდზე გადასულიყვენ. შემდგომში ისინი იჯევანში გაჩენდნენ. დავამყარეთ ურთიერთობა ლეონ ტერ-პეტროსიანთან. ჩვენ თანახმა ვიყავით, რომ იქ დარჩენილიყო გამსახურდიას ოჯახი და პირადი დაცვა. 12 იანვარს სომხეთმა დაარღვია პირობა, რადგან ისინი შეიარაღებულნი გამოუშვეს. გამსახურდიას მომხრეები ბოგდანოვკაში შემოიჭრნენ, 60 კაცი ახალციხეში დავაკავეთ. სომხეთში გავაგზავნეთ დელეგაცია, ძირითადად ინტელიგენციის წარმომადგენლები: რევაზ ყიფიანი, ელდარ შენგელაია, ჭაბუა ამირეჯიბი, სანდრო კავსაძე. პქონდათ შეხვედრა სომხეთის ინტელიგენციასთან და ლეონ ტერ-პეტროსიანთან. ძირითადი პრინციპი ის იყო, რომ გამსახურდიას არ უნდა მისცემოდა უფლება დაეტოვებინა სომხეთი. 34 კაცი ზვიადთან ერთად იჯევანიდან ერევანში ჩავიდა, იქედან კი გროზნოში გადაფრინდა, გროზნოდან — სოხუმში. სომხეთის ხელისუფლებამ პირობა დაარღვია. ღამე ველაპარაკეთ სომხეთის ხელისუფლებას. ისინი გამოგზავნიან თავიანთ დელეგაციას. ეს თვითმფრინავი მინერლია სოხუმის აეროპორტზე, რომელიც ამ დღით ზვიადის მომხრეებს უქონდათ დაკავებული. მან ზუგდიდში გამართულ მიტინგზე ხალხს სამოქალაქო ომისაკენ და აღმოსავლეთ საქართველოსკენ დაძვრისკენ მოუწოდა. ის ომის გასაგრძელებლად ჩამოვიდა. ვიმედოვნებთ, რომ სამხედრო შეტაკებას ავიცილებთ.

ინტერვიუ თენგიზ კიტოვანთან: გამსახურდია სოხუმში ჩამოვიდა და ზუგდიდელებს მიმართა, დაიწყონ ლაშქრობა აღმოსავლეთ საქართველოზე.

გამოაცხადეს, რომ ჭადრაკის სასახლეში შედგებოდა „მხედრონის“ შეკრება.

ჯაბა იოსელიანი: ყველამ იმუშაოს და ჩვენ ჩვენ საქმეს მივხედავთ.

დიდი ანარქიაა რუსეთშიც. დაიძაბა ურთიერთობა უკრაინასა და რუსეთს შორის შავი ზღვის ფლოტის გამო. ბორის ელცინმა სარატოვში განაცხადა, რომ შავი ზღვის ფლოტი არის რუსეთის. 2 იანვრიდან რუსეთში ფასების ლიბერალიზაცია დაიწყო. გავიდა ორი კვირა და ფასებმა კატასტროფულ დონეს მიაღწია. ხალხი უემყოფილა. რუსეთის მთავრობის წინააღმდეგ გამოვიდა რუსულან პასპულატოვი. საერთოდ რუსეთში მდგომარეობა იქით მიდის, რომ შეიძლება არმიამ აიღოს ძალაუფლება. 17 იანვარს მოსკოვში ოფიცერთა კორპუსი იკრიბება. ეს უკვე საშიშია, რადგან შეიძლება არმიამ მხარი დაუჭიროს პუტჩს. 1991 წლის აგვისტოს პუტჩში მონაწილეობდნენ არმიის უმაღლესი ემელონის წარმომადგენლები, რომლებიც ყველაფრით იყვნენ უზრუნველყოფილნი. ამჟამად კი ხელისუფლების წინააღმდეგ გამოდიან პოპოლუკონიკები, პოლკოვნიკები და გენერალ-მაიორები. ეს უკვე სერიოზული ძალაა.

ამავე დროს მე მაფიქრებს ვიცე-პრეზიდენტი ალექსანდრე რუცკოი, ავღანეთის ყოფილი გმირი, რომელსაც დიდი გავლენა აქვს სამხედროებზე. მას არ მოსწონს ბორის ელცინის მიერ დაწყებული რეფორმების პროექტები და ახალგაზრდების დაკომპლექტებული მთავრობა. ელცინის და მისი მთავრობის შეცდომა ის არის, ავიწყდებათ, რომ ეს რუსეთია. ის, რაც პოლონეთში მოხდა, არ შეიძლება მოხდეს რუსეთში. რუსეთი წარმოადგენს იმპერიას. რუსები არ დაიჯერებენ, რომ 8-10 თვეში მდგომარეობა გამოსწორდება. ამავე დროს ხალხი დაილა დაპირებებით. შესაძლებელია, რომ ერთ თვეში დამყარდეს არმიის დიქტატურა. ამას რუსეთის მოსახლეობა საკმაო კმაყოფილებით შეხედება, რადგან მათ შეპირდ-

ებიან იმპერიის შენარჩუნებას. საქართველოში ჭიდილი იმით დამთავრდება, რომ რუსეთი ორივე დაპირისპირებულ მხარეს ბოლოს მოულებს და საქართველოს მოსახლეობას ეტყვის; აი, გადაგარჩინეთ სამოქალაქო ომს! მსოფლიო საზოგადოებაც შეიძლება ამას დადებითად შეხედეს, რადგან მათ ეზინიათ, ბირთვული იარაღი რომელიმე რესპუბლიკაში არ აღმოჩნდეს. რესპუბლიკებს შორის შესაძლებელია ატყდეს ლოკალური ომები. სამხედროები შემდგომში განაცხადებენ, რომ ქვეყანაში ანარქიაა და ძალაუფლებას ხელში აიღებენ. შემდეგ ძალაუფლებას გადასცემენ არჩეულ მთავრობას. ძალიან კი მეექვსეა, მაგრამ შეიძლება ამოტივტივდეს მიხეილ გორბაჩოვიც, რადგან ძალიან ჩუმად წავიდა და ახლაც დუმს. მან ძალზე კარგად იცის, რომ უკიდურესი ეკონომიკური მდგომარეობა ბოლოს მოულებს ელცინის ავტორიტეტს. როდესაც საქართველოში რუსეთის სამხედრო დიქტატურა დამყარდება, მერე შეგვიყვარდება ისევ ქართველებს ერთმანეთი. საერთოდ ქართული ეროვნული მოძრაობა მრუდვად გზით წავიდა. თავიდანვე აქცენტი ალბებული იყო შეიარაღებაზე. ის ფული, რაც უნდა მოხმარებოდა ეროვნული საკითხების გადაჭრას, წავიდა შეიარაღებაზე, შეიარაღდა ფაქტობრივად ყველა პარტია. დღეს ზვიად გამსახურდიას წინააღმდეგ გაერთიანდა სულ სხვადასხვა შეხედულებების პარტიები და დაჯგუფებები. როდის დამთავრდება ყოველივე ეს? თუ ასე გაგრძელდა, ყველაფერი სამოქალაქო ომით დამთავრდება. თუ რუსეთში სამხედროების დიქტატურა დამყარდა, ისევ დავკარგავთ დამოუკიდებლობას.

## 17 იანვარი

დღეს შუკი არ არის. რადიოთი მოვისმინე თენგიზ კიტოვანის განცხადება, დასავლეთ საქართველოში შეიარაღებული

ძალების შესვლის შესახებ. ქუთაისში კომუნდატის საათი გამოაცხადეს. თუ საჭირო გახდა ზუგდიდშიც შევალთ, რადგან იარაღის შემოზიდვა უნდათ (სისხლის ღვრის გარეშე ვერ გადავრჩებით, თუ მესამე ძალა არ ჩაერია - მ. ვ.). ამირკავკასიის ჯარების სარდლობამ განაცხადა: თუ ესენგეს ხელმძღვანელობამ და შამოშნიკოვმა გვიბრძანა შეგვიძლია მესამე ძალის როლი ვითამაშოთ. ვაი სირცხვილი! სადამდე მივებით, ისევ რუსეთის არმიამ უნდა გვიპატრონოს. ჩვენ უფრო ბარბაროსები გამოვებით ვიდრე რუსები. აფხაზეთის რესპუბლიკის უზუნაესი საბჭოს პრეზიდიუმმა განაცხადა, რომ არ დაუშვებდნენ დესტაბილიზაციას რესპუბლიკაში.

სალამოს რადიოთი ვუსმენ ყოფილი საბჭოთა კავშირის ჯარების ოფიცერთა შეკრებას. მათ საკოორდინაციო ცენტრი შექმნეს, რომელშიც შევიდნენ ძირითადად პოდპოლკოვნიკები, პოლკოვნიკები და გენერალ-მაიორები. ვაი თუ გამართლდა ჩემი წინა დღის პროგნოზი! ამას ერქმევა ვაის გაეყარე და უის შეეყარეო. ახლა მახსენდება ჩემი ჩანაწერი სათაურით - „ნეტავ პალესტინელი ვიყო“, დანერილი 1989 წლის 13 აპრილს და შემდეგ გაგრძელებული. უნდა მოვძებნო ეს ჩანაწერი და გავაგრძელო. რას წარმოვიდგენდი, რომ ისევ მომინდებოდა პალესტინელობა. იქ უფრო სიმშვიდეა. ჩვენ ყველაფერი გადავიღეთ მათგან: ტერორიზმი, შინაომები და საერთოდ ყველაფერი მამაძაღლობა. ახლა ენეგარ. ორი დღე არც ნყალია, არც შუკი. ვიყინებით. გარეთ ვერ გახვალ, თავს დაგესხმებიან და მანქანას ნაგართმევენ. მემინია სახლში კიდევ ვინმე არ შემოვარდეს. როგორ უნდა ინატრო: რა კარგად ვიყავით ბრეჟნევის დროს, რა სიმშვიდე იყო. ჩამოვიკიდა ეს მედლები და ორდენები ბრეჟნესს, რა მენალვლებოდა.

დამავიწყდა დამენერა, რომ მოსკოვში სამხედრო საკოორდინაციო საბჭოში კანდიდატებად დაასახელეს ალქსნისი და პეტრუშევსკი.

ისევ არ არის შუქი. შუქი მხოლოდ ღამით მოვიდა. მანამდე რადიოს ეუსმენდი. თენგიზ სიგუამ განაცხადა, რომ ზუგდიდის სამხედრო კომენდანტად დაინიშნა გია ყარაყარაშვილი. ზვიად გამსახურდიას მომხრეთა დემონსტრაცია ქუთაისის მიუახლოვდა. როგორც სიგუამ განაცხადა, დემონსტრანტებიდან ისროლეს, რამდენიმე კაცი დაჭრილია. შემდეგ უკან დაიხიეს. სიგუამ აღნიშნა, რომ, თუ რამდენიმე დღეში არ გაჩერდებიან დემონსტრანტები, მაშინ ჯარები დაიკავენ ზუგდიდს.

9 საათზე „ვესტიმ“ გადმოსცა, რომ რამდენიმე შეიარაღებული ავტობუსი მიუახლოვდა ქუთაისს, რამდენიმე გასროლის შემდეგ უკან გაბრუნდნენ და რომ ორი საათის წინ, თოფის გასროლის გარეშე, დაიკავეს სამტრედია. ტელევიზიით გადმოსცეს სიგუას ინტერვიუ უცხოელ ჟურნალისტებთან. მან განაცხადა, რომ მთელ საქართველოში სინყნარეა. გამსახურდიას მომხრეები აქტიურობენ მხოლოდ 4-5 რაიონში. ყველაზე ცხელი ნერტილია ზუგდიდი. მიტინგები მიმდინარეობს სენაკში, სამტრედიაში, ფოთში. ფოთში შეიარაღებულმა ჯგუფმა დაიკავა ტურბაზა და იქ არიან გამაგრებულნი. ორგანიზატორი არის ფოთის პრეფექტი. ზუგდიდში ხელში ჩაიგდეს სამხედროების სანყობი. ოჩამჩირეში თავს დაეხსნენ სამხედროებს და გაიტაცეს 22 ავტომობილი. მათ მონოდებებსა და მოქმედებებს სუფთა სამხედრო ავანტურად ვთვლით. 6 იანვარს გამსახურდიასა და მის მომხრეებს მივეცი საშუალება, საქართველოს ტერიტორია დაეტოვებინათ. ეს გაკეთდა იმ მიზნით, რომ სისხლი არ დაღვრილიყო. ინტერვიუში ზვიად გამსახურდიამ განაცხადა, რომ მან იმიტომ დატოვა თბილისი, არ უნდოდაო სისხლის დაღვრა. მისი დაბრუნება კი საპირისპიროს გამოინვეს.

ამ დროს მოსკოვში აჩვენებენ ელადისლავ არძინბას ინტერვიუს, რომელმაც განაცხადა: „ჩვენზე მოქმედებს ის, რაც ხდება საქართველოში.“

კორესპონდენტი ეკითხება თენგიზ სიგუას: რას იტყვით ზუგდიდში პრეზიდენტის გამოსვლის შესახებ?

თ.სიგუა: „სხვადასხვა ცნობები იყო. ერთის მიხედვით, ზუგდიდში გამსახურდიამ თავის მომხრეებს ომისკენ და სამეგრელო-აფხაზეთის სახელმწიფოს შექმნისაკენ მოუწოდებდა. მეორე ცნობის მიხედვით, გამსახურდია ზუგდიდში არ უნახავთ და ისმოდა მხოლოდ ხმა. შეიძლება ეს იყო ჩანანერი, რადგან იგი ზუგდიდში არ ჩანს. შეიძლება გამსახურდია გალის რაიონში იყოს. 16-ში დღილით რომ ნამდვილად ჩამოფრინდა, ეს ფაქტი დადასტურებულია, ის ნახეს ვალში. რაც შეეხება სამხედროებზე თავდასხმებს, ჩვენი ხალხი არასოდეს დასხმია მათ თავს, ეს ხშირად გამსახურდიას მომხრეები. ჩვენ მივესალმებით ამიერკავკასიის სამხედროების ნეიტრალიტეტს. რაც შეეხება გამსახურდიას, ჩვენი თხოვნით, სომხებმა მას შესთავაზეს, რომ ინტელიგენციას შეხვედროდა, კერძოდ, აკად. ვახტანგ ბერიძეს, აკად. ანდრია აფაქიძეს, აკად. როინ მეტრეველს, გიგა ლორთქიფანიძეს, აკად. მარიკა ლორთქიფანიძეს. ზვიად გამსახურდია დათანხმდა, რომ თავის მომხრეებს მიმართავდა, დაწყნარებულიყვნენ. შემდეგ იგი გავიდა მეორე ოთახში, სადაც იყო მისი მეუღლე მანანა არჩვაძე და ცოლისდა. ოთახიდან ისმოდა ყვირილი, მუქარა, გამსახურდია გამოვიდა და უარი თქვა. სიგუამ განაცხადა აგრეთვე, რომ 22 დეკემბერს სამჯერ ელაპარაკა პრეზიდენტს: პირველად, 16 საათზე, გამსახურდია დათანხმდა დაეტოვებინა თბილისი, მაგრამ მოითხოვა თვითმფრინავი და გარანტია, რომ მივიდოდა აეროპორტამდე. მე მივეცი გარანტია. მეორედ 19 საათზე ველაპარაკე. მთხოვა 2-3 საათი, მიზეზად მეუღლის მძიმე მდგომარ.



ეობა დაასახელა. ჩვენ დავთანხმდით. 12 საათზე კი გამსახურდიამ უარი განაცხადა. აშკარა იყო, რომ ყველაფერი მასზე არ იყო დამოკიდებული. რაც შეეხება ჯოხარ დუდაევს, ის არ მალავს, რომ სამხედრო დახმარებას გაუნევეს ზვიადის მომხრეებს. ჩეჩნეთის საგარეო საქმეთა მინისტრმა განაცხადა, რომ ჩეჩნეთის სამხედრო ძალები უშუალოდ არ მიიღებენ მონაწილეობას კონფლიქტში, მაგრამ ფაქტია ის, რომ 25 დეკემბერს თვითმფრინავი ტუ-134, რომელშიც თითქოს სამშვიდობო დელეგაცია იმყოფებოდა, თბილისში დაეშვა. მასში იყვნენ: ჩეჩნეთის საგარეო საქმეთა მინისტრი, 3 დეპუტატი და 20 კიბლებამდე შეიარაღებული კაცი. ნახევარი საათით ადრე, კიტოვანის ბრძანებით აეროპორტში წავიდა ჯგუფი, რომლებმაც ეს ხალხი განაიარაღა. ამოიღეს 18 ავტომატი, გრანატები, 10 პისტოლეტი. ჩეჩნეთის საგარეო საქმეთა მინისტრმა პროტესტი გამოთქვა, რომ საერთაშორისო ნორმების მიხედვით ეს იყო დიპლომატიურ-იურიდიული დარღვევა. ჩვენ განუცხადეთ, რომ მეორედ ავაფთქებთ თვითმფრინავს. ჯოხარ დუდაევმა განაცხადა, თითქოს არ იცოდა, რომ გამსახურდია გროზნოში იყო ჩასული.

კორ.: რას იტყვი, როგორ აპირებთ შემოირიგოთ მომიტინგეები?

თ.სიგუა: ფოთის პრეფექტმა იარაღის გამოყენებით აიძულა მოსწავლეები და პედაგოგები მისულოყენენ მიტინგებზე, რომ 80% წინააღმდეგია იმისა, რასაც აკეთებს პრეფექტი. რთული ვითარებაა ზუგდიდში, სადაც სრული ინფორმაციული ვაკუუმი აქვთ, იქ არ არის პრესა, ტელევიზია. როცა ეს პრობლემა მოიხსნება, იქაც სინყნარე იქნება.

კორ.: რას იტყვი, ზვიად გამსახურდია, რომ კანონიერად არჩეული იყო.

თ.სიგუა: 28 ოქტომბერს არჩევნები იყო დემოკრატიული. 26 მაისს ზვიად გამსახურდიამ მიიღო უმრავლესობა, მინიმუმ 75%-ით, მაგრამ, როდესაც ხელისუფლებაში მოე-

იდა, შეცვალა მთელი კურსი. ის აძლიერებდა სოციალისტურ სტრუქტურებს, მონოპოლია გაუკეთა პრესას, რაც დაიბრდა ხალხს, არ შეასრულა და რომ, ის ქმნიდა ტოტალიტარულ სახელმწიფოს და ოჯახურ დიქტატურას ამყარებდა. 22 დეკემბერს შეიარაღებული ბრძოლა დაიწყო მისმა ცოლისა და მან პოლიტიკური შეცდომები დაუშვა და საქართველო იზოლაციაში აღმოჩნდა. შეცდომები დაუშვეს ეკონომიკაშიც, რამაც გამოიწვია ეკონომიკის კრაზი. ის უშვებდა შეცდომას საკადრო პოლიტიკაში, ნერგავდა კორუფციას. მას მკაცრი სასჯელი ეკუთვნის. ის ქართველმა ხალხმა უნდა გაასამართლოს, თუ სულიერად ავადმყოფი არ არის, მაგრამ მე ექიმი არ ვარ და საჭირო იქნება სერიოზული კონსილიუმი.\*

## 19 იანვარი

დღეს ისევ არ იყო შუქი. 9 საათზე საინფორმაციო გამოშვებაში გადმოსცეს საშინელი ცნობა: გაძარცვეს ილია ჭავჭავაძის სახლ-მუზეუმი. ღმერთო ჩემო! ეს უდიდესი ქართველი მოკლეს, ჩვენს დროში ილიას და აკაკის ძეგლს ტყვიები დაუშინეს, ახლა კი ილიას სახლ-მუზეუმი გაძარცვეს. ვაი, ჩვენი ბრალი, რა ერი ვართ მე რომ გამქურდეს გამიკვირდა: რომელი ფულის პატრონი მე მნახეს. ძალიან მიკვირდა, ცუდი არავისთვის გამიკეთებია და რატომ გამძარცვეს. ვაი, შე მართლა სულელი! ილია გაქურდეს და რა მიკვირს, მე რომ გამქურდეს.

გუშინ ღამით დაუთქავებიათ 48 მშობიშვილი, აქედან თბილისელი იყო ოთხი. აჩვენეს სამი პიროვნება, ერთი ზუგდიდელია. ზუგდიდელმა თქვა, რომ ორი წელიწადია ცოლთან ცხოვრობს, პასპორტიც არა მაქვს. მეორემ თქვა, ლენტეხში დავიბადე და ორი წელიწადი ბოლნისში ვარო. მასაც პასპორტი არ ჰქონდა. მესამემ თქვა, გორიდან ვარო.

დღეს თქვეს, რომ სამეგრელოში „მხედრონის“ ერთი წარმომადგენელი მოკლეს. პრეფექტი ზვიად ძიძიგური გაიქცა დასავლეთ საქართველოში.

## 20 იანვარი

თენგიზ სიგუამ პრესკონფერენცია გამართა. აღნიშნა, რომ ქვეყანა თანდათან კალაპოტში დგება. გაიხსნა გზა ბათუმი-სამტრედია-თბილისი, ზუგდიდიც წყნარდება. ღამით ზუგდიდიდან დარეკეს და დღე-გაცია გაიგზავნა მოსალაპარაკებლად. წინასწარი მონაცემებით ვიცი, მზად არიან ჩვენს წინადადებებზე, უნდათ გარანტიები. ფოთში გამსახურდიას ხალხია. სამხედრო საბჭოს დღესვე შეეძლო აეღო ფოთი.

გადაიწა სამხედრო საბჭოს განცხადება, რომ არავითარი რეპრესიები გამსახურდიას მომხრეთა მიმართ არ იქნება, დაისჯება ის, ვისაც სისხლის სამართლის დანაშაული აქვს ჩადენილი.

ფოთში 25 კაციტ არიან მოლოდინაშვილი და ქობალია. დღეს სოხუმში ზურაბ კოპალიანი გამოჩნდა.

18-20 იანვარს გაიმართა კონგრესის მემ ყრილობა. თავმჯდომარეობდა მიხეილ ქურდიანი. მიიღეს რეზოლუცია: ვინაიდან 28 ოქტომბრის შემდეგ მოსულმა რეჟიმმა უარყო 1921 წლის კონსტიტუცია, თვითონვე დაიყენა თავი კანონგარეშედ, ამიტომ ეროვნული კრება მოინეიეს, რათა დაენიშნათ საპარლამენტო არჩევნები.

## 21 იანვარი

გუშინ მოვისმინე რადიოთი, რომ ერთმანეთს შეხვდნენ ვალტერ შურლაიას, ლოთი ქობალიას, გია ყარყარაშვილისა და ჯაბა იოსელიანის წარმომადგენლები. ჯაბამ მათ

ნაუყენა ულტიმატუმი: 24 საათში დაეყარათ იარაღი.

## 22 იანვარი

სოხუმში გრძელდება მიტინგები. 70 ადამიანი მოსკოვში გაფრინდა. გაგრამი სიმშვიდეა. ვაზ. „იზეესტიაში“ წერია, რომ მანანა არჩეაძე სოხუმშია. სამტრედია-აბაშაში ორი კაცი დაიღუპა. ჯაბა იოსელიანი უკვე სენაკშია.

ვალტერ შურლაიამ განაცხადა, რომ მოსალოდნელია თავდასხმა ზუგდიდზე. შუქი ჩაქრა. რადიოთი გადმოსცესსა, რომ ფოთის მერი გადადგა. ჯაბა იოსელიანი ისევ სენაკშია, მიმდინარეობს მოლაპარაკება ზუგდიდთან.

## 28 იანვარი

არაფერი დამინერია იმის გამო, რომ შინ არ ვიყავი. რამდენიმე სიტყვით გავიხსენებ წინა დღეების მოვლენებს. სამხედრო საბჭოს ძალებმა დაიკავეს ფოთი. გუშინ მოხდა შეტაკება, სამი „მხედრონელი“ დაიღუპა და ექვსი დაიჭრა, 10 კაცი მოკლეს ზუგდიდის ბატალიონიდან. ღმერთო, რა საშინელებაა იყო მოლაპარაკებები, მაგრამ ჩაიშალა. აშუამად სამხედრო საბჭოს ძალები დგანან ცაიშთან, გუშინწინ დაიკავეს ხობი, ზუგდიდი უარს აცხადებს იარაღის ჩაბარებაზე. რა საშინელებაა, ნეტავ რა მოხდება? გაურკვეველია, სად არის ზვიად გამსახურდია. სოხუმიდან გაფრინდა თვითმფრინავი, რომელიც გროზნოში ჩაფრინდა. ჩემი აზრით, გროზნოდან ზვიად გამსახურდია საერთოდ არ ჩამოფრენილა სოხუმში. ვნახოთ, თუ გამართლდა ჩემი სიტყვები.

თბილისში ყოველდღე იმართება ზვიად გამსახურდიას მომხრეთა მიტინგები.

## 29 იანვარი

გამოაცხადეს, რომ ეროვნული გვარდია და „მხედროინი“ შევიდნენ ზუგდიდში. ცაიშთან 4 კაცი დაიღუპა. ზვიად გამსახურდიას მომხრეებმა დატოვეს ზუგდიდი, ქალაქიდან გასვლის წინ ააფეთქეს ტელეგადამცემი, პურის საცხობი და პრეფექტურის შენობა. ეს მომხდარა გუშინ დილით. მთავრობამ დღეს ბინები უსასყიდლოდ გადასცა ხალხს, რაც მისასალმებელია. „ვესტიმ“ მოსკოვიდან გადმოსცა, რომ საკდესის კორესპონდენტმა ინტერვიუ აიღო ზვიად გამსახურდიასთან, რომელმაც განაცხადა, რომ ის არის და რჩება პრეზიდენტად და განაგრძობს ბრძოლას. კორესპონდენტმა აღნიშნა, რომ ზვიად გამსახურდიას დასავლეთ საქართველოში შეხვდა.

ღამით ვლადისლავ არძინბამ რადიოთი გამოსვლისას განაცხადა, რომ ზვიად გამსახურდია საერთოდ არ ჩასულა აფხაზეთში. ეს განცხადება დაემთხვა ჩემს აზრს და ამიტომ არ მჯერა, რომ კორესპონდენტმა დასავლეთ საქართველოში აიღო ინტერვიუ ზვიად გამსახურდიასაგან.

ტელევიზიით გადმოსცეს, რომ ედუარდ შევარდნაძე შეხვდა ჯეიმს ბეიკერს, ინგლისის, იტალიის, პორტუგალიის, ისრაელის საგარეო საქმეთა მინისტრებს. მიმდინარეობდა საუბარი საქართველოს ცნობისა და ჩვენი ქვეყნისათვის პუმანიტარული დახმარების აღმოჩენის შესახებ.

## 31 იანვარი

1 თებერვლიდან პურის ფასი ათჯერ იზრდება, სამაგიეროდ მოსახლეობას მიეცემა კონსუმი (40 მანეთი სულზე).

გამოქვეყნდა თბილისის კომუნდანტის ბრძანება, რომლის ძალითაც 1 თებერვლიდან მკაცრი ზომები გატარდება მათ მიმართ, ვინც არ არის ჩანერილი თბილისში. მათ

ძალით გაყრიან თბილისიდან. ბრძანების თანახმად, მკაცრად აიკრძალა მიტინგები და შეკრებები. გუშინ ფართო მასშტაბის ომი მიმდინარეობდა აზერბაიჯანსა და სომხეთს შორის. ესლა გეაკლდა!

ხვალ სპორტის სასახლეში დილის 11 საათსა და 30 წუთზე იკრიბებიან თბილისელები.

ფოთში სიმშვიდეაო, იტყობინება ჯაბა იოსელიანი. ასევე სიმშვიდეა ზუგდიდშიც. მხოლოდ საგანგებო რწმუნებულმა გია ყარაყარაშვილმა განაცხადა, რომ სენაკში გაიგზავნა მისი მოადგილე, ოფიცერი, თუ არ ეცდები, დალაქიშვილი, რომელიც არსში იპოვეს მკვდარი.

ინტერვიუ ირაკლი წერეთელთან. კითხვაზე, თუ რატომ წავიდა თბილისიდან, მან უპასუხა: 4-5 ოქტომბერს ხელისუფლებამ დაგვაბრალა სროლის ატეხვა მაშინ, როდესაც თვად გვესროლეს. უნდა მოგვეწყობო გრანდიოზული აქციები, მაგრამ ეს არ მოხდა. თვით უნივერსიტეტშიც არ მოხერხდა აქციების მოწყობა. ჩემს მიმართ აღიძრა სისხლის სამართლის საქმე. ჩვენ არაღელვარულად ჩავედით ზესტაფონში და ვფიქრობდით დაგვეცადა გაზაფხულამდე.

კორესპონდენტი ეკითხება, თუ რას აპირებს მომავალში პარტია. ირაკლი წერეთელი პასუხობს: უნდა აღდგეს 1921 წლის კონსტიტუცია.

## 1 თებერვალი

დღეს თბილისში გაიმართა მიტინგი. მეტი არაფერი ვიცი. სპორტის სასახლეში თბილისელების შეხვედრა იყო.

ინტერვიუ თენგიზ კიტოვანთან: გამსახურდიას მომხრეები იბრძვიან, არ წყდება მიტინგები. არეულობა აფხაზეთში, აფხაზეთის მთავრობას ხელს აძლევდა დესტაბილიზაცია. გათამაშებული იყო სომხების ორი ავტობუსის დაკავება.

## 2 თებერვალი

გუმინ 11 საათზე „ვესტის“ უჩვენებია ზვიად გამსახურდია. დღეს ტელევიზიით განაცხადეს, რომ ეს ორი კვირის წინ იყო ჩანერილი.

დღეს ზვიადისტების დემონსტრაცია დაიძრა სადგურიდან გმირთა მოედნისაკენ. მათ დახვდნენ დროებითი მთავრობის მომხრეები. ტელევიზიით ვნახე დემონსტრანტებზე როგორ მიუშვეს წყალი. ილაპარაკა გელა ლანჩავამ. არ ვიცი, რით დამთავრდება ეს კონფლიქტი. „ვესტიმ“ გადმოსცა, რომ გმირთა მოედანთან მოკლეს ერთი კაცი. სხვები ამბობდნენ, რომ კიდევ დაჭრილია 16 კაცი.

ჩემთვის ძალზე ძნელია ვწერო ამის შესახებ. მე ზვიად გამსახურდიას ხელისუფლების პოლიტიკაში ბოლოს ბევრი რამ არ მომწონდა, მაგრამ ახლა არ მინდა ესროლონ იმ ხალხს, რომელთაც სწამთ, რომ ისინი სიკეთეს აკეთებენ. ამიტომ გული მტკივა, რომ ეს ამბავი ხდება. არ ვიცი, რა მოხდება, მიჭირს წერა, მაგრამ ხელი რომ მომტყდეს, ამ საქმეს მაინც გავაგრძელებ. ახლა ვუსმენ საშინელებას. ინტერვიუ საქართველოს უზენაესი საბჭოს დეპუტატ არკადი მარკოზიას ქალიშვილთან. არკადი მარკოზია დაიღუპა 22 დეკემბერს, როდესაც იგი მანქანით შემოდიოდა თბილისში. მთავარი ის არის, რომ მარკოზიას ქალიშვილი ყოფილა კონგრესის წევრი. მამა და შვილი ფაქტობრივად მტრები აღმოჩნდნენ. მე ასეთი რამ ვიცი ისტორიიდან, განსაკუთრებით სამოქალაქო ომების ისტორიიდან. გამახსენდა მიხეილ შოლოხოვის „წყნარი დონი“. რას წარმოვიდგენდი, რომ ჩემს ცხოვრებაში შემხვდებოდა ასეთი რამ! დღეს მე მზარავს, როდესაც დალუპული მამის ქალიშვილი საუბრობს იმის შესახებ, შევიდეთ თუ არა დამოუკიდებელ სახელმწიფოთა თანამეგობრობაში და სხვა. არ მინდა ასეთი ეროვნული მოძრაობა, მეზობლებს ის მოძრაობა, რომელიც წაშლის

მამა-შვილს შორის უდიდეს სიყვარულს. ჩვენ ამ სიყვარულს უნდა გავუფრთხილდეთ და ამ სიყვარულის საფუძველზე უნდა ავაგოთ მომავალში სამშობლოს ბედნიერება. თუ მე, მერაბ ვაჩნაძეს, ჩემი შვილები არ მეყვარება ან მე არ ვეყვარები მათ, ეს დალუპვის ტოლფასი იქნება. დღევანდელი „ლია კარი“ იყო საშინელება. ამისთანა ტელევიზია მართლაც არ არის საქართველოში. განა რამდენი დღე გავიდა მამის მკვლელობიდან, რომ მიუხედავად განსხვავებული აზრისა, აქ, ტელევიზიაში თავისუფლად საუბრობს მისი ქალიშვილი.

ტელევიზია ცდება იმაში, რომ არ იცის ქართველი კაცის ბუნება. მაგალითად, როდესაც აჩვენებენ ბუნეკერში ახალი წლის ღამეს, ამით მათი აზრით, უნდათ აჩვენონ ის, რომ ზვიადისტებს სიმღერისთვის არ ცალიათო. ნუთუ არ ვსმოდათ, რომ სვანები სვანურ სიმღერებს მღეროდნენ, ისინი უმღეროდნენ ერთგულებას და ვაჟკაცობას. ეს სიმღერა, როგორც ჩანს, ზოგიერთებისთვის არის სასაცილო, თორემ დღეს საქართველოში ბევრ ვაჟკაცს მოსწონს ის. ეს სიმღერა მოსაწონი იყო განსაკუთრებით მაშინ, როდესაც ბუნეკერში იყვნენ და სიკვდილს ელოდებოდნენ.

დღეს ანდროსთან ვიყავი. ანდრო ჭელიძემ მითხრა: თუ ძალადობა ისევ დარჩება, თუ იქნება უარესი ძალადობა, რა აზრი ჰქონდა ამ სისხლისღვრასო?

## 3 თებერვალი

დღეს უნივერსიტეტში მივედი 11 საათსა და 30 წუთზე. ხალხი შეკრებილი იყო ეზოში – ზვიადის მომხრეები. როდესაც ზემოთ ავედი, მითხრეს, რომ პროფ. მარიკა ლორთქიფანიძეს შეურაცყოფა მიაყენესო. შევედი მარიკა ლორთქიფანიძესთან, რომელიც ძალზე გაკვირვებული და აღშფოთებული იყო. მან მითხრა: ვერაზე ვაყუთა სკოლასთან

გავიზარდე და რა სიტყვები არ გამოიგონია, მაგრამ დღეს ისეთი სიტყვები მითხრეს, ნამდვილად არ გამოიგონიაო. შემდეგ ზურგიდან ერთმა კაცმა ჩამარტყაო. საშინელე-ბა ხდება. მარცხა ლორთქიფანიძეს რომ კაცი დაარტყამს ან თუნდაც მუჯგულუნს უთავა-ზებს, მაშინ საქართველო თავის ჭკუაზე აღარ არის.

ინტერვიუ ჯაბა იოსელიანთან: შედარე-ბით კარგი ვითარებაა დასავლეთ საქართვე-ლოში. ფოთში ნავსადგური მუშაობს. ნორ-მალური ვითარებაა ზუგდიდშიც. ამუშავდა ტელევიზია. თბილისში ჩატარებული მიტინ-გი მიტინგი არ არის. ამას ფაშისტები აკეთებდნენ – ნინ ქალებს უშვებდნენ. პრო-უკაცობებს აღვეკვთავთ. ადგილზე დაიხ-ვრითება პროუკაციის მომწყობი. დემოკრა-ტია არ არის ლობიოობა.

გალის მხრიდან აფხაზეთის მილიცია და შინაგანი ჯარი დგას. სოხუმელი კორეპო-დენტები ესაუბრა რუდიკ ცაბავას (გალის გამგებელია თუ პრეფექტი), რომელმაც თქვა, რომ შეხვდა სამხედრო საბჭოს წევრებს.

„ვესტიმ“ გადმოსცა, რომ თბილისში მი-ტინგის დარბევის დროს დაიღუპა ორი და დაიჭრა 35 კაცი. თბილისის ტელევიზია არაფერს აცხადებს.

„ნოვოსტიმ“ გადმოსცა, რომ ერევანში, ალმა-ატასა და ბიშკეკში გაიხსნა ამერიკის საელჩოები. გაგიჟდება კაცი, როგორ ყველამ გვაჯობა!

ვალერი კვარაცხელიას ინტერვიუ ედუ-არდ შევარდნაძესთან.

ვ. კვარაცხელია: ბატონო ედუარდ! ფიქრობთ საქართველოზე?

ვ. შევარდნაძე: მადლობელი ვარ ტელევიზიის და ვინც ჩვენ გვისმენს. ეს კითხვა უცნაურია, რადგან ჭეშმარიტი მამ-ულიშვილი არ შეიძლება არ ფიქრობდეს სამშობლოზე. ყველა დრამატული მოლაპარ-აკების დროს ჩემი სამშობლო მედგა თვალ-წინ.

ვ. კვარაცხელია: არ დაგიმალავთ, რომ არის კატეგორია, რომელიც ფიქრობს, რომ თქვენ ნაკლებად ფიქრობთ საქართველოზე და არ იძლევი ინტერვიუებს.

ვ. შევარდნაძე: მე კანონად მაქვს ქვეუ-ლი, რომ ვიმეგობრო უურნალისტებთან. დისკუსიებში იმიტომ არ ვმონაწილეობდი, რომ ჩემი ჩართვა და დისკუსიებში მონაწი-ლეობა გაართულებდა სიტუაციას, ამიტომ თავს ვიკავებდი.

ვ. კვარაცხელია: რა მოგეცა გარდაქმ-ნამ?

ვ. შევარდნაძე: ეს კითხვა ფართო პა-სუხს მოითხოვს. 1985 წლის მარტის და აპრი-ლის პლენუმებამდე მქონდა საუბარი გორბა-ჩოვთან, რომ საჭიროა გარდაქმნა, ცვლილე-ბები. გარდაქმნა რომ არა, რა თქმა უნდა, ვერც საქართველო და ვერც ბალტიისპირე-თი ვერ განთავისუფლდებოდნენ, მაგრამ გადასვლა უნდა ყოფილიყო ეტაპობრივი და რბილი. გადასვლა თანამეგობრობაზე იყო კანონზომიერი, მაგრამ ნაჩქარევი.

ვ. კვარაცხელია: ამბობენ, რომ სამთა შეხვედრის ავტორი თქვენ ხართ.

ვ. შევარდნაძე: ეს არ არის სწორი. აგვისტოში პუტჩის შემდეგ კი მქონდა საუბარი ბორის ელცინთან, რომ საერთოდ ცენტრი არ იყო საჭირო.

ვ. კვარაცხელია: როგორ წარიმართება საქმე?

ვ. შევარდნაძე: უკვე დიდი ნინააღმდე-გობაა ფლოტისა და სტრატეგიული ძალებ-ის გამო. მაგრამ სახელმწიფოს მეთაურები, თუ შეძლებენ წარმართონ ცხოვრება სწორ, ნამდვილ პრინციპებზე, მას მომავალი აქვს.

ვ. კვარაცხელია: საქართველო უნდა შევიდეს თუ არა დსთ-ში?

ვ. შევარდნაძე: ისე განმეცხვებულია მდგომარეობა საქართველოში, რომ შეიძლე-ბა ღირდეს რეფერენდუმი.

ვ. კვარაცხელია: საერთაშორისო მას-შტაბის სენსაცია იყო თქვენი საგარეო საქმეთა მინისტრობიდან ნასვლა და მეჩვენე-ბა, რომ თქვენ ყველაფერი არ თქვით.

ვ. შევარდნაძე: მე ბევრს არ დავამატებ. მაშინ რეალური იყო დიქტატორული რეჟიმი, ეს ჩემი ანალიზი იყო.

ვ. კვარაცხელია: როგორ დაბრუნდით და თუ თვლით, რომ თქვენი დაბრუნება საგარეო საქმეთა მინისტრად ერთი თვით შეცდომა იყო?

ვ. შევარდნაძე: ალბათ, შეცდომა იყო, მაგრამ გარკვეული სიკეთის გაკეთება მინდოდა, ამიტომ დავბრუნდი აგვისტოს შემდეგ.

ვ. კვარაცხელია: ყოყმანობდით თუ არა?

ვ. შევარდნაძე: ყოყმანობდი, მაგრამ როდესაც ბორის ელცინს, ნორსულთან ნაზარბაევს შეეხვდი, მაშინ დავთანხმდი... ეს იყო საერთო განწყობილება.

ვ. კვარაცხელია: გართულდება ირაკლი კონფლიქტი?

ვ. შევარდნაძე: ალბათ უფრო გაღრმავდება.

ვ. კვარაცხელია: გამსახურდიას პერიოდში თქვენ გაცხადებდნენ რენეგატად, თქვენ არ რეაგირებდით, რატომ?

ვ. შევარდნაძე: ჩემთვის ძალზე მტკივნეული იყო. მე ვიცოდი, რა ინერგობდა, აქ ლაპარაკი არ იყო კრიტიკაზე. ძნელია, როდესაც შენს სამშობლოში ასე უდიერად გეპყრობიან. რამდენი უძილო ღამე მქონდა გატარებული. მე პასუხს არ ვცემდი, რადგან ჩემი მონაწილეობა გაართულებდა ახალ გზაზე გადასვლას. შეიძლება ვცდებოდით. მოვა დრო და ხალხი გაერკვევა.

ვ. კვარაცხელია: თქვენ იყავით კომუნისტური რეჟიმის დამცველი, იმპერიის მომხრე.

ვ. შევარდნაძე: მე ვიყავი ერთგული კომუნისტი, მჯეროდა ამ იდეების, მე მიმაჩნდა, რომ ვემსახურებოდი ჩვენ ხალხს. ბევრ რამეში ვცდებოდი. ცხოვრებამ მიგვიყვანა იქამდე, რომ ხელახლა გადაგვეხედა და რომ სხვა ცხოვრება უნდა დაგვეწყო (ამ დროს მოსკოვიდან აჩვენებენ დასავლეთ

საქართველოს. ინტერვიუ ვალტერ შურლაიასთან).

შურლაიას ეკითხებიან: რას იზამთ ოპოზიცია რომ შემოვიდეს ზუგდიდში?

ვალტერ შურლაია: ჩვენ ხალხის გარეშე არაფერს არ ვაკეთებთ.

კორ.: ეს ხომ სამოქალაქო ომია?

ვ. შურლაია: ჩვენ არ გვინდა სამოქალაქო ომი.

შერაბ კიკნაძე: ეს არის ხუნტა, ეს უხეში ძალაა.

(ინტერვიუ გრძელდება ედუარდ შევარდნაძესთან).

ვ. კვარაცხელია: ამბობენ, რომ 9 აპრილის ამბებში ბრალი მიგიძღვით.

ვ. შევარდნაძე: ეს აბსურდია, ამაზე კამათიც არ მინდა. მაშინდელმა ხელმძღვანელებმა ვერ შეაფასეს სიტუაცია.

ვ. კვარაცხელია: ამბობენ, რომ თქვენი მითითებით დახვრიტეს თვითმფრინავის გამტაცებლები.

ვ. შევარდნაძე: იქნებ ღირდეს გამოვლაპარაკოთ კარანაძეს, რომელიც ძალიან პრინციპულია, ან კითხოთ ვ. რაზმაძეს. ჩემი შეცდომა ის იყო, რომ წავედი აერპორტში, მაშინ სისხლი დაღვრილი იყო. თუ ერთი კაციც იტყვის, რომ მე გავლენა მომეხდინოს, მე ვაგებ პასუხს. ჩემი ბრალი ის იყო, რომ, როცა საქმე უმალლეს საბჭოში გადავიდა, გაჩნდნენ ხელმოწერები.

ვ. კვარაცხელია: თქვენზე ამბობენ, რომ იბრძოდით, რათა ინტელიგენცია კრიმინალურ ინტელიგენციად გექციათ.

ვ. შევარდნაძე: ახლა მინდა გავიხსენო ნოდარ დუმბაძე, რომელიც წმინდა კაცი იყო, ისევე როგორც ვენორი ქვაჩახია, მერაბ მამარდაშვილი. მე არ მესმის, როგორ ჩამოყალიბდა კრიმინალური ინტელიგენცია. თუ ესენი კრიმინალური ინტელიგენტები არიან და მე მიმიძღვის მათ ჩამოყალიბებაში წვლილი, მაშინ მე ბედნიერი ვარ.

ვ. კვარაცხელია: ამბობენ, რომ საგარეო საქმეთა მინისტრობის დროს საქარ-

თველოსათვის არაფერი გაგიკეთებიათ. როცა დაიწყო მოკავშირე რესპუბლიკების აღიარება, თქვენ არ შეგეძლოთ დახმარება?

**ე.შევარდნაძე:** არ შემეძლო. მე რომ ჩემი აზრი გამომეთქვა, ეს ჩემი დისკრედიტაცია და უნაყოფო ბრძოლა იქნებოდა.

**ვ. კვარაცხელია:** თუ საქართველო დემოკრატიის გზით წავა, თქვენ დაეხმარებით?

**ე.შევარდნაძე:** მე დიდი იმედი მაქვს, საქართველომ გამოავლინა რა თავისი ნიჭი ავტორიტარიზმის წინააღმდეგ ბრძოლაში, შეიძლება კიდევაც გაუსწროს სხვა ქვეყნებს, მაგრამ ევროპის აღიარების გარეშე ნამდვილ დამოუკიდებლობაზე ლაპარაკი ნაადრევია.

**ვ. კვარაცხელია:** ჩემთვის ძნელია შეფასება მივცე, თუ რა მოხდა საქართველოში: სამხედრო გადატრიალება, პუტჩი?

**ე.შევარდნაძე:** მე მგონი, ეს დემოკრატიული რევოლუცია იყო.

**ვ. კვარაცხელია:** პრეზიდენტმა განაცხადა, რომ ეს პუტჩი იყო და თქვენ მეთაურობდით.

**ე.შევარდნაძე:** თუ ეს რევოლუცია იყო და მე ვმეთაურობდი, მე ეს მიხარია, მაგრამ არ მინდა მე ეს მივითვისო, ისტორიკოსებმა თავისი სიტყვა უნდა თქვან.

**ვ. კვარაცხელია:** რა დახმარებები გაქვთ საქართველოსთვის?

**ე.შევარდნაძე:** ამის პერსპექტივები ფართოა. ჩქარა უნდა შეიქმნას დემოკრატიული ინსტიტუტები.

**ვ. კვარაცხელია:** თუ ყველაფერი კარგად წავიდა, რამდენი დრო დაჭირდება?

**ე.შევარდნაძე:** ამას ალბათ 3-4 წელიწადი დასჭირდება, მაგრამ საქართველოს ყველა მოქალაქე უნდა გაერთიანდეს.

**ვ. კვარაცხელია:** ალბათ, ყველაზე მეტი ხელის შემშლელი ისევ კონფლიქტებია?

**ე.შევარდნაძე:** ჩემთვის ძნელი კითხვაა. მე ინფორმაცია ცოტა მაქვს, იქნებ შეკითხვა შემდგომისთვის გადაგვედო. ხალხი სულგრძელია, თუ ბატონ ზვიადის აქვს დამსახ-

ურება, არ დაუპირგავს და არც ცოდვებს დატოვებენ უყურადღებოდ. ყველაზე საშიში შურისძიებაა, მიტევაბა არის საჭირო.

**ვ. კვარაცხელია:** განუხებთ თუ არა ნოსტალგია, თუ დაბრუნდებით და შეუდგებით პოლიტიკურ მოღვაწეობას?

**ე. შევარდნაძე:** მე 9 აპრილის ამბების დროს ცენტრალური კომიტეტის შენობაში ვთქვი, რომ საქართველოში უნდა დავიმარხო. მინდა ემონანილეობდემ დემოკრატიის ფორმირებაში. მე კარტრთან ერთად უნდა ჩამეტარებინა ლონისძიება და ვერ ემონანილეობ, რადგან საქართველოში ომია. მინდა, რომ სარგებლობა მოვუტანო ხალხს. მე ერთი კითხვაც არ დამისვით იმის შესახებ, რომ მე ოპოზიციას ვხვდებოდი - ხოშტარნას, ასათიანს.

**ვ. კვარაცხელია:** დომუხოვსკი დაგავიწყდათ.

**ე. შევარდნაძე:** მის სინდისზე იყო, რაც დაწერა. მივიღე ქაღები (45 ქალი), ორი საათი ვისაუბრეთ, მქონდა კონტაქტები.

**ვ. კვარაცხელია:** რა მიმართვა გექნებთ ქართველი ხალხისათვის?

**ე. შევარდნაძე:** მე მიმართვა გავუგზავნე ქართველ ხალხს. ეს იყო ცდა რამდენიმე სიტყვა მეთქვა. არ გავგიტაცოს ანგარიშსწორების ცდუნებამ, შევრიგდეთ, მოვრიგდეთ.

ედუარდ შევარდნაძე, მართლაც ძალიან ჭკვიანია. ახლა განსაკუთრებით გამოადგება იგი საქართველოს. ძალიან მიჭირს თქმა, მაგრამ უნდა ვაღიარო: მას შეუძლია საქართველო გაიყვანოს მსოფლიო ასპარეზზე.

(ეს ინტერვიუ ჩანერილი ყოფილა 14 იანვარს, 1992 წ.).

თენგიზ სიგუამ მოსთხოვა აფხაზეთის ხელისუფლებას, გახსნას რკინიგზა. თუ აფხაზებს ამის ძალები არ გააჩნიათ, მაშინ თვითონ გადაწყვეტს ამ საკითხს.

ენახე ჩემი პატარა ბიჭის დახატული სურათი, დაუხატავს მიტინგი და ხალხი

ავტომატებით. მარტო ჩვენი თაობა კი არ დაილუპა, ეს პატარა თაობაც ილუპება.

#### 4 თებერვალი

დღეს უნივერსიტეტში მივედი, შევიტყვე, რომ უნივერსიტეტთან ორი საათი იყო სროლა. არავინ დაშვებულა. სხვადასხვა აზრია. ზოგი გვარდიას აბრლებს, ზოგი ზვიადის-ტებს.

დღეს გამოაცხადეს რომ გვარდიის ნაწილები გალში შევიდნენ. სოხუმის აეროპორტი ამუშავდა. ვლადისლავ არძინბამ განაცხადა, რომ ანარმოებენ მოლაპარაკებას. დღეს აფხაზეთის უზენაესი საბჭოს სესია იყო. ერთმა დეპუტატმა არძინბას ჰკითხა: ხომ არ გამოიწვევდა სამხედრო საბჭოს ძალების შემოსვლა დესტაბილიზაციას აფხაზეთში? არძინბამ უპასუხა, რომ ალბათ პირიქით მოხდება.

#### 6 თებერვალი

დღეს დილით, ექვს საათზე გია ყარყარაშვილი ყოველგვარი ექსცესების გარეშე შევიდა სოხუმში.

#### 7 თებერვალი

დღეს გადმოსცეს, რომ მთავრობის ჯარები შევიდნენ გაგრაში. მოსკოვიდან გადმოსცეს, რომ ედუარდ შევარდნაძე და ბეიკერი აპირებენ თბილისში ჩამოსვლას. ეართველებმა კიდევ ერთხელ გავითქვით სახელი. მოსკოვმა გადმოსცა, რომ მოხდა „საუჟუნის გაქურდვა“. ავტომატიანები შევიდნენ რუსთავის „აზოტის“ ქარხანაში და წაიღეს 50 კილოგრამი პლატინა (260 მილიონი მანეთის). რატომ საქართველოს ტელევიზია არ გადმოსცემს ამის შესახებ?

გუშინ „ვესტიში“ ზვიად გამსახურდიამ თქვა, რომ მიმართა უცხო ქვეყნებს, რათა არ ცნონ სამხედრო საბჭო, აგრეთვე წერილი მისწერა ბორის ელცინს, სადაც უკმაყოფილება გამოთქვა მის მიმართ.

#### 9 თებერვალი

დღეს აჩვენეს ჩვენი გვარდიის შესვლა ლესელიძეში და გვარდიელების მისვლა რუსეთის საზღვრამდე. ცრემლები მომერია. ბორის კაკუბავამ და ელესიის მსახურებმა დალოცეს ქართული ჯარის შესვლა. გია ყარყარაშვილმა ჭიქა აიღო და მდ. ფსოუს წყლით დალია სადღეგრძელო. ამასაც მოვესწარი ღმერთო, როგორ შეიძლება ეს არ გაგიხარდეს! ბიჭებო, თქვენ გაგიმარჯოთ! შენ გაგიმარჯოს, ჩემო გია ყარყარაშვილო!

#### 15 თებერვალი

აქამდე არ ვწერდი, რადგან დიდი არაფერი მომხდარა. თენგიზ სიგუა იყო მოსკოვში დსთ-ს მინისტრთა საბჭოს თავმჯდომარეთა თათბირზე, სადაც ხელი მოეწერა 10 რესპუბლიკასთან ეკონომიკურ შეთანხმებას. რუსეთთან შეთანხმება ვერ მოხერხდა.

ბეიკერი იყო შუა აზიაში, კავკასიაში, კერძოდ, აზერბაიჯანსა და სომხეთში, საქართველოში არ ჩამოსულა. ვრცელდება ხმები, რომ ედუარდ შევარდნაძე ჩამოყავთო. სასაცილოა, როდესაც ასე ვმსჯელობთ. ფიქრობენ, რომ, რადგან შევარდნაძე ახლოს არის ბეიკერთან, ამიტომ ამერიკა ცნობს საქართველოში არსებულ რეჟიმს. არ იციან, რომ პირადი ურთიერთობა და ძმაკაცობა მხოლოდ საწყისია პოლიტიკის და არა გადამწყვეტი ფაქტორი. ალბათ, სანამ არ ჩატარდება არჩევნები, მანამდე არაფერი გვეშველება.



დაიწყო ტერორისტული აქტები. 8-9 თებერვალს ორჯერ ააფეთქეს ხიდი სენაკთან. თბილისში მილიციის ორი ლეიტენანტი მოკლეს, სამი დაჭრეს.

დღეს მოეუსმინე თემურ ქორიძეს. ძალიან ძნელია უსმინო კაცს, რომელიც პირველი იდეოლოგი იყო ზვიად გამსახურდიას დროს. ქორიძემ განაცხადა, რომ ზვიად გამსახურდიას ხელისუფლებაში პირველი ბზარი გაჩნდა მაშინ, როდესაც კვანტალიანი დანიშნეს ტელევიზიის თავმჯდომარედ და კოლექტივი წავიდა მის წინააღმდეგ, თუმცა კვანტალიანი თვითონაც აპირებდა წასვლას. საერთოდ მინდა აღვნიშნო რომ, ბოლო პერიოდში, განსაკუთრებით სექტემბრიდან, თემურ ქორიძეს დიდად უარყოფითი თვისებები არ გამოუვლენია, თუმცა სტუდენტებთან შეხვედრის დროს, დეკემბერში ის მაინც ისევ ის ქორიძე იყო. მე თემურ ქორიძეში დავინახე პიროვნება, რომელიც ზვიად გამსახურდიას ერთგულების გამო კარგს არაფერს მოუტანდა საქართველოს. ისე კი საოცარია, როგორ მოახერხა ზვიად გამსახურდიამ, რომ ასეთი ერთგული კაცი გაენაწყენებინა.

გუშინ მოეუსმინე პოლკოვნიკ თ. ეპიტაშვილს, აღმოჩნდა, რომ, თურმე, ისიც უსაფუძვლოდ მოუხსნია ზვიად გამსახურდიას.

## 16 თებერვალი

ვუსმენ გადაცემას „სალამო მშვიდობისა“. ინტერვიუ პეტრე ჩხეიძესთან.

**პეტრე ჩხეიძე:** აბაკელიამ დამირეკა პრეზიდენტის სახელით და მითხრა, რომ ოღონდ რუსეთის ჯარებმა მხარი დაგვიჭირონ და შევალთ დსთ-ში, აღვადგინოთ სამხრეთ ოსეთის ავტონომიურ ოლქს, დავაბრუნებთ ლტოლვილებს. მეორედ ისევ აბაკელიამ დამირეკა, რომ მეთხოვა დახმარება რუსეთის ჯარებისათვის. მე ვუთხარი: პრეზიდენტმა თვითონ უნდა ითხოვოს

რუსეთის ჯარებისაგან დახმარება. შემდეგ თვითონ პრეზიდენტმა დამირეკა მანქანიდან და მითხრა, რომ სჭირდებოდა დახმარება. შემდეგ ზვიად გამსახურდია ელაპარაკა სხვადასხვა პიროვნებებს. ერთმა მაღალი რანგის ჩინოსანმა მითხრა: დაიკარგეთ შენც და შენი პრეზიდენტიცო. მე ვიცი, რომ ეს საკითხი ოქტომბერში მზადდებოდა, პარლამენტშიც უნდა გაეტანათ განსახილველად, მაგრამ ზვიად გამსახურდია ოპოზიციას მოერიდა.

**კორ.:** რატომ იმალებოდა ეს ამბავი?

**პეტრე ჩხეიძე:** გამსახურდია ისეთი ლოზუნგებით მოვიდა ხელისუფლებაში, რომ მისთვის ძნელი იყო აეხსნა ხალხისთვის ამგვარი გადაწყვეტილება.

ინტერვიუ **ჯაბა იოსელიანთან.** იგი იხსენებს 23 ნოემბრის ამბებს. მხედრიონი ერთი თვე იყო ლიახვის ხეობაში, როცა მოგხსენით საკონფლიქტო სიტუაციები. წამოვედი, მაგრამ, როგორც კი წამოვედი, ისევ გაართულდა ვითარებაო. **ჯაბა იოსელიანმა** აღნიშნა: მინდა გავიხსენო 26 მაისი. ამ დღეს გაგრაში მოსალოდნელი იყო ცუდი ამბები, მხედრიონის ნაწილი გაგრაში წავიდა, მე თვითონ 10-15 მანქანით წავედი ცხინვალში, მდგომარეობა განვმუხტეთ. სალამოს წამოვედი ცხინვალიდან. დასაძინებლად დავნექი. მოირბინა ჩემმა შეილმა და მეუბნება: დიდი ამბებია ცხინვალში, ამის შესახებ ეხლა გამოაცხადა ზვიად გამსახურდიამო. მე ვუთხარი, რომ ეს ტყუილი იქნებოდა.

ტელევიზიით გადაიცა ინტერვიუ ედუარდ შევარდნაძესთან.

**ნანა ჯაფარიძე:** როგორი ორიენტაციის უნდა ვახდეს საქართველო.

**ედუარდ შევარდნაძე:** საქართველომ თვითონ უნდა გადაწყვიტოს მართვის სისტემა, იგი უნდა იყოს ევროპული სტანდარტების. საქართველოს მომავალი ევროპის პროცესებშია.

**ნანა ჯაფარიძე:** ეკონომიკურად ჩვენ რომელი ქვეყნები დავგეხმარებინათ?

**ედუარდ შევარდნაძე:** კონკრეტულად ძნელია ამის თქმა. დღემდე ეს საკითხი აქტიურად არ დგას. ეხლა უნდა გვეკონდეს იმედი გერმანიის, საფრანგეთის, ინგლისის და აშშ-ის.

**ნანა ჯაფარიძე:** რას იტყვიტ დსთ-სთან დამოკიდებულების შესახებ?

**ედუარდ შევარდნაძე:** მე ამ ფორმალურ აქტს დიდ მნიშვნელობას არ ვანიჭებ. ეს საკითხი მაინც სახალხო მსჯელობის საგნად უნდა იქცეს. პირველ რიგში საჭიროა ორმხრივი ხელშეკრულებანი.

**ინტერვიუ ბაკურ გულუასთან.**

**კორ.:** მინსკში რატომ იყავით?

**ბაკურ გულუა:** პრეზიდენტმა მითხრა, რომ სანქციები ხორციელდებოდა. მე ვუპასუხე, ჩავიდეთ ალმა-ათაში, ტაში დავუკრათ, რომ იმპერია ინგრევა. მინსკში სხდომა რომ დაიწყო, ჩემი გაძევება მოინდომეს. ლეონიდ კრავჩუკმა მხარი დამიჭირა: ჯერ მოვუსმინოთ და მერე გადავიწყოთ.

**კორ.:** თუ გვეკონდათ შეხვედრა ელცინთან?

**ბაკურ გულუა:** შესვენებაზე შევედი იქ, სადაც პრეზიდენტები სხედან. სუფრაზე ედგათ „ენისელი“. მირჩა სნეგურმა მითხრა სუფრასთან მოდიო და მეც მივედი. მე განვაცხადე: რატომ მაძევენთ კონფერენციიდან, რატომ არა აქვს საქართველოს უფლება აქ დარჩეს? მიპასუხეს: ძალიან გული გვატკინეთ, ჯერ მოვირიგდეთ და მერე ვილაპარაკოთ.

## 18 თებერვალი

მოსკოვის „ნოვოსტიმ“ გადმოსცა, რომ გროზნოში ერთმანეთს შეხვდნენ ჯოჰარ დუდაევი და ზვიად გამსახურდია. საღამოს ექვს საათზე უნდა ყოფილიყო შეხვედრა ჟურნალისტებთან.

დღეს მოსკოვში ერთმანეთს შეხვდნენ ბეიკერი და თენგიზ სიგუა. წინა დღეს ერთ-

მანეთს შეხვედრიან ბეიკერი და შევარდნაძე.

„მოამბეში“ გადმოსცეს, რომ ჯაბა იოსელიანი ედუარდ შევარდნაძეს წარმომადგენელი გაუგზავნა და საქართველოში მოიწვია.

თბილისში მიტინგები აღარ იმართებდა, მაგრამ ხალხი უკმაყოფილოა, განსაკუთრებით მძიმე კრიზისოგენური სიტუაციით და ეკონომიკური მდგომარეობით. პურის ფასის გაზრდის შემდეგ მოიმატა ფასმა ტრანსპორტზე. „ვესტიმ“ გადმოსცა, რომ ზვიად გამსახურდიას სამხედრო აეროდრომზე დახვდა ჯოჰარ დუდაევი. გამსახურდიას განუცხადებია, რომ არ აპირებს ემიგრაციაში წასვლას და რომ ჩამოვიდა ვიზიტით, როგორც პრეზიდენტი პრეზიდენტთან.

## 19 თებერვალი

ინტერვიუ სი-ენ-ენის კორესპონდენტთან. კორესპონდენტის შეკითხვებს პასუხობენ ჯეიმს ბეიკერი და თენგიზ სიგუა.

**ბეიკერი:** ჩვენ არ გვინდა ქართველების იზოლაცია. ეს ერთადერთი ქვეყანაა, სადაც არ ვყოფილვარ. ჩვენ უარყოფითად ვუყურებთ სამხედრო ძალის მიერ დემოკრატიულად არჩეული პრეზიდენტის დამხობას...

**კორ.:** ბატონო პრემიერ-მინისტრო, თანახმა ხართ თუ არა დააბრუნოთ პრეზიდენტი, თუ გცნობთ აშშ?

**თ. სიგუა:** ხალხი არ არის მზად დააბრუნოს გამსახურდია. პარლამენტი გადაწყვეტს, როგორი მმართველობა იქნება.

შეხვედრა 20 წუთის მაგიერ ერთ საათს გაგრძელდა.

აჩვენეს ზვიად გამსახურდიას ინტერვიუ. მან თქვა, რომ მეგობრული ვიზიტით არის ჩასული გროზნოში.

ეგაძის ინტერვიუ თენგიზ სიგუასთან.

**თ. სიგუა:** ბეიკერის ჩასვლა სხვა რესპუბლიკებში და არჩამოსვლა საქართველოში

განპირობებული იყო იმით, რომ დახმარების სქემაში საქართველო არ იყო. გარდა ამისა, ბეიკერი იმით არ ჩამოვიდა, რომ თითქოს აქ აეროპორტები დანალმული იყო. შეხვედრა გადაწყდა 17 თებერვალს. შეხვედრის მონაწილეობაში დაგეგმვარა ამერიკის ელჩი და დანი ჩიკაიძე.

კორ.: რა პერსპექტივებია საელჩოების გახსნის თაობაზე.

თ. სიგუა: ბეიკერმა დანერვილებითი ინფორმაცია მიიღო. რაც შეეხება დიპლომატიურ ურთიერთობებს, ის შეიძლება დამყარდეს მხოლოდ მას შემდეგ, რაც საქართველოს ახალი პარლამენტი ეყოლება. რაც შეეხება პუმანიტარულ დახმარებებს, მან დააეღა თავის თანაშემწეებს, რომ განიხილონ ეს საკითხი. ალბათ, ერთ თვეში გადაწყდება პუმანიტარული დახმარების საკითხი.

## 20 თებერვალი

„ნოვოსტიმ“ გადმოსცა: თენგიზ სიგუამ გამოაცხადა, რომ კენჭს არ იყრის მომავალ არჩევნებში. ასევე აღნიშნეს, რომ ზვიად გამსახურდია და ჯოჰარ დუდაევი განაგრძობენ მოლაპარაკებებს და რომ მათ მოითხოვენ რუსეთის ჯარების გაყვანა კავკასიიდან.

## 21 თებერვალი

დღეს აჩვენებენ გუშინდელ ინტერვიუს თენგიზ სიგუასთან. მან ილაპარაკა ძირითადად ბეიკერთან შეხვედრის შესახებ. სიგუამ განაცხადა, რომ არჩევნებში მონაწილეობას არ მიიღებს.

კორ.: რატომ ამბობთ უარს არჩევნებში მონაწილეობაზე?

თ. სიგუა: მე მინდა სამეცნიერო სამუშაოზე გადასვლა.

კორ.: რას იტყვით ზვიად გამსახურდიას განცხადებაზე, რომ ის აკონტროლებს სიტუაციას და მეთაურობს დაუმორჩილებლობას.

თ. სიგუა: როგორ აკონტროლებს, თქვენ თვითონ ხედავთ, იატაკქვეშეთში მოქმედებს. ნინა კვირას ორჯერ ააფეთქეს რკინიგზა. ოთხი დღის წინათ დრანდასთან ნაწილობრივ ააფეთქეს ხიდი.

კორ.: რას იტყვით დემოკრატიული პარტიის განცხადებაზე კოალიციური მთავრობის შექმნის შესახებ?

თ. სიგუა: ნინა დღეებში ბეიკერი იყო შევარდნაძესთან. იყო ორი მომენტი, რის გამოც ბეიკერი არ ჩამოვიდა საქართველოში. ერთი ის, რომ საქართველო სქემაში არ იჯდა; მეორე ის, რომ პირადმა დაცვამ არ უარჩია. რაც შეეხება დემოკრატიული პარტიის განცხადებას, ყველა პარტიას აქვს უფლება გააკეთოს თავისი განცხადება. მთავრობა ერთი განცხადების გამო არ გადადგება, თუ მთლიანად დემოკრატიული მოძრაობა მოითხოვს, გადადგება.

კორ.: რას იტყვით ბაგრატიონების ჩამოსვლაზე?

თ. სიგუა: ოფიციალური მონევეა არ ყოფილა, ეს იყო კერძო მონევეა.

კორ.: რას იტყვით რუსი მობალისების ჩასვლაზე ცხინვალში? როგორი ურთიერთობა გაქვთ არძინბასთან?

თ. სიგუა: ჩვენ არ გვაქვს ცნობა, რომ რუს მობალისეთა ლეგიონი იყოს ცხინვალში, რაც შეეხება მეორე შეკითხვას, შაბათს ჩვენი დელეგაციები ხედებიან ერთმანეთს.

კორ.: რატომ იყო შტრაუსი დაინტერესებული, რომ შეხვედროდით ბეიკერს?

თ. სიგუა: მე ადრე მქონდა შეხვედრა შტრაუსთან.

კორ.: იცოდით თუ არა, რომ გია ჭანტურია და თემურ ჟორჯოლიანი უნდა შეხვედროდნენ ანდრეოტის?

თ. სიგუა: ჭანტურიას და ჟორჯოლიანს არ მქონდათ მთავრობისაგან რაიმე რწმუნება-

ულემა. მათ უფლება აქონდათ თავიანთი პარტიის სახელით შეხვედროდნენ და ესაუბრათ.

კორ.: როგორ გადაწყდება გამსახურდისას პრობლემა?

თ. სიგუა: მას ბევრი ბრალდება აქვს, მაგრამ ჯერ არ დამთავრებულა გამოძიება, ზოგი მონმე საქართველოშიც არ არის. ძალიან დიდი კორუფცია, ფულის ტომრეზზე იყო საუბარი.

კორ.: (კითხვა ვერ გავიგე - მ. ვ.)

თ. სიგუა: გვარდიამ თავისი მისია შეასრულა, სოხუმის აეროპორტი გაიხსნა და მატარებლები დადიან. ჩვენი მიზანი არ იყო გვარდია იქ დარჩენილიყო. თუ ვერ უზრუნველყოფენ მაგისტრალების დაცვას, ჩვენ ისევე მივმართავთ ამ ლონისძიებას.

კორ.: ზუგდიდზე რას იტყოდით და იქ არსებულ ბანდებზე?

თ. სიგუა: როცა პრეზიდენტი ეძახდა დასახმარებლად მოხალისეებს, მათ იარაღს ურიგებდნენ, შემდეგ ისინი იკარგებოდნენ. ისინი ძირითადად შვიი სამყაროს წარმომადგენლები იყვნენ. დასავლეთ საქართველოში ორი ბანდა დავაპატიმრეთ. ამჟამად რამდენი ბანდაა, არ ვიცით.

კორ.: რა უშლის ხელს რუსეთსა და საქართველოს შორის ეკონომიკური ხელშეკრულების დადებას?

თ. სიგუა: ეკონომიკური რეფორმის გატარებისათვის გვინდა 300-350 მილიონი, რუსეთი გვთავაზობდა კლირინგით გაცვლას, ეს არ გვანაყობდა.

კორ.: თუ აქვს დროებით მთავრობას კავშირი შევარდნაძესთან?

თ. სიგუა: მე ვთვლი, რომ ის ქართველია და ყველა ქართველს აქვს უფლება ჩამოვიდეს და აქტიური მონაწილეობა მიიღოს საქართველოს ცხოვრებაში. მას დიდი ავტორიტეტი აქვს. მას შეუძლია ჩამოვიდეს და აქ შექმნას ფონდი. ალექსანდრე ჩიკვაძესთან მქონდა ურთიერთობა და დამთანხმდა მინისტრობაზე.

ზუგდიდში 19-ში მოკლეს ერთი გვარდიელი და ერთი მოქალაქე. მოხდა აფეთქება გულრიფში, 8 ვაგონი გადაეარდა ლიანდაგიდან.

„ეროვნული თანხმობის და აღორძინების კავშირმა“ შევარდნაძის ჩამოსვლა მოითხოვა.

რამაზ საყვარელიძემ (ფსიქოლოგიის ცენტრმა) მოახწო სოციოლოგიური გამოკითხვა. შეკითხვაზე: ვის შეუძლია სტაბილიზაციის დამყარება, პასუხი ასეთი იყო: არ ვიცო - 15%, შევარდნაძეს - 15%, სიგუას - 3%, პრეზიდენტს - 2%, კიტოვან-იოსელიანს - 2%.

## 22 თებერვალი

ინტერვიუ თამრიკო ჩხეიძესთან. თამრიკო ჩხეიძემ განაცხადა, რომ „მრგვალი მაგიდის“ ხელისუფლებაში მოსვლამდე დიქტატორობისაკენ სწრაფვა დაიწყო. გამსახურდიამ პირველად ილია ჭავჭავაძის საზოგადოება ამოიჩემა და ისინი კრემლის აგენტებად გამოაცხადა. როცა ზურაბი სიკვდილის პირას იყო, ამ დროს გამსახურდია მას კრემლის აგენტად აცხადებდა. შემდეგ ეს ბევრმა იწვინა თავის თავზე.

კორ.: არაფერი არ იცით მერაბ კოსტავას სიკვდილის შესახებ? უკვე ორი წელიწადი გაეიდა.

თ. ჩხეიძე: გამოძიებაზე იმედი არ დამიმყარებია... მე თვითონ ვცდილობდი გამერკვია, მაგრამ ძალიან ძნელი აღმოჩნდა. მერაბი თავს იკავებდა ზვიადთან ურთიერთობების გაფუჭებაზე, მაგრამ ძალიან განიცდიდა, როდესაც კრემლის აგენტებად აცხადებდნენ ეროვნული მოძრაობის წარმომადგენლებს. ერთხელ ზვიადმა გამოაცხადა, ჩაეკოლათ ილია ჭავჭავაძის საზოგადოება, მაშინ მერაბი გამოვარდა და იყვირა, რას შერებთო?

ნერვები მესვლება. ახლა ვუყურებ მოსკოვში მირჩა სნეგურის ინტერვიუს, რომელიც დაბრუნდა ამერიკის შეერთებული შტატებიდან. მოლდავეთმა ამერიკასთან დაამყარა დიპლომატიური ურთიერთობა. მერე აჩვენეს ნორსულთან ნახარბავეის ვიზიტი ინდოეთში. ყოფილ საბჭოთა რესპუბლიკებს შორის ჩვენ აღმოვჩნდით ყველაზე ჩამორჩენილი რესპუბლიკა.

დღეს გამოვიდა ტელევიზიით სამხედრო საბჭოს სამართლებრივ-ეკონომიკური კომისიის თავმჯდომარე ალექსანდრე ბოჭორიშვილი, რომელმაც წაიკითხა საქართველოს 21 თებერვლის სამხედრო საბჭოს მიერ მიღებული გადაწყვეტილება: აღდგეს 1921 წლის 21 თებერვლის კონსტიტუცია.

## 24 თებერვალი

თენგიზ კიტოვანი დაინიშნა თენგიზ სიგუას პირველ მოადგილედ და დაევალა უშიშროებისა და სამართალდაცავი ორგანოების კურირება.

სოხუმში გრძელდება საპროტესტო აქციები.

## 25 თებერვალი

ინტერვიუ ჯაბა იოსელიანთან მიჰყავს ვალერი კვარაცხელიას.

ვ. კვარაცხელია: რას იტყოდით შექმნილი სიტუაციის შესახებ?

ჯ. იოსელიანი: ჩვენ გვინდა დემოკრატიულად მივიდეთ არჩევნებამდე. ჩვენ ვანყდებით წინააღმდეგობებს ზოგიერთ რეგიონში. უკიდურეს მდგომარეობაში ძალას გამოვიყენებთ. სამხედრო მდგომარეობის დროს ტელევიზია უნდა იყოს ცენტრის ქვეშ, პოლიტიკური პარტიები უნდა გაუქმდეს. ხალხმა გამოთქვას თავისი აზრი. ჩვენთვის

თავისუფლების პირველი დღეები ისეთია, როცა ავადმყოფი კრიზისიდან გამოდის.

ვ. კვარაცხელია: არსებობს საშიშროება, რომ სისხლი ისევ დაიღვაროს?

ჯ. იოსელიანი: ეს ჩვენზე არ არის დამოკიდებული. არიან ჯგუფები, რომელთაც სურთ რეანში აიღონ. ჩვენ, მხედრონელები, ყველა დავნევებით, 2 ათასი კაცი ვართ და, არა თუ გამსახურდიას, სხვა დიქტატურასაც არ დაუშვებთ.

ვ. კვარაცხელია: დღეს საკონსტიტუციო ვაკუუმი არსებობს, აღდგა 1921 წლის კონსტიტუცია, რამდენად გამართლებული იყო ეს გადაწყვეტილება?

ჯ. იოსელიანი: ეს დაგვიანებულიც იყო, როდესაც დამოუკიდებლობა გამოცხადდა, გამსახურდიამ მაშინ არ აღადგინა, რადგან კონსტიტუციაში პრეზიდენტობა არ იყო.

ვ. კვარაცხელია: მოვიდა ტელემყურებელთა შეკითხვები მძიმე კრიზისოგენური სიტუაციის შესახებ.

ჯ. იოსელიანი: „მხედრონში“ 90% ვაჟაკები და წესიერი ხალხია, შეიძლება რაღაც პროცენტი იყოს, მაგრამ მათ ძალიან მკაცრად დავსჯით.

ვ. კვარაცხელია: როდის გამოვა ჯარი დასავლეთ საქართველოდან?

ჯ. იოსელიანი: როცა ფოთში ვიყავი, ნაწილი ამბობდა არ ნახვიდეთ, ნაწილი — ნადითო.

ვ. კვარაცხელია: როგორ აფასებთ ქანტურიას პარტიას?

ჯ. იოსელიანი: მე ის მომწონს იმიტომ, რომ თანმიმდევრულია.

ვ. კვარაცხელია: რა თანამდებობა გაქვთ გათვალისწინებული შევარდნაძისთვის? როგორ აფასებთ შევარდნაძეს?

ჯ. იოსელიანი: სულ იმის ფიქრში ვიყავი, როგორ შეიძლებოდა კომუნიზმის მოცილება. ამისთვის ერთი საშუალება არსებობდა, რომ ეს მომხდარიყო „ზემოდან“, რადგან „ქვემოდან“ ამის გაკეთება შეუძლებელი იყო.

სწორედ ამაში უდიდესი როლი აქვს შევარდნაძეს. ასი წელი რომ გავა ჩვენ არაფერი არ ვიქნებით, შევარდნაძე კი დიდი ფიგურა იქნება. ყველა ქართველი იქნება დამნაშავე, რომელიც არ გამოიყენებს ამ შესაძლებლობას.

ვ. კვარაცხელია: ფლობთ თუ არა სიტუაციას რესპუბლიკაში?

ჯ. იოსელიანი: ფლობთ, მაგრამ ისე არა, როგორც ვფიქრობ.

ვ. კვარაცხელია: ყოფილი დემუტატები ხელს უწყობენ თუ არა დესტაბილიზაციას?

ჯ. იოსელიანი: ჩვენ ვაცხადებთ ამნისტიას. ჩვენ არ ვაპატიებთ იმათ, ვინც ქართველ კაცს სახლს უწვავს. ადგილზე თუ მიუსწარი, მოვახდენთ მის ლიკვიდაციას.

ვ. კვარაცხელია: ამნისტია ხომ არ გამოიწვევს კრიმინოგენური ვითარების გამწვავებას?

ჯ. იოსელიანი: ამნისტია ეხება პატიოსან კაცს. დამნაშავეს, თუ ისევ დაიწყებს დანაშაულის ჩადენას, მალე დაიჭერენ. პატიოსანი კაცი კი აღარ ჩაჯდება ციხეში.

ვ. კვარაცხელია: რას იტყვით „მხედრონის“ ბედზე?

ჯ. იოსელიანი: როდესაც ავირჩევთ პარლამენტს, „მხედრონი“ დაიშლება.

ვ. კვარაცხელია: ადრე ფიქრობდით პოლიტიკაზე?

ჯ. იოსელიანი: მთელი ცხოვრება პოლიტიკაზე ვფიქრობდი.

ვ. კვარაცხელია: ჩამოერთმევა თუ არა იარაღი „მხედრონი“?

ჯ. იოსელიანი: ეხლა უკვე ვარჩევთ, ვის ჰქონდეს იარაღი.

ვ. კვარაცხელია: მიიღებს თუ არა „მრგვალი მაგიდა“ არჩევნებში მონაწილეობას?

ჯ. იოსელიანი: ყველას აქვს უფლება მიიღოს მონაწილეობა.

ვ. კვარაცხელია: ძალიან მერიდება, მაგრამ უნდა გკითხოთ თქვენი წარსულის შესახებ?

ჯ. იოსელიანი: ტერმინი „ვორ ვზაკონე“ კომუნისტების მოგონილი იყო ლაგერებში ხალხი რომ დაეპირისპირებინათ ერთმანეთისთვის, რათა გარკვეული ნაწილი ადვილი სამართავი ყოფილიყო. 40 წელს ვიყავი ციხეში ქურდი, მერე კანდიდატი, დოცენტი, დოქტორი. ზვიად გამსახურდია კი, პირიქით: ჯერ კანდიდატი, მერე ქურდი.

ვ. კვარაცხელია: მიიღებს თუ არა არჩევნებში გამსახურდია მონაწილეობას?

ჯ. იოსელიანი: ვერ მიიღებს. თუ ის ჩამოვა, დავაპატიმრებთ, თუ არ ჩამოვა, საერთაშორისო სამართალს გადავცემთ.

ვ. კვარაცხელია: თქვენ ძალაუფლება იარაღით აიღეთ და დაამხეთ კანონიერი ხელისუფლება, სანამ აქამდე მიხვიდოდით, ამონურული იყო თუ არა ყველა მშვიდობიანი მეთოდი.

ჯ. იოსელიანი: ყველა მშვიდობიანი მეთოდი ამონურული იყო. თვითონ დაიწყეს სროლა. ჩვენ შევუთვალეთ, რომ გადამდგარიყო, მან ეს ჩვენ სისუსტედ მიიღო. ჩემი დაჭერის წინ ნათაძეს ვუთხარი: ჩვენ „მხედრონი“ ესროლეს. მაშინ მისი გადაყენება არაფერი არ იყო, ნოდარი მოვიდა და მიუთხრა, არ გააკეთოო. მართალია, მაშინ რომ გადამყენებინა, ის გმირი გამოვიდოდა და მე მოლალატი. როცა ინტელიგენციამ დანერა თხოვნა, რომ თავდებში გამოვეშვი, მე მივწერე, რომ არ გამოვიდოდი.

ვ. კვარაცხელია: თქვენ ინვეციით დიალოგზე, მეც ვინვევდი მათ დამჯდარიყავით, არ წამოვიდნენ.

ჯ. იოსელიანი: არ მიყვარს სახალხოდ თავის გამოჩენა. ზვიადი ჩემზე მჭერ-მეტყველი იყო, რა უჭირდა? მაგრამ მას პოზიცია არ ქონდა.

აფხაზეთში გაიმართა სესია. ვლადისლავ არძინბამ მოხსენება გააკეთა აფხაზეთში შექმნილი მდგომარეობის შესახებ და სიტუაციას კატასტროფული უწოდა. სესიამ მიიღო დადგენილება საგანგებო რეჟიმის შესახებ.

დაიძაბა ურთიერთობა ნალენჯიხაში, ზვიად გამსახურდიას მომხრეებმა გამართეს მიტინგი.

სენაკში მდგომარეობა წყნარდება. დღეს სკოლებში სწავლა განახლდა.

## 1 მარტი

გაზაფხული დაიწყო. იქნება რამე გვეშველოს. ასეთი მძიმე, საშინელი ზამთარი არ მახსოვს, ამდენი ხანი შინ არასოდეს ვყოფილვარ. სალამოს სად გახვალ? დაბნელებულია თუ არა, 5 საათის შემდეგ, ფაქტობრივად ხალხი აღარ დადიოდა ქუჩაში. პატარა ბავშვივით მიხარია გაზაფხულის მოსვლა.

ამ დღეებში გამოვიდა ამნისტია. ასეთი ამნისტია საერთოდ არ ყოფილა — ძალიან ბევრი განთავისუფლდა. მოსახლეობა უკმაყოფილო იმიტომ, რომ ძალიან ბევრი ყაჩაღი გამოვიდა გარეთ. მეც უნდა ვიყო უკმაყოფილო, მაგრამ, როგორც ქრისტიანს, არა მაქვს უფლება ყველა მოენათლო ბანდიტათ. თუ ნაწილი გამოსწორდება, ესეც ბედნიერებაა საქართველოსთვის, რადგან დასაკარგი ხალხი არა გვყავს.

გადაცემა „სალამო მშვიდობის“. ინტერვიუ ვაჟა ადამიასთან. მან განაცხადა, რომ ორი კვირა იკადამყოფა და რომ „მერაბ კოსტავას საზოგადოება“ სამაჩაბლოში იმყოფება, რათა დაიცვას ქართველი მოსახლეობა.

## 2 მარტი

გადაცემა „პირისპირ“. ინტერვიუ აკაკი ასათიანთან.

ვ. კვარაცხელია: როგორ აფასებთ იმას, რაც ამ ერთი წლის განმავლობაში მოხდა საქართველოში?

ა. ასათიანი: ათასგვარი აზრი არსებობს ბოლო მოვლენების შესახებ, ყველას ეზინია,

რომ დაერქვას სახელი. რეალურად მოხდა სამხედრო გადატრიალება. არც ერთ ქვეყანაში ამას არ უარყოფენ. რამ გამოიწვია ეს ტრაგედია? ეს ორმხრივი მოვლენა იყო. ერთი მხრივ, ხელისუფლების მიერ კანონის უგულველყოფა და უმცირესობის დათრგუნვა, მეორე მხრივ, ოპოზიციის უპასუხისმგებლობა.

ვ. კვარაცხელია: მინდა გავიხსენოთ პროგრამა, რითაც მოხვედით თქვენ...

ა. ასათიანი: ჩვენ მივალენით მთავარს — დამოუკიდებლობას, რაც შეგვეძლო ვიბრძოდით დამოუკიდებლობისათვის და სიტყვა არ გაგვიტეხია. რაც შეეხება დემოკრატიის საკითხს, ერთხელ ვთქვი: ოღონდ დამოუკიდებლები გავხდეთ და დემოკრატიული კი არა, თუ გინდა ფაშისტური ან კომუნისტური რეჟიმი იყოს თქო. ჩვენ ვფიქრობდით, რომ უპირველესი იყო დამოუკიდებლობის მოპოვება.

ვ. კვარაცხელია: ჩემს პოზიციას მოგახსენებთ. თუ დამოუკიდებლობას მივალენით, ეს ზემოდან მოხდა და გამსახურდიას ხელისუფლების დამსახურება ნაკლებია. მაინც რამდენმა სახელმწიფომ გცნოთ?

ა. ასათიანი: ისრაელის მაგალითს გეტყვი, რომელსაც ბევრი ქვეყანა არ ცნობს. გოგა ხაინდრავა ჩემი სკოლელია. 9 აპრილს იქვე ვტრიალებდით ... მთავარი იყო ხალხის გათავისუფლება.

ვ. კვარაცხელია: მოვიდა პირველი კითხვები ტელემაცურებლებისგან. რას იტყვის აკაკი ასათიანი იმის შესახებ, რომ რუსთაველზე ძეგლის გახსნისას გამსახურდიას უნდა ნმინდა გიორგი?

ა. ასათიანი: ნმინდა გიორგი ადამიანი იყო. ჩემი ბავშვობა 60-იან წლებს დაემთხვა. ვიცოდი, რომ ზვიადი საქართველოს განთავისუფლებისთვის იბრძოდა და სულ ვოცნებობდი, რომ მის გვერდით ვყოფილიყავი. მე გულწრფელი ვიყავი მაშინ. ზვიად გამსახურდიას როლს შთამომავლები განსჯიან.

ვ. კვარაცხელია: ბოლო პერიოდში რა ხდებოდა თქვენს და პრეზიდენტს შორის,

რაც ცნობილი არ იყო ფართო საზოგადოებრივად?

ა. ასათიანი: მე ჩემი აზრი მქონდა, მაგრამ არ მინდა ამაზე ლაპარაკი, როგორც დღეს სხვები ლაპარაკობენ.

ვ. კვარაცხელია: რას იტყვი ამჟამად, რა გავაკეთოთ?

ა. ასათიანი: პრობლემა ჩემთვის ერთადერთია. მე მინდა დავეხმარო დალუპულთა ოჯახებს. 1921 წლის კონსტიტუცია ამჟამად გამოუსადეგარია, ის სოციალისტურია, საერთოდ ხალხს უნდა ვკითხოთ, რა გვინდა. ტრადიციონალისტებმა ჯერ კიდევ 16 სექტემბერს განაცხადეს, რომ ახალი არჩევნები ჩატარებინათ.

ვ. კვარაცხელია: მაგრამ ნაწილი იბრძვის, რათა აღადგინონ ძველი ხელისუფლება.

ა. ასათიანი: მე ვთქვი, რომ იმ პარლამენტის აღდგენა არ ღირს, რაც შეეხება პრეზიდენტის საკითხს, ის რეფერენდუმის გადასაწყვეტია.

ვ. კვარაცხელია: რამდენად მიზანშეწონილია გამსახურდიას ბრძოლა თანამდებობას დასაბრუნებლად?

ა. ასათიანი: მე რომ დანამდვილებით ვთქვა, მაშინ უნდა ვიცოდეთ, როგორ იბრძვის იგი.

ვ. კვარაცხელია: თუ ვინმე ფიქრობს იმაზე, რომ გამსახურდიას დაბრუნება სისხლიანად გარეშე არ შეიძლება?

ა. ასათიანი: ჩემი აზრით, არცერთი თანამდებობა ერთი ქართველის სისხლადაც არ ღირს.

ვ. კვარაცხელია: რა შეხედულების ხარო შევარდნაძის ჩამოსვლაზე?

ა. ასათიანი: შევარდნაძე ცალკე აღებულ პოლიტიკური პირი არ იყო, ის იყო საბჭოთა კავშირის პოლიტიკური მოღვაწე. მე ვერ გეტყვი, რომ სტაბილიზება არ მოიხდებოდა და სასიკეთო არ იქნებოდა ეს საქართველოსათვის.

ვ. კვარაცხელია: შეუძლია თუ არა შევარდნაძეს კარგი საქმის კეთება?

ა. ასათიანი: გამოჩნდება საქმით. ერთხელ შეეხვედით მე და პაატაშვილი შევარდნაძეს, პრეზიდენტმა გაგვაგზავნა და ვილაპარაკეთ.

ვ. კვარაცხელია: რას აკეთებდით ბათუმში თბილისში სისხლისღვრის დროს?

ა. ასათიანი: მე გავაკეთე სამი განცხადება, მე ვერ ავიცილებდი თოფის გასროლას...

ვ. კვარაცხელია: როგორ აფასებთ გამსახურდიას ყოფნას დუდაევიანთან?

ა. ასათიანი: ეს გამსახურდიას საქმეა.

ვ. კვარაცხელია: რა როლი ჰქონდა პრეზიდენტის მეუღლეს?

ა. ასათიანი: თავს შევიკავებდი. მამაკაცებმა ქალებზე საუბრისგან თავი უნდა შეიკავონ.

### 3 მარტი

დღეს რადიომ ინტერვიუ აიღო ჩემგან (სალაოს 9 საათზე გადაცემა). შემეკითხნენ აკაკი ასათიანის ინტერვიუს შესახებ. მე ვუთხარი, სხვას რას ელოდით-თქო. აკაკიმ ვაუკაცურად ისაუბრა და ზვიად გამსახურდიას არაფერი დააბრალა, რადგან ზვიადი საქართველოში არ არის და პასუხს ვერ გაცემდა. ზვიად გამსახურდიას დაბრუნებაზე შემეკითხნენ. მე ვუპასუხე: სისხლი რომ არ დაღვრილიყო, ამჟამად საქართველოში ისეთი ეკონომიკური და კრიმინოგენური სიტუაცია არის, რომ ალბათ რამდენიმე თვეში ისე მოინვეფნენ ზვიად გამსახურდიას პრეზიდენტად, მხოლოდ იმ პირობით, რომ ჩატარდებოდა ახალი საპარლამენტო არჩევნები და პრეზიდენტის უფლებები ნაწილობრივ შეიზღუდებოდა. დღეს ზვიად გამსახურდიას დაბრუნება დიდ სისხლისღვრას გამოიწვევს. თან მე აღარ მჯერა იმ კაცის, რომელსაც



მთელი ერი გვერდით ედგა და ფაქტობრივად ოპოზიცია არ ჰყავდა, მაგრამ ვერ გააერთიანა ქართველი ერი. ახლაც არ მჯერა, რომ ამას შეძლებს. მე ძალიან მწყინს, რომ ყველაფერი ასე მოხდა. როცა ხმა მივეცი ზვიადის პრეზიდენტობას ვფიქრობდი, რომ პქონდა კარგი გარეგნობა, იყო განათლებული, დიდი მწერლის შვილი და იმედი მქონდა, რომ იგი ნორმალურ ხალხს შემოიკრებდა, მაგალითად, როგორც იყო ლევან ალექსიძე. სამწუხაროდ, რაც ხდებოდა, ლოგიკაში არ ჯდებოდა. მთავრობა არ მიდიოდა არცერთ დათმობაზე. მარტო ტელევიზიის საკითხი რომ გადაეჭრათ, ალბათ, ეს ამბავი არ მოხდებოდა. არჩილ გოგელიამ, ჩემი აზრით, უფრო მეტი სიკეთე გააკეთა თავისი ობიექტური გადაცემებით, ვიდრე კვანტალიანმა. შემდეგ ვისაუბრე, რომ თაობები ილუპებიან, ჩემი პატარა შვილები სულ ავტომატებით თამაშობენ. ნუ ვლუპავთ ჩვენს ახალგაზრდობას.

## 6 მარტი

გამოაცხადეს, რომ ედუარდ შევარდნაძე მოფრინავს თბილისში. აჩვენეს ინტერვიუ, სადაც მან განაცხადა: როცა ჩემს სამშობლოში არის შიმშილი და ქაოსი, მე არ შემიძლია დაედეგ გვერდზეო.

ღმერთმა ქნას, რომ შევარდნაძემ გადაარჩინოს ჩემი დაღუპული ერი. ვინც ამას შეძლებს იმის გვერდით ვიქნები! რა მნიშვნელობა აქვს წარსულს, მთავარი, რა სურს გააკეთოს ადამიანმა – სიკეთე თუ სიმუხთლე. მე არა მნამს, რომ ზვიად გამსახურდიას არ უნდოდა ბენდიერება თავისი ხალხისთვის. დარწმუნებული ვარ: ზვიადს სჯეროდა, რომ სიკეთეს მოუტანდა სამშობლოს. მაგრამ რა საშინელ დღეშიც ჩააგდო საქართველო, ამას ის ვერც მიხვდება ვერასოდეს.

## 7 მარტი

დღეს აჩვენებენ, როგორ ჩამოფრინდა ედუარდ შევარდნაძე. მას აეროპორტში დახვდნენ თენგივ კიტოვანი და ჯაბა იოსელიანი. შევარდნაძემ განცხადება გააკეთა: უნდა გითხრათ, რომ ლაპარაკი მიჭირს, სიხარულს ემატება ტკივილი და პასუხისმგებლობა, საქართველოს ძალიან უჭირს. შესანიშნავი ახალგაზრდობა გყავს. მე მივესალმები ჩემს მეგობარ ინტელიგენციას, რომელმაც იარაღი დაიჭირა ხელში. მე მივესალმები საქართველოს ყველა კუთხეს... იმიტომ ჩამოვთვალე ეს კუთხეები, რომ ხაზი გამესვა, რა მნიშვნელობა აქვს ერთობას. მე მინდა გითხრათ: დიდი შრომა გველის, ძალიან ძნელია ამ მტკივნეული ეპოქიდან სხვა ქვეყნების დახმარების გარეშე გამოსვლა. ჩვენ ბევრი მეგობარი გყავს ყოფილ სსრკ-ში, ევროპასა და აშშ-ში. ყველა მოძრაობას მივესალმები.

ნავიდნენ სიონის ტაძარში. ედუარდ შევარდნაძეს კითხვას უსვამენ; როდის გვეშველება? არის შიმშილი, სიცივე...

ე. შევარდნაძე: აუცილებლად უნდა გამოვიყენოთ საზღვარგარეთი. მდგომარეობა უმძიმესია. თუ ყველა შევიგნებთ, რაც გველოდება, შეიძლება გამოსწორდეს მდგომარეობა. შემდეგ შევარდნაძე ენვია საბურთალოს პანთონს, სადაც ყვავილებით შეამკო 1991-92 წლის დეკემბერ-იანვარში დაღუპულთა საფლავები.

## 8 მარტი

გვიან მოვედი. ტელევიზიით აჩვენებენ ინტერვიუს ედუარდ შევარდნაძესთან. შესავალი სიტყვა არ მომისმენია. ინყება შეკითხვები.

კორ.: რატომ ჩამოხვედით ასე ჩქარა?

ე. შევარდნაძე: კრიზისი უფრო უარესია, ვიდრე ვფიქრობდი მოსკოვში...

კორ.: მიიღებთ თუ არა მონაწილეობას არჩევნებში?

ე. შევარდნაძე: ხვალ უნდა შევხვდე პოლიტიკურ პარტიებს, ვნახოთ, რას გადაწყვეტთ ამ დღეებში.

კორ.: კადრების შესახებ რას იტყვით?

ე. შევარდნაძე: კადრებში მე ბევრი შეცდომები მქონდა. არჩევნებამდე ისეთი სტრუქტურები უნდა შეიქმნას, რომ (ჩანერას ვერ ვასწრებ - მ. ვ.).

## 9 მარტი

სამხედრო საბჭო ქმნის სახელმწიფო საბჭოს, რომელშიც შევლენ ე. შევარდნაძე, თ. სიგუა, ჯ. იოსელიანი, თ. კიტოვანი. სახელმწიფო საბჭო აყალიბებს დარბაზს.

## 10 მარტი

სამხედრო საბჭოს დადგენილება: 1. არჩევნებამდე შეიქმნას სახელმწიფო საბჭო, 2. განისაზღვროს მისი შემადგენლობა, 3. გამოვეყენდეს სახელმწიფო საბჭოს შემადგენლობა, 4. შეწყდეს სამხედრო საბჭოს არსებობა.

სახელმწიფო საბჭოს დადგენილება:

1. ეღუარდ შევარდნაძე — სახელმწიფო საბჭოს თავმჯდომარე.

2. ჯაბა იოსელიანი — მოადგილე.

პრეზიდენტი: ჯაბა იოსელიანი, თენგიზ კიტოვანი, თენგიზ სიგუა, ეღუარდ შევარდნაძე. დღეს საქართველოს ისტორიაში ახალი ეტაპი იწყება. იმედი მესახება, რომ საქართველოს რამე ეშველება.

## 11 მარტი

ზუგდიდში არეულობაა. შევარდნაძე დღეს უკვე შეუდგა მუშაობას. იგი შეხვდა

აშშ-ის ერთ-ერთი კომპანიის პრეზიდენტს და ირანის ტრანსპორტის მინისტრის პირველ მოადგილეს. ამავე დროს ენვია ბავშვთა საავადმყოფოს, იყო პურის საცხობში.

„ვესტიმ“ გაავრცელა ცნობა, რომ ხვალ გროზნოში გაიხსნება საქართველოს პარლამენტის სხდომა. საინტერესოა, რამდენი დეპუტატი დაესწრება.

„ნოვოსტიმ“ გადმოსცა, რომ ეღუარდ შევარდნაძემ ითხოვა, არ გაეყვანათ საქართველოდან რუსეთის ჯარები.

„ვესტიმ“ 11 საათზე გამოაცხადა: ინგლისის საგარეო საქმეთა სამინისტრომ განაცხადა, რომ ალბათ დადგება საქართველოს ცნობის და მისი ევროპის თანამეგობრობაში მიღების საკითხი (ზუსტად ვერ გავიგე - მ. ვ.).

ინტერვიუ ეღუარდ შევარდნაძესთან. ეკითხება ამერიკელი კორესპონდენტი:

რას ფიქრობთ დასავლეთის დახმარებაზე?

ე.შევარდნაძე: პრინციპში დაგვეხმარებიან, არის იმედები...

## 12 მარტი

დღეს ჩატარდა სახელმწიფო საბჭოს პირველი სხდომა.

დღესვე განიხილეს ზუგდიდში შექმნილი მდგომარეობა. სინათლე გამოირთო, მალე ისევ ჩაირთო. დუგლას ჰერდმა, დიდი ბრიტანეთის ელჩმა, მიულოცა ეღუარდ შევარდნაძეს.

„ნოვოსტიმ“ 9 საათზე გადმოსცა, რომ გროზნოში შეიკრიბა საქართველოს პარლამენტი. სხდომას 70 პარლამენტარი ესწრებოდა. სიტყვით გამოვიდნენ ზვიად გამსახურდია და ჯოხარ დუდაევი.

გადმოსცეს, რომ ზუგდიდში გამაგრებულია 1500 ბოევიკი, ისინი ზვიად გამსახურდიას ემხრობიან.

### 13 მარტი

დღეს დილით უნივერსიტეტში შემხვდა თემურ ფიფია, რომელმაც მითხრა, რომ გალის რაიონში დაიჭირეს გვარდიის სარდალი გია ყარყარაშვილი და ბესიკ ქუთათელაძე, სამხედრო მინისტრის ყოფილი მოადგილე. ეს ცნობა ღამე „ვესტიმაც“ დაადასტურა.

დღეს ამბობენ, რომ ზუგდიდში ნავიდა თენგიზ კიტოვანი, გვარდიითა და ტექნიკით.

სალამოს „მაცნემ“ გამოაცხადა, რომ ორი დღე მისცეს, რათა გაუშვან ყარყარაშვილი და ქუთათელაძე. „ვესტიმ“ გადმოსცა, რომ მზადდება ტერორისტული აქტები შევარდნაძის, იოსელიანის და კიტოვანის მოსაკლავად.

დღეს, როგორც გავიცა, გროზნოში სესია მერაბ კიკნაძეს მიჰყავდა. ზუსტად არ ვიცი, რისი იმედი აქვს ვალტერ შურლაიას, ალბათ, დახმარებას ელის ჩეჩნეთიდან. მათ იმედი აქვთ აგრეთვე იმისი, რომ შევარდნაძე ისე არ შეუტევს, როგორც შეუტევდა იოსელიანი და კიტოვანი, რადგან შევარდნაძე თავის იმიჯს გაუფრთხილდება. სწორედ ამიტომ მოაწყვეს ეს ამკარა გამოსვლა შევარდნაძის ჩამოსვლის შემდეგ და არა მის ჩამოსვლამდე.

### 14 მარტი

გვიან ღამით აჩვენეს ნანამები და დამწვარი გვარდიელი. გული ცუდად გამიხდა. ინტერვიუ თენგიზ კიტოვანთან. მან განაცხადა: ეს ვანდალიზმია. მე ვერ ნარმომიდაგენია, რას ებლაუჭება (გულისხმობს ზვიად გამსახურდიას - მ. ე.). დროა ნერტილი დაუესვათ... ვფიცავ, რომ ბოლომდე მივიყვან ამ საქმეს.

რ. გვენცაძე: მუხანათურად დაესხნენ მკვლელები. ოცი წელიწადია ვმუშაობ ორგა-

ნოებში, მაგრამ ასეთი დასახიჩრებული ადამიანი არ მინახავსო. ამას გარდა, სამი მილიციელი დახვრიტეს. ღმერთო ჩემო, ღმერთო! ჯემალ სეფიაშვილთან რომ ვიყავი, ისევე მოვისმინე მისი სიძღერა „ ვაჩუქოთ ერთმანეთს ტიტები“. ცრემლები მომერია, ისევე ვიტყვი, როგორც 9 აპრილს. მერე ჩემმა ჯემალმა იძღერა ღმერთზე და მის სიყვარულზე. მოვედი შინ და ეს საშინელება დამხვდა.

ბატონო პრეზიდენტო! ნუთუ ამ სისხლის გამო არ ნერვიულობთ? ნუთუ არ განუხებთ, რომ ქართველები ილუპებიან?

### 17 მარტი

15 მარტს დანვეს კოლხური კოშკი. რა ბარბაროსობაა! ყველა ამბობს, როგორ შეიძლებოდა კონსტანტინე გამსახურდიას სახლის დაწვა. კონსტანტინესი კი არა ზვიად გამსახურდიას სახლის დანვაც არ შეიძლება!

ეს ორი დღეა ზუგდიდში მიმდინარეობს მოლაპარაკება სახელმწიფო საბჭოს დელეგაციას (ნოდარ ნათაძე, ირაკლი ბათიაშვილი, როგავა, მერაბ ურიდია, თემურ ფიფია, დიხამინჯია, გოგა ხაინდრავე) და ზვიადის მომხრეებს (ვალტერ შურლაიას, ვახტანგ ქობალიას, ჯემალ ქობალიას, გოჩა ბახიას) შორის. ესწრებოდნენ საზოგადოების წარმომადგენლები: ოთარ ფაცაცია, მერაბ რაფაეა, ზაურ ქობალია.

დღეს სახელმწიფო საბჭო იხილავს ერთობლივ შეთანხმებას. ტყვეებს ზუგდიდში კარგად ეპყრობიან. ურიდიას და ნათაძეს უნახავთ გია ყარყარაშვილი და ბესიკ ქუთათელაძე, რომლებმაც თქვეს, რომ კარგად გვეპყრობიანო. ზვიად გამსახურდიას მომხრეთა ძირითადი მოთხოვნები არის „მხედრონის“ და გვარდიის გასვლა სამეგრელოდან. ასევე ითხოვენ დამნაშავე გვარდიელების და მხედრონელების დასჯას.

ამის შემდეგ ისინი თანახმანი არიან შეწყვიტონ შეიარაღებული წინააღმდეგობა და ცალკე ბატალიონად შევიდნენ გვარდიაში.

დღეს მოსკოვში შეიკრიბნენ ყოფილი სსრკ-ს სახალხო დეპუტატები. 2250 დეპუტატიდან ესწრებოდა 200. ამავე დღეს მიტინგი ჩატარეს ნითელი დროშებითა და ლენინის სურათებით. 50000 ათასი კაცი მოითხოვდა ბორის ელცინის გადადგომას.

აჩვენებენ ზუგდიდში მყოფ ტყვე გვარდიელებს, რომლებმაც თქვეს, რომ ძალიან ვაჟაკურად გვექცევიანო. ცრემლები მომერია, ძალიან მიხარია. ერთმა თქვა: თვითონ არ ჭამენ და ჩვენ გვაჭმევენო. ეტყობა, რაღაც მოხდა, მომავალში ყველაფერი გაირკვევა.

10 საათია. აჩვენებენ ირაკლი ბათიაშვილს და გოგა ხაინდრავას. ბათიაშვილმა განაცხადა, რომ შეთანხმების ყველა პუნქტი მოიწონა სახელმწიფო საბჭომ და მიიღებენ დადგენილებას.

გ. ხაინდრავა: ჩვენ უნდა მივხედეთ, რომ ეს დაპირისპირება დამლუგებელია.

ნაიკითხეს სახელმწიფო საბჭოს დადგენილება.

ვუსმენ ირაკლი წერეთლის გამოსვლას, საკმაოდ კარგად ლაპარაკობს. მან განაცხადა: სახელმწიფო საბჭომ უნდა დაადგინოს და შექმნას დოკუმენტი, რომ ის 1921 წლის კონსტიტუციის სამართალმემკვიდრეა. არჩევნები ჩატარდეს შემოდგომაზე, შეიქმნას თავდაცვის საბჭო, დაინიშნოს თავმჯდომარე. გაუქმდეს გვარდია-მხედრონი და შეიქმნას ერთი ჯარი.

ვ. შევარდნაძე: მე არ შემიძლია ჩემი აზრი გამოთქვა წინა მთავრობაზე, ეს დიდი პრობლემაა და ამჯერად მზად არ ვარ... მთავარი კითხვა არის — რა გვინდა? საქართველო უნდა იყოს დამოუკიდებელი, ამისათვის უნდა ვიბრძოლოთ, საქართველოს დამოუკიდებლობას დიდი საფრთხე ემუქრება, რის დანგრევაც შეიძლებოდა დაინგრა, ყველაფერი მოიშალა. საქართველო

გათიშულია და ფაქტობრივად სამოქალაქო ომია. ხვალინდელი დღე მაინცდამაინც მზიანი არ იქნება. წინათ საერთოდ არც ვიცოდი რა ღირდა ნავთობი, ის ისედაც მოდიოდა. ეხლა 400-500 მილიონი გვეჭირდება. არ ვიცი, ნავთობი სად ვიშოვოთ.

თუ ცოტა არ დაემშვიდდით, უწესრიგო, მშიერ ქვეყანაში დემოკრატია ვერ იზეიმებს.

რაც შეეხება დამოუკიდებლობას. მე სკეპტიკურად ვუყურებ დსთ-ს. დსთ დიდხანს ვერ გაძლებს. რუსეთთან მოლაპარაკებების შედეგად უნდა დაედოთ ხელშეკრულება.

## 18 მარტი

დღეს ედუარდ შევარდნაძე უნივერსიტეტში იყო. მაინც და მაინც დღეს ვარ ავად.

ვახტანგ რაზმაძემ წერილი გაუგზავნა ჯოხარ დუდაეეს, სადაც წერს: 4 იანვარს ზვიად გამსახურდიას მიმართ საქმე აღიძრა სამსახურის ანგარებით გამოყენების მუხლით, რაც დადასტურებულია მონემთა ჩვენებებით. ვახტანგ რაზმაძე ითხოვს ზვიად გამსახურდიას გადმოცემას საქართველოს პროკურატურისათვის.

მოსკოვიდან პირველ არხზე 9 საათსა და 55 წუთზე გადასცეს ინტერვიუ ჯაბა იოსელიანთან.

ჯ. იოსელიანი: როდესაც სამხედრო საბჭო დავაარსეთ პრეზიდენტი ისევ ბუნკერში იჯდა და ისროდა. აჩვენებენ ჯაბას სურათს, ის არის 65 წლის, 20 წელიწადი იჯდა ციხეში.

ჯ. იოსელიანი: ეხლა არ ღირს ლაპარაკი, მაშინ სხვადასხვა ხალხს ვიცნობდი.

კორ.: როგორ დაუძახეთ ახალგაზრდობას?

ჯ. იოსელიანი: თვითონ მოვიდნენ.

კორ.: იარალი საიდან გქონდათ?

ჯ. იოსელიანი: მე თოთხმეტი წლიდან მქონდა... კაცი, რომელიც 100 ათასს

აკუმებს, ვთხოვდით ერთი ავტომატი ეყიდა... ნესიერ კაცს უჭირს იარაღის შოვნა, თორემ დამნაშავენი თვითონ შოულობენ.

კორ.: რას იტყვით გამსახურდიას მომხრე ქალებზე?

ჯ. იოსელიანი: ფემინიზაცია იყო. ისინი ძალიან შეუხედავები იყვნენ.

კორ.: სამეგრელოს საკითხი თუ არის?

ჯ. იოსელიანი: ეს იყო ხელოვნურად გამოყენებული.

კორ.: „სამხრეთ ოსეთის“ საკითხზე რას იტყვით?

ჯ. იოსელიანი: უბრალოდ გადაწყდება, როცა იქნება კერძო საკუთრება.

კორ.: გამორიცხავთ, რომ პრეზიდენტი შევარდნაძე იქნება?

ჯ. იოსელიანი: პრეზიდენტი არ იქნება, შეიძლება იყოს პარლამენტის თავმჯდომარე.

ინტერვიუ ედუარდ შევარდნაძესთან.

კორ.: რას იტყოდით გამსახურდიაზე?

ე. შევარდნაძე: ეხლა მიმდინარეობს გამოძიება.

ე. შევარდნაძე განაცხადა: იოსელიანს დიდი ხანია ვიცნობ, უნიჭიერესი და „ვოლევოი“ პიროვნებაა. სიგუა და კიტოვანი გმირები არიანო.

## 20 მარტი

დღეს გადაცემაში „ნაშუადღევს“ აჩვენეს ეურნალისტ პაჭკორიას საუბარი. მან თქვა, რომ ზუგდიდში მოსახლეობის ნაწილი მიესალმა შეთანხმებას, ნაწილმა მიტინგი მოაწყო, მოითხოვა ზვიად გამსახურდიას დაბრუნება და უკმაყოფილება გამოთქვა შეთანხმების გამო. შემდეგ პაჭკორიამ აღნიშნა, რომ დაუკავშირდნენ გროზნოს, საიდანაც გველაპარაკა მანანა არჩვაძე. მან თქვა, რომ დაუმორჩილებლობის კომიტეტმა გადააჭარბა თავის უფლებამოსილებას და რომ ეს არის ზვიად გამსახურდიას აზრი. შემდეგ ზუგდიდში ელაპარაკა გოჩა ბახიას (მგონი, ზვიად

გამსახურდიას დაცვის უფროსი იყო). მან თქვა, რომ საჭიროა გროზნოში კომისიის ჩასვლა შურლიასთან ერთად.

დღეს ვახტანგ გოგუაძე დაინიშნა სახელმწიფო საბჭოს მდივნად. ირაკლი ანდრიაძე — საქმეთა მმართველად.

ლამის 12 საათზე „ნოვოსტიმ“ გადმოსცა, რომ თბილისში საოცარი გამოძიება იწყება, სადაც საერთაშორისო ექსპერტებს მონივრევენ. შევარდნაძემ განაცხადა, რომ თუ გამოძიება დაასკვნის, რომ ზვიად გამსახურდიას რეჟიმის დამხობა უკანონო იყო, მაშინ აღდგეს კანონიერი ხელისუფლებაო.

## 21 მარტი

დღეს სასიხარულო ცნობა გადმოსცეს ტელევიზიით. გაანთავისუფლეს მძევლები, მათ შორის გია ყარყარაშვილი და ბესიკ ქუთათელაძე. ღმერთმა ქნას, მოხდეს შერიგება. ამ მშვიდობიანი მისიის დროს შემთხვევით დაიღუპა გვარდიელი შმაგი აფციაური. განცხადებაში ორივე მხრიდან ნათქვამია, რომ სასურველია ეს იყოს ბოლო ძმათამკვლელ ომში დაღვრილი ქართველის სისხლი.

## 23 მარტი

ედუარდ შევარდნაძე ორი დღე იყო კახეთში; ძალიან კარგად შეხვდნენ.

დღეს მნიშვნელოვანი მოვლენაა საქართველოს ისტორიაში. საქართველო ცნო ევროპის თანამეგობრობამ, ფაქტობრივად მთელმა ევროპამ. კორესპონდენტი შეხვდა შევარდნაძეს და იოსელიანს და დაუსვა კითხვა: როგორ შეაფასებდნენ ამ მოვლენას? შევარდნაძემ ღიმილით უპასუხა: „არ შეიძლება რაიმე ფაქტის „გაზვიადება“. ამ პასუხზე ორივეს გაეღიმათ.

გადაცემამი „პირისპირ“ იყო ნოდარ ნათაძე.

**ვალერი კვარაცხელია:** გილოცავთ, საქართველო 12-მა ქვეყანამ ცნო.

**ნ. ნათაძე:** ეს სასიხარულოა. ეს არის ერთი ნაბიჯი წინ.

**ვ. კვარაცხელია:** საშინაო ვითარება სულ უფრო დაძაბული ხდება. რას იტყობდით, რა ხდება ზუგდიდში?

**ნ. ნათაძე:** ვინც დაინყებს ან არ შეწყვიტს ძმათაშორის ბრძოლას, ის იქნება ყველაზე მეტი დანაშაუდი, ის ორჯონიკიძეზე უარესად შევა საქართველოს ისტორიაში ზუგდიდში მე ჩემი ინიციატივით ჩავედი, დაველაპარაკე თედოს. მე კარგად ვიცნობ ვალტერ შურლაიას. ერთობლივად გვიმუშავია... დიდი დახმარება გაგვინია კუკური როგავამ. მივედით, იქ დაგვხვდა ვალტერი და დაინყო პროექტის შემუშავება; სამჯერ ჩავედით, მესამედ რომ ჩავედით სიტუაცია შეიცვალა. დაუმორჩილებლობის კომიტეტმა განაცხადა, რომ მოლაპარაკება ჩაიშალა. კიდევ კარგი, სამხედროებს შორის მოლაპარაკება გაგრძელდა და კარგად დამთავრდა.

**ვ. კვარაცხელია:** რას გვეტყვიტ სახალხო ფრონტის შესახებ?

**ნ. ნათაძე:** სახალხო ფრონტი არის ზეპარტიული ორგანიზაცია. დღეს მთავარი საკითხია ჯანსაღი სახელმწიფოს ჩამოყალიბება. ჩვენ ვიყავით ერთადერთი ორგანიზაცია, რომელიც არჩევნების მომხრე იყო. აბსურდი იყო ბოიკოტის გამოცხადება. 28 ოქტომბერი უზარმაზარი გამარჯვება იყო, მიუხედავად მისი შემადგენლობისა.

**ვ. კვარაცხელია:** პარლამენტის სისუსტე ის იყო, რომ არჩევა მოხდა პროპორციული სისტემით და ხმა მისცეს ბლოკის ლიდერს.

**ნ. ნათაძე:** არჩევნები თუ ტარდება იმ ქვეყანაში, სადაც დემოკრატია არ არის, მაშინ ის დამლუპველია.

**ვ. კვარაცხელია:** შემოდის კითხვები – რას ნარმოადგენდა დეკემბერ-იანვრის ამებები.

**ნ. ნათაძე:** ეს არის სახალხო აჯანყება

**ვ. კვარაცხელია:** სად იყო ნათაძე 22 დეკემბერს, როცა ატყდა სროლა (ტელეფონურების კითხვა – მ. ვ.).

**ნ. ნათაძე:** სახლში ვიყავი, 17 დეკემბრის შემდეგ არ გამოვსულვარ. ჩემს წინააღმდეგ ისეთი კამპანიაა, რომ მე დამბრალდებოდა...

## 24 მარტი

გუშინ ევროპის თანამეგობრობიდან გვეცნო საფრანგეთმა, დღეს – ესპანეთმა და გერმანიამ.

დღეს კიდევ ერთ სასიხარულო მოვლენა მოხდა ჰელსინკში. გაიმართა ჰელსინკის პროცესის მონაწილე სახელმწიფოთა თათბირი, საგარეო საქმეთა მინისტრების დონეზე. საქართველო, სლოვენიასთან და ხორვატიასთან ერთად მიიღეს ამ პროცესის ნევრებად.

დღეს ტელევიზიამ გადმოსცა ზვიად გამსახურდიას წერილის შინაარსი. გამსახურდია წერდა, რომ საჭირო არ იყო მისი სახლის აღდგენა და რომ ის ვანდალიზმის აქტად უნდა დარჩენილიყო. შემდეგ არჩვენეს ნანყვეტი გამსახურდიას გამოსვლიდან, სადაც ამბობს, რომ ყოველი გასროლა მიმართული იქნება შევარდნაძის წინააღმდეგ.

დღეს გაიმართა სახელმწიფო საბჭოს სხდომა. განიხილეს რკინიგზის საკითხი. ამიერკავკასიის რკინიგზის სამმართველოს ბაზაზე შეიქმნა საქართველოს რკინიგზის სამმართველო, რომელიც ტრანსპორტის სამინისტროს გამოეყო. განიხილეს საარჩევნო დებულება. პოლიტიკური პარტიები ისევ მოითხოვენ პროპორციული სისტემით არჩევნების ჩატარებას.

მოსკოვის „ნოვოსტიმ“ აჩვენა, რომ მოსკოვში პრესკონფერენციას მართავდნენ ირაკლი სურგულაძე, ნოდარ ლომოური, ნიკო ჭავჭავაძე, გიგა ლორთქიფანიძე.

## 25 მარტი

ამერიკის შეერთებული შტატების პრეზიდენტმა ბუშმა განაცხადა, რომ გადაწყვიტა თბილისში გაიხსნას აშშ-ს საელჩო. ცრემლები მომერია. დანიაშ და საბერძნეთ-მა ცნო საქართველო.

დღეს ჭადრაკის სასახლეში მწერალ-თა კავშირის ყრილობა გაიხსნა. ქალები შეეცადნენ ჩაეშალათ, დანვეს წიგნები: ჯანსულ ჩარკვიანმა თქვა, რომ ფაშიზმის შემდეგ ასეთი რამ არ ყოფილაო.

## 26 მარტი

დღეს ისრაელმა დამოუკიდებელ სახელმწიფოდ გვცნო. დღეს თენგივ კიტოვანი იყო ასლან აბაშიძესთან.

დღეს მოვისმინე მაკა ჯოხაძის ინტერვიუ ბესიკ ქუთათელაძესთან. მე ადრეც ძალიან მომწონდა ეს პიროვნება მიუხედავად იმისა, რომ ჩემი მეგობრები (ნადირაძეები) ამბობდნენ, ის ფიზკულტურის მასწავლებელი იყო და პირდაპირ დანიშნეს პრეფექტად საჩხერის რაიონში. მე ახლაც მომეწონა მისი გამოსვლა. ბესიკ ქუთათელაძემ განაცხადა: თუ ისევ აღდგა პარტიული თანამდებობის მომხრე პირების ბრძოლა, ისევ დაიწყება დაპირისპირება. ქუთათელაძემ თქვა, რომ ექსპრეზიდენტის მონოდება გროზნოდან მნიშვნელოვანია, თუ იგივე იქნება თბილისიდან. ქუთათელაძის განცხადებით, ხალხი უკვე დაიღალა. აბსოლუტურად სწორია, ხალხი მართლაც დაიღალა, ამას უნდა მიხედვს ყველა პოლიტიკური პარტია და ყველა დაპირისპირებული მხარე. მე მომეწონა, რომ ქუთათელაძემ შეაკო ვალტერ შურლაია. რა ვქნა, ვალტერი მეც მომწონს. მე ვიხსენებ იმ დღეს, როდესაც შურლაიამ სესიაზე თქვა: „არ გააჭირეს ამ ქალებმა საქმე“. მასაც არ მოსწონდა ზვიად გამსახურდიას მომხრე ქალბატონების პარპაში, მე

მგონია, რომ ვალტერ შურლაია სანდო კაცია, იმიტომ, რომ ბოლომდე ერთგულია ზვიადის. საინტერესოა, ზვიადი თუ დაუფასებს ამას. შეიძლება ვალტერიც მოალატედ გამოაცხადოს.

## 27 მარტი

შევარდნაძე ჩავიდა გორში; შეხვდა გორის, ქარელის, კასპის რაიონების ხელმძღვანელებს. შემდეგ შეხვდა ლტოლვილებს.

ალექსანდრე დუბჩუკის ნერილი მოვიდა შევარდნაძის სახელზე, სადაც ის შევარდნაძეს ულოცავს სახელმწიფო საბჭოს თავმჯდომარედ არჩევას.

## 29 მარტი

სამეგრელოდან ცუდი ამბები მოდის. იქ გაავრცელეს ხმა, რომ ზვიად გამსახურდიას დაბადების დღისთვის, 31 მარტისთვის, გავათავისუფლებთ დასავლეთ საქართველოსო.

დღეს გაიმართა სახელმწიფო საბჭოს სხდომა. სახელმწიფო საბჭომ მოითხოვა: გაიხსნას სარკინიგზო და საავტომობილო გზები; შეთანხმების შედეგად შეიარაღებული ნაწილები დადგნენ განსაზღვრულ ადგილებში, ხოლო დანარჩენებმა ჩააბარონ იარაღი.

დღეს ინტერვიუ იყო თენგივ კიტოვანთან. მან განაცხადა, რომ გვარდია და „მხედრონი“ დაიკავებენ დასავლეთ საქართველოს. კიტოვანმა აღნიშნა, რომ დაარღვია შეთანხმება და ისეთებთან როგორც არის ბახია ლაპარაკი აღარ შეიძლება. კიტოვანის აზრით, 3-4 დღეში დაამთავრებენ ზვიად გამსახურდიას მომხრეთა ლიკვიდაციას.

ღმერთო ჩემო! კიდევ სისხლი, როდემდე უნდა ვვლიტოთ ერთმანეთი ქართველებმა!

## 31 მარტი

გუშინ, როდესაც მოლაპარაკება მიმდინარეობდა, გამოაცხადეს, რომ სოსხუმიდან წამოვიდა ზვიად გამსახურდიას მომხრეთა კოლონა. კოლონა თბილისისკენ დაიძრა. საღამოს ინტერვიუ იყო თენგიზ კიტოვანთან. მან აღნიშნა, რომ ზვიად გამსახურდიას მომხრეებმა ორჯერ მოგვატყუეს და რომ გვარდია ხვალ შევა სამეგრელოში. გრიგოლეთთან ქალების ტანსაცმელში გადაცმულებს მოუკლავთ სამი მხედრიონელი და ერთი მილიციონერი. ეს იყო ხელისუფლების მიერ მონყობილი პროვოკაცია.

დღეს ზვიად გამსახურდიას დაბადების დღეა. უნივერსიტეტთან იკრიბებოდნენ ქალები. არ ვიცი, რა მოხდა. ტელევიზიამ გადმოსცა, რომ უნივერსიტეტიდან ზვიადის ტეხი თავისუფლების მოედნისკენ დაიძრნენ, პაერში სროლები გაისმა.

დღეს „ნეზავისიმიანია გაზეტაში“ ნავიკითხე ინტერვიუ ზვიად გამსახურდიასთან. მან აღნიშნა, რომ მუდმივად იქნება პრეზიდენტი. შევარდნაძეზე თქვა, რომ ის კრიმინალების ბანდას ჩაუდგა სათავეში.

დღეს მოსკოვმა და თბილისმაც გადმოსცა, რომ გროზნოში ჯოჰარ დუდაევის მონაწილეებმა დაიკავეს ტელევიზია, ფოსტა-ტელეგრაფი, რკინიგზა, შინაგან საქმეთა სამინისტრო. ბრძოლები მიმდინარეობს ქუჩებში. ოპოზიცია მოითხოვს ჯოჰარ დუდაევის გადადგომას და პრეზიდენტობის გაუქმებას\*.

## 1 აპრილი

ამ დღეს ყოველთვის ეხუმრობდი. ახლა ამის ხალისი არა მაქვს. დღეს ფოთთან (მალთაყვასთან) მოხდა შეტაკება, არიან დაჭრილები და მოკლულები.

\* მალე გაირკვა, რომ ჯოჰარ დუდაევის ებრძოდა არა ოპოზიცია, არამედ გადაცმული რუსი სამხედროები. რუსებმა ჯოჰარ დუდაევის შეუტყის მას შემდეგ, რაც საქართველოდან განდევნეს ზვიად გამსახურდია. ეს აღიარა კიდევ ბ. ელცინმა 1994 წელს.

დღეს იტალიის პრემიერ-მინისტრმა შევარდნაძეს გამოუგზავნა ტელეგრაფი საქართველოს ცნობის შესახებ. ტელეგრაფში აღნიშნულია, რომ იტალია მზად არის საქართველოსთან დაამყაროს დიპლომატიური ურთიერთობა. მოვიდა ავსტრალიის პრემიერ-მინისტრის ტელეგრაფი, სადაც აღნიშნულია, რომ, მართალია, 26 დეკემბერს ავსტრალიამ ცნო საქართველო, მაგრამ მაშინდელმა მთავრობამ არ მოგვცა დემოკრატიის გარანტია. ამჟამად, როდესაც ქვეყნის სათავეში მოვიდა შევარდნაძე, საქართველოსთან ავსტრალია დიპლომატიურ ურთიერთობას ამყარებს.

საქართველო აღიარეს ირლანდიაში, პოლონეთში, ვიეტნამში.

გამოქვეყნდა შევარდნაძის მიმართვა მსოფლიოს ხალხებისადმი. მიმართვა შეიცავს თხოვნას, გაუწიონ დახმარება ყოფილ სსრკ-ის რესპუბლიკებს. შევარდნაძე წერს, რომ ის სასონარკვეთილებამაა, როცა უყურებს ბავშვებს, რომლებსაც ბავშვური გამოხედვაც კი არა აქვთ.

## 2 აპრილი

დღეს რუსეთის საგარეო საქმეთა მინისტრი ანდრეი კოზირევი იყო ჩამოსული; შეხვდა ალექსანდრე ჩიკვაიძეს; კრწანისში ელაპარაკა შევარდნაძეს.

აჩვენეს მალთაყვასთან შეტაკების დროს დაღუპულები. საშინელებაა. დღეს კიდევ ერთი დაჭრილი გარდაიცვალა. გადმოსცეს, რომ კიტოვანი შეხვდა ქობალას.

აჩვენებენ ნაწყვეტებს შევარდნაძის შეხვედრიდან უნივერსიტეტში. აშკარად არ მომწონს, ეს არის იმ შეხვედრების მსგავსი წინათ რომ ეწყობოდა, როცა უნივერსიტეტის პარტიულ აქტივს ხვდებოდა ცენტრალური კომიტეტის პირველი მდივანი.



შეხვედრას ესწრებოდა ძირითადად უნივერსიტეტის დიდი საბჭო, რომელიც შედგება ხრუშჩოვ-ბრეჟნევის დროინდელი წევრებისაგან. მომენონა ფიქრია ჩიხრაძის გამოსვლა. სამედიცინოს ზოგიერთი სტუდენტი ამჟამად პროვოკაციებზე წავიდა. დარბაზიც არ იყო სწორი, როდესაც სიტყვის უფლებას არ აძლევდნენ მათ. დაეინახე, როგორ წამოხტა სკამიდან აკაკი ირემაძე. აბა, შეიძლება იმ კაცის სხდომაზე დასწრება, რომელიც ორჯონიკიძეზე იყო შეყვარებული და დღესაც იმავე აზრზეა, რა უნდა ელაპარაკო ასეთ ხალხს!

დღეს შევეციამ ცნო საქართველო.

### 3 აპრილი

ფოთში სრული სიმშვიდეა. მანამდე იყო სროლები. ექსპრეზიდენტის მომხრეების ნაწილი კატარლით წავიდა, ნაწილი, მგონი, დაიჭირეს.

გია უჩავეა დანებდა და უარი თქვა ბრძოლაზე. სახელმწიფო საბჭოს ჯარები შევიდნენ აბაშაში, სენაკში, ხობში, ზუგდიდში.

გამოქვეყნდა ვალტერ შურლაიას წერილი ბორის ელცინსა და შაპოშნიკოვისადმი. წერილში აღნიშნულია, რომ ზვიად გამსახურდიას მომხრეთა წინააღმდეგ ბრძოლაში რუსეთის ჯარისკაცები და 20 ბეტეერი მონაწილეობდნენ. მოსკოვმა გადმოსცა ამიერკავკასიის სამხედრო ოლქის სარდლის მოადგილის ინფორმაცია, რომ რუსეთის სამხედრო ტექნიკა და ჯარისკაცები არ მონაწილეობდნენ კონფლიქტში და რომ თურქეთის საზღვართან გამსახურდიას მომხრეთა კატარლა დააკავეს. ავთანდილ ცქიტიშვილმა გვითხრა, რომ კატარლა უკან დაბრუნდა და ანაკლიაში დადგა. ტყვედ აიყვანეს კატარლის კაპიტანი და მისი მეუღლე.

დღეს იაპონიაში ცნო საქართველო.

### 6 აპრილი

დღეს გაიხსნა რსფსრ-ის დეპუტატთა ყრილობა.

ინტერვიუს თემურ ქორიძისგან იღებ ვალერი კვარაცხელია.

ვ. კვარაცხელია: მართალია, იდალური არ იყო კანონი პრესის შესახებ, მაგრამ მაინც დემოკრატიული იყო. თქვენ რას ფიქრობთ?

თ. ქორიძე: ძალიან გაჭირდა მაშინ ამ კანონის მიღება. მე ტელევიზიის მეშვეობით განვაცხადე, რომ, თუ არ შესრულდებოდა კანონი, გადავდგებოდი. ჯერ კიდევ 14 იანვარს ვითხოვე გადადგომა, მაგრამ არ გამიშეეს. ჩვენი კომისია არ ერეოდა ტელევიზიის საქმეებში. ტელევიზიაში საშინელი მდგომარეობა იყო.

ვ. კვარაცხელია: რას იტყვით – ჯერ თავისუფლება და მერე დემოკრატია?

თ. ქორიძე: ეს აბსურდია... ერთი წლის განმავლობაში ვერ დავიკვებინდი დემოკრატით.

ვ. კვარაცხელია: ეხლა უფრო დემოკრატია ტელევიზია და პრესა?

თ. ქორიძე: გეთანხმებით, მაგრამ ოპოზიციური პრესა იყო მაშინაც.

ვ. კვარაცხელია: რატომ არ გადადექით, როდესაც ეს ამბები ხდებოდა?

თ. ქორიძე: 14 იანვარს მინდოდა გადადგომა. ჩემთვის ნათელი იყო, რომ ოპოზიციაში წასვლა არაფერს არ იძლეოდა. მე მინდოდა დამერწმუნებინა პრეზიდენტი, რომ დაგვენიშნა ახალი არჩევნები.

ვ. კვარაცხელია: საქართველოში არ არის ადამიანი, რომელიც არ შეაძრწუნა იმან, რაც საქართველოში მოხდა. სად დავუშვით შეცდომები, რამაც განაპირობა ეს მოვლენები?

თ. ქორიძე: მე ვფიქრობ, რომ დიდი ბზარი გაჩნდა კინოსტუდიისა და ტელევიზიის გამო. ამის მერე უფრო გაღრმავდა დაპირისპირება.

ვ. კვარაცხელია: გახსოვთ თუ არა, რომ 1991 წლის ოქტომბრის თვეში გამოვაქვეყნე ნერილი, სადაც ვწერდი: გამსახურდიასთვის არსებობს ორი გზა - ან გადადგომა, ან სისხლისღვრით ხელისუფლების შენარჩუნება.

თ. ქორიძე: როცა გვარდია გაიყო, პრეზიდენტი უნდა გადამდგარიყო. ბესიკ ქუთათელაძემ განაცხადა ამის შესახებ. მეც იქ ვიყავი. პრეზიდენტი რომ გადამდგარიყო, ავიცილებდით სისხლისღვრას, მაგრამ შეიძლება ვერც ავკვიცილებინა, რადგან გამსახურდიას ბევრი მომხრე ჰყავდა.

ვ. კვარაცხელია: 22 დეკემბერს სისხლი რომ დაიღვარა, მაშინ რა უნდა ექნა პრეზიდენტს?

თ. ქორიძე: პრეზიდენტი უნდა გადამდგარიყო. ის თანახმა იყო, მან ჩაიცვა და ხელჩანთით გამოდიოდა.

ვ. კვარაცხელია: როდემდე იყავით მასთან?

თ. ქორიძე: 22-ში ვიყავი, როდესაც პრეზიდენტი უკან შებრუნდა, მე წამოვედი.

ვ. კვარაცხელია: რას იტყვით გროზნოში მისი ყოფნის შესახებ?

თ. ქორიძე: ხელისუფლების დაბრუნების მიზნით იარაღით ბრძოლა არ იქნება გამართლებული, რანაირი ხელისუფლების დაბრუნებაზეც არ უნდა იყოს საუბარი. ჩვენ გვმართებს თავშეკავება. ყველაფერს რომ თავი დავანებოთ, ეკონომიკური კატასტროფის წინაშე ვდგავართ.

ვ. კვარაცხელია: გაქვთ თუ არა გარანტია, რომ მოლაღატედ არ გამოგაცხადებენ? (ამ დროს აჩვენებენ გროზნოში ჩატარებულ სესიას, სადაც თემურ ქორიძეს დეპუტატის უფლებამოსილება შეუნყვიტეს. სიტყვით გამოვიდა ვახტანგ ცაგარეიშვილი. მან აღნიშნა: დეპუტატს, რომელიც არ გამოვიდა და არაფერი თქვა მომხდარის შესახებ, უნდა შეუნყვედეს უფლებამოსილება).

თ. ქორიძე: ამაზე არ მიფიქრია. 1975-1976 წლებში, 1985-1986 წლებში და 1988 წელს ვინ იფიქრებდა, რომ ხელისუფლებაში მოვ-

იდოდით. ადამიანებს, რომლებსაც, მართალია, გული შეტკივთ იმაზე, თუ რა შეემთხვა მათ სათაყვანებელ პიროვნებას, სხვანაირად უნდა ველაპარაკოთ. თუ დღევანდელი ოპოზიცია ხელს არ აიღებს შეიარაღებულ დაპირისპირებაზე, ეს იქნება დამლუპველი. რაც შეეხება იმ ადამიანებს, რომლებიც პოლიტიკური მეთოდებით იბრძვიან, მათთან შეიძლება დიალოგი.

ვ. კვარაცხელია: იყო მოლაპარაკებები შურლაიასთან, ქობალიასთან. მათ განაცხადეს, რომ მნიშვნელოვანია ის, რომ სახელმწიფო საბჭოს თავმჯდომარე ედუარდ შევარდნაძეა.

თ. ქორიძე: არ არის გასაკვირი, რომ შევარდნაძე სხვა შეხედულების იყო წინათ და ახლა სხვა შეხედულებისაა. მე ჩვეულებრივ მოვლენად მეჩვენება, რომ ის დემოკრატიის მხარეზე დადგა. შევარდნაძეს ყველაზე მეტად შეუძლია სარგებლობის მოტანა. მას არაფერს ხელი არ უნდა შეუშალოს, ყველა უნდა დაეხმაროს, რადგან ერთი ნაბიჯით წინ წავეინეთ. დღევანდელი ხელისუფლება ფრთხილად უნდა იყოს, არჩევნები ჩქარა უნდა ჩატარდეს.

ვ. კვარაცხელია: თუ აპირებთ არჩევნებში მონაწილეობას?

თ. ქორიძე: არა, არ ვაპირებ.

საკმაოდ ჭკვიანური ინტერვიუ ჰქონდა თემურ ქორიძეს. შეიძლება კაცმა იფიქროს, რომ ისინი დამარცხდნენ და ამიტომ ლაპარაკობს ასე. არა, ვაჟკაცობაა, ის, რასაც ამბობს, ამ საუბრის შემდეგ შეიძლება გამსახურდიას მომხრეები დღესვე გაუსწორდნენ ქორიძეს ფიზიკურად. თემურ ქორიძის პოზიცია ამჟამად ჯობია ზვიად გამსახურდიას მომხრეთა პოზიციას, რომლებიც ადრე ბევრს საუბრობდნენ და ახლა დამალულები არიან.

## 8 აპრილი

დღეს გაზეთებში დაიბეჭდა ჯორჯ ბუშის ნერილი ედუარდ შევარდნაძისადმი. ნიდერ-

ლანდებმა ცნო საქართველო. ეს ქვეყანა მზადაა საქართველოსთან დაამყაროს დიპლომატიური ურთიერთობა.

დღეს გვცნეს ავღანეთმა, შვედეთმა და სამხრეთ კორეამ.

დღეს „რესპუბლიკაში“ გამოქვეყნებულია ირაკლი ნერეთლის ინტერვიუ. მას ეკითხებიან: მიიღებს თუ არა არჩევნებში მონაწილეობას ეროვნულ-დამოუკიდებლობის პარტია? ირაკლი პასუხობს, რომ ამისათვის საჭიროა რამდენიმე პირობა. ერთ-ერთი პირობა ასეთია: არჩევნები უნდა მოენწყოს პარტიული სივრცით. საოცარია, ეს პარტიები ისევ თავიანთი საქმისთვის იბრძვიან, ფეხებზე ჰკიდიათ ყველაფერი. ნუთუ ირაკლი ნერეთლის პარტიას ჰყავს ისეთი მოღვაწეები, რომ პარტიული სიით წარადგეს და შევიდეს პარლამენტში.

„ღია კარის“ პროგრამით გამოდის თსუ-ს დოცენტი იზოლდა ჭილაძე. საუბრობს 9 აპრილის შესახებ. ყველას გამოყვანა როგორ შეიძლება ტელევიზიით! ის გვარწმუნებს, რომ 9 აპრილს მაცხოვარმა უკარნახა ირაკლი ნერეთელს, რომ ეთქვა არ დაიშალოთო. მე მგონი, ირაკლის პარტიის წევრია. ასეთი გამოსვლებით უფრო აღიზიანებენ ხალხს.

## 9 აპრილი

როდესაც საქმე 9 აპრილს ეხება, ყოველთვის ცრემლები მომდის. ახლა ცრემლები არ მომდის, აღარ მომდის იმის გამო, რომ, თურმე, სულ ტყუილად დაღუპულან ის ხანალები. მათ გაუჟაფეს გზა ეროვნულ პარტიებს, რომლებიც ძალაუფლებისთვის იბრძოდნენ. ამას მოჰყვა ხოცვა-ჟლეტა. აღმოჩნდა, რომ ამ დამოუკიდებლობას ისედაც მოვიპოვებდით.

ედუარდ შევარდნაძის სიტყვა მწერლებთან. მან თქვა, რომ ორი რამ დემოხზვა ერთმანეთს: 1) ეროვნული მოძრაობა და 2) რევოლუცია ზემოდან. ეს მოვლენა (ზვიადის ხელისუფლების პერიოდზე ამბობს – მ. ე.) იმის ბრალაა, რომ ჩვენ არ ვიყავით მომზადებული დამოუკიდებლობისთვის. საერთო პოლიტიკური კულტურა არ იყო მაღალი. არჩევნები თავისუფალი იყო, მაგრამ არ ვიყავით მზად არჩევნისთვის. მიუხედავად ამისა, ქართველი ხალხი მაინც გონიერი აღმოჩნდა, მაღე გამოერკვა, დიდი დრო არ დაუქარგავს. დღეს გვაქვს იმედი, რომ თავს დავალწვეთ დიდ განსაცდელს. ეს ურთულესი ბრძოლა იქნება. ერთი თვეა თქვენთან ერთად ვმუშაობ. ეხლა უფრო მეტი იმედი მაქვს. პირველ დღეებში სასონარკვეთილი ვიყავი. ნერვებმა არ უნდა გამიტყუნოს. ეს ურთულესი მომენტი უნდა გავიაროთ. ეს შანსი თუ გაუშვით, ჩვენ თაობას ჯვარი უნდა დაესვას. ჩვენ კარგი მომავალი უნდა ავაშენოთ. დიდი საქმეები ვაკეთდება მაშინ, როდესაც ერთად იქნება ქართველი ხალხი. ამ ერთობას ეყრება საფუძველი. თუ სულიერად დაბეჩავდა ხალხი, დამოუკიდებლობაზე ლაპარაკი ზედმეტია. საქართველოს დამსახურებაა ის, რომ მე დამნიშნეს საგარეო საქმეთა მინისტრად. იყო ავღანეთის ომის დამთავრება, ევროპის გათავისუფლება, სსრკ-ს დაშლა. ბევრ რამეს ვაუქმელი, რაც ნახევარი სიცოცხლის ფასად დამიჯდა. არც ერთ ლანძღვაზე პასუხი არ გამიცია. მაგრამ, როცა ეხლა ისევ გრძელდება ეს ლანძღვა, როცა გწერენ, ვინ მოგინვია, შენ ქართველებმა არ დაგიძახესო. მოდი, ხელი გაუწოდოთ ერთმანეთს. მე ჩამოვედი, რომ ვიშრომო, რაღა დროს დიქტატორობა და ტოტალიტარიზმია. ისეთი სახელმწიფო უნდა ავაშენოთ, რომ ერთმა კაცმა არ უნდა დაგვანგრიოს და ერთმა კაცმაც არ უნდა აგვაშენოს. ყველაზე დიდი უბედურე-

ბა, რაც ემუქრება საქართველოს, ეს არის უგუნურობა და უმეცრება. მთელი სისტემა უნდა შეიქმნას. საბაზრო ეკონომიკაზე გადასვლა ძალიან მტკივნეული იქნება, ძნელი იქნება, როდესაც ერთ მოქალაქეს პურის ყიდვა გაუჭირდება, მეზობელი კი მილიონერი ჰყავს. უნდა გავიაროთ ის გზა, რაც გაიარეს გერმანიამ, იაპონიამ, სამხრეთ კორეამ და სხვ.

რეზო მიშველაძემ ანდრეი კოზირევთან დააყენა საკითხი საქართველოს ცნობის შესახებ. მე არ ვიტყვოდი, რომ დავიღუპებით ან არ დავიღუპებით. დღეს რუსეთს უფრო სჭირდება საქართველოს ცნობა, რადგან მთელმა მსოფლიომ ცნო საქართველო. მე ვუთხარი, თუ გვცნობთ კარგი იქნება, თუ არა და კარგად იყავით. რუსეთის ჯარის შესახებ სტატუსი არ შეცვლილა. ეს საკითხი კარგად უნდა მოვიფიქროთ, უნდა დაინწყოს მოლაპარაკება. რუსეთის ბაზები უნდა იყვნენ საქართველოში ისე, როგორც ცივილიზებულ ქვეყნებში. მაგალითად, აშშ ფულს უხდის ფილიპინებს (3-4 მილიარდს). ჩვენ უნდა მივიღოთ სხვა გარანტიებიც. ევროპის და მსოფლიოს პროცესების წევრი რომ ვიქნებით, გვექნება გარანტიები. ჩვენ ნეიტრალური ქვეყანა უნდა ვიყოთ. აფხაზეთის დელეგაცია იყო ჩემთან, ვისაუბრეთ. მე მათ ვუთხარი: მორჩა, მოსკოვი აღარ ღებულვობს გადანაცვტილებას, ამჟამად ყველაფერს თბილისი წყვეტს. პასპორტებზე შეიძლება მშვიდად ვიყოთ, უკვე დაბეჭდილია და მალე გვექნება ახალი პასპორტები.

ექვსი თვეა მრევლელობა არ მუშაობს, ამჟამად ცოტა გამოცოცხლდა. რომელი ხალხი გაუძღვება იმას, რომ თბილისში სამი თვე მატარებელი არ შემოსულა. 4 მილიარდია დატაცებული. ავტომაგისტრალები დაკეტლია.

მილიცია უნდა აღდგეს თავის უფლებებში. იარაღის ამოღება დიდი პრობლემაა. მილიცია უნდა გააძლიეროთ. ამ დღეებში ვაპირებთ მოვისმინოთ საკითხი კანონიერე-

ბის დაცვისა და მილიციის რეფორმის შესახებ.

ეს ქალბატონ იზას უნდა ვუთხრა, რომ ბევრი ცოდვა დატრიალდა ფოთში, ზუგდიდში. ეს პირტიტველა ბიჭები (იგულისხმება „მხედრონი“ და გვარდია – მ. ვ.) უზრუნველყოფის გარეშე არიან. ეხლაც 6-7 დღის მარაგი წაიღეს. ხალხმა უნდა გაიგოს, რომ თვითონ ხალხმა უნდა დაიცვას თავი.

ბატონ არჩილს უნდა შეეხებინათ: რატომ უნდა ვდევნოთ ქართული კულტურა? უნდაოდ ადამიანების დაბნელება, მე ამას გენოციდი დავარქვი. წიგნების დანვა სამარცხვინო ლაქად დარჩება. ამ ფაქტზე ლაპარაკი კი არ უნდა დამთავრდეს, პირიქით, უნდა განვავადეს, რადგან ბავშვებს უნდა გაეგებინოთ, რომ ეს იყო სამარცხვინო ლაქა.

გენშერის ვიზიტი უბრალო ვიზიტი არ იყო, ეს ისტორიული ვიზიტი იყო. გერმანიის ფაქტორი ერთ-ერთი უმნიშვნელოვანესია.

აფხაზეთის ქართველობა უნდა შემობრუნდეს. აფხაზეთის საკითხს მოვანხარიგებთ. ამბობენ: აი, გვარდია შევიდეს და ყველაფერი მონხსრიგდება. დაღვრილი სისხლი არ წაიშლება. მე ასი პროცენტით ვარ დარწმუნებული, რომ ჩვენ შეეძლებოდა ამ საკითხის გადაწყვეტას, როდესაც ხალხი დამშვიდდება აფხაზეთში, აფხაზეთის საკითხი აღარ იქნება.

აჭარის პრობლემა არ არის, რატომ ვაღიზიანებთ აჭარას? მთავარია ის, რომ აჭარას უნდა ჩვენთან ცხოვრება. ყველაზე მწვავე პრობლემა არის ზუგდიდი. მინდა გაიგონ უმშენიერეს სამეგრელოში, რომ ეჭვი არავის ეპარება, რომ იქ უნდათ საქართველოს ბედნიერება და რომ იქ არის საქართველოზე შეყვარებული ხალხი.

ვინცებთ მუშაობას შიდა ქართლის პრობლემებზე. ჩვენ უნდა შევექმნათ ადმინისტრაციული დაყოფის ჩენი კონცეფცია, რაც შეეხება მორიგებას, შერიგებას ბევრი ამას მტკივნეულად აღიქვამს. უნდა დავინყოთ მარტივი პრობლემებით. ჩემს კოლეგებთან

მიჭირს ლაპარაკი იმის შესახებ, რომ გვყავს 120 ათასი ლტოლვილი. მე მივდივარ აქედან იმდით, რომ ჩვენ ერთად ვართ.

მართლაც, ძალზე კარგი და გულიანი სიტყვა თქვა.

დღეს „ვესტის“ ვუყურე. ბორის ელცინს დამნაშავეს უწოდებენ. რატომ უკერს შევარდნაძეს, რომ მას ამ ხალხმა იუდა დაუძახოს.

ორ დღეს თბილისში იმყოფებოდა პანს დიტრიხ გენშერი. დამყარდა დიპლომატიური ურთიერთობა გერმანიასთან. მივალნიეთ უდიდეს მიზანს, ორი დღეა გახარებული ვარ.

## 20 აპრილი

ედუარდ შევარდნაძე აჭარაშია.

გაიმართა „ილია მართლის საზოგადოების“ ყრილობა, ესწრებოდა 43 კაცი. აღმოჩნდა, რომ მათ არ მოსწონთ სახელმწიფო საბჭოს პოლიტიკა.

შეიქმნა პრემიერ-მინისტრის მოადგილის თანამდებობა, ამ თანამდებობაზე დაინიშნა ალექსანდრე კავსაძე. ის ამავე დროს არის ერთაშორის ურთიერთობისა და ადამიანთა უფლებების დაცვის სახელმწიფო კომიტეტის თავმჯდომარე.

## 21 აპრილი

ზუგდიდში სიმშვიდეა. დაუმორჩილებლობის კომიტეტს დადიანის მეთაურობით 20 კაციანი ჯგუფი გამოეყო.

შევარდნაძე ისევ აჭარაშია და ფოთში მიემგზავრება.

დღეს იყო ზვიადის მომხრეების სატელევიზიო გამოსვლა. მონაწილეობდნენ: კელენჯერიძე სამედიცინო უნივერსიტეტიდან, ეკა ხერხეულიძე (ეს ის გოგო-

ნა ბუნკერში რომ იყო) და ცოტნე ბაკური - ქრისტიანული კავშირის ვიცე-პრეზიდენტი. გოჩა კელენჯერიძემ გააკეთა სენსაციური განცხადება. კერძოდ, მან აღნიშნა, რომ აგვისტოს პუტჩის დროს შევარდნაძეს დაურეკია თბილისში და უთქვამს, რომ გამსახურდიას რეჟიმს სისხლში ჩაეახშობო. მართლაც, სენსაცია არის! როდესაც გადაცემის ნაწყვანი შეეკითხა, თუ საიდან იცოდა ყოველივე ეს, გოჩა კელენჯერიძემ უპასუხა, რომ ეს თქვა ზვიად გამსახურდიამ და თუ გინდათ, მას შეეკითხეთო. სიცილი ვერ შეეკიკავე. გამახსენდა შალიკო ხვინგიაძე (როდესაც ხვინგიაძისა არ სჯერათ, ის იმნუთშივე პასუხობს: თუ არ გჯერათ, ჯიჯის პკითხეთ ალფაიძესო).

## 23 აპრილი

გუმინ ვერაფერი ვერ დავენერე, რადგან თაზო გვყავდა ონკოლოგიურ საავადმყოფოში. ექიმებმა მითხრეს: ამოსაჭრელი აქესო ფეხზე რალაც ნანაზარდი. გული გამისკდა. მე და მათა სალამოს სიონის ტაძარში ვიყავით. იმ დღეს უნმიდესი და უნეტარესი, სქართველოს კათოლიკოს-პატრიარქი ილია II ლოცულობდა. მე და მათა 2 საათი ვლოცულობდით დაჩოქილები. ღმერთს შევევედრე, რომ ჩემი სიცოცხლე ნაელი, ოლონდ თაზოს არაფერი დაშავებოდა\*.

დღეს პროკურატურაში დავესწარი შინაგანი საქმეთა სამინისტროს საზოგადოებრივი აზრის ინსტიტუტის სხდომას. ესწრებოდნენ რომან გვენცაძე და ვახტანგ რაზმაძე, აგრეთვე ვაჟა ადამია. ადამიამ საკმაოდ კარგად ილაპარაკა სამაჩაბლოს შესახებ. მან აღნიშნა, რომ საჭირო არ იყო კულუმბეკოვის გათავისუფლება, რადგან ის არის ერთერთი დამნაშავე იმაში, რაც მოხდა. ვაჟამ გაიხსენა, რომ, როდესაც „სამხრეთ ოსეთში“

\* ამ დღეს პირველად შევხვდი უნმინდესს. ერთ კვირაში თაზო სრულიად გამოჯანმრთელდა, ექიმებიც კი გაკვირვებულები დარჩნენ.

ტარდებოდა რეფერენდუმი, კულუმბეკოვს ელაპარაკა ცეკას მდივანი ძასოხოვი. ძასოხოვმა უთხრა კულუმბეკოვს გადაედო რეფერენდუმი. კულუმბეკოვი სასტიკი წინააღმდეგი იყო. ადამიამ აღნიშნა, რომ დასაწყისში ბლოკადაში მოაქციეს ცხინვალი ისე, რომ ფაქტობრივად ჩვენი მხრიდან მსხვერპლი არ იყო. შემდეგ მოვიდა ბრძანება უკან დახევის შესახებ. შანსი იყო ეს ომი აგვისტოში დაგვემთავრებინაო.

დღეს მნიშვნელოვანი მოვლენა მოხდა — თბილისში აშშ-ს დროშა აღიმართა. აშშ-ს საელჩო დროებითი სასტუმრო „მეტეხში“ განლაგდა.

## 25 აპრილი

გადაცემა ზუგდიდიდან. ალაპარაკეს დათო ქობალია — საგაფიცო კომიტეტის თავმჯდომარე. აჩვენეს ინტერვიუ ბესიკ ქუთათელაძესთან და გია ყარაყარაშვილთან. ბესიკმა თქვა, რომ უფრო მეტს ველოდი ტელევიზიისაგანო. მაგალითად, არაფერს აჩვენებენ რუხზე მდგარ ბიჭებზე. სულ იმას აჩვენებენ, თუ როგორ ქურდავენ მოსახლეობას. აჩვენეთ ისინი, ვინც აკეთებს საქმეს. ახლა თავის ქება დაიწყო იმ ხალხმა, რომლებსაც არაფერი გაუკეთებიათ.

რუსეთის შინაგანმა ჯარებმა ცხინვალის დატოვება დაიწყეს.

## 1 მაისი

დღეს ამერიკიდან პუმანიტარული დახმარება ჩამოვიდა.

სოხუმში ჩაიშალა საქართველოში მოქმედი ყველა პარტიის წარმომადგენელთა შეხვედრა, შეხვედრა ზვიადისტებს ჩაუშლიათ. ინტერვიუ გელა ლანჩავასთან. მან აღნიშნა, რომ ზუგდიდში დაძაბულობაა, მაგრამ წინა პერიოდებთან შედარებით უკეთესი

მდგომარეობაა. უნდოდით კარვების დადგმა, მაგრამ ჩვენ შევუშალეთ ხელიო.

დღეს შეეარდნაძემ ირანის ელჩი მიიღო.

## 7 მაისი

დღეს სი-ენ-ენის გადაცემას ვუყურე, კერძოდ სომალის ამბებს. იქ, სადაც სამოქალაქო ომი დამთავრდა და დაიწყო შიმშილი. აჩვენეს როგორ გაუგზავნა გაერომ ბრინჯი და ხორბალი და საწყლები როგორ იტაცებდნენ ყოველივე ამას. ხალხი გაძვალტყავებულა. ასეთი რამ ჩვენც შეიძლება დაგვემართოს!

ისევე დაიწყო ტერორისტული აქტები. ხარაგაულთან ააფეთქეს ხიდი, ასევე მარნეულთან. ქიათურის გვარდიას ნაართვეს 15 ავტომობილი.

დღეს გამოაცხადეს, რომ ზვიად გამსახურდიას მომხრეებმა მოახყვეს მიტინგი რუსთაველის მოედანზე. გამოაცხადეს, რომ მოხდა შეტაკება მოქალაქეებს შორის. ამდენი ხალხი რამ გადარია?

ფასები კატასტროფულად მატულობს. გუმინ ტელევიზიით ვუყურებდი სახელმწიფო საბჭოს სხდომას. განიხილეს ეკონომიკის საკითხები. ფაქტობრივად კატასტროფული მდგომარეობაა.

დღეს, როდესაც უნივერსიტეტში მივედი, მითხრეს, რომ დაიჭირეს კათედრის გამგე თენგიზ კიკაჩიშვილი (გამსახურდიას მომხრე). მენყინა, როგორ შეიძლება პროფესორის ასე დაჭერა.

## 14 მაისი

თენგიზ კიკაჩიშვილი გამოუშვეს. გუმინინ და გუმინ ძალზე მძიმე მდგომარეობა იყო ქართლში. სოფ. ერედვში შვიდი კაცი მოკლეს. ფაქტობრივად ახალი ომი იწყება. შიდა ქართლში ჩავიდნენ შეეარდნაძე და

ოსულიანი. ჩამოვიდნენ ძასოხოვი (ყოფილი ცეკას მდივანი), რომელიც დიდი ავტორიტეტით სარგებლობს ოსეთში, ჩრდილოეთ ოსეთის უზენაესი საბჭოს თავმჯდომარის მოადგილე და მინისტრთა საბჭოს თავმჯდომარის მოადგილე.

შევარდნაძე შევიდა ცხინვალშიც და მოლაპარაკება გამართა კულუმბეკოვთან. ცეცხლი შეწყდა.

რა ვაუკაცია! ცრემლები მომერია, როგორ შევიდა ცხინვალის ცენტრში!

## 17 მაისი

უმალესი საატესტაციო კომისიის განცხადება იყო, ზვიად გამსახურდიას უკან დაუბრუნეს სადოქტორო დისერტაცია. ხასაცილოა!

აჩვენეს გივი ლომინაძის გამოსვლა ტელევიზიით.

## 18 მაისი

ღამით ვუსმენდი აჭარიდან დეპუტატ ოთარ ზოიძის გამოსვლას. მან გამოიყვანა გვარდიელები, რომლებიც დააპატიმრეს ბათუმში. როგორც ამბობენ, ისინი ჩასულები იყვნენ როსტომ დოლიძის დასაცავად. აჩვენეს ფირი, სადაც ასლან აბაშიძე ხვდება ქალაქის მოსახლეობას. დავუსვათ, რომ ასლან აბაშიძე არ არის სწორი, მაგრამ ნუთუ ტელევიზიის ხელმძღვანელობას ჭკუა არა აქვს, რომ ამწვავებს აჭარის საკითხს. ნუთუ არც ჭკუა, არც დაფიქრების უნარი არა აქვს იმას, ვინც ამას აკეთებს? აშკარაა, რომ უნდათ აჭარაში არეულობის დანყება, რათა შემდეგ იქ ჯარები შეიყვანონ. შემდეგ იგივე განმეორდება აფხაზეთში. ვაი, თქვენს პატრონს! უნდა ვუსმინო იმ ზოიძეს, რომელმაც არჩევნების შესახებ „საქართველოს რესპუბლიკაში“ ისეთი სტატია დაწერა კინალამ ჭკუაზე გადაეყვანი. მასსოვს ასეთ

რამეს ნერდა: თუ დეპუტატობის კანდიდატს არცერთ პარტიაში არ უნდა თავი წარადგინოს, მაშინ მან თავისი პარტია შექმნასო.

## 19 მაისი

დღეს გადაცემაში „პირისპირ“ აჩვენეს ინტერვიუ ელზარდ შევარდნაძესთან.

ვალერი კვარაცხელია: თქვენ შეიძლება განშორების შემდეგ დაბრუნდით, რა შეიცვალა უკეთესობისაკენ და უარესობისაკენ?

ე. შევარდნაძე: მადლობა მოპატივებისათვის ხალხი გადავალე ლაპარაკით. ისევე როგორც ყოფილი სსრკ-ის ყველა რესპუბლიკაში, საქართველოშიც დიდი შემობრუნებაა. საქართველო გახდა დამოუკიდებელი.

სამწუხაროდ, ჩვენ მთლად მომზადებული არ აღმოჩნდით ისტორიული პროცესისათვის. აღმოჩნდა, რომ ქართველი ერი ორად გაიყო, ორად გაიხლიჩა, ეკონომიკა დაინგრა, ხალხიც გაღარიბდა, ხდება შეტაკებები და კონფლიქტები, ნეგატიური მხარეები ღრმავდება – ასეთია ზოგადი და ზერელე შეფასება დღევანდელი დღისათვის.

ვ. კვარაცხელია: თქვენ უკვე ჩამოაყალიბეთ ეს თავისებურებანი, იქნება ცალცალკე დაგეხსიათებინათ ეს გაჭირებანი.

ე. შევარდნაძე: მე დამხვდა გაჩანაგებული ეკონომიკა. თუ ავიღებთ 1988 წელს, სამრეწველო პროდუქცია დღეისთვის დაეცა 28%-მდე, სასოფლო – 30%-მდე, განახევრდა პირუტყვის სულადობა, სრული ფინანსური კრიზისია. დიდ შემფოთებს იწვევს ის, რომ აშკარა გამოსავალს ვერ ვხედავთ. ეხლა უნდა ვილაპარაკოთ იმაზე, თუ როგორ შევასწავლოთ თავი საერთაშორისო ორგანიზაციებს, რომ არ დაიწყოს შიმშილი... ევროპის გაერთიანებამ გამოგვიყო 70 მილიონი ეკიუ. აქედან 40 მილიონი ხორბლის შესაძენად, ხოლო 30 მილიონი სხვადასხვა საქონელზე. აშშ-დან ევლოდებით 40-50 მილიონ დოლარს.

განვერიანდით ევროპის ბანკში, ამითაც შელავათი მოგვეცემა, მაგრამ უფრო პერსპექტიული ვახლავთ შემდეგი: 1) პრივატიზაციის დაჩქარება, 2) უცხოური კაპიტალის შემოტანა, 3) ეკონომიკური კავშირების აღდგენა ყოფილი სსრკ-ის რესპუბლიკებთან.

ვ. კვარაცხელია: მაინც რა ვადებზე შეიძლება საუბარი, რომ მოსახლეობამ რაღაც შეება იგრძნოს?

ვ. შვეარდნაძე: 3-4 თვის მარაგი მაინც უნდა გვექონდეს.

ვ. კვარაცხელია: ხელოვნურად ხომ არ ხდება ფასების ანევა?

ვ. შვეარდნაძე: ჩვენ რომ ეკონომიკა მოვანერვიოთ 2-3 წელი დაგვეჭირდება. ვმუშაობთ იმისთვის, რომ გაიზარდოს ხელფასები.

ვ. კვარაცხელია: რას იტყვით პოლიტიკურ დესტაბილიზაციაზე?

ვ. შვეარდნაძე: ეხლა ისეთი დროა, რომ პოლიტიკური უპასუხისმგებლობა უნდა გამოირიცხოს. ერთმა მოქალაქემ მითხრა, არ მინდა ასეთი დამოუკიდებლობაო. ყველამ უნდა გაიგოს, რომ მხოლოდ პოლიტიკური ბრძოლის ფარგლებში ვიკამათოთ. ეხლა დეფორმირებულია ყველაფერი, ეს დანგრევამდე მიგვიყვანს. განა ეს პოლიტიკური ბრძოლაა, როცა რკინიგზასაც გადაკეტავ, ეს ბანდიტიზმია. ეს არის შენი ხალხის წინააღმდეგ მიმართული მოქმედება.

ვ. კვარაცხელია: ძალიან ამ მოვითებს აჭარის ამბები, მეშინია რამე არ მოხდეს!

ვ. შვეარდნაძე: ძალიან იმედინად დაგბრუნდი ბათუმიდან. მე მინდა მოეუნოდო ყველას, რომ ნუ ავრევთ ამ კუთხეს. ჩვენ რომ დალაგება ისე შეგვეძლოს როგორც არევა, კარგი იქნებოდა.

ვ. კვარაცხელია: ზოგი ამბობს, რომ ცხინვალის პრობლემა შეიძლება ბოლოსდაბოლოს იარაღით გადაიჭრას.

ვ. შვეარდნაძე: მე, როდესაც ვიყავი იქ, ათობით ადამიანს ველაპარაკე. მე მათ თვალეებში სიძულვილის ნაპერწკალი ვერ

დავინახე. ჩვენ ავიღეთ ვალდებულება, რომ ყველაფერი გადაწყდება საერთაშორისო სტანდარტების პირობებში.

ვ. კვარაცხელია: როდის გახდება საქართველო გაეროს წევრი?

ვ. შვეარდნაძე: ეს საკითხი განიხილება უშიშროების საბჭოში. რეკომენდაცია მოგვცა ინგლისმა.

ვ. კვარაცხელია: როგორი ურთიერთობა გაქვთ ელცინთან?

ვ. შვეარდნაძე: ჩვენ კეთილი ურთიერთობები გვაქვს, განსაკუთრებით აგვისტოს შემდეგ. რატომ არ ცნობს საქართველოს რუსეთი? აქ ბევრი პრობლემაა, შეიძლება ოსეთის გამო. მე სხვანაირად ვერ ვხსნი. ამით რუსეთი პოლიტიკურად აგებს.

ვ. კვარაცხელია: რას იტყვით საქართველო-ისრაელის თანამშრომლობაზე?

ვ. შვეარდნაძე: აქ დიდი პერსპექტივაა. მალე დიპლომატიური ურთიერთობა დამყარდება.

ვ. კვარაცხელია: როგორი იქნება საქართველოს ორიენტაცია – ამერიკული თუ ევროპული.

ვ. შვეარდნაძე: ჩვენ ორიენტირებული ვართ მეგობრობაზე, ჩვენ არ შეგვიძლია უგულვებელეყოთ თურქეთისა და ირანის ფაქტორები.

ვ. კვარაცხელია: რატომ ხდება ძველი კადრების აღზევა?

ვ. შვეარდნაძე: კომუნისტური რეჟიმის აღდგენა გამოიციხულია. ორიენტაცია გვაქვს ახალგაზრდობაზე, მაგალითად, ირაკლი ქადაგიშვილს დაევალა ორგანიზაციული საკითხები.

ვ. კვარაცხელია: თუ გიფიქრიათ საქართველოდან წასვლა?

ვ. შვეარდნაძე: წასვლა მიფიქრია მხოლოდ თანამდებობიდან, საქართველოდან ვერ გამაძევებენ, ძალიან საპასუხისმგებლო საკითხები გველოდება.



## 24 მაისი

დღეს ისევ ვაგრძელებ დღიურის წერას. გუშინწინ სოხუმში დააპატიმრეს ნუგზარ მოლოდინაშვილი. მე არ მინდა ბრალი დავდო ამ კახელს, რომელიც ერთგულად ემსახურებოდა ზვიად გამსახურდიას, მაგრამ აშკამად შეიარაღებული ბრძოლა არ გეჭირდება, ხალხი დაიღალა, ხალხს უჭირს, შიმშილობს. ადრე მე მშიერი ქართველი არ მინახავს.

მე შემძრა იმ ამბავმა, რომ სოფ. ფრისში, ოსების სოფელში, დახოცეს 32 კაცი, მათ შორის ქალები, ბავშვები. ვინც ეს გააკეთა, ის არ არის ადამიანი, ის ქართველი არ არის, ის არის ბანდიტი და მკვლელი! როგორ შეიძლება ესროლო ბავშვს, ქალს? მე არ მინდა ოსებმა დაიჯერონ რომ, ეს აქცია მიმართულია ოსების წინააღმდეგ. ასეთი ბანდიტები მეც შემომიყვარდნენ სახლში, ისინი ასევე დახოცავენ ქართველებსაც, ისინი მკვლელები არიან და დანდობის ღირსნი არ არიან! როგორ იმეტებენ უმანკო ბავშვს? მიჭირს წერა, ცრემლები მახრჩობს.

## 25 მაისი

დღეს, სალამოს 7 საათზე, თბილისში ჩამოვიდა ჯეიმს ბეიკერი.

გადაცემა „პირისპირ“. ინტერვიუ ელდარ შენგელაიასთან.

ვალერი კვარაცხელია: როგორ მუშაობს სახელმწიფო საბჭო?

ვ. შენგელაია: მე კმაყოფილი ვარ სახელმწიფო საბჭოს მუშაობით. ერთ ხმაში მომღერალი გუნდი არ არის.

## 1 ივნისი

უყურებ გუშინდელი სახელმწიფო საბჭოს გაფართოებულ სხდომას, რომელიც

შეეხებოდა მართლწესრიგის საკითხებს. მართლაც, საქართველოში უმძიმესი მდგომარეობაა, ყველას იარაღი აქვს, ხალხი აღშფოთებულია, თუ ასე ვაგრძელებ, ესენიც ცუდად დაამთავრებენ.

სხდომა მიჰყავდა შევარდნაძეს. მოხსენებით გამოვიდნენ რომან გვენცაძე, ვახტანგ რაზმაძე და ჯონი ხეცურიანი. მათი გამოსვლები ზოგადი ხასიათის იყო. უფრო აქტიურად ისევ პარტიების წარმომადგენლები გამოვიდნენ (მაგალითად, ირაკლი მელაშვილი), ასევე იზა ორჯონიკიძე. კარგად გამოვიდა ერთი პიროვნება ეროვნულ-დემოკრატიული პარტიიდან (ვინ იყო, ვერ ვიცანი).

## 9 ივნისი

ორი დღეა ომაი სამაჩაბლოში. გვარდიაში აიღო ცხინვალის შესასვლელი, ავტონისპექციის შენობა, სოფ. ფრისი და მამათუბანი. ღამით „მაცნეში“ აჩვენეს სახელმწიფო საბჭოს სხდომა. სიტყვით გამოვიდა შევარდნაძე. მან დაგმო ცხინვალის ამბები. შევარდნაძემ განაცხადა, რომ ელაპარაკა კიტოვანს, რომელმაც უთხრა, რომ ბრძანება მას არ გაუცია.

## 11 ივნისი

გუშინ ყაზბეგში შევარდნაძე, კავსაძე და კიტოვანი შეხედნენ ჩრდილოეთ ოსეთის რესპუბლიკის უზენაესი საბჭოს თავმჯდომარეს, გალაზოვს, მინისტრთა საბჭოს თავმჯდომარეს, ხეთაგუროვს. მოხდა შეთანხმება, რომ შეიქმნას ინტერნაციონალური ბატალიონი ავღანეთში მებრძოლთაგან და რომ უნდა შეწყდეს ცეცხლი. გამომრჩა ერთი საკითხი. გაიმართა ეროვნულ-დემოკრატიული პარტიის ყრილობა, სადაც გია ჭანტურიამ განაცხადა: კიტოვანი და იოსელიანი უნდა გადადგნენ, 15 ივნისამდე გვარდია, „მხედრიონი“ და სხვა შეიარაღებული

ფორმირებანი შევიდნენ ყაზარმებში, ქუჩაში იარაღის ტარების უფლება უნდა აკონდეს მხოლოდ მილიციას.

## 15 ივნისი

გუშინინ გორში მოხდა შეტაკება გვარდიელებსა და იქ განლაგებულ რუსეთის სატანკო ბრიგადის შორის. მოსკოვმა გადმოსცა, რომ რუსების მხრიდან დაიღუპა ორი სამხედრო, ერთი ქალი და ბევრი, ხოლო გვარდიელებიდან — 12 კაცი.

გუშინინ, შაბათს, 11 საათზე და 15 წუთზე ვიჯექით დეკანატიში, გვერდა სამეცნიერო საბჭოს სხდომა. უცბად ისეთი აფეთქების ხმა გაისმა, რომ ვიფიქრეთ, მეორე კორპუსი ააფეთქეს-თქო. აღმოჩნდა, რომ ხილიანის, ამჟამად ჩიქოვანის, ქუჩაზე ააფეთქეს მანქანაში დამონტაჟებული ბომბი. დაიღუპა ხუთი ადამიანი. ამბობენ, ეს თავდასხმა ჯაბა იოსელიანზე მონაწყევსო.

სალამოს გადმოსცეს, რომ 17 კაცი დაიღუპა გორში.

## 17 ივნისი

ტელევიზიით აჩვენეს გვარდიის მოქმედება ცხინვალთან. ცრემლები მომერია, რა დღეში არიან ბიჭები. მებრძოლები სწორად ამბობდნენ: ბევრს რომ ლაპარაკობენ ეს პოლიტიკური პარტიის ნარმოზადგენლები, თვითონ ჩამოვიდნენ და იბრძოლონ.

აჩვენეს გორში რუსების მიერ დაჭრილი ბესიკ ქუთათელაძე. ღმერთო, გადარჩინე ეს კაცი! ქუთათელაძემ დიდი სიმპათია დაიმსახურა. ახლა ის სიკვდილს ებრძვის. სწორად თქვა ქუთათელაძემ, რომ მხოლოდ 1500 კაცი დგას სამაჩაბლოში თოფ-იარაღით მაშინ, როდესაც მოსახლეობა 3-4 მილიონი არისო. ღმერთო, ჯანმრთელობა არ მინყოხს ხელს, თორემ აქ რა გამაჩრებდა ესეც რუსთაველის პროსპექტი ხომ არ არის, სადაც არ

შემძლო ქართველებისთვის მესროლა. ახლა მტერი გვესერის, ფაქტობრივად რუსეთი. თუ გამოვმჯობინდი, აუცილებლად უნდა ნავიდე!

დღესვე გადაცემაში „სალამო მშვიდობისა“ აჩვენეს გია ყარყარაშვილი, რომელიც ჩამოვიდა ცხინვალთან და ინტერვიუ მისცა. მან განაცხადა: ველარ გაუფქელი, უაზროდ იღვრება სისხლი, რისთვის იღუპება გვარდია, ეს ურაპატრიოტიზმი გვეთვლება, არ მინდა მე დამბრალდეს ეს სისხლი, როდესაც ნავიკითხე სტატია „დრონში“ მიხვდი, რომ სწორი იყო ჩემი გადაწყვეტილება სარდლობის დატოვების შესახებ. რას ეაკეთებდით? ვიცავთ ქართულ სოფლებს, ჩვენ კი ქურდებად და ყაჩაღებად გამოგვიყვანეს.

ალარ შემძლია, ცრემლები მომდის, სადაა სამართალი? სახელმწიფო საბჭოში რომ გამოიჭიმებთან და ბევრს ყბედობენ, ჩავიდნენ ცხინვალში და გვერდზე დაუდგნენ ამ ბიჭებს. ცხინვალში საბრძოლველად მათ სად სცალიათ, ისინი თანამდებობებისთვის იბრძვიან.

პირველ კორპუსში შემხვედა გია მამალაძე. მე მას ვუთხარი: ამ სამი წლის განმავლობაში გამოჩნდა, რომ ეროვნულ მოძრაობაში ერთი პროცენტია პატრიოტი, ისინი ეროვნულ მოძრაობაში მოვიდნენ მაღალ იდეალებისთვის, დანარჩენი კი მოვიდა იმისთვის, რომ ან თავი გამოეჩინათ, ან თანამდებობები დაეკავებინათ. გიამ მოთხრა: ნახეთ, ჯერ ქუთათელაძე მოიცლიეს, მალე გია ყარყარაშვილსაც და სხვებსაც მოიცლიებენო. მისი სიტყვები გამართლდა: 19 საათზე და 45 წუთზე ტელევიზიის გადაცემა შეწყდა და გამოაცხადეს: თავის მანქანაში ააფეთქეს „მხედრონის“ ერთ-ერთი მოთავე თამაზ ყურაშვილი, „ბუღაღ“ ნოდებუღი.

აჩვენებენ ინტერვიუს ვაჟა ადამიასთან. ვაჟა ყოფილა სენაკში და ზუგდიდში, სადაც შეხვედრია ზაურ ქობალიას, ლოთი ქობალიას და ჯემალ ქობალიას. მან აღნიშნა, რომ საკმაოდ კარგად შეიარაღებული ახალ-

გაზრდები პყავთ ქვეყნის სხვადასხვა კუთხ-  
იდან და რომ ისინი მოითხოვენ გარანტიებს.

## 19 ივნისი

დღეს ნავიკითხე ნაირა გელაშვილის  
წერილი ვაზ. „თბილისში“ (17 ივნისი) სათაუ-  
რით „ჩემი სათქმელი“. წერილში საკმაოდ  
კარგად არის ნაჩვენები, რომ ფაქტობრივად  
დღეს საქართველოში სამხედრო ძალა ბა-  
ტრონობს.

მართლაც, დღეს საქართველოში მძიმე  
მდგომარეობაა. სანამ არ შეწყდება ბან-  
დიტიზმი, არაფერი გვეშველება. არ უნდა  
გავმიჯნოთ ბანდიტი ზვიადის მომხრეა,  
იოსელიანისა თუ კიტოვანის. ბანდიტი  
არის ბანდიტი, რომელსაც ეროვნება არ  
გააჩნია.

## 22 ივნისი

მძიმე ამბებია მოლდავეთში. ქალაქ ბენდ-  
ერში ომში ფაქტობრივად ჩაება რუსეთის მე-  
14 არმია.

ცხინვალში ავტონისსპექციის შენობაში  
განლაგებულ გვარდიელებს ცეცხლი გაუხ-  
სნეს სამი ვერტმფრენიდან. შევარდნაძემ ეს  
შეაფასა როგორც რუსეთის აგრესია. აღ-  
მოჩნდა, რომ სროლის ბრძანება გაუცია  
ცხინვალში ჩამოსულ რუსეთის თავდაცვის  
მინისტრის მოადგილეს, კონდრატიევს. შე-  
ვარდნაძემ ამის შესახებ შეატყობინა გაეროს  
და ყველა საერთაშორისო ორგანიზაციას.  
გუშინ რუსეთის მთავრობის სხდომა ჩაატარა  
რუცკოიმ.

გუშინინ, ღამით ალექსანდრე რუცკოი  
გამოვიდა ტელევიზიით და საზიზღარი გან-  
ცხადება გააკეთა მოლდავეთის და საქარ-  
თველოს წინააღმდეგ. აღნიშნა, რომ რუსეთი  
დაიცავდა ამ რესპუბლიკებში ადამიანთა  
უფლებებს.

ედუარდ შევარდნაძემ გუშინ ღია წერილი  
გაუგზავნა ალექსანდრე რუცკოის. დღეს  
ბორის ელცინი ელაპარაკა შევარდნაძეს.  
გადანყდა, რომ მოხდებოდა მათი შეხვედრა  
დაგომისში.

## 23 ივნისი

დღეს „ნოვოსტიმ“ გადმოსცა, რომ რუსე-  
თი საქართველოს გაეროს წევრად გახდო-  
მის წინააღმდეგი წავიდა. ედუარდ შევარდ-  
ნაძემ განაცხადა, თუ ეს მართალი აღმოჩნ-  
დებოდა, ის აღარ ჩავიდოდა დაგომისში.  
ღამით გადმოსცეს, რომ დროებით გადაიდო  
საქართველოს მიღება გაეროში.

## 24 ივნისი

დღეს დილით, 7 საათზე დამირეკა ან-  
დრომ. ანდროსთან დაურეკავს ზაირას ნათე-  
სავს, ნუგზარ ფიფიას და უთქვამს, რომ  
რალაც ამბები ხდება ტელევიზიასთანო. ან-  
დრომ დამირეკა, იმიტომ, რომ მისი მამა  
ცხოვრობს ტელევიზიის პირდაპირ. მარ-  
თლაც, როდესაც გადაერეკეთ, ანდროს მამამ  
გვითხრა: ქუჩაში დარბიან ავტომობიანები  
და ისერიანო.

აღმოჩნდა, რომ დილით ვალტერ შურ-  
ლაიამ დაიკავა ტელევიზია და აიღეს ანძა.  
შევარდნაძემ დროებით გადადო დაგომისში  
ნასვლა, მაგრამ ტელევიზია მალე აიღეს.  
დააპატიმრეს შურლაია. შევარდნაძე დაგ-  
ომისში გაფრინდა.

დღეს დილით ელადისლაე არძინბას  
მომხრე ძალებმა სოხუმში აიღეს შინაგან  
საქმეთა სამინისტრო, დააპატიმრეს და  
სცემეს მინისტრი გივი ლომინაძე. ეერიშს  
ხელმძღვანელობდნენ მინისტრთა საბჭოს  
თავმჯდომარის მოადგილე სერგეი ბალაფა-  
ში და ანქვაბი, რომელიც არძინბამ შინაგან  
საქმეთა მინისტრად დანიშნა.

გაირკვა, რა ხდებოდა ტელევიზიასთან. შურლაიას მომხრეები ჯერ თავს დაესხნენ შინაგანი ჯარების ქვედანაყოფს და წამოიღეს ტექნიკა. დილით შურლაიამ მიმართა მოსახლეობას მათთან მისულიყვნენ. დილით, 8 საათზე შევარდნაძემ მიმართა მოსახლეობას, რომ არ აყოლოდნენ პროვოკაციას, შემდეგ ალყა შემოარტყეს შურლაიას და ულტიმატუმი წაუყენეს, რომ ერთ საათში დანებებულყვნენ. იქ იყვნენ ჯაბა იოსელიანი, რომან გვენცაძე და თენგიზ კიტოვანი.

ინტერვიუ შევარდნაძესთან. მან აღნიშნა, რომ ესენი პოლიტიკოსები კი არა, ბანდიტები არიანო.

ვ. კვარაცხელია: იქნებ იმიტომ გააკეთეს, რომ არ ჩასულიყავით დაგომისში?

ე. შევარდნაძე: შეიძლება ამ ფაქტორმა დააჩქარა გამოსვლა, ისინი მოგვიანებით აპირებდნენ გამოსვლას.

ტელევიზიაში დაპატიმრებულთა შორის აღმოჩნდა ბიძინა ჩოლოყაშვილი, ბიძინა დანგაძე, ეკა ხერხეულიძე.

ზაზა დარასელი ესაუბრება ჯაბა იოსელიანს.

ჯ. იოსელიანი: მოულოდნელი ეს ამბავი არ იყო, ჩვენ გვეუბნებოდნენ, რომ ლოიალობა არ შეიძლებოდა. დღეს მომიყვანეს კაცი, რომელიც სამჯერ დავიჭირე და გავუშვი, რა ღორი უნდა იყოს ასეთი ადამიანი!

ზ. დარასელი: რისი იმედი ჰქონდათ?

ჯ. იოსელიანი: როგორც ის ამბობდა (გულისხმობს ზვიად გამსახურდიას - შ. ვ.), ავაგორებთ და მერე ვნახოთ... მადლობა ხალხს. ჩვენ არასოდეს არ გვითქვამს დაგვიცავითო. ერთ საათში ხუთი ათასი კაცი მოვიდა თან მშობარა იყო (იგულისხმება ზ. გამსახურდია - ვ. გ.). როდის ყოფილა ბიჭები მარტო გამეშვა. იქიდან (იგულისხმება მთავრობის სახლი - ვ. გ.) ეუბნება მიდით, მოდითო. სოხუმში შეუთვალა: ფეხშიშველა წადითო. 9 აპრილის შესახებ სიმართლე გითხრათ? შემდგომში გაირკვევა თუ რა მოხდა.

მე პირადად გაკვირვებული ვარ დღევანდელი დღით. რის იმედი ჰქონდათ? ნუთუ 100 კაცი თუ შესაძლებელი იყო ძალაუფლების აღება? როგორ შეაცდინეს ვალტერ შურლაია? მე მხოლოდ ერთი დასკვნის გამოტანა შემიძლია: ეს არის ე. წ. „ზვიადისტების“ უდიდესი ფანტაზიების შედეგი. ზუსტად ასეთი ამბავი მოხდა, როდესაც გამსახურდია იყო ბუნკერში. მას მაშინაც ატყუებდნენ, რომ მთელი დასავლეთი მოდის დასახმარებლად 20 ბეტერით და ა. შ. მახსოვს, დეკემბერ-იანვრის მოვლენების დროს უნივერსიტეტში ამოვარდებოდნენ და ერთმანეთს ატყუებდნენ, თუ როგორ დაიჭირეს კიტოვანი, დაჭრეს სიგუა, რომელმაც თავი მოიკლა. თან რომ ყვებოდნენ, თვითონაც სჯეროდათ. 9 აპრილს, როდესაც ავტობუსებით წამოვიდნენ თბილისში, სენაკში გამართეს მიტინგი, მიტინგზე განაცხადეს, რომ თბილისში ბრძოლები მიმდინარეობდა და ხალხმაც დაიჯერა. ჩემი აზრით, ახლაც ატყუებდნენ შურლაიას, თქვენ დაიწყეთ და მთელი თბილისი დაგიჭერთ მხარსო.

## 25 ივნისი

ედუარდ შევარდნაძემ ბორის ელცინთან მოლაპარაკების დროს მიაღწია იმას, რომ 1 ივლისიდან რუსეთთან დიპლომატიური ურთიერთობები დამყარდებოდა და რომ რუსეთი აღიარებდა საქართველოს საზღვრების ხელშეუხებლობას. შემდეგ სტამბოლში გაფრინდნენ.

სალამოს ტელევიზიით გამოაცხადეს, რომ მთავრობის დადგენილებით აიკრძალა გაზეთი „იბერია-სპექტრი“ და „თავისუფალი საქართველო“. ეს აკრძალვა არ არის სწორი. დღეს ტელევიზიით აჩვენეს ჯანსუღ ჩარკვიანი. მას ნამეტანი მოუვიდა, როდესაც გუშინდელი ამბები (ტელევიზიის აღება) შეადარა ქაჯეთის ციხის აღებას, ხოლო იოსელიანი, გვენცაძე და კიტოვანი ტარიელ-ავთანდილ-ფრიდონად გამოიყვანა.

გუშინ ყოფილა თავდასხმები სენაკის, ხობის და ფოთის მილიციებზე. მონაწილეობდნენ 60, 100, 150 კაციანი შეიარაღებული ჯგუფები.

## 30 ივნისი

დღეს გამოაცხადეს, რომ დაილუპა ბესიკ ქუთათელაძე. გული დამწყდა, თითქოს ახლობელი დამელუპაო. ვაჟყაცი კაცი ჩანდა. ის მაინც ბედნიერია, რომ ქართველთა ტყვიით არ დაილუპა და დაილუპა რუსების მიერ ნასროლი ტყვიით.

დღეს, საღამოს 9 საათზე ჩემი გამოსვლა იყო რადიოთი, სადაც შევაფასე 24 ივნისის მომხდარი ფაქტი.

ცხინვალის რეგიონში მდგომარეობა ნყინარდება. ერთმანეთს შეხედნენ სამხედრო ხელმძღვანელები. მძიმე ტექნიკა დახიეს უკან 15 კილომეტრით. ორი დღეა სროლა არ არის.

ახლა გამახსენდა რადიოში ჩემი ინტერვიუ. ინტერვიუდან ამოიღეს ერთი მონაკვეთი. მე ვთქვი: დღევანდელმა ხელისუფლებამ ხალხს უნდა დაანახოს, რომ მთავრობა ხალხზე ზრუნავს. ამის კეთილი ფესტი იქნებოდა, რომ დაეთმოთ აგარაკები და მანქანები მრავალშვილიანი და დაღუპულთა ოჯახებისთვის.

## 1 ივლისი

დღეს არჩენეს გუშინდელ სახელმწიფო საბჭოს სხდომაზე შევარდნაძის გამოსვლა, სადაც პირველად მისცა შეფასება ზვიად გამსახურდიას, რომელსაც ფაშისტი უწოდა. ამაზე მეტი ცინიზმი შეიძლება? დიდი იმედი არა მაქვს, მაგრამ შეიძლება დადგეს დრო და შევარდნაძეს ასეთი შეფასების გამო შერცხვეს.

## 2 ივლისი

დღეს მოსკოვში აღექანდრე ჩიკვაიძემ და ანდრეი კოზირევმა ხელი მოაწერეს დოკუმენტს დიპლომატიური ურთიერთობის დამყარების შესახებ.

ტელევიზიით გადასცეს ნუგზარ მოლოდინაშვილის ინტერვიუ, რომელმაც აღნიშნა, ყველაზე დიდი შეცდომა ის იყო, რომ სისხლისღვრა ვერ ავიციელით.

კითხვა: როგორ უყურებს იგი 24 ივნისის ამბებს?

ნ. მოლოდინაშვილი: ყველა ვარიანტში სიბრძნე იყო.

დღეს „ნოვოსტიმ“ გადმოსცა, რომ აშშ-ს კონგრესმა შეაჩერა რუსეთის და თანამეგობრობის ქვეყნებისათვის დახმარება. რუსებს ეგონათ, კომუნისტები დაეაზმებთ და მაშინვე გაეხდით დემოკრატები, მათ ეგონათ, რასაც ტყუოდნენ მოლდავეთისა და საქართველოს შესახებ მსოფლიო დაუჯერებდა. რუსეთი აცხადებდა, მე-14 არმია მოლდაველებისაგან თავს იცავსო მაშინ, როდესაც ეს არმია ომს ანარმობდა მოლდავეთის წინააღმდეგ. ბოლოს „ნოვოსტის“ ძლივს ნამოცდა, აშშ-ის კონგრესმა მოითხოვა, რომ მე-14 არმიამ დატოვოს სუვერენული მოლდავეთი. ვალერი კვარაცხელიას ინტერვიუ ედუარდ შევარდნაძესთან.

ვ. კვარაცხელია: დღეს იურიდიულად გაფორმდა ხელშეკრულება რუსეთსა და საქართველოს შორის.

ე. შევარდნაძე: ეს ფაქტობრივად საქართველოსა და რუსეთს შორის ურთიერთობების ახალი ეტაპის დასაწყისია და მას დიდი ისტორიული მნიშვნელობა აქვს. ამ დღეზე ოცნებობდნენ მრავალი თაობები...

ვ. კვარაცხელია: დიპლომატიური ურთიერთობები კი დამყარდა, მაგრამ რეაქციული ძალები ხომ არ იაქტიურდებიან?

ე. შევარდნაძე: ჩემი აზრით, რეაქციულმა ძალებმა ნააგეს, მაგრამ შემდგომში შეიძლება გააქტიურდნენ...

## 7 ივლისი

გუშინ, დილის ექვს საათზე, ნალენჯიხის სკოლა-ინტერნატი განლაგებულ „მხედროინის“ ნაწილს თავს დაესხა 150 შეიარაღებული ზვიად გამსახურდიას მომხრე. მათ ორი სართული ააფეთქეს. აგრეთვე ააფეთქეს ჯავშანმანქანა და უაზი. „მხედროინი“ გამაგრდა მესამე სართულზე. მათთან ერთად იყო ჯაბა იოსელიანი. ბრძოლა 3 საათს გაგრძელდა. ჯაბას დაეხმარა ხობიდან წამოსული გიგა არველაძის რაზმი, აგრეთვე ქუთაისისა და ფოთის მილიცია. შუადღისას ნალენჯიხა გაანთავისუფლეს, დაიღუპა 8 „მხედროინელი“ და დაიჭრა 15. ეტყობა, ჯაბას და მისი „მხედროინელები“ ხელში ჩაგდება უნდოდათ, რათა გაეცვალათ ვალტერ შურლაიასა და მის მომხრეებში. ჯაბამ დღეს იხუმრა: ჩემმა ბიჭებმა თქვეს, მილიცია რომ დავინახეთ, პირველად გაგვებარდა მისი დანახეაო. დღეს შევიდნენ ზუგდიდში.

ამავე დროს ცხინვალში იქმნება ერთობლივი ჯგუფი ქართველების, ოსებისა და რუსებისაგან, რომლებიც ჩადგებიან მებრძოლ მხარეებს შორის. ეს იქნება გამყოფი ჯგუფი.

დღეს საქართველოს გაეროში შესვლას მხარი დაუჭირა უშიშროების საბჭომ.

## 17 ივლისი

შიდა ქართლში უკვე დგას ე.წ. გამყოფი ჯგუფი. ცხინვალში ჯერჯერობით სიმშვიდეა.

დღეს ნავიკითხე ვალტერ შურლაიას წერილი ეახტანგ რაზმადისადმი. მართლაც გულთხ არის დაწერილი. ისე ვწერ შურლაიას, რომ არ ვიცნობ, მაგრამ კარგ ვაყვაცად მიმაჩნია. დღეს მიყვებოდნენ, რომ შურლაია აიძულეს და დაანერინეს ეს წერილიო. ჩემი აზრით, ამ წერილში არაფერი არ არის

ისეთი, რომელიც ლახავდეს მის ღირსებას. პირიქით, ამჟამად არის მცდელობა, რომ რალაც გზები გამოინახოს, რათა დანყნარდეს საქართველო.

## 27 ივლისი

აქამდე ვერ ვწერდი იმიტომ, რომ არ ვიყავი შინ.

23-24 ივლისს ედუარდ შევარდნაძე სახელმწიფო საბჭოს წევრებთან ერთად სამეგრელოში გაემგზავრა.

23 ივლისს ის სენაკში შეხვდა საზოგადოებას. შენობის წინ იდგა ხალხი, განსაკუთრებით ქალები, რომლებიც ხელს უშლიდნენ შენობაში შევარდნაძის შესვლას. გამოსვლელებში საკმაოდ იყვნენ ძირითადად „მხედროინის“ და ნაწილობრივ გვარდიის მიერ დარბეულები. ერთ-ერთმა გამომსვლელმა ნალენჯიხიდან თქვა: „მხედროინი“ გზაზე ხალხს ართმევდა ფულს და ბეჭდებს და რომ სოფ. მუხურიდან 200 უნომრო მანქანა მოდიოდა.

24 ივლისს, ჩხორონწყუში შეხვედრის დროს, გამომსვლელებმა აღნიშნეს, თუ როგორ ართმევდნენ მანქანებს და როგორ ზიდავდნენ ავეჯს. ხალხი მართლაც ძალიან შეწუხებული ჩანდა. შევარდნაძე ჩავიდა აბაშაშიც, ხობშიც. ნალენჯიხაში შეხვედრა ვერ მოხერხდა, რადგან მოსახლეობა წინააღმდეგი წავიდა. ზუგდიდშიც ვერ ჩავიდა შევარდნაძე – რა მოხდა, არ ვიცი. ტელევიზიით გამოაცხადეს: აფხაზეთში გამართული უზენაესი საბჭოს სესიის გამო შევარდნაძემ შეწყვიტა ვიზიტი და თბილისში დაბრუნდაო. რა თქმა უნდა, ეს არ იყო სწორი განმარტება. აშკარა იყო, რომ ზუგდიდში რალაც მოხდა. შევარდნაძის ამ მოგზაურობიდან აშკარად გამოჩნდა, რომ სამეგრელოს მოსახლეობა ძალიან არის განაშებული. ის, ვინც მხარს არ უჭერდა გამსახურდიას, ისინიც წინააღმდეგნი არიან ამ ხელისუფლების. არ შეიძლება

სამეგრელოსთან სულ იარაღით საუბარი. ძალზე შეურაცხყოფილნი არიან ამაყი და დიდად სტუმართმოყვარე ქართველები. რა დაანუნარებს მათ, არ ვიცი. ჩემი აზრით, შევარდნაძე მანამდე უნდა ჩასულიყო სამეგრელოში, ვიდრე „მხედრიონს“ გააგზავნიდა. გარდა ამისა, მას არ უნდა წაყვანა ის ხალხი, რომლებიც განსაკუთრებით არაპოპულარები არიან სამეგრელოში, მაგალითად, ჯანსულ ჩარკვიანი, ვახტანგ გოგუაძე და სხვ. სამეგრელოში შექმნილი მძიმე მდგომარეობით ისარგებლა არძინბამ, გამოაცხადა აფხაზეთის რესპუბლიკა და, „თავის ჭკუით“, აღადგინა 1925 წლის კონსტიტუცია.

დღეს ვკითხულობ გაზეთს „7 დღე“ ( 25, 23-29 ივლისი). შურლაიას შესახებ ჩემი სიტყვები გამართლდა. შევარდნაძე შეხედვრია ერთი საათით შურლაიას და შემდეგ წერს: „რატომ იქცა ჩემს მტრად, ის საეკმოად მოაზროვნე პიროვნებაა“.

## 12 აგვისტო

31 ივლისს საქართველო გახდა გაეროს წევრი. როგორც იქნა ყველას თვალზე ცრემლი მოგვდის. გაჭირვების დროა დღეს საქართველოში, მაგრამ მაინც გამიმართლა – ისტორიკოსს ისტორიულ პერიოდში მომინა ცხოვრება. ამ ჩანანერებსაც შემდგომში ისტორიული მნიშვნელობა ექნება.

დღე აღარ მახსოვს, რადგან ყოველდღე მისაღებ გამოცდებზე ვიყავი. გაიმართა დიდი დღესასწაული. გამოვიდა მანიფესტი, რომლის ძალითაც, ყველა პატიმარი, რომელიც გამსახურდიას მომხრე იყო და მის დასაცავად იბრძოდა, გაანთავისუფლეს.

ამ დღესასწაულზე ძალიან კარგი სიტყვით გამოვიდა ვალტერ შურლაია, ცრემლები წამოშვივდა. ეს დღე უნდა ყოფილიყო შერიგების დღე. სალამოს შევიტყვე, რომ გუშინინ ჩხორონყუში თავს დაესხნენ მილიციას, ნაწილი ტყვედ წაიყვანეს. გუშინ

ტყვედ აუყვანიათ რომან გვენცაძე და რამდენიმე პიროვნება. როგორ მოხდა, არ ვიცი. რამდენიმე დღის წინ შემთხვევით მოვხვდი შინაგან საქმეთა სამინისტროში. მე-9 სართულიდან ლიფტით ჩამოვდიოდი. ერთ-ერთ სართულზე უცბე პოლკოვნიკმა კუკური როგავამ თქვა: საჩქაროდ გამოდით, მინისტრს აგვიანდებაო. მე გამოვედი, კუკურის ვიცნობდი, გადაეკოცნე. ის და გვენცაძე ჩავიდნენ ლიფტით. ძირს რომ ჩამოვედი, გვენცაძე და როგავა მანქანაში სხდებოდნენ, ეტყობა, დასაღვლეთში მიდიოდნენ.

## 30 აგვისტო

არ ვიცი, რა მძიმე მოვლენები მოყვებოდა ამ ამბებს. რომან გვენცაძე კი გაანთავისუფლეს, მაგრამ კუკური როგავა, მამია ალასანია, დათო ხალარაძე და ზიბერტ ხაზალია დარჩნენ. ჩვენი ჯარები შევიდნენ აფხაზეთის ტერიტორიაზე. გულრიფშთან აფხაზეთის გვარდია მსოფლიო ატეხა. შემდეგ სოხუმი დაიკავეს, ჩამოხსნეს აფხაზეთის დროშა და ააფრიალეს საქართველოს დროშა. დაანგრეს ლენინის ძეგლი. არძინბა გუდაუთაში გაიქცა. მანამდე მან უარი თქვა სიგუასთან, იოსელიანთან და კიტოვანთან მოლაპარაკებაზე. დაიწყო ბრძოლები. აფხაზების მხარეზე ომში ჩაება ჩრდილოეთ კავკასიის კონფედერაციის ჯარები. მუსა მანიბოვმა, ამ კონფედერაციის პრეზიდენტმა, თბილისი გამოაცხადა უბედურების ზონად. ლესელიძე გვარდიის ხელში აღმოჩნდა, იქ შევიდა კოტე ჯანჯღავა. ბორის ელცინი არ რეკავს. მან თქვა, რომ ნეიტრალიტეტს დაიცავდა.

ახლა ვუსმენ ედუარდ შევარდნაძის გამოსვლას. გუშინ მძიმე ბრძოლები იყო გავრასთან, დაიღუპა 18 კაცი. გული მისკდება. დღეს ნასვლა მინდა, მაგრამ ვერ ვარ კარგად. ვნახოთ, თუ უკეთესად ვიქნები, ნავალ. ზეიად გამსახურდიას ერთ-ერთი მიმართვა რადიოთი წაიკითხა ბათიამჟილმა.

მე ამ მიმართვისა მანც არ მჯერა, ის შეთხზული იქნება. მაგრამ ყველაფრის მიუხედავად, ომი რომ დაიწყო ზვიად გამსახურდიას არ უნდა დარჩენილიყო გროზნოში.

## 1 სექტემბერი

როგორც გადმოსცეს, ბრძოლები მიმდინარეობს მდინარე გუმისთასთან. გია ყარყარაშვილი გადავიდა მდინარეზე, ბრძოლაში 20 ტანკი მონაწილეობდა. შეეპარდნაქემ განაცხადა, რომ ბრძოლის დროს მას დაურეკა გია ყარყარაშვილმა და უთხრა, რომ გადასვლის დროს რუსებმა ესროლეს. იქით მხარეს რუსებს აქვთ ძალზე საიდუმლო ლაბორატორია, რომელსაც იცავს მათი რაზმი. შეეპარდნაქემ თქვა, რომ დაუკავშირდება ბეჰაევს და შემდეგ გენადი ბურბულის მოსკოვში. დილით დარეკა ბორის ელცინმა. გადანყვიტეს, რომ აფხაზეთში ჩავიდეს რუსების და ქართველების კომისია.

გუშინ ყვარელში გამოჩნდა 60-70 კაციანი შეიარაღებული რაზმი. ისინი აღმოჩნდნენ ზვიად გამსახურდიას მომხრეები. თენგიზ კიტოვანი ყვარელში წავიდა. რამდენიმე კაცი შეიპყრეს, ერთ-ერთი მათგანი სკოლის მასწავლებელი იყო. ოპერაცია გრძელდება.

## 3 სექტემბერი

გუშინდელი გადაცემიდან ჯერ კიდევ გონს ვერ მოვედი. გადაცემაში „სალამო მშვიდობისა“ აჩვენეს, როგორ ჩამოჰყავდათ აფხაზეთში დალუპული და დაჭრილი ბიჭები, როგორ ხვდებოდნენ მათ ოჯახის წევრები და ნათესაეები, რომლებმაც არ იცოდნენ მათი ახლობლები გარდაცვლილი იყვნენ თუ დაჭრილები. ცრემლებს ვერ ვიკავებდი. რა ექნა, ფეხებმაც შემანუხა. ერთი კვირაა ნელ-

ნელა ევარჯიშობ, იქნებ ფორმაში ჩავდგა. ბოლმა მახრჩობს. როცა ძალა მერჩოდა და გადარეული ვიყავი, მაშინ ყველა დანაწარებული იყო. რამდენი რამ გადამხდომია თავს! ახლა მე დაეწყნარდი და ყველა გადიარია, არადა სწორედ ახლაა საჭირო ჩემი ენერჯია. ყვარელში გრძელდება ოპერაცია ზვიადისტების წინააღმდეგ. დღეს დაიბეჭდა ინტერვიუ ნელა გოდერძიშვილთან. მან თქვა, რომ ყველა ზვიადისტი დაჭერილია. დაჭერილები ამბობენ, რომ შემთხვევით მოხვდნენ ყვარელში, არ უნდოდათ სროლა. ინტერვიუ ერთ-ერთ მათგანთან ემზარ კობერიძესთან: იმედი გვქონდა, რომ კახეთი ფეხზე დადგებოდაო. ერთ-ერთმა თქვა, რომ ვიქტორ დომუხოვსკის უნდა შემოეტანა იარაღი.

დღეს ედუარდ შეეპარდნაქემ და ბორის ელცინი ხედებიან ერთმანეთს. ჯერ არაფერი ვიცი.

## 5 სექტემბერი

მოსკოვში ხელი მოაწერეს დოკუმენტს. 3 სექტემბრის დოკუმენტი ამჟამად დიდი გამარჯვებაა.\* დოკუმენტში აღნიშნულია, რომ რუსეთი ცნობს საქართველოს ტერიტორიულ მთლიანობას, რუსეთის ჯარები რჩებიან აფხაზეთის ტერიტორიაზე, საზღვრებისა და რკინიგზის დაცვის მიზნით. არძიბნას ტელევიზიით აჩვენებენ, აშკარად უხასიათოდ ჩანდა. ელცინმა აგრეთვე აღნიშნა, რომ არ ცნობს მთიელთა კონფედერაციას. აღნიშნული იყო, რომ აფხაზური გვარდია უნდა განიარაღდეს. აჩვენებენ მოსკოვში გამართულ პრესკონფერენციას, რომელშიც მონაწილეობდნენ ედუარდ შეეპარდნაქემ, თენგიზ სიგუა და ალექსანდრე ჩიკვაიძე.

ე. შეეპარდნაქემ: ეს ნაბიჯი აუცილებელი იყო, რათა შეგვეჩერებინა სისხლისღვრა. ხალხი მხარს უჭერს ამ დოკუმენტს.

\* იმხანად ვერ განესაზღვრე, რომ სინამდვილეში ეს დამლუპველი იყო. სწორედ მისი შედეგი იყო გაგრის, ლესელიძის და ვანთიადის დაკარგვა (მ. ვ).



კორესპონდენტი სიგუას შეეკითხა: რას იტყვის მაროდორობაზე აფხაზეთში. პასუხი გასცა შევარდნაძემ: მაროდორობას ენოვდნენ ბანდიტები და შეიძლება ნაწილობრივ არმიის ნაწილებიც.

ვალერი კვარაცხელიას ინტერვიუ ე. შევარდნაძესთან.

ე. შევარდნაძე: გუშინ ერთიან და განუყოფელ საქართველოს საიმედო ბოძი შევუდგით. მნიშვნელოვანია რუსეთ-საქართველოს სწორად გაგებული ურთიერთობა, თანასწორობა თანამშრომლობა. ეს იყო დემოკრატიული ხელისუფლების თანამშრომლობა. მე ვიცი სიფრთხილე გვმართებს...

ვ. კვარაცხელია: რა მოყვება ამ დოკუმენტს?

ე. შევარდნაძე: ამ დოკუმენტს ის მოყვება, რომ ჩვენ გავჩერდით იქ, სადაც უნდა გავჩერებულყავით. სისხლისღვრა უნდა შეწყდეს. გუშინდელი დღე ისეთი იყო, რომ ან უნდა გავჩერებულყავით, ან ეს იქნებოდა აფხაზეთა ფიზიკური მოსპობა და ქართველთა მორალური დამარცხება.

ვ. კვარაცხელია: ეს ხელშეკრულება დაიდო ორ სახელმწიფოს შორის, თუმცა ზოგი ფიქრობს, რომ ეს არის სამმხრივი შეთანხმება.

ე. შევარდნაძე: ჯერ ერთი, სამმხრივი არ არის, ეს არის ხელშეკრულება რუსეთსა და საქართველოს შორის.

ვ. კვარაცხელია: იყო საშიშროება, რომ სამხედროები წინააღმდეგნი იქნებოდნენ, როგორ შეხედნენ ისინი ამ მოვლენას?

ე. შევარდნაძე: ნასვლის წინ გია ყარყარაშვილთან დაერქე, უნდა გითხრათ, გაა და მისი მეგობრები აქტიურად ემხრობოდნენ ჩემს აზრებს. გვიან ჩამოვედი, პირველი, რაც გავაკეთე ის იყო, რომ დილით დავეურეკე გიას. მან მითხრა, რომ აქ არის. ეს არის საქართველოს ისტორია. ის სულგრძელი ბიჭია, იბრძვის და კონტაქტებიც აქვს აფხაზეთთან.

ვ. კვარაცხელია: ესე იგი სამხედროები და საზოგადოება კარგად აღიქვამენ ხელშეკრულებას, მაგრამ ცუდი ხომ არ არის, რომ ეს არ მოენონებათ აფხაზეთს?

ე. შევარდნაძე: შეიძლება ზოგიერთ აფხაზს არ მოენონოს, რადგან ეს დოკუმენტი არ იძლევა ცალკე გამოყოფის საშუალებას. სწორედ ამ ზოგიერთმა აფხაზმა დიდი ზიანი მიაყენა თავის ხალხს, რადგან აფხაზ ხალხს არა აქვს საომარი ქართველებთან, ისევე როგორც ქართველებს არა აქვთ საომარი აფხაზებთან. ბედნიერია ის, ვინც ხედავს, რომ ახალი ურთიერთობის მშენებლობა იწყება.

ვ. კვარაცხელია: ყველა ბედნიერები ვართ, მაგრამ ხომ შეიძლება, რომ სისხლი არ დარღვერილიყო და რომ ჯარი არ შესულიყო აფხაზეთში?

ე. შევარდნაძე: აქ მარტო ჯარის გადაადგილება არ იყო მიზეზი, საფუძველი უფრო ღრმა არის.

ვ. კვარაცხელია: თქვენ ხომ შეხვდით არძინბას?

ე. შევარდნაძე: არძინბასთვის რომ მტკიცენული იყო, მე მესმის. მე უნდა ხაზი გაუსვსა ჩრდილოეთ კავკასიის რესპუბლიკების ხელმძღვანელთა დამოკიდებულებას, რომლებმაც უთხრეს არძინბას, რომ მას ხელი უნდა მოენერა, ამას დიდი მნიშვნელობა ჰქონდა. მისი გამოსვლაც უნდა გაიგოთ, ის ათჯერ უფრო მძივი მდგომარეობაში იყო. ჩვენ ესაუბრობდით ამ დოკუმენტის შესრულებაზე. მე მჯერა, რომ ისინი ამას შეძლებენ.

ვ. კვარაცხელია: დოკუმენტის მიხედვით ჯარი უნდა იყოს იმდენი, რაც საჭიროა რკინიგზის და სხვა ობიექტების დასაცავად.

ე. შევარდნაძე: მე ელცინს ვუთხარი ტელეფონით, რომ ეს არ არის ჯარების ერთი კუთხიდან მეორეში გადაყვანა. მეშინია, რომ რეზერვისტები წამოვლენ. მარტო რკინიგზის დასაცავად 1500 კაცი გეჭირდება.

ვ. კვარაცხელია: როგორი იქნება დაქირავებულთა ბედი. დოკუმენტი თუ ავალდებულებს ჩრდილოეთ კავკასიის რესპუბლიკებს, რომ ალაგმონ მათი ყოფნა აფხაზეთში?

ე. შევარდნაძე: დიდი მნიშვნელობა ჰქონდა ჩრდილო კავკასიის რესპუბლიკების

ხელმძღვანელთა დასწრებას მოლაპარაკებაზე. გადაწყდა, რომ დაიკეტება საზღვარი. ისინი გულწრფელად არიან დაინტერესებულნი, რომ დაქირავებულები არ წამოვიდნენ აფხაზეთში. ამით განსაკუთრებით არის დაინტერესებული რუსეთი.

3. კვარაცხელია: ზოგიერთი ფიქრობს, რომ ისინი სწორედ რუსეთმა გამოგზავნა.

ე. შევარდნაძე: მე ძალიან კარგად მესმის...

ბოლოს შევარდნაძემ აღნიშნა, რომ არა იმ ბიჭების სისხლი, ალბათ, ეს ხელშეკრულება არ იქნებოდა.

მართლაც, ცრემლები მოსდის. მე დღეს ვიტყვი, როდესაც თენგიზ კიკაჩიშვილის შვილის, რატის, პანაშვიდზე ვიყავი, რომელიც ფაქტობრივად ყოველდღე მხედებოდა უნივერსიტეტში. საოცრად კარგი ბიჭი იყო. როდესაც შევედი, დედა თავზე ხელს უსვამდა და ეფერებოდა. არ ვიცი, რა ვთქვა, რა ტრაგედიაა! ღმერთო, ყველა დაღუპული ნათელში ამყოფე! სინდისი მქეზნის, რომ ასეთი ბიჭები იღუპებიან და არა მაქვს საშუალება, რომ მათ გვერდით ვიყო.

## 6 სექტემბერი

დღეს სიგუა გაფრინდა სოხუმში. ძალიან მიეჭება, რომ აფხაზები ასე მალე შეურიგდნენ ამ ხელშეკრულებას.

დღეს აჩვენეს სახელმწიფო საბჭოს სხდომა. აჩვენეს შევარდნაძის გამოსვლა, რომელმაც გააანალიზა ეს დოკუმენტი. მართლაც დიდი პიროვნებაა. ეტყობა მართლა ღმერთმა გამოგვიგზავნა ეს კაცი.

## 10 ოქტომბერი

ამ ხნის განმავლობაში ვერ გავაგრძელებ წერა, რადგან მარჯვენა ხელის ძვალი გამეზზარა. ჩავხედე 6 სექტემბრის ჩანაწერს,

რომელიც ნასვამ მდგომარეობაში გვაკეთებ. ეჭვი მეპარებოდა, რომ აფხაზები შეასრულებდნენ ამ ხელშეკრულებას. ნუთუ ამას ვერ ხვდებოდნენ ჩვენები? არადა ეს სიგუა დიდ იმედებს იძლეოდა: ჯერ 15 სექტემბრამდე, მერე 25 სექტემბრამდე, თუ არ გაიყვანდნენ დაქირავებულებს, მათ მთლიანად გაანადგურებდნენ. მოხდა პირიქით, 1 ოქტომბერს აფხაზებმა დაარღვიეს ხელშეკრულება და ნახევარ საათში აიღეს ვაგრა. სოხუმში გაფრინდა შევარდნაძე, რომელიც იქიდან ლესელიძეში ჩაფრინდა. მის ვერტმფრენს თავს დაესხნენ. აქ ჯარების სარდლად დაინიშნა გია ყარყარაშვილი. 3-4 ოქტომბერს აფხაზებმა და დაქირავებულებმა აიღეს განთიადი და ლესელიძე. ამ ბრძოლების დროს ბევრი ქართველი ახალგაზრდა დაიღუპა. არ ვიცი, მოკლეს თუ არა გია ყარყარაშვილის ძმა, გოჩა, რომელიც ჩვენი სტუდენტი იყო. ძალიან კარგი ბიჭია ეს გოჩა. მალე გაირკვევა, თუ ვინ იყო დამნაშავე ამ ტრაგედიაში. აქ იყო ლალატიც, ლაჩრობაც, განუუითხოზობაც. ფაქტობრივად არ არსებობს ერთიანი არმია, ყველა პარტიას თავისი შვიარაღებული ძალები ჰყავს. ბიჭები გამოუცდელები არიან. მონინალმდეგეს კი ჰყავს განერთილი დაქირავებული მეომრები. იღუპებიან სამშობლოს ნამდვილი პატრიოტები, თორემ მაროდირს არაფერი მოსდის, რადგან ისინი იმწუთშივე გარბიან.

ჩემი ფაკულტეტის სტუდენტებმა მოითხოვეს, რომ გაივლიან წერთნას და საომრად წავლენ. ველაპარაკე რექტორს. 9 ოქტომბერს რექტორი როინ მეტრეველი და ლევან ალექსიძე შეხვდნენ მათ. ჩემი და სტუდენტების აზრით უნდა დაიწყოს ფართომასშტაბიანი წერთნა, სადაც მომზადებას გაივლიან არა მარტო უნივერსიტეტის სტუდენტები, არამედ პროფესორ-მასწავლებლებიც. ამის შემდეგ მზად ვიქნებით, რათა მოვიგერიოთ მტრის თავდასხმა. უნივერსიტეტს უნდა ჰქონდეს ბაზა, სადაც გავი-

ლით ნერთნას და იარაღი გვექნება შენახუ-  
ლი.

გუშინინი მოსული იყო ვახტანგ  
გოგუაძე და ბლოკი „მშვიდობა“. სტუდენ-  
ტები და უნივერსიტეტის პრეს-კლუბი მათ  
გამოსვლას უარყოფითად შეხვდნენ. ჩემი  
აზრით, ახლანდელი ხელისუფლება კარ-  
გავს უნივერსიტეტის ახალგაზრდობის  
ნდობას.

## 12 ოქტომბერი

გუშინ ჩატარდა არჩევნები. ეს დღე მნიშ-  
ვნელოვანი ეტაპი იქნება საქართველოს ის-  
ტორიაში. უამრავი ხალხი მოვიდა. მე ხმა  
მივეცი ედუარდ შევარდნაძეს. მაგორიტარე-  
ბიდან მერაბ აფაქიძეს, ხოლო პარტიებიდან  
1 ხმა მივეცი „11 ოქტომბერს“, 2 ხმა – მერაბ  
კოსტავას საზოგადოებას, 3 ხმა – ეროვნულ-  
დემოკრატიულ პარტიას.

დღეს ცნობილი გახდა, რომ არჩევნებში  
მონაწილეობა მიიღო 76%-მა. სულ დათე-  
ლილია 52 ოლქი. ედუარდ შევარდნაძემ ამ  
ოლქებში მიიღო 92%. ახლა მაინც დაიჯერ-  
ებენ, რომ ზვიად გამსახურდიამ 87% ნამდ-  
ვილად მიიღო? რატომ არ ესმით, რომ იმ  
87%-ში მეც ვიყავი და კიდევ უამრავი  
ქართველი, რომლებსაც გვეჯეროდა, რომ  
შესაძლებელი იყო საქართველოს  
დამოუკიდებლობის მოპოვება ზვიად გამსახ-  
ურდიას დროს. ჩვენ იმედი გავციტრუვდა.  
თუ შევარდნაძე ნაიყვანს საქართველოს  
კატასტროფისკენ, როგორ შემეძლება მის  
გვერდით დგომა? ეს არ ესმის ზოგიერთს.

## 17 ოქტომბერი

დღეს ასაფლავებენ პოლკოვნიკ გორჩა  
ყარყარაშვილს, რომელიც ჩემი სტუდენტი  
იყო. როდესაც შევედი ეზოში გორჩას სურათ-  
თან ერთად მისი დაღუპული მეგობრების  
სურათები იყო „თეთრი არნივიდან“.

შესანიშნავი ახალგაზრდობა იყურებოდა  
ამ სურათებიდან. ცრემლები წამომივიდა.  
ყოველი მომდევნო თაობა ყოველთვის სჯობს  
წინა თაობას. ისინიც აშკარად გვეჯობნიან.  
გია ყარყარაშვილი გადაეკოცნე და ეუთხ-  
არი: გორჩა შესანიშნავი სტუდენტი იყო,  
ჩამოყალიბდება ისტორიის ფაქულტეტის  
ბატალიონი და მას დაერქმევა გორჩა  
ყარყარაშვილის სახელი.

ერთი კვირაა ფაქულტეტზე დავრბივარ,  
ფულს და ტანსაცმელს ვაგროვებ ლტოლვი-  
ლებისთვის. აღმოჩნდა, რომ ძალიან ბევრი  
გულგრილად არის განწყობილი ამ საქმის-  
ადმი. ნერვები მესულბა.

## 20 ოქტომბერი

ალექსანდრე ჩიკვაიძე და ლევან ალექ-  
სიძე მოსკოვში იყვნენ, მოლაპარაკება მიმ-  
დინარებოდა კოზირევთან. ფაქტობრივად  
ვერაფერზე შეთანხმდნენ.

## 22 ოქტომბერი

დღეს ძალიან გახარებული ვარ. ზუგდიდ-  
ში ზვიად გამსახურდიას მომხრეებმა გზე-  
ბი გახსნეს და გვარდია გააცილეს. საქ-  
მაოდ თბილად გააცილეს. ღმერთმა ქნას,  
შერიგდნენ!

## 31 ოქტომბერი

დღეს ვახტანგ (ლოთი) ქობალია სოხ-  
უმში ჩავიდა, რათა გაეცნოს იქ მდგომარ-  
ეობას. ისე ძალიან მეუჭეება, რომ მათ  
ჯაბა იოსელიანთან და თენგიზ კიტოვან-  
თან ითანამშრომლონ. ალბათ, ისინი თუ  
ნაველენ, მაშინ შეიძლება შეთანხმდნენ.  
ზვიადის მომხრეებმა ხელისუფლებიდან  
იმდენი წყენა ნახეს, რომ ვერც გაამტყუ-  
ნებ. ხელისუფლება ყველას, ვისაც იარაღი

პქონდა ალებული, ბანდიტს ეძახდა. ამ დროს ხელისუფლებას თავად ჰყავს ბევრი ბანდიტი. 28 ოქტომბერს ჩემთან შემოვიდა ხუთი ყაჩაღი და მომთხოვეს 100 ათასი. სიცილით მოვკვდი და ვუთხარი, 50 ათასი ვალი მაქვს და ხომ არ გადამიხდით-მეთქი. ბოლოს ვიდეო და მაგნიტოფონი ნაიღეს.

## 1 ნოემბერი

ორი დღეა მიმდინარეობს შეტაკებები ოსებსა და ინგუშებს შორის. ეტყობა იშლებად ჩრდილოეთ კავკასიის კონფედერაცია. ჩეჩენი მოხალისეები მიდიან ინგუშების დასახმარებლად. ვლადიკავკაზში რუსებმა ორი სადესანტო პოლკი ჩაიყვანეს.

ღმერთო, იქნებ ისეთი მოვლენები დაიწყოს, რომ ჩეჩენთვის არ ეცალოს არც რუსეთს და არც ჩრდილოეთ კავკასიას!

## 2 ნოემბერი

ბავშვივით მიხარია, რადგან ვახტანგ (ლოთი) ქობალია და ჯეშალ ქობალია ნაეიდნენ აფხაზეთში საბრძოლველად.

დღეს ქართულმა გვარდიამ დაიკავა რუსეთის ყაზარმა ახალციხეში. ამავე დღეს გააყარაყარაშვილმა დაიკავა რუსეთის ბაზა კახეთის გზატკეცილთან.

დღეს გამოვიდა ელცინის ბრძანება, რომლის მიხედვითაც ჩრდილოეთ ოსეთსა და ინგუშეთში შემოიღეს კომენდატის საათი და სამხედრო წესები. ვალაზოვმა განაცხადა, რომ მას არავინ არაფერს არ შეეკითხა. დიდი ამბებია მოსალოდნელი.

## 5 ნოემბერი

4 ნოემბერს გაიხსნა პარლამენტის სხდომა. პირველი შთაბეჭდილება ისაა, რომ ზეი-

ად გამსახურდიასდროინდელ პარლამენტთან შედარება არ შეიძლება. შევარდნაძეს საკმაოდ ჰყავს ოპოზიცია.

მთავარი საკითხია კანონი ხელისუფლების შესახებ.

## 6 ნოემბერი

მნიშვნელოვანი საკითხი არის ზვიად გამსახურდიას მომხრეების მონაწილეობა აფხაზეთში საომარ ოპერაციებში, სადაც მძიმე მდგომარეობაა. 3 ნოემბრის ახალშენთან ბრძოლაში ჩვენებმა წარმატება მოიპოვეს, მაგრამ დაიღუპა 35 ქართველი ჯარისკაცი. გული მეტიცა, როდესაც გაფიქრებულნი ვართ, რომ დაიღუპა ნოდარ ამალლობელის ვაჟიშვილი არჩილი. ვახტანგ ქობალია გაფრინდა გროზნოში. იქიდან ჩამოვიდნენ ორი ჩეჩენი დეპუტატი და მათე ციხელაშვილი, რომელიც ჩემი ფაკულტეტის თანამშრომელი იყო და კარგად ვიცნობ. ამჟამად იგი ჩეჩენთის პარლამენტის წევრია, წარმომოხმობთ ქისტის. ისინი გაფრინდნენ გუდაუთაში. რალაც იმედი მომეცა.

დღეს თენგიზ სიგუამ პარლამენტის სხდომაზე განაცხადა, რომ ზუგდიდში ჩატარდა მიტინგი. ლოთი ქობალიამ მოითხოვა: შევარდნაძე გადადგეს, ჯარები გავიდეს აფხაზეთიდან, ჩამოვიდეს ზვიად გამსახურდია და მან დაიწყოს მოლაპარაკება აფხაზეთთან. ეს ყოველივე ძალიან მენყინა. არა მგონია ისეთმა პიროვნებამ, როგორც ლოთი (ვახტანგ) ქობალიაა, ის თქვას, რაც განაცხადა სიგუამ. მე მაინც მჯერა ქობალიასი, მე მჯეროდა ვალტერ შურდიასი, ერთხელ მან გამიმართლა, ღმერთმა ქნას, და ახლა ლოთი ქობალიამ გამიმართლოს!

დღეს შევარდნაძე პარლამენტის თავმჯდომარედ აირჩიეს. დღესვე ღამით ჩატარდა სპიკერის არჩევნები. ენჭისყრა იყო ფარული. ორი კანდიდატურა იყო - ვახტანგ გოგუაძისა და ელდარ შენგელაიასი. 176

ხმით 76 ხმის წინააღმდეგ გაიმარჯვა ვახტანგ გოგუაძემ. ვახტანგ გოგუაძეს კარგად ვიცნობ და საკმაოდ კარგი ურთიერთობა მაქვს მასთან. ძალიან მეტყუება, რომ მან თავი გაართვას ამ მოვალეობას. ჩემი აზრით, ვახტანგ გოგუაძის არჩევა პირველი დიდი შეცდომაა, რომელიც პარლამენტმა დაუშვა.

## 7 ნოემბერი

სპიკერის მოადგილეებად აირჩიეს რუსუდან ბერიძე, რომელმაც აჯობა ლია ცინდელიანს, ვახტანგ რჩეულიშვილს და გია კობახიძეს. შემდეგ კომისიების შექმნა დაიწყო. პარლამენტის დიდი ნაწილი ცდილობს ბევრი კომისია შეიქმნას, რათა უკონდო ხელფასი, მანქანა, სწორად შენიშვნის სუბსტანციულობა და იზა ორჯონიკიძემ, რომ მათ უნდათ დარგის კურატორები გახდნენ, ისევე როგორც იყო კომისიები გამსახურდას უზუნაეს საბჭოში. აშკარად ჩანს, რომ შევარდნაძეს და მის მომხრეებს აქვთ 120-130 ხმა და ამით აშკარად სჯობნიან მოწინააღმდეგეებს. ისიც ცხადია, რომ მაჟორიტარული სისტემით არჩეული დეპუტატები ხელისუფლების მორჩილი დეპუტატები არიან. ეს, რა თქმა უნდა, არ შეეხება ყველას, მაგალითად, ძალიან მომხონს თეიმურაზ შაშიაშვილი. ის არ არის მორჩილი, ეს მას გამსახურდიას დროსაც ემჩნეოდა.

დღესვე დაიწყო მინისტრთა საბჭოს თავმჯდომარის დანიშვნის პროცედურა. შევარდნაძემ წამოაყენა თენგიზ სიგუას კანდიდატურა. მასზე კარგად ილაპარაკეს შენგულაიამ, ნუგზარ ნადარაია, მურვანიძემ, კოტე გაბაშვილმა და სხვ. მამუკა გიორგაძემ სწორად შენიშნა, რომ სიგუამ დაპირება ბევრი იცის, მაგრამ, თუ იქნება გარანტია, რომ შესრულდება მისი დანაპირები. ირინა სარიშვილმაც სწორად შენიშნა, რომ სიგუა პირად ურთიერთობებში შესანიშნავი პიროვნებაა, მაგრამ მისი ეკონომიკური

რეფორმა სრულიად მიუღებელია. ირინამ თქვა: ჩემი აზრით, უკეთესია, რომ სახელმწიფოს მეთაურმა შეითავსოს ეს თანამდებობა, მაგრამ თვითონ შევარდნაძე წინააღმდეგიაო. ამჟამად სოციალური აფეთქების წინაშე ვდგავართ, ამიტომ არ ვმალავ, რომ მე სიგუას ხმას არ მივცემო.

აბსოლუტურად სწორია ირინას განცხადება. ხალხი ისე დაიტანჯა, რომ აღარ შეუძლია ძველის ატანა. საჭიროა მთავრობის ახალი შემადგენლობა. როგორც რუსეთში ელცინმა შეითავსა მინისტრთა საბჭოს თავმჯდომარის თანამდებობა, ასევე უნდა შეითავსოს შევარდნაძემ. ხალხს რუსეთში სჯეროდა ელცინის და ამიტომ აიტანეს ამდენი გაჭირვება. ხალხი ვეღარ აიტანს სიგუას დაპირებებს, რომლებიც ხშირად არ სრულდება. ჭაბუა ამირეჯიბი გამოვიდა. ყოველგვარ ზღვარს გადავიდა სიგუას ქებასას.

თემურ ყორჭოლიანმა აღნიშნა თენგიზ სიგუას ვაჟკაცობა და შემართება და ისიც, რომ ის გუნდი, რომელც კონფერენციაში იყო ძველ მთავრობასთან, იქნება აჯობოს, რომ გადადგესო.

ირაკლი მელაშვილმა განაცხადა, რომ ჩვენთვის ადვილია სიგუას პიროვნულ თვისებებზე საუბარი, მაგრამ ქვეყანა მძიმე მდგომარეობაშია. პარლამენტმა უნდა მიიღოს პასუხი იმაზე, თუ რა გვეშეულება ან რას მოიპოვებდეს სიგუა სამხედრო მაფიის ასალაგმავად.

დათო ბერძენიშვილმა აღნიშნა, რომ აკვირებს ის დრამატული ფონი, რომლითაც დაიწყო სხდომა. მისი აზრით, სამწუხაროა, რომ არ შეიძლება სიგუას თანამდებობა შეეთავსებინა სახელმწიფოს მეთაურს. სიგუას კანდიდატურა უნდა განვიხილოთ როგორც სახელმწიფო მეთაურისადმი ნდობა.

ზურაბ ყვანიამ განაცხადა, რომ ადვილია ქვეყნის კრიზისი მთავრობას დაეზარალოთ, მაგრამ ის მთავრობა, რომელსაც სიგუა მეთაურობს, არის უვარგისი მთავრობა. სწო-

რია მამუკა გიორგაძე, რომ საჭიროა გარანტიები, კერძოდ, მთავრობის რადიკალური რეფორმა.

**რეზო შავიშვილი** თელის, რომ, თუ კანონიერად ვირჩევთ სიგუას, ყოვლად დაუშვებლად მიმაჩნია, რომ ის არ წარდგეს თავისი ანგარიშით. თუ ეს არ მოხდება, მე ვაცხადებ: არ ვიქნები მართალი ჩემი ამომრჩევლების წინაშე, თუ ხმას მივცემ სიგუასო.

**ვახტანგ ქაბორაძე** თელის, რომ რაც დღემდე მოხდა ამაში მარტო სიგუას დადანაშაულება ძნელია. პასუხისმგებლობა ეკისრება სახელმწიფოს მეთაურსაც.

**სუმბათაშვილი**მა განაცხადა: სიგუას რომ აქონდეს კიდევ მოხსენება, ის ვერ გამოვა, რადგან წინასწარ უნდა შეუთანხმდეს შევარდნაძეს.

**ივლიანე ხაინდრაყამ** აღნიშნა, რომ, თუ სიგუას აირჩევენ, ის პასუხისმგებელი იქნება პარლამენტის და ხალხის წინაშე. ანგარიში რატომ უნდა წარადგინოს, როცა პარლამენტს ის არ დაუნიშნავს? ჩვენ გვჭირდება რეფორმატორული მთავრობა.

**პაატა კოლუაშვილი** დაეთანხმა ბერძენიშვილსა და სუმბათაშვილს.

**შალვა კეკელიამ** მოუწოდა, მხარი დაეჭირათ შევარდნაძის კანდიდატურისათვის.

**ირაკლი შენგელაიამ** განაცხადა, რომ ხშირად მიმდინარეობს უმისამართო საუბარი: რა ხდება? ჩვენ არ ვამტიკიცებთ და ჩვენვე არ შეგვიძლია გადავყენოთ? მივცეთ სამი თვე.

**გიგა ლორთქიფანიძემ** აღნიშნა, რომ ირაკლიმ გამოსტაცა სათქმელი. ჩვენ კაცურად უნდა დავამტიკიცოთ თენგიზ სიგუა (წავიდა სუფთა „პადხალიმოზა“ ამ თაობის ინტელიგენციიდან არაფერი გამოვა – მ. ვ.).

**გურამ შარაძემ** დასვა საკითხები: 1) ხომ არ მიგაჩნიათ, რომ ეკონომიკური კრიზისი განვსვავდა რუსეთთან ჩვენი არასწორი ურთიერთობების გამო; 2) არის თუ არა რუსეთი საქართველოს გარანტი; 3) მისაღებია თუ არა ჩინური მეთოდი საქართველოსთვის.

**ვახტანგ გოგუაძე** განაცხადა, რომ ხალხი ელოდება გარდაქმნებს. არა მაქვს სიგუასადმი დიდი სიმპათია, მაგრამ ხმას ვაძლევო.

**ნოდარ გიორგაძემ** აღნიშნა, რომ სიგუამ დიდი როლი ითამაშა... მას შეუძლია მართოს, თუ გვერდით დაუდგება ის ხალხი, ვისაც მორალური უფლება აქვს მის გვერდით დადგესო.

**ჯანსუღ ჩარკვიანს** ველარ ვუსმენ, რადგან უაზროდ მლიქვნელობს.

**შემდეგ სიტყვით** გამოვიდა თენგიზ სიგუა. მან აღნიშნა, რომ უპირველესად საჭიროა არმიის შექმნა, სოფლის მეურნეობის წინ წამოწევა ... (ველარ ვასწრებ ჩანერას – მ. ვ.).

**ჩატარდა** კენჭისყრა. თენგიზ სიგუამ მიიღო 104 ხმა, წინააღმდეგი იყო 61. სიგუა ვერ გავიდა. გავგიჟებები, ჩემმა მეუღლემ თქვა: სიგუა ვერ გავაო. მე ვუთხარი: თუ გინდა დაგენიძლავები, 150 ხმაზე ნაკლებს არ მიიღებს-მეთქი. ჩემი მეუღლის აზრმა გაიმარჯვა.

ამის შემდეგ დაიწყო ლაპარაკი, რომ კენჭისყრის აპარატი სწორი არ არის და ა. შ. სიტყვა მოითხოვა შევარდნაძემ. ამ დროს სიგუა წამოხტა და დაიძახა: ჩემს კანდიდატურას ვესანი. შევარდნაძემ სიგუა გააჩერა და თქვა, რომ სხვა კანდიდატურა არა ჰყავს და ჩავატაროთ ფარული კენჭისყრაო. სიგუა ისევ იძახის: ვესანი ჩემს კანდიდატურას (ამ დროს ტელევიზია გამოირთო).

## 8 ნოემბერი

კენჭისყრა გადმოიტანეს დღეისთვის. მოვიდა 202 დეპუტატი. შევარდნაძემ თქვა, რომ უნესრიგობა იყო ხმის დამთვლელ ელექტრონულ სისტემაში, გარდა ამისა, არ იყო სხვა კანდიდატურა და სთხოვა დეპუტატებს მიეღოთ მონაწილეობა კენჭისყრაში. ეროვნულ-დემოკრატიულმა პარტიამ და

ქართია-91-მა კენჭისყრაში არ მიიღეს მონაწილეობა. 184 დეპუტატიდან სიგუას ხმა მისცა 164 დეპუტატმა.

თენგიზ სიგუა ნამდვილად დადებითი პიროვნებაა და ადამიანურად, გულით მინდოდა, რომ გასულიყო, მაგრამ ეროვნულ-დემოკრატიული პარტიაც და ქართია-91-იც სწორი არიან, რადგან ერთხელ თუ დაარღვია პარლამენტმა თავისი გადაწყვეტილება, დაარღვევს მეორედაც და მესამედაც. ამიტომ ასეთი რამ არ შეიძლება მოხდეს. ეს უნდა იყოს ბოლო დარღვევა.

## 10 ნოემბერი

პარლამენტის სესიამ განიხილა აფხაზეთის საკითხი, მაგრამ საღამოს სხდომას დეპუტატთა ნახევარი არ ესწრებოდა.

ბორის კაკუბავამ მოითხოვა, რომ რეგისტრაცია ჩატარებულიყო, რადგან აშკარად ჩანს პარლამენტის გულგრილი დამოკიდებულება აფხაზეთის საკითხისადმი. აბსოლუტურად სწორია ბორისი და ტყუილად გაბრაზდნენ ეახტანგ გოგუაძე და გიგა ლორთქიფანიძე.

დღეს რუსეთის სადესანტო ნაწილები შევიდნენ ინგუშეთის ტერიტორიაზე. ჯოხარ დუდაევა საყოველთაო მობილიზაცია გამოაცხადა. ჩემი აზრით, იწყება დიდი საბრძოლო ოპერაციები, რომლებიც მართლა შეიძლება გადაიზარდოს კავკასიურ ომებში.

ჩემი სიტყვები მართლდება. გოგა ხაინდრაევამ სოხუმიდან შემოთვალა, რომ საინფორმაციო საშუალებები სწორად არ აშუქებენ ზვიად გამსახურდიას მომხრეების პოზიციას აფხაზეთის საკითხში. მეც ასეთი შემოთვალა გამოვთქვი. დღევანდელ „საქართველოს რესპუბლიკაში“ არის ინტერვიუ ჯემალ გამახარიასა და ლოთი ქობალასთან. გამახარია წერს, რომ გროზნოში შეხვდნენ ზვიად გამსახურდიას, შემდეგ — ჯოხარ დუდაევს. დუდაევა აღნიშნა, რომ ის

ხელს არ უწყობდა ჩეჩნების მონაწილეობას აფხაზეთის ომში, თანახმაა ჩავიდეს სოხუმსა და გუდაუთაში და შესრულოს სამშვიდობო მისია. შეხვედრას ესწრებოდა შანიბოიცი. ჯოხარ დუდაევა განაცხადა, რომ კონფლიქტი მშვიდობიანი გზით უნდა მოწესრიგდეს.

ლოთი ქობალიამ აღნიშნა, შეიძლება ერთიანი ძალები ჩამოყალიბდეს და დაიცვან რკინიგზა, გზები. ორივემ აღნიშნეს, რომ უნდა დაიცვან საქართველოს ერთიანობა.

## 11 ნოემბერი

დღეს დღით, ათ საათზე დაიწყო პარლამენტის სესია. ერთი საათი უაზროდ ილაპარაკეს.

გამოვიდა გელა გოდერძიშვილი, რომელმაც თქვა: სირცხვილია, გუშინაც უაზროდ დემუშავეთო. მან დეპუტატებს საქმიანი მსჯელობისკენ მოუწოდა. ჩემი აზრით, სპიკერი და მოადგილეები ძალზე სუსტები არიან, მათ შორის აუცილებლად უნდა იყოს იურისტი.

ცრემლები მომივიდა, როდესაც პარლამენტის სხდომაზე გამოაცხადეს, რომ დეპუტატ მიხანაშვილს, რომელიც აელანეთში იბრძოდა, დღეს შეეძინა შვილი. მიხანაშვილი გუშინ დაასაფლავეს, იგი სოხუმში დაიღუპა.

იწყება კომისიების თავმჯდომარეების არჩევა. ეთიკის კომისიის თავმჯდომარის პოსტზე დაასახელეს ლუიზა შაკიაშვილი, რეზო შავიშვილი და თენგიზ ბუაჩიძე. ჩემი აზრით, გავა შავიშვილი.

სამდივნოს თავმჯდომარედ დაასახელეს ვასილ გოცირიძე და ლელი თირქია. ჩემი აზრით, გავა ვასილ გოცირიძე.

საგარეო საქმეთა კომისიის თავმჯდომარედ დაასახელეს თედო პაატაშვილი, თამაზ გამყრელიძე, ელდარ შენგელაია, ზურაბ ყვანია. ჩემი აზრით, გავა თამაზ

გამყრელიძე, მაგრამ სასურველია, რომ გავიდეს თედო პაატაშვილი.

თავდაცვის და უშიშროების კომისიის თავმჯდომარედ დაასახელეს მამუკა გიორგაძე, ვალერი ვაშაკიძე, ნოდარ ნათაძე, პანტელეიმონ გიორგაძე. ჩემი აზრით, გავა ნოდარ ნათაძე. სასურველია, რომ გავიდეს მამუკა გიორგაძე.

იურიდიული კომისიის თავმჯდომარედ დაასახელეს შალვა ნათელაშვილი, რობერტ ღარიბაშვილი, ვახტანგ ხმალაძე. პირველად გამოვიდა შალვა ნათელაშვილი. ძალზე კარგი შთაბეჭდილება დატოვა. ჩემი აზრით, გავა ხმალაძე. ძალზე დიდი სიმპათია დამსახურა შალვა ნათელაშვილმა. შემეცვალა აზრი. ალბათ, გავა ნათელაშვილი.

ეკონომიკური კომისიის თავმჯდომარეებად დაასახელეს: ვალერიან ადვაძე, მურთაზ ზანკალიანი (მოსხნა კანდიდატურა), მევლუდ ნიკლაური (მოსხნა კანდიდატურა), ჭინჭარაული, ზურაბ ანდრიაძე, ჩემი აზრით, გავა ვალერიან ადვაძე.

საფინანსო-საბიუჯეტო კომისიის თავმჯდომარეებად დაასახელეს თემურ ბასილია (ტრადიციონალისტთა პარტია), მიხეილ ჯობუტი (ეროვნულ-დემოკრატიული პარტია). მათი გამოსვლები ვერ მოვისმინე.

განათლების და მეცნიერების კომისიის თავმჯდომარეებად დაასახელეს: კოტე გაბაშვილი, რომან მიმინოშვილი. ნესით, კოტე უფრო კარგად იმუშავებს, განსაკუთრებით განათლების სისტემაში, მაგრამ რომან მიმინოშვილს გაიყვანენ.

კულტურის კომისიის თავმჯდომარედ დაასახელეს: ელდარ შენგელაია.

ჯანმრთელობის კომისიის თავმჯდომარეებად დაასახელეს: თენგიზ გაზდელიანი, ზურაბ მურვანიძე (მოსხნა კანდიდატურა), მალხაზ დვალაშვილი. ჩემი აზრით, გავა თენგიზ გაზდელიანი.

სოფლის მეურნეობის კომისიის თავმჯდომარეებად დაასახელეს: გივი აბალაქი (მოსხნა კანდიდატურა), ნუგზარ ნადარაია,

პაატა კოლუაშვილი (მოსხნა კანდიდატურა), როინ ლიპარტელიანი, სერგი რუხაძე. ჩემი აზრით, გავა ნუგზარ ნადარაია.

მრეწველობის და მშენებლობის კომისიის თავმჯდომარედ დაასახელეს: გელა ქვლიფიძე, ნიკო ლეკიშვილი, არჩილ იოსელიანი, კონსტანტინე სალია, ჯიმშერ ციციშვილი. ჩემი აზრით, გავა ნიკო ლეკიშვილი.

ადამიანის უფლებებსა და ეროვნულ უმცირესობათა დაცვის კომისიის თავმჯდომარეებად დაასახელეს: ზურაბ გოგია, ფისო კორძაძე, გელა ნიკოლეიშვილი, ვახტანგ ძაბირაძე, ჩიტლოვი, ნიკო ჭავჭავაძე (მოსხნა კანდიდატურა). ჩემი აზრით, გავა ვახტანგ ძაბირაძე.

სოციალურ საქმეთა კომისიის თავმჯდომარეებად დაასახელეს: ვიქტორ ლორთქიფანიძე, თემურ მგელიაშვილი, ზურაბ მურვანიძე, ზაზა სიხარულიძე, ფრიდონ საყვარელიძე.

მართლწესრიგის და კანონიერების კომისიის თავმჯდომარეებად დაასახელეს: ვაჟა ადამია, ნოდარ გიორგაძე, კობახიძე ალექსი (მოსხნა კანდიდატურა), გივი ლომუანიძე (მოსხნა კანდიდატურა), გივი ლომინაძე (არ მოხსნა კანდიდატურა). ნესით, გივი ლომინაძეს უნდა მოეხსნა კანდიდატურა, რადგან მას იმდენი პრობლემები დარჩა აფხაზეთში და ის იქ იმდენად საჭიროა, რომ ჯობდა მოეხსნა. ნესით, ვაჟა ადამიას ეკუთვნის, მაგრამ გავა ნოდარ გიორგაძე.

ტურიზმის და სპორტის კომისიის თავმჯდომარეებად დაასახელეს: ვახტანგ მუსკელიანი, ბეჟან ზურციძე, რეზო ადამია. ჩემი აზრით, გავა რეზო ადამია.

ადგილობრივი მმართველობის ორგანოების კომისიის თავმჯდომარეებად დაასახელეს თემურ ყორჯოლიანი, როსტომ დოლიძე, ირაკლი ქადაგიშვილი, ირაკლი შენგელაია, ნიაზ ჯეირანაშვილი. აქ ძნელი გადასაწყვეტია, მაგრამ მისაღებად მივჩვენებთ თემურ ყორჯოლიანს.



დღეს დეკანატიში ვიჯექი. შემოვიდა სამი ახალგაზრდა, ეტყობოდათ, ნაომარი ბიჭები იყვნენ. მათ მითხრეს: გია ყარყარაშვილმა გამოგვგზავნა, გთხოვთ, რომ 12 საათზე პროფესორ-მასწავლებლები და გოჩას კურსელები მიხვიდეთ გოჩას ორმოცზე.

ღამით, 10 საათზე ტელევიზიამ გადაცემა მიუძღვნა გოჩა ყარყარაშვილის ხსოვნას. ეუყურებ სანყალ გოჩას, რომელიც 27 წლის ასაკში ცოცხალი აღარ არის და რომელსაც დიპლომის აღებაც არ ეღირსა. იგი მეექვსე კურსზე იყო. ცრემლები მომდის. მახსენდება, როგორ მოვიდა გოჩა იანვარში. მაშინ ახალი დამთავრებული იყო ბრძოლები რუსთაველზე. გოჩა ხელში იყო დაჭრილი (თუ არ ვცდებარ, გეკოს ტყვიით). მე დავეხმარე, რომ ჩაებარებინა გამოცდა გურანდა ჭოხოზენიძისთან. გურანდა გოჩას ნიშანს არ უნერდა იმის გამო, რომ თვითონ ზვიადის მომხრე იყო. ერთ თანამშრომელს, რომელმაც არ იცოდა, რომ გურანდა ზვიადისტი იყო, მისთვის ტრაბახით უთქვამს: ეს იცით რა ვაჟკაციაო, მან და მისმა ძმამ მთავრობის სახლი აიღესო. გურანდამ რომ გაიგო. მისი სათაყვანებელი ზვიადი ამან გააგდოო, ღამის ქუჩაზე გადავიდა. იძულებული გავხდი გურანდა მომეტყუებინა, რომ გოჩა მიმყვებოდა იმ ბანდიტების შესაპყრობად, რომლებიც ახალი შემოსულები იყვნენ ჩემს ბინაში. გურანდა იძულებული გახდა დაენერა ნიშანი.

ეკითხულობ გავ. „ივერია-ექსპრესს“, სადაც დაბეჭდილია ინტერვიუ ვალერი გაბელაისთან. იგი მარნეულის პრეფექტი იყო, მერე ჩხორონყუში იყო წასული, არის ზვიად გამსახურდიას აქტიური მომხრე. ამჟამად მეთაურობს ქართველების ევაკუაციას გუდაუთიდან თბილისში და კარგ საქმეს აკეთებს. ამიტომ არ შეიძლება ქართველი კაცი მოვიძულოთ იმის გამო, რომ ის გამსახურდიას მომხრეა. ვალერი გაბელიამ

აღნიშნა, რომ ვახტანგ ქობალიას საკმაოდ მკაცრად უთქვამს არძინბასთვის: „თუ ჩვენი ქვეყნის წინააღმდეგ აგრესიას არ შეწყვეტ, საქმე გექნება ერთ მუშტად შეკრულ გაერთიანებულ საქართველოს სამხედრო ფორმირებებთან“. მე სპეციალურად მოვიყვანე ეს ციტატა. ამ დროს სიგუა ავრცელებს ინფორმაციას ზუგდიდში გამართული მიტინგის შესახებ, მაგრამ მე უკვე არ მჯერა ასეთი ჭორების.

ეკითხულობ გავ. „7 დღე“. ირინა სარიშვილმა დაადანაშაულა სიგუა, იმაში, რომ ის დესტაბილიზაციის ფაქტორი იყო სახელმწიფო საბჭოში. ირინა წერს, რომ სიგუამ გაყიდა სანარშობები. ბოლოს ირინამ აღნიშნა, რომ ქვილითაის, ჯინჯიხაძეს და ნოდარ კაკულიას მორალური უფლება არა აქვთ იყენენ თანამდებობაზე. დღეს საღამოს „მომამბეში“ აღნიშნეს, რომ ამ სამმა პიროვნებამ უჩივლა ირინა სარიშვილს ვახტანგ რაზმაქესთან. მართლაც, ნაშუი არა აქვთ, რა სინდისით ჩივიან? ჯობია გაჩუმდნენ და უმტკივნეულოდ წავიდნენ, ვიდრე არ შეუტრიალდებთ საქმე. თუ ისინი სიგუამ წარადგინა, პარლამენტმა დაამტკიცა და შევარდნაძემ დანიშნა, მაშინ არაფერ კარგს არ უნდა ველოდეთ. ასეთი კადრებით ახალ საქართველოს ვერ ავაშენებთ. პარლამენტში მოხდა კომისიების თავმჯდომარეების არჩევა. ახლა მინდა შევადარო, გამოვიცანი თუ არა.

1. საგარეო ურთიერთობების თამაზ გამყრელიძე (გამოვიცანი).
2. თავდაცვის და უშიშროების ნოდარ ნათაძე (გამოვიცანი).
3. იურიდიული კომისიის - შალვა ნათელაშვილი (გამოვიცანი).
4. ეკონომიკის საკითხთა კომისიის - ვლერიან ადვაძე (გამოვიცანი).
5. გარემოს დაცვის - ნოლაიდელი (არ ვიცოდი ასეთი კომისია თუ იყო, ეტყობა გამომრჩა).

6. ხელისუფლების ცენტრალურ და ადგილობრივ ორგანოთა რეფორმების კომისიის — ირაკლი შენგელაია (შევეციდი, მე მეგონა იქნებოდა თემურ ყორყოლიანი).
7. განათლებისა და მეცნიერების კომისიის — კოტე გაბაშვილი (მას ნამდვილად ეკუთვნოდა, მაგრამ მეგონა რომ გაიყვანდნენ რომან მიმინოშვილს).
8. კულტურის კომისიის — ელდარ შენგელაია.
9. ჯანმრთელობის დაცვის კომისიის — თენგიზ გაზდელიანი (გამოვიცანი).
10. მრეწველობის და მშენებლობის კომისიის — ნიკო ლეკიშვილი (გამოვიცანი).
11. ადამიანთა და ეროვნულ უმცირესობათა უფლებების დაცვის კომისიის — გიგა ლორთქიფანიძე (სულ არ ვიცოდი, თუ იგი მონაწილეობდა. უფრო ეკუთვნოდა ვახტანგ ძაბირაძეს).
12. სოციალური საკითხების კომისიის — ზაზა სიხარულიძე (შევეციდი, მეგონა გავიდოდა ფრიდონ საყვარელიძე)
13. მართლწესრიგის და კანონიერების კომისიის — ვაჟა ადამია (ნამდვილად ეკუთვნოდა, მაგრამ მეგონა გაიყვანდნენ ნოდარ გიორგაძეს).
14. სპორტის და ტურიზმის კომისიის — ბეჟან ხურციძე (არ ვიცნობ).

## 15 ნოემბერი

გუშინ ვიყავით გოჩა ყარყარაშვილის ორმოცზე: მე, კარლო მეშველიანი და ავთო წერეთელი. გავედით საფლავზე პატარა ლილოში. გია ყარყარაშვილი მოვიდა და გეტხოვა სუფრაზე წავსულიყავით. ეზოში დიდი სეფა იყო გაშლილი. გაიბ ჩვენ სამივე სახლში შეგვიყვანა. თამადა იყო თენგიზ კიტოვანი. იქ იყვნენ რომან გვენცაძე, ჯონი ქარჩავა (იმერეთის რწმუნებული), გენერალი გივი ლომინაძე და სხვები. თენგიზ კიტოვან-

მა გია ყარყარაშვილის დღეგრძელობის დროს აღნიშნა, რომ გია მათი გაზრდილია და როცა თავად წავიდა გვარდიის სარდლის თანამდებობიდან სარდლობა გადააბარა გიას. თენგიზ კიტოვანმა გია ძალიან თბილად მოიხსენია.

სალამოს ვკითხულობ გაზ. „რეზონანს“ (11 ნოემბერი). გამოქვეყნებულია მასალა შევარდნაძის სოხუმში ჩასვლის შესახებ, სადაც ის სოხუმის მოსახლეობას შეხვდა. სოხუმში ჩასულ შევარდნაძეს შალვა წულიყისკრმა უთხრა, რომ ამჟამად სოხუმის მოსახლეობა ქალაქს ტოვებს არა იმდენად აფხაზთა და ჩრდილოეთ კავკასიელთა, არამედ გვარდიის და გვარდიელების შიშით. აფხაზეთის შინაგან საქმეთა მინისტრმა გივი ლომინაძემ განაცხადა: რომ არაა გამორიცხული შეიარაღებული შეტაკება სოხუმის მილიციასა და გვარდიას შორის. ასეთი ინციდენტი წინა დღით მომხდარა. შევარდნაძემ განაცხადა — „მე ან მოკვდები, ან ერთიან არმიას შეექმნი“.

ახლა ტელევიზიამ გადმოსცა, რომ კაკაბეთის ქუჩას ეწოდა გოჩა ყარყარაშვილის სახელი (გოჩა ამ ქუჩაზე ცხოვროდა).

გადაცემა „სალამო მშვიდობისა“. ინტერვიუ ირინა სარიშვილთან. ირინამ აღნიშნა, რომ ოთარ ქვილითაიას, ჯინჯიხაძეს და ნოდარ კაკულიას პროკურორთან კი არა, სასამართლოში უნდა ერივლათ. თუ მათ მოაცილებენ, სიგუა აღარ არის საშუალო. ირინამ განაცხადა: ხალხი იმიტომ მოვიდა არჩევნებზე, რომ მთავრობა შეეცვალა, მე არ მინდა, რომ ჩემი ამომრჩეველი მოვატყუო.

ინტერვიუ ირინა სარიშვილთან.

კორ.: თქვენმა პარტიამ და ქარტია-91-მა გამოხატეთ თქვენი პოზიცია, თქვენი არცერთი წარმომადგენელი არ აირჩიეს კომისიის თავმჯდომარედ.

ი. სარიშვილი: მართალი ხართ, როდესაც საბიუჯეტო კომისიაში კენჭს იყრიდნენ ტრადიციონალისტთა და ეროვნულ-

დემოკრატიული პარტიების წარმომადგენლები იქ სახელმწიფო ბანკის წარმომადგენელი ბასლია გავიდა. ის ნოდარ კაკულიასთან და ოთარ ქვილითაიასთან არის ახლოს.

კორ.: თქვენ არ გეშინიათ?

ი. სარიშვილი: გუშინ ნოდარ კაკულიას მოთხოვნით შევიდნენ იმ ბანკში, სადაც არის ჩვენი ანგარიში და აიღეს სია, ვინ გვირიცხავს ფულს. მე მოვითხოვ პირდაპირ ეთერში მათთან ერთად გამოსვლას.

კორ.: მინდა გკითხოთ, არ დაილაღეთ?

ი. სარიშვილი: კი დავილაღე, მაგრამ ახლა დასვენება არ შეიძლება.

ინტერვიუ ოთარ ქვილითაიასთან.

კორ.: ალბათ ხედებით, რატომ მოხვედით?

ო. ქვილითაია: პოლიტიკური მოღვაწე არა ვარ და პოლიტიკურ ინტრიგებში ნუ ჩაბრევთ.

კორ.: მაშინ, რატომ აღძრით საქმე?

ო. ქვილითაია: მე საქმე აღვძარი როგორც სამეურნეო მუშაკმა. არცერთი ობიექტი არ არის გაყიდული. რაც შეეხება ბანკს, ის მინისტრთა საბჭოს შემადგენლობაში არ შედის და პარლამენტს ემორჩილება.

კორ.: ირინა მოითხოვს, რომ ტელევიზიით იყოს პირდაპირი ეთერი თქვენი მონაწილეობით.

ო. ქვილითაია: ჩვენ პირდაპირი ეთერით გამოსვლაზე თანახმა ვართ.

კორ.: ირინამ სერიოზული ბრალდება წაგიყენათ, რომ ფაქტობრივად პრემიერ-მინისტრი იყო ქვილითაია.

ო. ქვილითაია: მე რომ მცოდნოდა, რომ თქვენ აიღეთ ინტერვიუ ირინასთან, მაშინ არ გიპასუხებდით. თქვენ, როგორც ქალს, მიკერძოება გახასიათებთ.

კორ.: თქვენ არ მიპასუხებთ კითხვაზე: იყავით თუ არა ნამდვილად პრემიერ-მინისტრი?

ო. ქვილითაია: ეს ბინძური პოლიტიკის გამოვლინებაა. სიგუა ისე მყარად დგას, რომ მას შეცვლა არ სჭირდება. მე ბუნებით კარიერისტი არ ვარ.

## 16 ნოემბერი

დღეს ტელევიზიით ვუსმენ გოგა ხაინდრაავას, რომელმაც გაგარის ტრაგედიის შესახებ ისაუბრა: იქ ჯარები თევზახევი იდგნენ და არცერთი სანგარი არ იყო გათხრილი, გვეგონა აფხაზეთში 100 ტანკით შემოედით და ყველაფერი დამთავრდა.

ბადრი ფიცხელანი: უნესრიგოდ ვიქცეოდით აფხაზეთში, დაზვერვა არ იყო ფაქტობრივად.

გ. ხაინდრავა: ქართველ კაცს ვაყვაცობა არ აკლია, მაგრამ ჩვენი ჯარი არმიას კი არა, უფრო ბოშათა ბანაკს ჰგავდა.

ნუგზარ ჟღენტა: როგორ შეიძლება ქალაქს ტოვებდე და არ იფიქრო ვის ტოვებ იქ. იმისი შნოც არ ჰქონდით, რომ მოსახლეობის უკან დახევა დაეცვათ, ჯერ ისინი გაგვეშვა და მერე დაგვეხია უკან. ურთიერთობა გაგრაში მოსახლეობასა და ჯარს შორის დისტანციური იყო.

## 19 ნოემბერი

გუშინინ, დახურულ სხდომაზე, განიხილეს აფხაზეთის საკითხი. ვერავითარი გადაწყვეტილება ვერ მიიღეს.

საოცარი ამბები ხდება აფხაზეთში. როგორ შეიძლება ამ არმიით შესვლა აფხაზეთში დღეს ვკითხულობ გზ. „7 დღეს“. თურმე, 3 ნოემბრის ბრძოლებში ისეთი არეულობა იყო, რომ მებრძოლების ძირითადი ნაწილი ზურგიდან არის მოკლული. სანაყალ ჩემ სტუდენტს, ბადრი ფანასაც, ეტყობა, ტყვია ზურგში აქვს მოხვედრილი. ჩვენმა ვერტიმფრენმა შემთხვევით ჩვენები დაბომბა.

ინტერვიუ ბორის კაკუბავასთან. იგი წერს, რომ დამნაშავეთა სამყაროს წარმომადგენელი დღეს პოლკოვნიკია, გუმინდელი ქუჩის ბიჭი კი — კაპიტანი, აფხაზეთში არ გვყავს ლეიტენანტი და სერჟანტი. თურმე, სოხუმელებს იარაღს არ აძლევენ. საოცარი ამბები ხდება! შევარდნაძე კი გამოდის და პარლამენტის სხდომაზე ამბობს, რომ ორი თვით საერთოდ გადასდონ თავდაცვის სამინისტროს საკითხი. არ ვიცი, შეიძლება ის მართალი იყოს, მაგრამ ხალხს აღარ შეუძლია ამდენი გაჭირვების ატანა. დღეს მითხრეს, რომ ბრძოლაში დაღუპულია ჭაბჭუა ამირეჯიბის ვაჟი, რომელიც ჩემი სტუდენტი იყო. ომში წასვლის წინ ენახე ირაკლი, ძალიან კარგი ბიჭი იყო.

## 20 ნოემბერი

ედუარდ შევარდნაძის ბრძანებით, სამხედრო მინისტრის პირველ მოადგილედ დანიშნა გენერალ-ლეიტენანტი კამკამიძე, რომელიც კარპატისპირეთის სამხედრო ოლქის სარდლის მოადგილედ მუშაობდა.

## 21 ნოემბერი

დღეს ტელევიზიით აჩვენებენ ირაკლი ამირეჯიბის სურათს. ცრემლები მომდის, რა ბიჭი დაიღუპა! როგორ შეიძლებოდა ასე მოუმზადებლად შესვლა აფხაზეთში. არ იყო ეს სწორი გადაწყვეტილება, ისევე როგორც ზვიად გამსახურდიას დროს მოუმზადებლად შევედით „სამხრეთ ოსეთში“.

ვკითხულობ ინტერვიუს ბორის კაკუბავასთან (ვაზ. „რესპუბლიკა“): სამხედრო ნაწილების შემოყვანამ ქართული მოსახლეობა თავიდან გაამხნევა, მაგრამ, მას შემდეგ, რაც ზოგ-ზოგმა ჩვენზე ქართველების ძარცვა-გლეჯას მიჰყო ხელი, რწმენა შეერყა. იმ ბიჭების გვერდით, რომლებიც საქარ-

თველოს სხვადასხვა კუთხიდან ჩამოვიდნენ სამშობლოს დასაცავად, ბევრი არაკაცია, არ მეგონა, თუ საქართველოში ამდენი ნარკომანი ცხოვრობდა. ჩვენს ჯარში მყოფთა ერთი ნაწილი დამნაშავეთა სამყაროს წარმომადგენელია. ჩვენდა სამწუხაროდ, ბევრი მათგანი ხელის მოთხოვისათვის „იბრძვის“. ვინც ნაღდად იცავს სამშობლოს, იღუპება კიდევ. აბსოლუტურად სწორია.

ბორის კაკუბავა მე პირველად ენახე გალში ზაზა კაკუბავას ქორწილში. ობიექტურად აფასებს ვითარებას. მართლა პატრონები იღუპებიან. ბორისი სწორად შენიშნავს, რომ ძირითადად ადგილობრივმა მოსახლეობამ უნდა გადაწყვიტოს საკითხი. ბორისმა აღნიშნა: მართალია, თენგიზ კიტოვანმა თქვა, რომ აფხაზეთის ქართველ მოსახლეობას ათასი ავტომატი გადავეცითო, მაგრამ ეს ავტომატები ისევე ჩამოსულბს ხვდათ წილად.

## 24 ნოემბერი

დღეს დაიწყო მინისტრთა კაბინეტის დამტკიცება. რომან გოცირიძე ვიცე-პრემიერად დაამტკიცეს. ვერ ვუყურე ფინანსთა მინისტრის დამტკიცებას.

შევესწარი საგარეო ეკონომიკური ვაჭრობის მინისტრის თანამდებობაზე იოსებ (სოსო) ცისკარიშვილის დამტკიცებას. ეს პიროვნება გამოჩნდა ერთ დროს, როდესაც იგი მეცნიერების და ტექნიკის კომიტეტის თავმჯდომარის მოადგილე იყო. მაშინ იგი გაათავისუფლეს იმისთვის, რომ ხელი შეუწყო ფილმ „მონანიების“ გავრცელებას; მერე მუშაობდა უნივერსიტეტში დოცენტად; შემდეგ იყო რუსთაველის საზოგადოების პასუხისმგებელი მდივანი; სიგუას დროს — საგარეო ურთიერთობის კომიტეტის თავმჯდომარე.

წოდარ ნათაძემ ძველი ამბავი გაიხსენა: როდესაც სსრკ კონსტიტუციის პუნქტებს

იხილავდნენ, დოკუმენტის შექმნაზე ორი დღე მუშაობდნენ, მეორე დღისთვის დარჩათ ერთი აბზაცი, რომელიც გააკეთა სოსო ცისკარიშვილმა.

კოტე გაბაშვილმა ძალზე უცნაური განმარტება მისცა: შემუშავებულ დოკუმენტს ხელი მოაწერა 60 ათასმა კაცმა. რა შუაში იყო ეს განცხადება? ხომ შეიძლება იმ დოკუმენტზე 200 ათასს მოეწერა ხელი. ირაკლი მელაშვილმა თქვა: აბსოლუტურად სწორი იყო ნოდარ ნათაძეო.

გიზო გელოვანმა მხარი დაუჭირა სოსო ცისკარიშვილს. ცისკარიშვილმა თქვა, კაკო ბაქრაძე გაგვცემთ პასუხსო. მისმა გამოსვლამ არ დატოვა კარგი შთაბეჭდილება.

ქენჭისყრის შედეგად სოსო ცისკარიშვილი ვერ გავიდა. მან დააგროვა 96 ხმა, სჭირდებოდა 112. პარლამენტის გადაწყვეტილება აბსოლუტურად სწორი იყო.

სახელმწიფო მართვის კომიტეტის თავმჯდომარედ ავთანდილ სილაგაძის კანდიდატურა დაასახელეს, რომელსაც კარგად ვიცნობ. ის იყო ეკონომიკის ფაკულტეტის დეკანი. ჩემი აზრით, გავა. მან 166 ხმა მიიღო, წინააღმდეგი იყო 9.

კონტროლის პალატის თავმჯდომარედ დეპუტატი რეზო შავიშვილი წარადგინეს. ჩემი აზრით, გავა; მიიღო 172 ხმა, წინააღმდეგი - 8. ვახტანგ გოგუაძემ სწორად შენიშნა: მე რა ექნა, ასეთი აქტიური დეპუტატები რომ დაეკარგეო.

საბაჟო კომიტეტის თავმჯდომარედ გავიდა ირაკლი ქადაგიშვილი; მიიღო 157 ხმა, წინააღმდეგი - 25.

ეროვნული ბანკის თავმჯდომარედ წარადგინეს დემურ დვალიშვილი. არ შეიძლება მისი დანიშვნა. ის იყო მახარაძის (ოზურგეთის) რაიკომის მდივანი, ყოფილი ფინანსთა მინისტრი, მაგრამ მას არ უმუშავია საბანკო სისტემაში. ჩემი აზრით, ვერ გავა. არ მომეწონა შევარდნაძის განცხადება, რომ იყო ახალგაზრდების კანდიდატურები, მაგრამ მათ კარგად არ ვიცნობთო. ეს არ

არის სწორი განცხადება. დეპლომირებული გავიდა; ხმა მისცა 151-მა, წინააღმდეგი - 23. ვიცე-პრემიერად დაამტკიცეს ზურაბ კერვალიშვილი, სანიწრო აკადემიის აკადემიკოსი, „აზტის“ დირექტორი. მას ჩააბარეს მრეწველობა, მშენებლობა და სხვ. კარგი კაცი ჩანს. 170 ხმა მიიღო, წინააღმდეგი იყო 7.

სათბობ-ენერგეტიკის მინისტრად არველაძე გავიდა (ინსტიტუტის დირექტორი). ტრანსპორტის მინისტრად წარადგინეს პროფ. მიხეილ გურგენიძე. კარგი კანდიდატურა ჩანს, ჩემი აზრით, გავა. გურგენიძემ მიიღო 157 ხმა, წინააღმდეგი იყო 14. არქიტექტურის და მშენებლობის მინისტრად წარადგინეს გურამ თევზაძე; ნამდვილად ეუთვნის, გავა (გავიდა).

კავშირგაბმულობის მინისტრად წარადგინეს ფრიდონ ინჯია. ჩემი აზრით, გავა; გავიდა 144 ხმით, წინააღმდეგი - 30.

ვიცე-პრემიერად წარადგინეს ავთანდილ მარგიაანი (სოფლის მეურნეობის დარგში). ჩემი აზრით, გავა. ძლივს გავიდა, მიიღო 117 ხმა, წინააღმდეგი - 54.

სოფლის მეურნეობის და კვების მრეწველობის მინისტრად წარადგინეს გიორგი კვესიტაძე, აკადემიკოსი, ინსტიტუტის დირექტორი. მართლაც კარგი პიროვნებაა; 161 მომხრე, 17 წინააღმდეგი.

ლტოლელითა და განსახლების კომიტეტის თავმჯდომარედ წარადგინეს ვალერიან ვაშაყიძე, ისტორიკოსი; გავა; მიიღო 175 ხმა, 8 - წინააღმდეგი.

სატყეო მეურნეობის კომიტეტის თავმჯდომარედ დაამტკიცეს აკად. გიგაური; 133 მომხრე, 16 - წინააღმდეგი.

## 25 ნოემბერი

1. განათლების მინისტრად წარადგინეს კოტე გაბაშვილი; გავა; გავიდა 138 ხმით.
2. კულტურის მინისტრად წარადგინეს დავით მალრაძე; გავა; გავიდა 145 ხმით.

3. ჯანმრთელობის მინისტრად წარადგინეს ირაკლი მენაღარიშვილი; გავა; გავი-და 167 ხმით.

4. მეცნიერების და ტექნიკის კომიტეტის თავმჯდომარედ წარადგინეს პროფ. ლევან ჯაფარიძე, სამთო-მექანიკის ინსტიტუტის დირექტორი; გავა; გავიდა 133 ხმით.

5. იუსტიციის მინისტრად წარადგინეს ძალიან კარგი იურისტი ჯონი ხეცურიანი; ვერ გავა, რადგან ზვიადის დროს იყო მინისტრი. დიასამიძე ეკითხება ხეცურიანს: თქვენ ძალიან იაქტიურად ბათუმში გამსახურდიასთან ერთად და აჭარას მოახეიეთ არასასურველი პროცენბა, კვლავ აპირებთ თუ არა ამ გზით სიარულს.

ჯონი ხეცურიანი: თქვენ ამახინჯებთ ფაქტებს. მე ვესწრებოდი იმიტომ, რომ კონსულტაცია გამენია, რადგან საკითხი ასე იდგა - კენჭისყრა ჩაეტარებინათ ფარული თუ ღია. მე ვუთხარი, რომ კონსტიტუცია უნდა შეიცვალოს.

ო. მელქაძე: თუ გაქვთ მორალური უფლება იყოთ მინისტრი, როდესაც მიიღეთ საარჩევნო კანონი აფხაზეთში.

გურამ მუჩაიძე: თავი შევიკავოთ ავტონომიური რესპუბლიკების ხელმძღვანელების ლანძღვისაგან. ჩვენი აზრით, ჯონი ხეცურიანი არის ნამდვილი პროფესიონალი იურისტი.

ხათასი: ხეცურიანი პარლამენტში, მახსოვს, მორიდებული იყო, მაგრამ შემდეგ დემუტატების საქმეებში ეროდა. ის პრეზიდენტის მუღლესთან ათანხმებდა კანდიდატურებს.

ალექსანდრე ბერიძემ მხარი დაუჭირა ხეცურიანის კანდიდატურას.

აკაკი ასათიანმა ძალზე დადებითად დაახასიათა ჯონი ხეცურიანის კანდიდატურა.

ნაკაშიძემ მხარი დაუჭირა, მაგრამ ძირითადად ილაპარაკა ასლან აბაშიძის არჩევნებზე.

იზა ორჯონიკიძე: შენიშვნები სწორი იყო.

რობერტ ლარიბაშვილი: გამიკვირდა, რომ იუსტიციის მინისტრად ეს პროცენბა წამოაყენეს. დღეს საქართველოს სჭირდება ძალიან პრინციპული კაცი, თვითონ თქვას უარი.

მამუკა გიორგაძე: მთავარი არის, რა შედეგები მოყვა მის მოღვაწეობას.

თამრიკო ჩხეიძე: არ შეიძლება იმაზე ლაპარაკი, თუ თავის დროზე ვინ რა თქვა, მთავარია, არას გააკეთებს (სწორი პოზიციაა, რადგან რაღაც არის უნაკლო).

მურვანიძემ ხაზი გაუსვა ხეცურიანის პროფესიონალიზმს.

თენგიზ კიტოვანმა განაცხადა: ხმა მივცეთ პროფესიონალიზმსო.

სიტყვა მოითხოვა შვეარდნაძემ. მან განაცხადა: ხეცურიანს ცოდებები ბევრი აქვს. ერთად ვმუშაობდით 8-9 თვის განმავლობაში. მას შეუძლია გადაწყვეტილებები შეასრულოს. შეიძლება ამ სიტყვამ გადაარჩინოს ხეცურიანი. თენგიზ ჩხეიძემ ფაქტობრივად გაიმეორა შვეარდნაძის სიტყვა.

ლუიზა შაკიაშვილი: მე თამრიკოს საპირისპირო აზრი მაქვს. როცა ქვეყანა კატასტროფის წინაშეა, ასე არ შეიძლება კანდიდატების განხილვა. იქნება ყველასთვის ერთად გვეყარა კენჭი. თქვენ, ბატონო შვეარდნაძე, ხშირად გითქვამთ, რომ აპარტიდული კანონი მიიღეს აფხაზეთშიო.

თამარ ჩხეიძე: მე ვგულისხმობდი, რომ საერთოდ ცოდვის მომენტი არ უნდა გამოვიყენოთ.

მერაბ ურიდია: შენიშვნა წინა პარლამენტს ეხება და არა იუსტიციის მინისტრს.

ჯონი ხეცურიანი: მე ვაკეთებდი იმას, რაც პატიოსან კაცს უნდა გაეკეთებინა. რაც შეეხება აფხაზეთის საარჩევნო კანონს, იყო ჯგუფი, რომელმაც მოამზადა ეს კანონი. მე არ მინდა ჩემს მასწავლებელზე ვილაპარაკო (საუბარია ლევან ალექსიძეზე - მ. ვ.). მე ამ კანონთან საერთო არაფერი მქონია.

ჯაბა იოსელიანი: მე თავს შევიკავებ კენჭისყრისაგან. სამართალდამცველებმა უნდა დაიცვან კანონი. ხშირად გვესმოდ

სიტყვა „კანონიერი მთავრობა“. როგორ შეიძლება პრეზიდენტის ინსტიტუტის დანებსა არჩევნების გარეშე, ხალხმა არ იცოდა, რა უფლებები ჰქონდა პრეზიდენტს.

**ივლიანე ხაინდრავა:** ყველა უკანონობის საფუძველი ყოფილა ჯონი ხეცურიანი, თითქოს 250 კაცი არაფერ შუაში არ არის. ცოტა ფართო ნრემ უნდა აიღოს ამაზე პასუხისმგებლობა.

**გივი ლომინაძე:** უზნეობა იქნებოდა, რომ არ მეთქვა. ჯონი ხეცურიანს აფხაზეთის კანონთან შეხება არ ჰქონია.

**ვლადარ შენგელაია:** ვიზიარებ ხაინდრავას პოზიციას, რომ მეტ-ნაკლებად ყველა ვეყავით დამნაშავე.

**ირაკლი წერეთელი:** შეგნებულად არ მინდოდა მეთქვა, რადგან კულისებში მიდის ჩურჩული, ჩაშვება. მოდი ვილაპარაკოთ პროფესიონალიზმზე. რაც გავიცანი ეს კაცი, შთაბეჭდილება შემექმნა, რომ, პროფესიული თვალსაზრისით, ღრმად არის თავის საქმეში ჩახედული. ჩვენ ისე ვილაპარაკობთ, თითქოს სახელმწიფოს მეთაური გვყავდეს დავით აღმაშენებელი. როცა დრო შეიცვლება, მაშინ ვნახოთ.

**გია კობახიძე:** აქ ჩვენ ვილაპარაკოთ, როგორი მინისტრი იქნება.

**თენგიზ სიგუა:** მთავარი საკანონმდებლო ორგანო იყო პარლამენტი.

**ვაჟა ადამია:** ვერ დავეთანხმები, რომ ხეცურიანს არ შეეძლო ეხელმძღვანელა მაშინ, როდესაც პრემიერ-მინისტრს მაგიდის ქვეშ ვეძებდი.

**თენგიზ სიგუა** რეპლიკას ესვრის: მოეშვიოთ მაგ სისულელებებს!

**ვაჟა ადამია:** მე არა ვარ მიჩვეული ასე მელაპარაკონ. მეც არ ვარ პროფესიონალი. პრეზიდენტი ამბობდა: კბილის ექიმიო და გენერალი გვინდაო. მაშინ ხეცურიანი იყო ერთადერთი კაცი, რომელიც ხმას იღებდა პირველი სამი თვის განმავლობაში. თქვენ ხმას არ იღებდით (თენგიზ სიგუამ რეპლიკა ისროლა: ერთი კანონი მიიღეს!). ვაჟა ადამიამ რამდენიმე კანონი დაასახელა. სიგუამ

უპასუხა: ეს იუსტიციის სამინისტრომ განიხილოსო. ვაჟა ადამიამ უთხრა: ეს სიცრუეა, რომელიც ბევრჯერ გითქვამთო.

**დ. ბერძენიშვილი:** მე არ მახსოვს აგვისტომდე სიგუას გამოსვლა და მახსოვს გაისამოსვლა ნათაძის შესახებ.

**მდგომარეობა დაიძაბა.** ვაჟა ადამია ითხოვს სიტყვას. კამათი სხვა კუთხით წავიდა. არავის არ უნდა დაესვა საკითხი მორალის შესახებ. არ არის საჭირო, ვინ რა გააკეთა ნინა პარლამენტში.

**ქენჭისყრის შედეგად** ჯ. ხეცურიანმა მიიღო 88 ხმა და ვერ გაივდა.

ოთხ საათზე დეპუტატებმა მოითხოვეს განმარტება მიეცა გელა გოდერძიშვილს, რა მოხდა საგარეჯოში. გოდერძიშვილმა განაცხადა რომ მანქანაში მჯდომი ექვსი შეიარაღებული ფორმიანი, რომლებიც აფხაზეთიდან დაბრუნდნენ, ცუდად მოქცა. მათ მოითხოვეს სანჯავი, არ მისცეს. საღამოს მობრუნდნენ, ბენზინის გამყიდველები იქ აღარ იყვნენ. მაღაზიაში სიგარეტი მოითხოვეს. მერე ააფეთქეს ხელყუმბარი, სამი კაცი დაიღუპა, მათ შორის ხუციშვილი ოთარი, რომელიც შემთხვევით იყო იქ. მანქანიდან შვიდობიან მოსახლეობას ესროლეს. ერთი მამასთან მივიდა, ესროლეს და მოკლეს. 15 წლის ბავშვს შეეყვნენ და დაცხრილეს, 10 ტყვია ესროლეს. ხალხმა ისინი სიცოცხლეს გამოასალმა. კახეთში მუხუნებთან: შვილო რა გინდათ, ვწრომობთ გვერა, გვეცევა, ამ დროს კი თქვენი ავტობატიანები ხალხს გვიხოცავენო. დღეს მილიცია უძღურია, მათი ბრალი არ არის, დაჭერილებს ხშირად აშვებინებენ. კახეთის გზა დაკეცილეთ. მილიციის უფროსები კარებში ელოდებიან ჩემს გამოსვლას. მაღე კახეთსაც არევენ.

საგარეო საქმეთა მინისტრის პოსტზე წარმოადგინეს ალექსანდრე ჩიკვაიძის კანდიდატურა. ის არ ეწერებოდა, რადგან ინგლისში იყო. რა თქმა უნდა, ვაჟა. ლექსანდრე ჩიკვაიძემ მიიღო 144 ხმა.

ინფორმაციის და სადაზვერვო ბიუროს თავმჯდომარედ წარმოადგინეს ირაკლი ბა-

თიაშვილის კანდიდატურა. კიტოვანმა განაცხადა, ბათიაშვილმა მშვენიერად მიხედა საქმესო. ირაკლი წერეთელმა დაადასტურა. ბათიაშვილმა მიიღო 151 ხმა.

რესპუბლიკის გენერალური პროკურორის პოსტზე წარმოადგინეს თედო ნინიძე. სულ ვფიქრობდი, რატომ არ არის ნინიძე იურიდიული კომისიის თავმჯდომარე. ამის შესახებ ვკითხე ლევან ალექსიძეს, რომელმაც მიპასუხა: დეპუტატი არ არისო; მერე გავიფიქრე, რომ იუსტიციის მინისტრი გახდება-მეთქი, ახლა კი გენერალურ პროკურორად წამოაყენეს. შევარდნაძეს უთქვამს, რატომ იუსტიციის მინისტრად არ წარმოადგინოთო. სწორი არ იყო შევარდნაძე. ნინიძე წამდვილად კარგი მინისტრი იქნებოდა.

იზა ორჯონიკიძემ სწორად შენიშნა: რა უნდა იქ, მკვლელები უშვებთო.

ლუიზა შაკიაშვილმაც განაცხადა, რომ სჯობდა ნინიძის იუსტიციის მინისტრად წარდგენა. 154 ხმით ნინიძე დაამტკიცეს გენერალურ პროკურორად.

შინაგან საქმეთა მინისტრად წარდგენილია თემურ ხაჩიშვილი. ის ბათიაშვილის პირველი მოადგილეა. მან თეატრალური ინსტიტუტი დაამთავრა, მაგრამ საქმოდ ვაუკაცი ბიჭი ჩანს. ღმერთმა ქნას, რომ გაამართლოს. დღეს ამ თანამდებობას დიდი მნიშვნელობა ენიჭება, რადგან საქართველოში უნდა დამყარდეს სიმშვიდე. მოხდა საოცარი ამბავი: ხაჩიშვილმა 108 ხმა მიიღო, დააკლდა ერთი ხმა. ამ დროს გიორგი ბარამიძეს გაუფუჭდა პულტი. მოვიდა ელდარ შენგელია, რომელიც მხარს უჭერს. ასევე მოვიდა კვარაცხელია, ისიც მხარს უჭერს; გავიდა.

## 27 ნოემბერი

წავიკითხე ინტერვიუ ლოთი ქობალიასთან (გაზ. „დრონი“ № 43). აქ აშკარად ჩანს, რომ სამეგრელოს რეგიონში დაიწყო შეტაკებები შეიარაღებულ ფორმირებებს შორის. 12

ნომბერს ზუგდიდში ააფეთქეს მილიციის შენობა, დაიღუპა 4, დაიჭრა 1 ლოთი ქობალიას რაზმიდან; ამ ინციდენტში დაადანაშაულა ჯაბა იოსელიანი და ჯემალ ქობალია, რომლებიც სენაკში შეხვედრიან ერთმანეთს; 40 წუთი უსაუბრობათ ერთი-ერთზე. „ჯემალი იგივე ჯაბაში“ არისო — თქვა ლოთი ქობალიამ. მან აგრეთვე თქვა, რომ ჯეჯულაელების და ნაროუშვილის წინააღმდეგ ყველა ჩემს გვერდით არისო.

კითხვა: როგორია თქვენი დამოკიდებულება აფხაზეთის ომისადმი?

პასუხი: რაც მთხოვეს, თითქმის ყველაფერი გავაკეთე, მინდოდა ქართველ ერს რამეში გამოვდგომოდი. მთავრობის ჯარებს სოხუმისკენ გზა გავუხსენი. მე თვითონ გაგიძღვებით-მეთქი, თუ ვინმე სროლას გაბედავდა, ტყვია პირველად ჩემგან მოხვედებოდა შუბლში. სამეგრელოს მობილიზაცია გამოეაცხადა, მოქმედი გვარდიის გარდა 15 ათასი კაცის გამოყვანას და ბატალიონების შექმნას ვაპირებდი. კიტოვანმა თავისი სიტყვა უკან წაიღო. ამას გარდა, ჩემი წასვლის შემდეგ უსაფრთხოების გარანტია არავინ მომცა, მწარე გაკვეთილიც ჩამიტარეს. ჩვენი შეთანხმების შემდეგ 20 კაცი დააპატიმრეს. რისი იმედი უნდა გქონოდა? არც იმას გამოვრიცხავდი, რომ ფრონტზე წასულს, სოხუმში დამარტყამდნენ.

კითხვა: თქვენ ბრალად გედებათ კატეგორიული მოთხოვნა აფხაზეთიდან ქართული შენაერთების გამოყვანის თაობაზე.

პასუხი: მე ვგულისხმობდი კრიმინალების გამოყვანას, ვინც ქურდობს, საბედორობს, ქართველი ჯარისკაცის სახელს რომ არცხვენს. ასეთი ხალხი ეროვნულ არმიაში არ უნდა მსახურობდეს.

ვერ გავიგე, ლოთი ქობალიას რაში დებენ ბრალს? სწორია ლოთი, როცა ამბობს: ის ხალხი, ე. წ. „მებრძოლები“, რომლებიც თავიანთ ხალხს ძარცვავენ, მარტო გამოსავანი კი არ არის, არამედ დასასჯელია. ამ კაცს აქვს თავისი შეხედულებები. მართალია, ის ისევ ფიქრობს გამსახურდიაზე, მაგრამ, რას იზამ, მას ასე სწამს.



დღეს „რეზონანსში“ ნავიკითხე, რომ ჯეშალი ქობალია 24 ნოემბერს ბრძოლებში მონაწილეობდა ოჩამჩირე-ტყეარჩელის მიმართულებით.

## 28 ნოემბერი

პირადულზე არ ვნერ ხოლმე, მაგრამ დღეს მინდა ჩაენერო. გუშინ ძალიან ცუდად ვიყავი, არ მეგონა, თუ კიდევ გავეაგრძელებდი წერას. დღეს თუ აქტიური არა ვარ და შემატანე გავხდი, გამოწვეულია იმით, რომ ახალგაზრდობაში ბევრი დავიდარაბა გადამხდომია თავს. მოუსვენარი ვიყავი, პატარაობიდანვე სულ ცემა-ტყეპაში გავიზარდე, შიშის გრძნობა არ მქონია. არაერთხელ ყოფილა შემთხვევა სიკვდილისთვის ჩამიხედა თვალეებში. იყო შემთხვევა, როცა დანა დამარტყეს, დანა გულთან გაჩერდა, მაინც მოვასწარი აცილება. ერთხელ რკინის ძელის თავში ჩარტყმისგან რამდენიმე საათით გათიშული ვიყავი და მკედარი ვგონებოვართ. კაციც დამიჭრია (მკლავში). სასაცილო ის არის, რომ ეს კაცი ამჟამად პარლამენტის წევრია და დღეს მეგობრებიც არაა. ბევრი რამ მქონდა ცხოვრებაში გადატანილი, მაგრამ, როდესაც მაია შემიყვარდა და შეექმენით ოჯახი, გვეყოლა ორი კარგი ბიჭი (უფროსი მერვე, უმცროსი მესამე კლასში), მას შემდეგ სულ ამათ დავტრიალებ. ბედნიერი ვარ ოჯახში, სულ იმას ვფიქრობ: ოლონდ ჩემს შვილებს ეღირსოთ ცხოვრება ბედნიერ საქართველოში, ჯანდაბას ჩემი თავი! ჩემმა თაობამ ყველაფერი გადაიტანა და ამასაც გადავიტანთ. ვცხოვრობ ჩემი ოჯახის გამო. დიდი გაჭირვება, ცხოვრება არ ძალზე ჭირს. მთელი დღე ვშუპობ, ვარ დოცენტი, თსუ ისტორიის ფაკულტეტის დეკანის მოადგილე, ამავე დროს ვარ დეკანის მოადგილე პარშენ მარგველაშვილთან და დეკანი კომერციულ ინსტიტუტში, ჯეშალ აფციაურთან, ვამზადებ კერძოდ აბიტურიენტებს. ვუძლებ იმის გამო, რომ არ მინდა ჩემი პატარები

მივატოვო ამ გაჭირვებაში, არ მინდა ნარკომანი ქართველები გაიზარდონ, მინდა, რომ თავიანთ თავს და საქართველოს გამოადგინონ.

ნეტავი დამანახა დანყნარებული ევროპული საქართველო და ამ საქართველოში გაზრდილი ჩემი ბუნძაცები, მაშინ ჩემთვის სიკვდილიც ბედნიერება იქნება. შეიძლება ვინმემ იფიქროს: შე კაი კაცო, ბანდიტურ-ყაჩაღურ საქართველოში იცხოვრე და არ გინდოდა სიკვდილი, რაღა სიამოვნება უნდა მოგანიჭოს სიკვდილმა, როცა ევროპულ და ბედნიერ საქართველოში იცხოვრებო? საქმე ისაა, რომ ჩემნაირი კაცი დიდხანს არ უნდა ამყოფო ასეთ ცხოვრებაში, რადგან მიხედვება, თუ რა არის კარგი ცხოვრება და მამონ მისთვის საშინელება გახდება სიკვდილის შიში. მე ისევ ვეფიქრობ: რომ არა ჩემი შვილები დღესვე ავიფუთქებდი თავს, ოლონდ თან ნავიყვანდი იმ ქვეყანად რამდენიმე უჯიშო, გამყიდველ და, რაც მთავარია, კაცი-სიკვდილ ქართველად, რათა მათ ნაშვირს ჩემი შვილები არ შეეწუხებინათ.

ეკითხულობ გოგა ხაინდრავას ინტერვიუს, რომელიც გამოქვეყნდა გაზ. „დრონში“ (47). ცოტა ხნით ადრე იყო გოგას ძმის, ივლიანის ინტერვიუ, სადაც ის ამბობს, რომ გოგას ნინაალმდეგ შეთქმულება მზადდებო. მაშინაც გაეფიქრე, რომ არ იყო საქარო პრესაში ამის დანერა და მით უმეტეს დღეს სათაურით – „შეთქმულება გიორგი ხაინდრავას ნინაალმდეგ ჩაიფუშა“. რა საქაროა აქ თამაზ ნადარეიშვილის და ბორის კაკუბავას მოხსენიება, რომლებიც ნლების განმავლობაში იბრძვიან აფხაზეთში ქართველების დასაცავად, მით უმეტეს ბორის კაკუბავა. მათ შეთქმულება არ უნდათ. ისინი ყველაზე მძიმე მდგომარეობაში არიან. ისინი იქაურ ქართველებს დაპირდნენ, რომ ამჟამინდელი ხელისუფლება მათ გვერდით იქნებოდა და რომ ისინი არ დაიჩაგრებოდნენ, როგორც იჩაგრებოდნენ ნლების განმავლობაში აფხაზი ექსტრემისტებისაგან. იქაურ ქართველობას იმედი მიეცა, მაგრამ დაეტოვეთ გაგრა, ლესელიძე, განთიადი და გამოვე-

იქცით. მათ დაკარგეს ახლობლები, სახლი, და თავიანთ სამშობლოში ლტოლვილებად გადაიქცნენ. ამავე დროს მიმდინარეობს მაროდორობა. როგორი საქმეა, როცა დახმარებას ელოდები და ამის სანაცვლოდ გაძრცვავს შენივე ხალხი? რა ქნან ახლა ნადარეიშვილმა და კაკუბავამ, რა პასუხი გასცენ აფხაზეთის ქართველობას? მე მესმის გოცა ხაინდრავასი, რომ მას სიკეთის გაკეთება უნდა, თორემ, რატომ უნდა წვალობდეს იქ, სოხუმში, როდესაც შეიძლო აქ მჭდარიყო თბილად პარლამენტში. ამიტომ ორივე მხარე უნდა გაუფრთხილდეს ერთმანეთს. ეს ომი, საშწახაროდ, ქართველებისთვის არ გადაიქცა სამამულო ომად. ომი ძალიან არაპოპულარული გახდა მოსახლეობაში. თუ დროზე არ დავიბრუნეთ აფხაზეთი, კრახი გარდაუვალია. მე მემინია, ქართველები ერთმანეთს არ დაეჯახონ. როდესაც ადამიანს ესმარები, არ უნდა დაამადლო და, რაც მთავარია, არ შეიძლება გქონდეს ზიზი რომელიმე ხალხისადმი (ეგულისხმობ აფხაზებს - მ. ვ.), ცუდი და კარგი ყველა ხალხშია. 2-3 ოქტომბერს, როდესაც აიღეს გაგრა, იქ ბევრი ქართველი მეზობელმა აფხაზებმა გადაარჩინეს. სწორედ ამის შესახებ ვწერდი, როცა სამაჩაბლოში კონფლიქტი დაიწყო. რა შუაში იყო ოსი გლეხი, რომელიც მთელი ცხოვრება მიწაზე მუშაობს და არ ერევა პოლიტიკაში და მიანიც სახლს გადაუნვავე? დამნაშავე ხალხი კი არ არის, არამედ ხელისუფლება!

## 8 დეკემბერი

დღეს პარლამენტის სხდომაზე არაფერი იყო საინტერესო. სადამოს შვიდ საათზე სიტყვა მისცეს ირაკლი ნერეთელს, რომელიც რამდენიმე დღეა ითხოვდა სიტყვას. ირაკლიმ განაცხადა: დღეს ბევრი ვაჟკაცი იბრთვის აფხაზეთში, მაგრამ შეიარაღებულ ძალებში არის უდისციპლინობა და მათ არ უკავთ ერთიანი ხელმძღვანელობა, სწორედ

ამას მოჰყვა გაგრის დაცემა. გაუგებარია, რატომ შეჩერდნენ ჩვენი ჯარები ემერასთან, რატომ არ დავიკავეთ ოჩამჩირე, ტყვარჩელი... საბოლოოდ ირაკლიმ წარმოადგინა წინადადებები:

1. პარლამენტმა მიიღოს დადგენილება, რომ აფხაზეთში ომს ანარმობენ აფხაზი ექსტრემისტები, ასევე უცხო სახელმწიფოდან შემოსული ჯარები და რომ რუსეთი ანარმობს მცირე ომს საქართველოს წინააღმდეგ.

2. საქართველოს მთელ ტერიტორიაზე გამოცხადდეს საგანგებო წესები. პარლამენტმა უნდა მიიღოს დადგენილება გენერალური შტაბის შესახებ, ეს შტაბი უშუალოდ უნდა დაემორჩილოს მთავარსარდალს.

გარდა ამისა, ირაკლი ნერეთელმა წამოაყენა ასეთი წინადადებები: აიკრძალოს აფხაზეთიდან თვითნებურად წამოსვლა, აღრიცხოს იარაღი, საერთოდ ვიცოდე, რამდენი ჯარისკაცი გვყავს, ყველამ გაატაროს რეგისტრაციაში თავისი იარაღი.

ამჟამად ვუყურებ „სი-ენ-ენის“ გადაცემას. აჩვენებენ სომალის, სადაც უამრავი ხალხი შიმშილით იღუპება. სანყალი ბავშვები საცოდავ დღეში არიან, მარტო ძვალი და კანი აქვთ შერჩენილი. მახსენდება აკაკი ბაქრაძის წერილი, სადაც იყო საუბარი იმის შესახებ, რომ „სომალიზაცია“ შეიძლება საქართველოშიც მოხდეს. რაც შეეხება „ლიბანიზაციას“, რომლის შესახებაც საუბრობდა ბატონი აკაკი, მე ტრანზახით არ ვიტყვი, მაგრამ თემურ გვიმარაძეს ახსოვს, დიკანატს ში რამდენჯერ მითქვამს, რომ თბილისი შეიძლება ბეირუთს დაემსგავსოს-მეთქი. სომალიში რამდენიმე საშხედრო დაჯგუფებაა, რომლებიც საშუალებას არ აძლევენ ამერიკელებს, რომ დახმარება მიანოდონ მშიერ ხალხს. ამჟამად ამერიკელები ამზადებენ 26 ათას ჯარისკაცს, რათა სურსათი შეიტანონ სომალიში.

შევარდნაძე რომ არ იყოს ამჟამად საქართველოში, თავისუფლად შეიძლება იგივე ამბები განმეორდეს ჩვენშიც.

**1993 წელი**

---



17 იანვარს, საღამოს, მე, ანდრო ჭელიძე, ზურა თავყელიშვილი და ვოვა ბურჭულაძე შევედით დასალევად დაეითაშვილის ქუჩაზე ე. ნ. რესტორან „ტეინში“. ერთ ოთახში დაესხედით. იქ სულ ოთხი მაგიდაა. ერთ მაგიდასთან ქალი და მამაკაცი ისხდნენ. გარკვეული ხნის შემდეგ რაღაც ფაცაფუცი ატყდა. ოთახში შემოვიდა რამდენიმე მამაკაცი. მათ დაათვალიერეს, თუ ვინ იყო რესტორანში და გავიდნენ. რამდენიმე წუთის შემდეგ შემოვიდა ირაკლი ბათიაშვილი და საინფორმაციო-სადაზვერვო სამსახურის უფროსი ავთანდილ იოსელიანი, რომელიც ადრე აფხაზეთში მუშაობდა. ბოლოს შემოვიდა გია ყარყარაშვილი. ერთმანეთი გადაეკოცნეთ. ისინი ჩვენს პირდაპირ დასხდნენ მაგიდასთან. მათი დაცვის წევრები სხვა მაგიდასთან დასხდნენ. ჩვენი მაგიდები საკმაოდ ახლოს იყო ერთმანეთთან. როდესაც დაღუპულების სადღეგრძელო წარმოთქვეს, ჩვენც ფეხზე ავდექით. მე პირადად გიას ძმა სანყალი, გოჩა გავიხსენე. საუბარი საკმაოდ ხმამაღლა მიმდინარეობდა მათ სუფრაზე, მაგრამ ერთმანეთის მიმართ პატივისცემა შეიმჩნეოდა. ეტყობოდა, გია არ იყო კმაყოფილი პარლამენტით, გავიგონე მისი სიტყვები: ერთი გამომიყვანა პარლამენტშიო! მე რომ ეს შემომესმა, ვუთხარი: გურამ მუჩაიძემ ხომ გადმოგცა მოკითხვა-მეთქი. გიას გავიცინა და თქვა: ჯობია გურამმა თავისი შვილი გამოუშვას საბრძოლველადო. გავიგე ისიც, რომ უთანხმოება ჰქონდათ „შუდრიონთან“. შემდეგ გიამ იკითხა: ნუთუ საქართველოში არ მოიძებნება კაცი შვედრანდიის გარდაო? მერე ჩვენ მოგვმართა: რაც არ უნდა ვილაპარაკოთ, მაინც ამასთან მოვა ინფორმაციად და მიუთითა ირაკლიზე. ყველას სიცილი აგვიტყდა. ისინი დიდხანს არ გაჩერებულან, დამშვიდობებისას ისევ გადაეკოცნეთ ერთმანეთი და მე გიას ვუთხარი: გია, გენაცვალე, იცოდე, რომ უფროსი თაობა არაფრის გამკეთებელია, ჩემი თაო-

ბა ჯობია იმით, რომ უფროსი თაობებისაგან განსხვავებით, ხელს არ შეგიშლით, ისევ თქვენმა თაობამ უნდა გააკეთოს ყველაფერი.

გუშინ შვედრანდი ირანში გაფრინდა და დღეს დაბრუნდა. ხელი მოანერეს 17 დოკუმენტს.

მე დამავინყდა მთავარი – რატომ ხვდებოდნენ ირაკლი ბათიაშვილი და ავთანდილ იოსელიანი გია ყარყარაშვილს. 12 იანვარს ირინა სარიშვილმა განაცხადა, რომ შვენაზადაზე და თბილისის ზღვაზე გეარდიის ნაწილები განლაგდნენ. კიტოვანმა „იბერიასპექტრში“ უარყოფითად შეაფასა პარლამენტის მოღვაწეობა. მან განაცხადა, რომ მზადდება კომუნისტების რევაში ეროვნულ მოძრაობაზე და რომ კომუნისტებს მიეტმანა ეროვნული მოძრაობის ზოგიერთი წარმომადგენელი. ირინა სარიშვილმა თენგიზ კიტოვანს გადატრიალების მოწყობის მცდელობაში დასდო ბრალი და მისი განთავისუფლება მოითხოვა. უფრო ადრე ასეთივე განცხადება გააკეთა გიორგი ჭანტურიამ, რომელმაც განაცხადა, რომ 7 იანვარს უნდა მომხდარიყო გადატრიალება.

## 22 იანვარი

გაზეთ „7 დღეში“ დაიბეჭდა ინტერვიუ გია ყარყარაშვილთან. ამ ინტერვიუში გია უარს აცხადებს ბრიგადის მეთაურობაზე. მან განაცხადა, რომ ის დანიშნულიც არ ყოფილა ბრიგადის მეთაურად. დათო აფციაურის ოჯახური პირობების გამო ბრიგადის მეთაურობიდან განთავისუფლების შემდეგ სათავეში ჩაუდგა ბატალიონს და ამის შემდეგ სულ მათ აბრალებდნენ, თუ სადმე საქმე მარცხით მთავრდებოდა. ეკრძოდ, გენერალი კამკამიძე მას ბრალს სდებდა იმაში, რომ ჩამალა ტყვარჩელის ალება, ასევე დივიზია „თბილისელის“ ხალხი რომ დაიღუპა, ისიც, თურმე, მათი ბრალი ყოფილა. მოკლედ, გია ყარყარაშვილს აღარ შეეძლო ჯარისკაცები-

სთვის თვალბეჭე შეეხება. საჭირო არ იყო რუსი გენერლების (კამკამიძის - ავტ.) ჩამოყვანა. რაც შეეხება თენგიზ კიტოვანს, მას უფლება არა აქვს ხელმოკრედ მოახდინოს გადატრიალება, გადატრიალების შემდეგ მან სათავეში ისევ კომუნისტები მოიყვანა.

ჩემი აზრით, საქართველოს დღევანდელი ხელმძღვანელობის დიდი შეცდომაა გიასადმი ასეთი დამოკიდებულება. გენერალ გია ყარყარაშვილის სწამთ ნამდვილ მეომრებს. გია განასახიერებს ახალგაზრდა რესპუბლიკის ახალი ტიპის გენერალს, მაგრამ შევარდნაძეს და სხვებს ისევ ძველი ტიპის გენერლების იმედი აქვთ. ნუთუ მათ დააიწყდათ ისტორია? ცნობილია, რომ საფრანგეთის დიდი რევოლუციის ეპოქაში ხალხის ნიალიდან გამოსული უზრალო წარმომავლის სრულიად ახალგაზრდა გენერლები, რომლებსაც არ ჰქონდათ დიდი სამხედრო განათლება, ამარცხებდნენ ავსტრიის ცნობილ ფელდმარშლებს. გია არ არის ის მორჩილი პიროვნება, როგორც უნდა, რომ ჰყავდეს დღევანდელ ხელისუფლებას. ხელისუფლებას არ ესმის, რომ ის მათი ყურმოჭრილი ყმა არასოდეს გახდება, მაშინ ის აღარ იქნებოდა გია ყარყარაშვილი!

## 23 იანვარი

დღეს „მოამბეში“ გამომოსცეს ედუარდ შევარდნაძის განცხადება, რომელიც მან გააკეთა უშიშროების საბჭოში. გუმინ, 14 საათზე და 30 წუთზე, 50 შეიარაღებული პირი თავს დაესხა რუსეთის მესაზღვრეთა ნაწილს. 2 რუსი ჯარისკაცი მოუკლავთ და 70 ცალი ავტომატური იარაღი გაუტაციათ.

დღეს რუსეთის დელეგაციასთან დაიწყო მოლაპარაკება (ყველაფერი ამიტომ მოხდა). ძალზე ცუდი ფაქტია, ნეტავ ამას არ მოჰყვებს შეიარაღებული კონფრონტაცია და ნეტავ გიას ხალხი არ იყო ამაში გარეული!

23 იანვარს შეიკრიბა 35 პოლიტიკური პარტია, რომლებმაც განაცხადეს, რომ

„აუცილებლად მიაჩნიათ“ ეროვნულ-განმათავისუფლებელი მოძრაობის ახალი ეტაპის დაწყება, ვინაიდან აშკარაა, რომ საქართველოს დღევანდელი ხელისუფლების უმაღლესი ემელონები, უმეტესწილად, დაკომპლექტებულია პრორუსული და პროკომუნისტური ძალებით, რომელთაც არ სურთ რუსეთის აგრესიის აღკვეთა და ჩვენი ქვეყნის სრული განთავისუფლება. შეიქმნა საქართველოს ეროვნულ-განმათავისუფლებელი მოძრაობის სათათბირო. დადგინდება ხელს ანერენ: სახალხო ფრონტი, მწვანეები, ეროვნულ-დემოკრატიები და სხვ.

გუმინ ედუარდ შევარდნაძე შეხვდა სტუდენტებს. მე ადრე ვთქვი, რომ ხელისუფლება დაკარგავს სტუდენტობას.

## 3 თებერვალი

გუმინ მივეცი ინტერვიუ რადიოში, რომელიც გადასცეს საღამოს 9 საათზე. ინტერვიუში აღვნიშნე, რომ წინათ დღევანდელი ხელისუფლების დიდი იმედი მქონდა, მაგრამ ახლა ფაქტობრივად აღარა მქვს, რადგან აშკარა ხდება კომუნისტური წყობილების რესტავრაცია. ცხადია, XX საუკუნის 60-70-იანი წლის კადრებისაგან ბევრს არაფერს უნდა მოველოდეთ. ისინი მონობაში არიან გაზრდილნი და ისევ თანამდებობებს ბღალაუჭებიან. 50-55 წლის ადამიანებს ისაგან 10% თუ გამოდგება. ჩემი თაობა (40-45 წლის ასაკი) ნაკლებ მონობაში გაიზარდა, მაგრამ არც ამ თაობისაგან გამოვა რამე. ჩემი აზრით, ისევ 23-25 წლის ახალგაზრდები თუ გადაარჩენენ საქართველოს.

საქართველოს პარლამენტის შესახებ მინდა აღვნიშნო, რომ ნაწილობრივ მომწონს 11 ოქტომბრის ბლოკის ერთი ჯგუფი, ქარტია-91, ეროვნულ-დემოკრატიული პარტია, ტრადიციონალისტები და განსაკუთრებით მომწონს მერაბ კოსტავას საზოგადოება. არ მომწონს ბლოკი „მშვი-

დობა“. არც ის, რომ მაჟორიტარულ არჩევნებში გამარჯვებული დეპუტატები ელოდებიან, როდის დანიშნავენ მათ რაიონის გამგებლებად, ანუ ისევე რაიკომის მდივნობა უნდათ. ამიტომ სხედან ისინი ჩუმად პარლამენტში, ხმას არ იღებენ. მათ ნამუსი არა აქვთ. ნამუსი არა აქვთ ინტელიგენციის იმ წარმომადგენლებსაც, რომლებმაც ფაქტობრივად გაამართლეს ზვიად გამსახურდიას ნათქვამი, რომ ისინი ძირითადად თანამდებობებისთვის იბრძოდნენ. მე მახსენდება ისინი, ვინც უნივერსიტეტის ბაღში იკრიბებოდნენ ზვიად გამსახურდიას წინააღმდეგ. ამ აღმიანებისაგან ყველამ მიიღო თანამდებობა. არცერთმა მათგანმა არ განაცხადა, რომ მათ არ სჭირდებათ თანამდებობა და რომ ისინი, როგორც ადრე ამბობდნენ, იბრძოდნენ მხოლოდ ზვიად გამსახურდიას „დექტატორული“ რეჟიმის წინააღმდეგ. ჩემს წინა ჩანაწერებში აღვნიშნე, რომ ზვიად გამსახურდიას ხელისუფლების დამხობის ერთ-ერთი მთავარი მიზეზი იყო საკადრო პოლიტიკა. ჩემი აზრით, ედუარდ შევარდნაძესაც დიდი შეცდომები მოსდის საკადრო საკითხში. იგი აწინაურებს კომუნისტური რეჟიმის დროს მოღვაწე ხალხს. ამ ხალხმა ქვეყანა დალუკვამდე მიიყვანა. მართალია, არიან წესიერი ხალხიც, რომელთა გამოყენებაც შეიძლება. მაგალითად, მე ძალიან მომწონს ქუთაისის მერი თემურ შაშიაშვილი, ყოფილი ფუნქციონერი, მაგრამ განათლებული და საკმაოდ უშიშარი კაცი, რომელიც მუწჯივით არ მჯდარა წინა პარლამენტში. ჩემი აზრით, არ შეიძლება სამეგრელოს ამბების შემსწავლელი კომისიის შექმნა, რომელსაც სამეგრელოს მოსახლეობა არ ედობა. მაგალითად, როდესაც ედუარდ შევარდნაძე წავიდა სამეგრელოში, რათ უნდოდა ჯანსუღ ჩარკვიანი, რომელიც არ უყვართ სამეგრელოში. ბოლო შეკითხვა კორესპონდენტმა დამისვა აფხაზეთის შესახებ. მე ვუთხარი, რომ აფხაზეთმა გვესროლეს და ამას არ მოველოდითო. ეს უკვე შეცდომის

აღიარებაა, რადგან ისეთი დიდი პოლიტიკოსი როგორც ედუარდ შევარდნაძეა ყველაფერს უნდა ითვალისწინებდეს. მე ტერიტორიების დაკარგვის კი არ მეშინია, არამედ იმისი, რომ ჩვენ ვკარგავთ აფხაზეთის ქართველობას, რადგან მათ არც შევეკითხეთ, უნდოდათ თუ არა, რომ ჩვენ იქ შეესულიყავით და აგვენიოკებინა იქაურობა. საწყლებს არც ბინები აქვთ, არც საჭმელი და კიდევ შეურაცყოფას ვაყენებთ, როცა ვამბობთ, რომ ზოგიერთი მათგანი ბინას ყიდულობს ვაკეშიო. კი ბატონო, ვთქვათ 10 კაცმა იყიდა ბინა, მაგრამ 100 ათასი ხომ უპატრონოდ არის, იმათზე რატომ არ ვფიქრობთ. ბორის კაკუბავას, რომელიც ამდენი წელია იბრძვის აფხაზეთში, საქართველოს პარლამენტში შეურაცხყოფას აყენებენ. სირცხვილია, საქართველოს მთავრობის წევრები გაზ-31-ით დაქორდნენ, მაშინ, როდესაც სასწრაფოებს არა აქვთ ბენზინი და ხალხი იღუპება. ვერ ხედვბიან, რომ ხალხი უკიდურეს გაჭირვებაშია და ამას სოციალური აფეთქება მოჰყვება.

### 3 მარტი

ჩემი სიტყვები მართლდება. ხელისუფლების წინააღმდეგ იქმნება ძლიერი ოპოზიცია. კერძოდ, გაერთიანდნენ ეროვნული დამოუკიდებლობის პარტია, ტრადიციონალისტები, მერაბ კოსტავას საზოგადოება, მათ მხარეზე აღმოჩნდნენ რესპუბლიკელები. მე არა ვთვლი სხვა პარტიებს, რომლებიც პარლამენტში არ არიან. ჩემი აზრით, ოპოზიცია გახდება „ქარტია-91“. 21 თებერვალს ფილარმონიაში ჩატარდა ეროვნულ-განმათავისუფლებელი მოძრაობის სათათბიროს მეორე კონფერენცია, სადაც მოხდა ინციდენტი. კერძოდ, აფეთქდა რაღაც პაკეტი, არავინ დაზიანებულა. ამ დროს სიტყვით ნოდარ ნათაძე გამოდიოდა. კონფერენციას ზვიად გამსახურდიას მომხრეებიც ესწრებოდნენ.

ნაკვითხე გაზეთი „მანსი“ (23–28 თებერვალი). აქ არის ინტერვიუ ვაჟა ადამიასთან და აკაკი ასათიანთან. მე ყოველთვის დიდ პატივს ვცემდი და ვცემ ვაჟა ადამიას, კარგ ქართველ ვაჟკაცს. მისი ინტერვიუც ამის მაჩვენებელია. მან აღნიშნა, რომ აფხაზეთში, თუნდაც სამშვიდობო მისიით, რკინიგზაზე და სხვა სასიცოცხლო ობიექტებზე კონტროლის მიზნით ქართული ჯარის შეყვანა არ შეიძლებოდა იქამდე, ვიდრე სამეგრელოს პრობლემა არ გადაიჭრებოდა. რა ბოროტებაც ჩაიდინეს სამეგრელოს მიმართ, ბევრჯერ ითქვა და აღარ გავიმეორებ (მეც ასე ვთქვი რადიოთი). როგორ შეიძლებოდა სამეგრელოს გაძარცვის შემდეგ, როდესაც მთელი სამეგრელო აგინებს ამ მთავრობას, შესულიყვნენ აფხაზეთში. რაც შეეხება ვაჟა ადამიასა და აკაკი ასათიანს შორის დამოკიდებულებას, ყველას ახსოვს, ადრე ადამიამ მოითხოვა ასათიანის პარლამენტის თავმჯდომარის პოსტიდან გადაყენება. ამჟამად ადამიამ აღნიშნა ასათიანის და მისი პარტიის, ტრადიციონალისტების მტკიცე პოზიცია, რომლებიც მათ დაიკავეს დღევანდელი ხელისუფლების მიმართ.

აკაკი ასათიანმა ინტერვიუში ზვიად გამსახურდია შეადარა თეიმურაზ I-ს, ხოლო ედუარდ შევარდნაძე – როსტომ-ხანს. აკაკი ასათიანმა აღნიშნა: „როგორია რეალური სურათი ჩვენ უკეთ ვიცით, ვიდრე შევარდნაძემ. სწორად გამოგეთ, იმის პრეტენზია კი არა გვაქვს, რომ ჩვენ ბატონ ედუარდზე ჭკვიანები ვართ. არა, ჩვენ მეტად გამოცდილები ვართ, რადგან საკუთარ მხრებზე დადვიტანეთ ბევრი ტყვიელი, ბევრი სიხარულიც. შეიდი წელიწადი პატარა დრო არ არის. ამას გარდა შევარდნაძე დღემდე მონყვეტილია რეალობას, უტყუარ ინფორმაციას. სავათა შორის, ეს სჭირდა ბოლო ეტაპზე ზვიად გამსახურდიას და ვთვლი, რომ კრაბის ერთ-ერთი ძირითადი მიზეზი ესეც იყო. ხელისუფლებას რეალური ინფორმაცია უნდა ჰქონდეს. შევარდნაძეს ისეთი

გარემოცვა ჰყავს და ისეთი მხარდაჭერები, რომ რეალურ ინფორმაციას არასოდეს მიაწვდინან, ისინი არ არიან ამაში დაინტერესებულნი და იმიტომ“.

აბსოლუტურად სწორად საუბრობს აკაკი ასათიანი. მართლაც, ეს ედუარდ შევარდნაძის უდიდესი ნაკლია. მახსოვს, როდესაც 21 თებერვალს უნდა გამართულიყო ეროვნული ძალების კონფერენცია ტელევიზიამ, გაზეთებმა „საქართველოს რესპუბლიკამ“, „თბილისმა“ ატეხეს საშინელი კამპანია ამ კონფერენციის სანიანალმდეგოდ, განსაკუთრებით კი ირაკლი წერეთლის მიმართ, რომელიც ფაქტობრივად მოლაღატედ გამოიყვანეს. გამოყავდათ ინტელიგენციის წარმომადგენლები და მიდიოდა ლანძღვა. ეს ხომ იგივეა, რაც ხდებოდა ზვიად გამსახურდიას დროს, ოღონდ მაშინ პირიქით იყო – ამ ინტელიგენციას აგინებდნენ. ღმერთო ჩემო! მე როგორ თანაუგრძნობდი მათ. ამჟამად ისინიც იბავეს აკეთებენ. სწორედ ამის გამო მოხდა ხელოვნების მუშაკთა შეხვედრა შევარდნაძესთან. ნუთუ შევარდნაძე ვერ ხვდება, რომ მართლაც, ამ ერთი მუჭა „ჰად-ხალიმი“, ე. წ. „ინტელიგენციის“ დრო დამთავრდა და რომ მათ ხალხში არავითარი პატივისცემა არა აქვთ! ესენი არიან – გიგა ლორთქიფანიძე, მარიკა ლორთქიფანიძე, ნოდარ ლომოური, ჯანსუღ ჩარკვიანი, ლანა ლოლობერიძე, თამაზ კვაჭანტირაძე და სხვ. მე პირადად ამ ადამიანების შემოქმედებას პატივს ვცემ, მაგრამ მათ თავი უნდა დაანებონ იმ პოლიტიკას, რომელიც მიმართმულია ფაქტობრივად ერთი კაცის გაღმერთებისკენ.

დღეს ედუარდ შევარდნაძე სოხუმში გაფრინდა. ისე ძალიან იკლავს თავს, მაგრამ მართლა მძიმე მდგომარეობაშია. ჩემი აზრით, თუ ერთ თვეში არ განთავისუფლდა ტყვეარჩელი, ორ თვეში ყველაფერი კატასტროფით დამთავრდება და შევარდნაძეს მაინც მოუწევს ნასვლა.



## 5 მარტი

დღეს მამაჩემის დაბადების დღეა. გადაცემა მიდის ტელევიზიით, სოხუმიდან გადმოსცემენ. ედუარდ შევარდნაძე ხედება ჯარისკაცებს. მართლაც ვაჟკაცი კაცია, ცრემლები მომივიდა. გამოვიდა ჯარისკაცი გულაუთიდან, რომელსაც დედ-მამა მოუკლეს, ცოლიძმა და მეუღლე გარდაეცვალა, სიმამრი დაეკარგა, ერთადერთი ბავშვი საღლაც სანატორიუმში ჰყავს.

## 12 მარტი

ამ დღეებში პარლამენტში მიმდინარეობს დებატები რუსეთთან ხელშეკრულების დიდების შესახებ. საქართველოში მძიმე მდგომარეობაა. ბევრ ორგანიზაციაში ოთხი თვეა ხელფასი არ მიუღიათ. რუსეთი ცდლობს ისარგებლოს საქართველოს მძიმე ეკონომიკური მდგომარეობით და ზეგავლენა მოახდინოს მთავრობაზე. რუსეთი არავის გვიყვარს, დარწმუნებული ვარ, რომ არც ედუარდ შევარდნაძეს, მაგრამ დღეს ყოველგვარი კავშირის განწყვეტა რუსეთთან კატასტროფა იქნება საქართველოსთვის. ვის უნდა ჩვენი საქონელი და მით უმეტეს ცარიელი განცხადებები, რომ ჯობია დღეს გაიჭიროვოთ და მერე მთლიანად თავისუფლები ვიქნებით. ანტირუსული განცხადებები დღეს დამლუპველია საქართველოსთვის, რადგან ხალხი დაიღალა, მოშივედა, შესცივდა, დადის დაუბანელი, ნაწილი გაყარა. ამის მეტი რაღა უნდა გაიჭიროვოს ერმა, რომელმაც დღეს თავისი სახე დაკარგა. გუშინწინ ქალაქის პროკურორი მიშა ქურდაძე სახლთან დაცხრილეს. ათი დღის განმავლობაში მკვლელების ხელით დაიღუპა 31 ადამიანი. ამდენი ადამიანი არ ეწირება აფხაზეთის ომს. რუსეთშიც მძიმე მდგომარეობაა. ორი დღეა მიმდინარეობს რუსეთის საბჭოების ყრილობა, რომელიც

ბორის ელცინმა დატოვა. თუ რუსეთშიც სამოქალაქო ომი დაიწყო, ეს მსოფლიოს დალუპავს.

დღეს ტელევიზიით გადაიყვანეს ინტერვიუ თენგივ კიტოვანთან. კიტოვანმა აღნიშნა, რომ ლოთი ქობალიამ დააკავა შეიდი ტანკი და არ დააბრუნა, მანვე გააჭირა და ვაგონებიდან გადმოტვირთა ტყვია-წამალი. ეს არის ქართველი ერის ღალატი, ჩვენ ამას არ შევარჩენთ, როცა შევალთ სამეგრელოში. ასეთი ინტერვიუები ბევრი მომსმენია — „გადაუვლით“, „მოესპობთ“, „შევალთ“ და ა. შ., რამდენჯერაც შევიდნენ, მაგრამ ლოთი ქობალიას რაზმებს ხალხი კი არ აკლდება, არამედ ემატება. მე მეზიზღება სიტყვა „შევალთ“, რომელსაც ყოველთვის მოჰყვება ქართველი ხალხის ტანჯვა, აწიოკება. ერთხელაც ასეთი შესვლის დროსაც კისერს წაიტყვენ. ჯობს აფხაზეთს მიხედონ და დაიანებონ თავი ლოთი ქობალიას, რომელიც, ჩემი აზრით, წესიერი კაცია. ახლა ნაიკითხე მისი განცხადება, რომელშიც აღნიშნულია: მე, ვახტანგ (ლოთი) ქობალია, ვიცავ კანონიერებას, რკინიგზას და ა. შ. ლოთისაც და სამეგრელოს მოსახლეობასაც დაანებეთ თავი! ნუთუ დღეს ამის დროა! მასხოვს, როდესაც ცხინვალის მოვლენებისას მძიმე დღეები იდგა და ყველა ამ საკითხით ვიყავით დაკავებული, მაშინ ზვიად გამსახურდიამ გაგზავნა გოგი მარჯანიშვილი და ბესარიონ გუგუშვილი „ქართულ ფილმში“, რათა მოეხსნათ რეზო ჩხეიძე. მაშინაც ვფიქრობდი: რა დროს რეზო ჩხეიძის მოხსნაა, როდესაც ფაქტობრივად ომი მიმდინარეობდა სამაჩაბლოში. დღესაც, როდესაც ომია აფხაზეთში (რომელიც შეიძლება არ დაწყებულიყო და, რომელიც დღევანდელი ხელისუფლების დიდი შეცდომა იყო), დრო არ არის კიტოვანის მიერ ასეთი განცხადებების კეთებისა. ჩემი აზრით, ახლა რომ სამეგრელოში შევიდნენ, მარტო სამეგრელოს და აფხაზეთს კი არ დაკარგავენ, არამედ

ეს გახდება საქართველოში დიდი სამოქალაქო ომის დასაწყისი. თუ სამხედრო მინისტრი თვითონ წყვეტს ჯარების შესვლის საკითხს სამეგრელოში, მაშინ შევარდნაძე ბუტაფორია ყოფილა. უმჯობესია შევარდნაძე კაცურად დაილუპოს სოხუმის მისადგომებთან. წინააღმდეგ შემთხვევაში ყველას დაეკარგება მასზე შთაბეჭდილება, როგორც ნამდვილ პოლიტიკოსსა და უშიშარ კაცზე, რომელსაც თავის დროზე არ ეშინოდა ლაზიშვილების, გეგეშიძეების და სხვების, მათ შორის რომანოვისა და ანდროპოვისა.

მე ვისურვებდი, რომ ედუარდ შევარდნაძე საქართველოს ისტორიაში შევიდეს იმ პიროვნებად, რომელმაც ყველაზე დიდი გაჭირვების დროს მთელი დრო და ენერჯია მხოლოდ საქართველოს ბედნიერებას მოახმარა. მინდა დავიჯერო, რომ ახლა შევარდნაძეს უნდა სიკეთე გააკეთოს, მაგრამ ამის შესაძლებლობა არა აქვს, რადგან ღრმად შეტოპა იქ, საიდანაც გამოსვლა ძალიან ძნელია. სადამდე მივიდა ერი ჩემ პატარა შვილს, თაზოს ვეუბნები: უნდა გამოიგონო, რომ მალე გაიზარდო-მეთქი. მე ჩემი და ჩემი თაობის ბავშვობა მახსოვს, გვინდოდა მალე გავზრდილიყავით, იმიტომ, რომ უფროსი თაობა კარგად ცხოვრობდა და, რაც მთავარია, იყო სიმშვიდე. ჩემმა ბიჭმა მიპასუხა, რომ არ უნდა მალე გაიზარდოს, რადგან ურჩევნია, რომ მოიცადოს იმ დრომდე, სანამ უკეთესი ცხოვრება იქნება. როდესაც ეს მოვისმინე, გავოგნდი, ეს საშინელებაა! ბავშვს არ უნდა, რომ გაიზარდოს იმიტომ, რომ ეშინია. ის უყურებს, როგორ იღუპება უფროსი თაობა ან ომში, ან კლავენ ქუჩაში. ამიტომ არის, რომ ამ ჩემ ღლაპს არ უნდა დიდი ასაკისა გახდეს. მას ურჩევნია მულტიფილმებს უყუროს, ვიდრე ამ ორომტრიალში ჩაერთოს.

## 16 მარტი

14, 15, 16 მარტს ბომბავდენე სოხუმს. 16 მარტს დილით დაიწყეს შეტევა სოხუმზე. დილით დაძაბული მდგომარეობა იყო პარლამენტში. სხდომა უნდა დაწყებულიყო ათ საათზე, მაგრამ დაიწყო თერთმეტზე. ინფორმაციით გამოვიდა შევარდნაძე. მან აღნიშნა, რომ მონინაღმდეგემ შეძლო ორ ადგილას გაერღვია ფრონტი. ედუარდ შევარდნაძემ აღნიშნა, რომ ფაქტობრივად ეს საქართველო-რუსეთის ფართომასშტაბიანი კონფლიქტია. მან განაცხადა, რომ შეასრულებს თავის სიტყვას და გაფრინდება სოხუმში. მართლაც, აჩვენეს სოხუმში ედუარდ შევარდნაძის ჩასვლა. საღამოს გადმოსცეს, რომ შეტევა გუმისთასთან მოიგერიეს. გამოცხადდა საყოველთაო მობილიზაციისთვის მზადყოფნა. ედუარდ შევარდნაძემ აღნიშნა, რომ შესაძლოა საყოველთაო მობილიზაცია გამოცხადებულა.

## 17 მარტი

პარლამენტის სხდომას ვუყურებ. 6 საათსა და 45 წუთზე სამუშაო ჯგუფს ქმნიან რუსეთში წასასვლელად. სასაცილო რამე თქვა ვახტანგ გოგუაძემ, როდესაც ვაჟა ადამიას, აკაკი ასათიანს და თემურ ბასილიას მიმართა: ნუ გენყინებათ, უკეთეს ქვეყნებში გაგიშვებთო. ხალხი გაოგნდა. ისინი, პრინციპულად რომ სვამენ ნახტოს რუსეთში წასვლის შესახებ, ვახტანგ გოგუაძეს მიაჩნია, რომ გასეირნება უნდათ. ამაზე კუპრეიშვილმა გოგუაძეს მიუგო: რაც განაცხადებთ უსინდისობა არისო. ვახტანგ გოგუაძემ ბოდბი მოიხადა, ასე არ უნდა მეთქვაო, მაგრამ რომელ ქვეყნებთანაც თქვენ გინდათ მუშაობა, იქ იმუშავეთო. ღმერთო ჩემო, ამისთანა კომიკოსი სპიკერი მთელ მსოფლიოში არ იქნება!

დღეს ჩვენების აშკარა უპირატესობა ჩანს სოხუმის ფრონტზე. მოსკოვმა გამოაც-

ხადა, აფხაზი პარტიზანები უკან იხევნო. ტელევიზიით აჩვენებენ სოხუმს, სამინლე-ბაა. როგორც იქნა თენგიზ კიტოვანი ჩავიდა სოხუმში. ტელევიზიით გამოვიდა აკაკი ბაქრაძე, რომელმაც აღნიშნა, რომ რუსეთი ასე მალე არ დათმობს პოზიციებს და საბჭოთა კავშირის ნანგრევებში ბევრი ყოფილი რესპუბლიკა მოჰყვებაო. რუსეთმა ჩვენ ომი ჯერ კიდევ 1989 წლის 9 აპრილს გამოგვიცხადა. სისხლი იღვრება, მაგრამ თავისუფლება მაინც მოვა. აკაკი ბაქრაძემ გაიხსენა დიდგორის ბრძოლა, როცა ქართველებმა უკან დასახევი გზები ჩაიხურგეს. ა. ბაქრაძემ აღნიშნა, რომ უნდა შეწყდეს ქიშობა, ერთადერთი რაც გეჭირდება ეს არის ერთიანობა და სიმტკიცე. წინააღმდეგ შემთხვევაში საქართველო დაილუპება.

„ნოვოსტიმ“ გადმოსცა, რომ ბრძოლებში 300 აფხაზი დაილუპა, ხოლო ქართველთა მხრიდან — 35 ჯარისკაცი. რაღაც არ მჯერა!

რუსეთის საგარეო საქმეთა სამინისტრომ განაცხადა, რომ არცერთი რუსი ჯარისკაცი არ მონაწილეობდა სოხუმისათვის ბრძოლებში.

დღეს „იბერეზიზაში“ ვუსმენ ინტერვიუს ასლან აბაშიძესთან. ასლან აბაშიძემ განაცხადა: თუ რამე კარგი იყო საქართველოში ეს ყველაფერი დღეს არის აჭარაში. დღეს მეუბნებიან, რა მოგცათ დადებითი ტიხომიროვის ფილმმა. რა უნდა მოეცა? მეც ბევრი რამ არ მომწონს, რასაც ჩემზე ამბობენ საქართველოს ტელევიზიით. სწორად ამბობს ასლან აბაშიძე, რომ ხალხში არის ნოსტალგია, რადგან ხდება მკვლელობები და სხვა უბედურება. ხალხი საბჭოთა კავშირის შემდეგ მოელოდა ბედნიერებას, მაგრამ ჩავარდნენ სავალალო მდგომარეობაში.

კორესპონდენტი ეკითხება ასლან აბაშიძეს: რას იტყვიოთ პავლე გრაჩოვის ჩამოსვლაზე?

ასლან აბაშიძე: მე, როცა მოვისმინე კომენტარები მისი ჩამოსვლის შესახებ, მაშინ მოსკოვში ვიყავი... ამის შემდეგ ასლან

აბაშიძის ინტერვიუ ველარ მოვისმინე. დანებონ თავი ამ ჭკვიან კაცს. ასლან აბაშიძე რომ ყოფილიყო ზვიად გამსახურდიას მაგივრად, იგი დღესაც საქართველოს პრეზიდენტი იქნებოდა და საქმეც კარგად წავიდოდა.

## 18 მარტი

ედუარდ შევარდნაძე წინა ხაზზე იყო. ის ჯარისკაცებს ამხნევებდა.

„ნოვოსტიმ“ 21 საათზე გადმოსცა, რომ აფხაზებმა დაკარგეს 40 კაცი, ქართველებმა 600 (გუდაუთის ცნობა). გამოვიდა რუსეთის არმიის პრესცენტრის უფროსი, ვილაც გენერალ-მაიორი. მან განაცხადა, რომ თუ მოხდება თავდასხმა რუსეთის სამხედრო ობიექტებზე, მთელი ძალებით დავარტყამთო.

სასაცილო იყო მინისტრ პავლე გრაჩოვის განცხადება, რომ, თურმე, ჩვენ ავანყუთ შეიღო თვითმფრინავი (სუ-25), შევდლები მწვანედ და ჩვენ თვითონ ებომბავთ სოხუმს, ე. ი. საკუთარ თავს. რუსეთი ისევ ისეთი რჩება. ადრეც ასეთი ტიპის განცხადებები იყო, ლეონიდ ბრეჟნევის და იური ანდროპოვის დროს, როდესაც ავღანელებს აბრალებდნენ, რომ ისინი თვითონ ბომბავდნენ თავიანთ ქალაქებს და ხოცავდნენ თავიანთ ხალხს. ასეთივე ტიპის განცხადება იყო, როდესაც ჩამოაგდეს კორეის სამგზავრო თვითმფრინავი „ბოინგი“.

დღეს „მაქნემ“ გადმოსცა ჩეჩნეთის პრეზიდენტის, ჯოხარ დუდაევის განცხადება: რომ თითოეული ჩეჩენი, რომელიც მონაწილეობს ქართველების წინააღმდეგ საომარ ოპერაციებში აფხაზეთში, იბრძვის თავისი ქვეყნის წინააღმდეგ, რადგან ამ ომში საქართველოს წინააღმდეგ მონაწილეობს რუსეთი. ამის შემდეგ ნაწილობრივ გამწვავდა ურთიერთობა აფხაზებსა და ჩეჩნებს შორის, ორი ჩეჩენი მოკლეს ზურგიდან გასროლით.

„მაცნეში“ იყო აფხაზეთში ჩეჩნების სარდლის განცხადება, რომ ისინი არ დატოვებენ მცირერიცხოვან ერს (აფხაზებს), მაგრამ, თუ დაიწყება ომი რუსეთსა და საქართველოს შორის, მაშინ ისინი საქართველოს მხარეზე იბრძოლებენ.

## 20 მარტი

ვკითხულობ გაზეთ „შანსს“, სადაც დაბეჭდილია ინტერვიუ ლოთი ქობალიასთან სათაურით „ქართველების წინააღმდეგ მე იარაღს არ ავიღებ“. ამ ინტერვიუთი აშკარად მართლდება ჩემი შეხედულება ამ პიროვნებაზე. ლოთი არის წესიერი და თავის სამშობლოზე შეყვარებული ადამიანი. იმავე გაზეთში არის მოთავსებული სტატია „ხუთი დღე ზუგდიდში“. არ ვიცი, როდის მობრუნდება სამეგრელოს მოსახლეობა ჩვენსკენ, ამას დიდი დრო უნდა, მათ არასოდეს დაეინყვებათ ის შეურაცყოფა, რაც მიაყენეს ამ მხარეს. გავა დრო და არავის არაფერი არ შერჩება, ყველას მიეზღვება სამაგიერო. გუშინინ სოსუმის მახლობლად ჩამოაგდეს რუსეთის თვითმფრინავი სუ-25, დაიღუპა მფრინავი. „ნოვოსტიმ“ გადმოსცა, რომ თვითმფრინავი გეგმურ ფრენას ანარმოებდაო. ამას რა კომენტარი უნდა გაუკეთო!

დღეს, საღამოს 9 საათსა და 30 წუთზე, ტელევიზიით გამოვიდა ბორის ელცინი. მისი სიტყვა მიმართული იყო რუსეთის დეპუტატთა ყრილობისადმი. დიდი ამბები იწყება რუსეთში.

## 22 მარტი

ჩემი სიტყვები მართლდება. გუშინ ერთმანეთს შეხედნენ თენჯიზ კიტოვანი და ლოთი ქობალია, მოხდა შერიგება. დღეს ისინი ერთად იყვნენ სენაკში და ხობში, აპირებენ ერთად იბრძოლონ აფხაზეთში.

## 26 მარტი

ინტერვიუ თენჯიზ კიტოვანთან.

კორ: რას იტყვით ლოთი ქობალიაზე?

თ. კიტოვანი: ქობალიამ მოუწონდა სამეგრელოს მოსახლეობას, რომ მონაწილეობა მიეღოთ აფხაზეთში მიმდინარე საომარ ოპერაციებში. ყველაფერი კარგად იქნება.

კორ: ხალხი რას ამბობს.

თ. კიტოვანი: ზვიადიშვილის ფაქტორი არსებობს, მაგრამ განწყობილება კარგია. ყველამ უნდა იფიქროს საქართველოს ერთიანობაზე.

„მაცნეში“ გადმოსცა, რომ ფოთის და ხობის მოსახლეობის შეიარაღებული რაზმები ნაეიდნენ საომრად აფხაზეთში.

## 29 მარტი

გული მაქვს ცუდად. გუშინ სოციალ-ეკონომიკური ინსტიტუტის საბჭოს სხდომაზე შემოვიდა პროფ. ჯემალ აფციაური, ჩემი მეგობარი, რომელსაც დავა ჰქონდა ინსტიტუტის დამფუძნებლებთან. ჯემალს თავისი უნივერსიტეტი უკვე გახსნილი ჰქონდა და უნდა ეთქვა საბჭოსთვის, რომ ის კი არ გაათავისუფლეს სოციალ-ეკონომიკური ინსტიტუტის რექტორობიდან, არამედ ახალი უნივერსიტეტი დაარსდა და ამიტომ ნავიდა. როდესაც ჯემალი სიტყვას ამბობდა, უცებ დაიძახა „ეაიმეო“ და ჩვენ თვალწინ ჩაიკეცა. შემდეგ მე და ზანდი ბოცვაძემ გადავიყვანეთ საავადმყოფოში, კამოს ქუჩაზე, რომელიც ინსტიტუტის პირდაპირაა, მაგრამ ვერაფერი უშველეს. შემდეგ ცუდად გახდა ერთ-ერთი დამფუძნებელი, ისიც საკაცით გადავიყვანეთ (სანიტრები საერთოდ არ ჰყავდათ). ამ დროს ჩემ მეუღლეს გამოუვლია ინსტიტუტში ჩემთან. ინსტიტუტთან მანქანა მყავდა დაყენებული, მე თვითონ საავად-

მყოფოში ვიყავი. ჩემმა მეუღლემ დაიწყო ჩემი ძებნა. ინსტიტუტის დარაჯმა უთხრა, რომ ვილაც კაცი მოკვდა და პირდაპირ საავადმყოფოში წაიყვანესო. ჩემ მეუღლეს უფიქრია, რომ ეს მე ვიყავი და გამოქცეულა საავადმყოფოში, სადაც პირდაპირ ვესტიბიულში დავარდნილა გულშეღონებული. ამ დროს დაიძახეს: კიდევ ერთი ქალი კვდებაო. როდესაც ვესტიბიულში შევედი, დავინახე ჩემი მეუღლე უგონოდ დასვენებული იატაკზე. უცებ ვიყვირე და მერე არაფერი მახსოვს. რატომ ვენერ ამის შესახებ? დღეს ამჟამად, რომ სიცოცხლე არაფრად არ ღირს, მართლაც, როგორც ჩოტი ისე გაფრინდება, როგორც გაფრინდა ჩემი ჯემალის სული. ხალხი ველარ უძლებს ამდენ გაჭირვებას. მართლაც მძიმე დღეები უდგას საქართველოს!

დიდი ამბებია რუსეთში. გუშინ მოსკოვში დეპუტატთა ყრილობაზე დეპუტატებმა დააყენეს საკითხი პრეზიდენტ ბორის ელცინის და უმაღლესი საბჭოს თავმჯდომარის რუსლან ხასბულატოვის განთავისუფლების შესახებ. დაიწყო ფარული კენჭისყრა. მთელი მოსკოვი გარეთ იყო გამოსული, გაიმართა დიდი მიტინგი, რომელზეც სიტყვით გამოვიდნენ ბონერი და შემდეგ ბორის ელცინი. ბორის ელცინმა განაცხადა, რომ პრეზიდენტი ხალხმა აირჩია და თუ 25 აპრილს რეფერენდუმზე მას ხალხი მხარს არ დაუჭერს, ის გადადგება. კენჭისყრის შედეგად ბორის ელცინის გადადგომას 62 ხმა დააკლდა. ასევე ვერ გადაიარჩიეს რუსლან ხასბულატოვიც. ყრილობა ჩიხში მოექცა. საქართველოში იწყება კუპონების შემოტანა. არ ვიცი, მე ვარ სულელი, თუ ეს მთავრობა. მე არა ვარ ეკონომისტი, მაგრამ ამ კუპონებს გლახი და კომუნალური სტრუქტურები რომ არ მიიღებენ, ნეტავ ეს არ იციან? ამ გაქვალტყავებულ სახელმწიფოს რომ არაფერი გააჩნია, რის იმედზე უშვებენ კუპონს? რა მოჰყვება ამას? ხალხი მშვიდია და ამ ერთ თვეში, ალბათ, მოითხოვს მთავრობის

გადაყენებას, რომელსაც მოჰყვება პარლამენტის დათხოვნაც. ამის შემდეგ რჩება ორი გზა: ან ედუარდ შევარდნაძის დიქტატურა, ან მისი გადადგომა. შევარდნაძის გადადგომას მოჰყვება ანარქია. არსებობს ზვიად გამსახურდიას დაბრუნების შანსიც.

ჩემი აზრით, კუპონების შემოღება ეს არის მთავრობის კრახი, ეს არის სრულად მოუშზადებელი რეფორმა. ამ მთავრობას ხალხის არ ესმის, მისი შემადგენლობის 90% გასაყრელია, რაც შეეხება პარლამენტს, იქიდან გასაშვებია მხოლოდ 20%. სახელმწიფოს მეთაურის, პარლამენტის სპიკერის, მთავრობის თავმჯდომარის მრჩეველთა 98% გასაშვებია.

### 30 მარტი

დღეს ირაკლი ბათიაშვილი გამოვიდა პარლამენტის სხდომაზე და მოჰყვა, რაც წერია გაზეთებში: ზუგდიდში მიტინგი გაიმართა, რომელშიც მონაწილეობდნენ მუხრან მაჭავარიანი, ელიზბარ ჯაველიძე, საზოგადოებრივი გაერთიანება „ჭყონდიდელის“ თავმჯდომარე და სხვ. მიტინგზე სიტყვით გამოვიდა ლოთი ქობალია, რომელმაც აღნიშნა, რომ ის არ მიდის ამჟამად აფხაზეთში და შეეცდება მშვიდობიანი გზით მოავკაროს ეს საკითხი, ხოლო, თუ აფხაზეთის საკითხი არ გადაწვდება მშვიდობიანად, შემდეგ იფიქრებს სხვაგვარ მოქმედებაზე. ირაკლი ბათიაშვილმა აღნიშნა, რომ ის პირველი მიესალმა ქობალიას გადაწყვეტილებას, როდესაც აპირებდა საომრად წასვლას აფხაზეთში, მაგრამ ეს ტყუილი აღმოჩნდა. არ ვიცი, მე ისევ მჯერა ლოთი ქობალიას და იქნებ ღმერთმა მოგვხედოს. შემდეგ პარლამენტში სიტყვით გამოვიდა ედუარდ შევარდნაძე. მან აღნიშნა, რომ სამეგრელოში დიდი მოძრაობაა აფხაზეთის საომარ

ოპერაციებში მონაწილეობის მისაღებად და რომ სოხუმში უკვე ჩასულები არიან რაზმები ფოთიდან, ხობიდან. სოხუმში ზუგდიდულებიც იბრძვიან; საომრად ემზადებიან სენაკში, აბაშაში, მარტვილში. ედუარდ შევარდნაძემ განაცხადა, რომ სურს მაღლიერებით მიმართოს სამეგრელოს მოსახლეობას.

### 31 მარტი

დღეს შესრულდა ორი წელი იმ რეფერენდუმის ჩატარებიდან, რომელშიც საქართველოს მოსახლეობის 99%-მა მხარი დაუჭირა დამოუკიდებლობას. 31 მარტი არის ზვიად გამსახურდიას დაბადების დღე. მიუხედავად მისი შეცდომებისა, ზვიადი მაინც შევა საქართველოს ისტორიაში, როგორც ეროვნული მოძრაობის დიდი მოღვაწე. დღეს ალბათ გაიმართება მიტინგები თბილისში. ამჟამად ეკითხულობ „იბერია-სპექტრს“, სადაც გადმობეჭდილია ასლან აბაშიძის ინტერვიუ „მოსკოვსკიე ნოვოსტიდან“, რომელიც მიჰყავს ვლადიმერ კონსტანტინოვს.

ერთ-ერთ კითხვაზე ასლან აბაშიძე პასუხობს: „Аджария исконно грузинская земля, государственность Грузии исторически берет начало отсюда. Аджария всегда была ревностной хранительницей единства Грузии, самых лучших, самых древних традиций нашего народа...“

Грузия не сможет отделиться от Грузии. Мы не от Грузии хотим отделиться, а решительно отмежеваться лишь от тех решений и действий, которые ведут к ее расчленению и хаосу“.

კაცი, რომელიც ამას ამბობს და თან მოსკოვის გაზეთში, როგორ შეიძლება, რომ არ დააფასო. შეიძლება მისი მოქმედება ყოველთვის არ ჯდებოდეს დემოკრატიულ ჩარჩოებში, მაგრამ რა

დემოკრატიულობაზე არის ლაპარაკი, როდესაც საქართველო გახდა ბანდიტების და ნარკომანების ქვეყანა. ძალიან უნდათ ბათუმის გაძარცვა და განსაკუთრებით საზღვარზე გასვლა, მაგრამ ასლან აბაშიძე გაეჩხირათ ყელში და ვერაფერს უშვებია.

მე შეიძლება ბრალი დამდონ: ჯერ მურმან ომანიძეს აქებდი, შემდეგ — ვალტერ შურლიას, ლოთი ქობალიას, ახლა — ასლან აბაშიძეს. ჩემი აზრით, აქ სიმპათია-ანტიპათიაზე არ არის ლაპარაკი. მე, როგორც ისტორიკოსი, დარწმუნებული ვარ, რომ მათ უყვართ საქართველო და ეს ხალხი საქართველოს გამოადგება. აბა, ვინ მიყვარდეს? ნარკომანებით და ბანდიტებით გარშემორტყმული პიროვნებები, რომელთა ხელშეწყობით იძარცვება ქართველი ხალხი, ილუპება ახალგაზრდობა, ნადგურდება ყოველივე და არაფერი შენდება.

აბა, ნაიკითხეთ ასლან აბაშიძის ინტერვიუ, სადაც იგი წერს: «В прошлом году сдали четыре школы, построили, менее чем за два года, более ста мостов через горные реки, в том числе самый большой в Грузии длиной 476 метров. Мы освободили всех жителей всех районов от уплаты сельхозналогов, налогов на домовладение, горные, менее богатые районы, освобождены от платы за электричество и пользование канатной дорогой. Совместно с крупнейшей английской аудиторией фирмой разрабатывается проект создания в Аджарии свободной экономической зоны. Есть проект реконструкции Батумского порта с участием фирм Грузии, США, Англии, строительство нового аэропорта, нефтеперерабатывающего и мукомольного завода. Все это станет заметным вкладом в возрождение экономики всей Грузии».

### 1 აპრილი

გაზ. „რეზონანსში“ დაიბეჭდა მასალა სათაურით „სერჟანტი-სიმუსი — ქობალია

ბუჩქებში". დანებონ თავი ლოთი კობალიას, ხან ადიდებენ, ხან აგინებენ. მე ვიმეორებ: მას აქვს თავისი შეხედულება და ამბობს, რომ აფხაზეთის პრობლემის გადანყვეტა შეიძლება მხოლოდ მშვიდობიანი გზით". ნინა ჩანანერში მე ერთად მოვიხსენიე პიროვნებები: ომანიძე, აბაშიძე, კობალია, შურღაია, რომლებიც, რა თქმა უნდა, განსხვავებული ადამიანები არიან და არ შეიძლება მათი გაერთიანება. მიუხედავად ამისა, მყერა, რომ ქართველ კაცს უნდა შეხედო დადებითი მხრიდან და ქართველს არ უნდა ებოძა დედა ქართველი. თუ უარყოფითი ჭრილით განიხილე ადამიანი, უარყოფითი თვისებები ყველას გააჩნია, მათ შორის ყველა ქართველსაც. ვინც განსაკუთრებით სხვაზე წერს ცუდს, მას თვითონ გააჩნიათ უამრავი უარყოფითი თვისება.

### 3 აპრილი

მოსკოვის ტელევიზია პირდაპირ ეთერში გამოსცემს ინტერვიუს ედუარდ შევარდნაძესთან.

კითხვა: თუ ემთხვევა თქვენი და კიტოვანის შეხედულებები?

ედუარდ შევარდნაძე: არის განსხვავებები, მაგრამ ძირითადად ერთნაირი შეხედულებები გვაქვს.

კითხვა: რას იტყვით აფხაზეთში მიმდინარე მოვლენებზე?

ედუარდ შევარდნაძე: ჩვენ არ გვანყობს ომი, მით უმეტეს ახალ სახელმწიფოს ვაშენებთ, ომი არც აფხაზებს აწყობთ, ეს აწყობს მესამე მხარეს. ამავე დროს არის მაგიური წრეები. უნდა ითქვას, რომ რუსეთში არსებობენ რეაქციული წრეები, რომლებიც ათეული წლების განმავლობაში დასპეციალდნენ ამ საქმეში... ჩვენთვის მთავარია, როგორ გამოვიდეთ ამ კრიზისიდან...

კითხვა: რას იტყვით საქართველოს ფედერაციულ მონყობაზე?

ედუარდ შევარდნაძე: ფედერაციული მონყობა არ არის პანაცეა, გუშინ გვქონდა კონსტიტუციის შემშუშავებელი კომისიის სხდომა, რომელსაც კიდევ ერთი წელი სჭირდება მუშაობისთვის. მე დარწმუნებული ვარ, რომ აფხაზეთის ავტონომია დარჩება და აფხაზების ყველა ავტონომიური უფლება დაცული იქნება.

კითხვა: რამდენი ხანი შეიძლება გაგრძელდეს ეს კონფლიქტი?

ედუარდ შევარდნაძე: ჩვენ არ გვინდოდა ბრძოლა, პირველივე დღეებიდან ვცდილობდით მშვიდობის დამყარებას და ამიტომ მოვანერეთ ხელი მოსკოვში 3 სექტემბერს ხელშეკრულებას, რომელიც დაარღვიეს აფხაზებმა.

კითხვა: რა ნინალმდეგობას აწყდებით რუსეთის მხრიდან.

ედუარდ შევარდნაძე: ყველაფერი სწორად მიდიოდა 3 სექტემბრამდე, როცა ეს ხელშეკრულება სრულდებოდა... გუდაუთაში სამხედროები თვითნებურად მოქმედებდნენ, იმედი მაქვს, ელცინი რომ დაბრუნდება, ნორმალური ურთიერთობა დავამყაროთ... რუსეთის უმაღლესმა საბჭომ რამდენჯერმე მიიღო დადგენილება, რომელიც შეურაცხყოფას გვაყენებდა... ამჟამად სოჭში უნდა შეხედნენ ერთმანეთს გრაჩოვი, სიგუა და კიტოვანი, დოკუმენტები მზად არის.

კითხვა: რა რწმუნებულებებით ჩამოდის გრაჩოვის და თქვენი დელეგაციები. შევა თუ არა საქართველო დსთ-ში.

ედუარდ შევარდნაძე: არა მგონია ეს მოხდეს, რადგან ხალხი დსთ-ში შესვლის ნინალმდეგია...

კითხვა: გამსახურდია რომ დაბრუნდეს საქართველოში, გაასამართლებენ თუ არა მას?

ედუარდ შევარდნაძე: მე არა ვარ გენერალური პროკურორი, დრო გვიჩვენებს.

კითხვა: როგორი კრიზისოგენური სიტუაციაა საქართველოში?

ედუარდ შვეარდნაძე: ძალიან ნელი ტემპით მიდის კრიმინოგენური სიტუაციის გამოსწორება.

კითხვა: რას იტყვით, ახლა მზე დასავლეთიდან ამოდის, თუ, როგორც ადრე – ჩრდილოეთიდან.

ედუარდ შვეარდნაძე: ЭТО ХОТЯ ИХИ БОЯТСЯ. მე ისევე მჯერა, რომ საქართველო და რუსეთი თანასწორ ურთიერთობებს დაამყარებენ.

## 7 აპრილი

გუშინ სოჭში დაიწყო მოლაპარაკება საქართველოს დელეგაციასა (თენგიზ სიგუა, თენგიზ კიტოვანი, ჯაბა იოსელიანი) და რუსეთის დელეგაციას (პავლე გრაჩოვი, საგარეო საქმეთა მინისტრის მოადგილე ბ. პასტუხოვი) შორს.

დღეს ეკითხულობ გაზ. „მიმომხილველს“, სადაც დაბეჭდილია ირაკლი გელოვანის სტატია სათაურით „ერთი ყაჩაღის ოდისეა“, რომელიც ლოთი ქობალიას ეხება. ამ ბოლო ხანს დიდ ადგილს ვუთმობ ჩემს ჩანაწერებში ლოთი ქობალიას, რადგან მიმაჩნია, რომ ამ კაცს შეუძლია დიდად სასარგებლო საქმე გააკეთოს საქართველოსთვის. რამდენიმე დღის წინ ვუყურებდი, როგორი ოვაციებით ხვდებოდა მას ხალხი. ლოთი ქობალიას ტაშს უკრავდა ყველა, მათ შორის ქალიც, ბავშვიც და მოხუციც. რა გამოდის, ისინიც ყაჩაღები არიან? ამიტომ ამ სტატიის დამწერს უნდა პქონდეს ტინი და უბრალოდ ადამიანური პატიოსნება. ის წერს, რომ ზუგდიდში ლუმპენები შეიკრიბნენო. ეს აზრი საბოლოოდ თუ არ მოსცილდა ქართველი კაცის აზროვნებას, მაშინ საქართველო დაიღუპება. ჩემი აზრით, სწორედ ეს ე. წ. „ლუმპენები“ ჯობია გამდიდრებულ და ე. წ. „ინტელიგენტი“ ოჯახების ნარკომან შვილებს, რომლებიც ნარკოტიკის გამო საქართველოს კი არა საკუთარ ოჯახს გაყიდვიან.

სწორედ დღეს გადმოსცეს ტელევიზიით, რომ გორის პოლიციის სამორიგეოს თავს დაესხა 6 ავტომატის, რომლებმაც მანამდე გაზ-24 წაართვეს მოქალაქეს. ბანდიტებმა მოითხოვეს 2 პიროვნების განთავისუფლება, რომლებიც ნარკოტიკებზე იყვნენ დაჭერილები. იმ ორის გარდა კიდევ 7 პატიმარი გაუშვეს.

## 8 აპრილი

9 აპრილი პარლამენტის სხდომაზე გამოცხადდა დასვენების დღედ.

გუშინ ტელევიზიით აჩვენეს, რომ ბაქოში დაიჭირეს პეტრე გელბახიანი და ვიქტორ დომუხოვსკი, რომლებიც ეჭვმიტანილნი არიან დოლიძის ქურჩაზე აფეთქების მონაწილეში.

ამჟამად პარლამენტში იხილება კანონი თვითმმართველობის შესახებ. ვახტანგ გოგუაძე გამოდიოდა და უცებ ამიტყდა სიცილი, რადგან განაცხადა „ეს საქმე კარგად დაგვაკვლიანებსო“. მთელი საქართველო ამ სიტყვებზე იცინის. ვახტანგ გოგუაძე კი ძალიან ხშირად ხმარობს ამ სიტყვას, ვერაფრით ვერ გადაეჩვია.

გამომჩრა, ტელევიზიით გადმოსცეს, რომ ინგირთან სამხედრო მატარებელი გააჩერეს და მოითხოვეს ვიქტორ დომუხოვსკისა და პეტრე გელბახიანის განთავისუფლება. ასეთი მეთოდებით არ შეიძლება ბრძოლა.

გაზ. „ივერია-ექსპრესი“ (7 აპრილი) წერს: ბათუმის დელეგაციამ სოხუმში ჩაიტანა დახმარება — 50 ტონა ტვირთი, ამავე დროს ბათუმში შექმნილია აფხაზეთის დახმარების შტაბი.

ეს იმიტომ აღენიშნე, რომ მეჩვენებინა, როცა ავინებენ ასლან აბაშიძეს ხაზი გაუსვან იმასაც, თუ რა დიდ დახმარებას უწევს ეს ადამიანი აფხაზეთს.



ისევ ვუსმენ სიმღერას „ვაჩუქოთ ერთ-მანეთს ტიტები“, ისევ ცრემლები მომდის. რა ერთიანი იყო მაშინ საქართველო და თავი კი უბედური გვეგონა, რა ვიცოდით, წინ რამდენი უბედურება გველოდებოდა.

### 13 აპრილი

გუშინ და დღეს ედუარდ შევარდნაძე უკრაინაში იმყოფებოდა. საკმაოდ წარმატებით ჩაიარა შეხვედრამ ლეონიდ კრავჩუკთან. ედუარდ შევარდნაძე აშკარად მოკავშირეებს ეძებს რუსეთის წინააღმდეგ და აბსოლუტურად სწორად იქცევა.

### 14 აპრილი

ვაი, რა მალე გასულა 15 წელი! რამდენი რამე მახსენდება 14 აპრილთან დაკავშირებით.

დღეს ზვიადის მომხრეებმა ჩაატარეს მიტინგი, რომელიც დაურბევიათ.

### 15 აპრილი

დღეს პარლამენტის სხდომაზე ერთი კუროზი მოხდა. ირაკლი მელაშვილმა განაცხადა, რომ მიტინგის დასარბევად ძალები მოიყვანესო. ვახტანგ გოგუაძე შეეკითხა: რომელ ძალებზეა ლაპარაკი? ატყდა სიცილი. ირაკლი მელაშვილმა პკითხა: თქვენ რომელ ძალებს გულისხმობთ? ვახტანგ გოგუაძე დაიბნა და ასე უპასუხა: მეც ხომ მინახია ძაღლი და ვიცი, რომ ოთხი ფეხი აქვსო.

გუშინ გვიან ღამით უყურებდი „ვზღლი-აღს“. გადაიცა ინტერვიუ რუსეთის პარლამენტის უშიშროების ქვეკომისიის თავმჯდომარესთან (გვარი არ მახსოვს). მანამდე არყენებდნენ ბოსნიას და პერცოგოვინას და მსჯელობდნენ, თუ რატომ დაკარგა რუსეთმა გაელენა ბალკანეთზე. ალაპარაკებდნენ სერბებს, რომ, ვითომ, ისინი განიცდიან ყველაზე დიდ გაჭირვებას და რომ ევროპა და აშშ, თურმე, ტყუილად ჩაგრაეს მათ. ეს იყო მეცხრამეტე საუკუნის წმინდა იმპერიული იდეოლოგიის გამომჟღავნება. ყველამ კარგად იცის, რომ ბოსნიასა და პერცოგოვინაში უკვე დაიღუპა 140 ათასი კაცი, ძირითადად მუსლიმები. ქვეკომისიის თავმჯდომარემ აშკარად აღიარა რუსეთის მონანიღებობა ტაჯიკეთის ამბებში. მან თქვა, რომ რუსეთის ინტერესებში შედის ტაჯიკეთის საზღვრების დაცვა ავღანეთთან, რადგან იქიდან ნარკოტიკები და იარაღი პირდაპირ რუსეთში შემოვაო. 30 ათასი კაცი დაიღუპა ტაჯიკეთში სამოქალაქო ომის შედეგად და მიინც მოახერხა რუსეთმა თავისი მომხრე მთავრობის დასმა.

რუსეთი ისევ რუსეთია. ბორის ელცინმა გუშინწინ ჟურნალისტებთან პრესკონფერენციაზე განაცხადა, რომ აჭარას, აფხაზეთს და „სამხრეთ ოსეთს“ უნდა რუსეთთან შეერთება და რომ საქართველოს ჯარები უნდა გავიდეს აფხაზეთიდან.

### 22 აპრილი

ამ რამდენიმე დღის წინ გამოვიდა თენგიზ კიტოვანის ბრძანება, რომ დასვენების მიზნით „მხედრონი“ გამოსულიყო ოჩამჩირის რაიონიდან. აშკარად ჩანდა, რომ რალაც ხდებოდა. ბევრი ჭორი დაირხა, მაგრამ მე ვხედებოდი, რომ ეს დაკავშირებული იქნებოდა ლოთი ქობალიასთან.

ძალიან გამიხარდა, რომ ლოთი ქობალია ოჩამჩირისაკენ დაიძრა და განაცხადა, რომ ის მშვიდობიანი გზით ეცდება მოანსერიგოს შვიარაღებული კონფლიქტი. მართლაც, ჩემი აზრით, ეს რაზმი არის მშვიდობის დამყარების ერთადერთი იმედი, რადგან ლოთი ქობალიას ხალხი არ მონაწილეობდა ამ ომში. უაღრესად პატიოსანი ხალხი შემოიკრიბა ქობალიამ. „მხედრობშიც“ არიან ნესიერი ადამიანები, მაგრამ ბევრი ნარკომანი და ბანდიტაცაა. რას იტყვის ახლა პროფ. ნოდარ ლომოური, რომელმაც „საქართველოს რესპუბლიკაში“ რამდენიმე დღის წინ გამოაქვეყნა საზოგადოებრივი სტატია „საქართველოს ოპოზიცია არ უნდა“ (თუ „არ სჭირდება“, არ მახსოვს ზუსტად). ნოდარ ლომოური დასცინის და ქართული ხალხის ღალატში დებს ბრალს ლოთი ქობალიას. ეს სტატია ძალიან არ მომეწონა. ლომოური დასაწყისში წერს, რომ რაღაც ფარაბინა, ნაგლეჯი გაზეთი არსებულაო („საქართველოს სამრეკლო“). პროფესორმა, ისტორიკოსმა გაზეთი, რომც არ ვარგოდეს, ჯერ უნდა ნაიკითხო და მერე შეაფასო. ნოდარ ლომოური კი თვითონ აცხადებს, რომ ეს გაზეთი არც ნაუკითხავს და არც ნაიკითხავს.

## 26 აპრილი

დღეს ვუსმენ თენგიზ კიტოვანს, გია ყარყარაშვილის და თენგიზ კიტოვანის მოადგილეების პრესკონფერენციას. კიტოვანმა განაცხადა, რომ ის იყო ერთადერთი, რომელიც 4 საათი ელაპარაკა ედუარდ შევარდნაძეს, რომ ჩამოსულიყო მოსკოვიდან. ამიტომ აცხადებს დიდი ჭორია, რომ ის თითქოს გადატრიალებას ამზადებს შევარდნაძის წინააღმდეგ. მიუხედავად ამისა, განახევება მათ შორის არის. ეს განსხვავება ისაა, რომ მას აქვს კომუნისტური „მიმლენიები“, ხოლო ის მოვიდა

ეროვნული მოძრაობიდან. პრესკონფერენციიდან აშკარად ჩანდა, რომ თენგიზ კიტოვანსა და ედუარდ შევარდნაძეს შორის დაძაბულობაა, რაც ერთი შეკითხვიდანაც გამომჩნდა. თენგიზ კიტოვანს შეეკითხნენ გენერალ ფიფიაზე, რომელიც მას თანჰყავდა აფხაზეთში (გენერალ ფიფიაზე ედუარდ შევარდნაძემ აღნიშნა, რომ ის საბჭოთა კავშირის სუკის დიდი თანამდებობის პირი იყო. პირადად შევარდნაძე საჭიროდ არ თვლიდა რამდენიმე სადაზვერო სამსახურის არსებობას და მათ შორის ფიფიას სადაზვერო სამსახურს, რომელიც ოფიციალურად იყო მინისტრთა საბჭოს უშიშროების და თავდაცვის განყოფილების გამგე). თენგიზ კიტოვანმა ამ შეკითხვაზე განაცხადა, რომ გენერალ ფიფიაზე დიდი თანამდებობები ჰქონდათ სხვებს მოსკოვში (იგულისხმება ედუარდ შევარდნაძე) და არაფერი გაუკეთებიათ საქართველოსთვის. თენგიზ კიტოვანს შეახსენეს, რომ ის არ იყო პარლამენტის მიერ დამტკიცებული. ამის პასუხად მან განაცხადა, რომ ეს ჯარს და ხალხს უნდა შეეკითხოთ. საქართველოში აშკარად ჩანს დიდი დაპირისპირება. ცხადია, ლოთი ქობალია მხარს დაუჭერს თენგიზ კიტოვანს, რადგან სამეგრელოს აოხრებაში ისინი ბრალს სდებენ ძირითადად ედუარდ შევარდნაძეს. ედუარდ შევარდნაძეს, ვიმეორებ, დიდი შეცდომები მოსდის საკადრო პოლიტიკაში, რადგან მან გეზი აიღო მხოლოდ ძველ კომუნისტ მუშაკებზე და ინტელიგენციის იმ ნაწილზე, რომელთაც არავითარი ავტორიტეტი არ გააჩნია ხალხში. ეს ის ხალხია, რომლებიც დიდი ხნის განმავლობაში მხოლოდ თავიანთ თავზე და ოჯახის უზრუნველყოფაზე ზრუნავდნენ, არ აღელვებდათ და არც აღელვებთ საქართველოს ბედი.

დღეს უჩვენეს თათბირი მართლმსაჯულების თაობაზე. მოხსენებით გამოვიდა თენგიზ სიგუა. მან აღნიშნა, რომ ორი თვე გავიდა უკანასკნელი თათბირიდან და

არაფერი შეცვლილა. დაფიქსირებულია 204 განზრახ მკვლელობა, გაუპატიურების რიცხვი ორჯერ გაიზარდა. თენგიზ სიგუას გამოსვლა იყო უნიათო და არაფრის მთქმელი. კოტე გაბაშვილმა განაცხადა, რომ ნილს დანაშაული იმიტომ გაიზარდა, რომ პარშან არ ფიქსირდებოდა ბევრი დანაშაული.

თემურ ხაჩიშვილმა აღნიშნა, რომ მდგომარეობა არის მძიმე, სამხედროები არავითარ კანონს არ ექვემდებარებიან, პოლიციას უწევს პირისპირ დარჩენა ამ ბანდებთან, ერთი ალიყური რომ მოხდეს რომელიმე დემონსტრანტს, მთელი პარლამენტი ფეხზე დგას, ხოლო, როცა პოლიციელებს კლავენ, მაშინ არავინ არაფერს ამბობს. თემურ შაშიაშვილმა აღნიშნა, რომ მძიმე მდგომარეობა არის ქუთაისში.

შემაჯამებელი სიტყვით გამოვიდა ედუარდ შევარდნაძე. მან განაცხადა, რომ საქართველო ჯერ ნახევრად სახელმწიფო არის.

## 5 მაისი

ამ რამდენი დღის წინ გაზ. „იბერია-საქტრში“ გამოქვეყნდა თბილისის სახელმწიფო უნივერსიტეტის 103 თანამშრომლის მიმართვა ედუარდ შევარდნაძისადმი. ამ მიმართვაში მოითხოვდნენ მის გადადგომას. რა თქმა უნდა, ამ ხელმოწერის ავტორები არიან ე. წ. „ზვიადისტები“. თსუ რექტორატმა და ადმინისტრაციულმა საბჭომ განაცხადა, რომ უნივერსიტეტის ძირითადი კოლექტივი არ იწონებს ამ მიმართვას. ამას მოჰყვა ფილოლოგიის ფაკულტეტის სამეცნიერო საბჭოს განცხადება. ეს მე უკვე აღარ მომეწონა, რადგან ჩანდა, რომ იწყება კამპანია ზემოდან, ისეთივე კამპანია, რომელსაც მიჩვეულები ვიყავით 70 წლის განმავლობაში. გუშინ მივედი ისტორიის ფაკულტეტზე. წინა ხანებში, ავადმყოფობის

შემდეგ ფაქტობრივად არ დაედოდი. დეკანმა, კარლო მეშველიანმა მიიხრა, ძალიან კარგი, რომ გამოხვედით, რადგან ხეალ არის დანიშნული ისტორიის ფაკულტეტის სამეცნიერო საბჭოს სხდომა და რომ საბჭოზე უნდა დაგვეგმო პროფ. ვახტანგ ჯანჯღავა და დოც. მიტო ლეთოდიანი, რომლებმაც მოაწერეს ხელი 103 თანამშრომლის მიმართვას. ორივე პიროვნებას დიდ პატივს ვცემ, ისევე როგორც ისინი მე. დეკანს განუცხადე, რომ პირადად მე არ ვეთანხმები იმ 103 კაცის მიმართვის შინაარსს, მაგრამ მათ თავიანთი აზრი გააჩნიათ. მე არავითარი უფლება არა მაქვს ისინი დავეგმო და თან იმ მეთოდებით, როგორც ეს ხორციელდებოდა ადრე, საბჭოთა კავშირის დროს და ხორციელდებოდა თვით ზვიად გამსახურდიას მმართველობის დროსაც. მშენიერად მახსოვს, როგორ გმოხდა სოფელ ბაკურციხის პროფტექნიკური სასწავლებლის კოლექტივი უნივერსიტეტის კოლექტივს. კარლო მეშველიანს პირადად ვუთხარი, რომ ჩემთვის ნერვიულობა არ შეიძლება, რადგან ფაქტობრივად ერთი თვე ვინეკი მწვავე იშემიის გამო, ხოლო საბჭოს სხდომას, პროტესტის ნიშნად, არ დავესწრები და ნერილობით ვაცნობებდი საბჭოს ჩემი არდასწრების მიზეზის შესახებ. ამ საუბარს ესწრებოდა პროფ. გურამ ლორთქიფანიძე, რომელიც შემეკამათა. გია ავალიშვილმა დამამშვიდა და მიიხრა, რომ ჩემთვის ნერვიულობა არ შეიძლება.

სალამოს პარლამენტის სხდომას ვუყურებ. თემურ ხაჩიშვილი გამოვიდა სიტყვით. მას პოლიციის დამატებითი ნაწილები შეუყვანია ხობში. ამან დიდი შემფოთება გამოიწვია სამეგრელოში. ლოთი ქობალაია საჩქაროდ დაბრუნდა უკან ოჩამჩირედან. თენგიზ კიტოვანმა თემურ ხაჩიშვილს უთხრა, ეს სპეციალურად გააკეთეთო, რითაც ჩაშალეთ მოლაპარაკებაო. სიტყვით გამოვიდა ჯაბა იოსელიანი. მან განაცხადა,

რომ ლოთი ქობალია 120 კაცით ოჩამჩირედან კურდღელეოთ გამოიქცაო. ჯაბა იოსელიანმა პოლიტიკურ პარტიებსაც გადაუარა. აშკარად ჩანდა, „მხედრონი“ ნაწყენი იყო, რომ ოჩამჩირედან გამოიყვანეს და ამიტომ შეიყვანა თემურ ხაჩიშვილმა პოლიციის ნაწილები ხობში. ადრე აკაკი ასათიანმა სწორად თქვა, და მეც დავწერე ამის შესახებ, რომ ლოთი ქობალიასთან შერიგებას თბილისიდან ჩაშლიანო. მამუკა გიორგაძემ, რა თქმა უნდა, მხარი დაუჭირა თემურ ხაჩიშვილს. ერთმა დემუტატამა ნამოიძახა, არ გამიხდა ლოთი ქობალია ნაპოლეონო და, რომ ის არის ბანდის მეთაურო. რევაზ შავიშვილმა თენგიზ კიტოვანს უთხრა: რა მოხდა 120 კაცით შევიდა ქობალია აფხაზეთში, ჩვენ კი გავაფეთქეთო, თქვენ ქობალია პირველს მოგჭრით თავსო.

**თენგიზ კიტოვანმა** განაცხადა, რომ ბევრი რამ გამოსწორდა, არცერთი ხიდი აღარ ფეთქდება, გზები გაიხსნა და თქვენ გინდათ, რომ ერთმანეთი ისევ დავჭამოთო. აბსოლუტურად სწორი განცხადებაა!

**ჯანსუღ ჩარკვიანი:** რომელი გვაძი ბიგვაა გამოსწორებული ლოთი ქობალია. მან თემურ ხაჩიშვილს მიმართა, სწორი გზა გაქვს არჩეულიო.

**მერაბ ურიდია** განაცხადა, რომ იყო სენაკში. პოლიციის შეყვანამ ისევ მისცა საბაბი ლოთი ქობალიას. ნალენჯიხა, ჩხორონყუ, ზუგდიდი არ გვენდობა ეგზეკუციების გამო. არ უნდა მიგვეცა საბაბი ლოთი ქობალიასთვისო.

**ჯაბა იოსელიანი:** ხალხი გადაიღალა, პოლიციას უნდა მივცეთ თავისუფლება.

**ირინა სარიშვილი:** მომეცით უფლება განცხადება გავაკეთო.

**ედუარდ შევარდნაძე:** ლოთი ქობალიას არ უნდა მივცეთ ფორმალური საბაბიც კი, რომ თუნდაც ხუთი კაცით უკან გამობრუნდეს... რანაირი შინაგან საქმეთა სამინისტრო შეიძლება არსებობდეს, თუ მას

უფლება არ ექნება გადაადგილოს პოლიცია. ამ საკითხში სადავოს ვერ ვხედავ... ჯობს თავი დაეანებოთ მეგრულ და ანტიმეგრულ საუბრებს. ჩვენ ვამაყობთ ამ კუთხით.

**ედუარდ შევარდნაძემ** ნახევარი საათით შესვენება გამოაცხადა. თენგიზ კიტოვანი აღარ მოვიდა შესვენების შემდეგ. ირინა სარიშვილიმა განაცხადა, რომ თავისი განცხადება მან გააცნო თენგიზ კიტოვანს. მან აღნიშნა, რომ საქართველოში ფაქტობრივად ომია, ომის დროს ქვეყანას არ ჰყავს თავდაცვის მინისტრი და ვიცე-პრემიერი. უმოკლეს ვადაში ეს საკითხი უნდა გადაწყვიტოს სახელმწიფოს მეთაურმა და მინისტრთა საბჭოს თავმჯდომარემ. სახელმწიფოს მეთაურმა გააკეთა განცხადება, რომ მოვა დრო, როდესაც ყველაფერს იტყვის. მოვითხოვთ დავთქვათ დღე და საბოლოოდ ითქვას ვინ ვინ არის. სახელმწიფო გადატრიალება უკვე მიმდინარეობს, როცა თენგიზი ლაპარაკობს სულ ხუმრობს და იცინის... ასეთი ხუმარა მინისტრი არასერიოზულად მიმაჩნია.

**ედუარდ შევარდნაძემ** განაცხადა, რომ ადრე არ იცნობდა არმიის შენაერთებს, ამიტომ მიაჩნდა, რომ ჯობია ისევ თენგიზ კიტოვანი დარჩენილიყო. გამონათქვამებში ფრთხილი უნდა ვიყოთ, ამაში მეც ვცოდავო, ხუთშაბათს განვიხილოთ პრემიერის მოადგილის და თავდაცვის მინისტრის თანამდებობის საკითხიო.

## 6 მაისი

დღეს გიორგობაა. ვნახოთ, როგორ დამთავრდება ეს დღე.

დღით პარლამენტის სხდომაზე თქვეს, რომ პრემიერის მოადგილის და სამხედრო მინისტრის საკითხი განიხილებოდა სალამოს სხდომაზე. ოთხ საათზე დაიწყო სალამოს სხდომა. ედუარდ შევარდნაძე არ ჩანდა.

სიტყვით გამოვიდა პრეზიდენტის მინისტრი ავთანდილ სილაგაძე. გავიდა ერთი საათი და ორმოცი წუთი. პოეტმა გენო კლანდიაშვილმა დაიძახა: რა დროს აქციებზე საუბარი, მოვიდეს სახელმწიფოს მეთაური და თავდაცვის მინისტრი და პასუხი გავცენ სოხუმი რომ იბომბებო. აკაკი ბობოხიძემ ვეღარ მოითმინა და იყვირა: აღარ გეყვით დროის გაყვანა? იქ მოლაპარაკება მიმდინარეობს და ამდენი ხალხი ტყუილად ესხმდებიანო! ჯერჯერობით კამათი პროვოკაციაზე გრძელდება. ირაკლი ნერეთელმა ვეღარ მოითმინა და დაიძახა: რომელი ლუკმის გადაყლაპვაც არ შეგვიძლია არ უნდა წავეპოტინოთო, გვეყოფა უაზრო ლაპარაკი სოფლის მეურნეობაზე! 5 საათსა და 45 წუთზე ვახტანგ გოგუაძემ შეაჩერა სხდომა. შესვენების დროს აჩვენეს, რომ 2 საათზე და 30 წუთზე ორი თვითმფრინავი შემოფრინდა სოხუმის თავზე და ოთხი პარაშუტით გადმოაგდეს ოთხი ბომბი, ბუმბუმი და ქალი დაიღუპნენ. სახლები დაზარალებულია. კიდევ კარგი, პარაშუტით რომ გადმოყარეს ბომბები. სოხუმელებმა თქვეს, რომ უამრავი ხალხი ყოფილა ერთგან გასვენებაზე, მათ დაინახეს როგორ ცვიოდა ბომბები და გაქცევა მოასწრეს. საშინელება ხდება! ვინც ჯარი შეიყვანა აფხაზეთში და ეს მომენტები არ გაითვალისწინა, ნამდვილად დასაჭერები არიან. რას ერჩოდნენ ამ საწყალ ხალხს, იქ მცხოვრებლებს, რომლებიც გაძარცვეს და მიატოვეს. ახლა ფაქტობრივად მხოლოდ ადგილობრივი მოსახლეობა იბრძვის. სწორად აღვნიშნე რადიოინტერვიუში, რომ ტერიტორიები კი არა, აფხაზეთში მცხოვრებელ ქართველები დაკარგეთ, ჩვენ მათ კი არ დავეხმარეთ, არამედ გავაუბედურეთ.

სალამოს 7 საათზე განახლდა პარლამენტის სხდომა. გამოვიდა ედუარდ შევარდნაძე. მან განაცხადა, რომ ომი გაჭიანურდა... რომ შესთავაზა თენგიზ კიტოვანს პრემიერის მოადგილის თანამდებობა და რომ

ემუშავათ როგორც მუშაობდნენ. მან კატეგორიულად უარი განაცხადა. დღეს დილით ვისაუბრეთ თავდაცვის საბჭოზე, საბჭოს წევრებმაც თხოვეს თენგიზ კიტოვანს, მაგრამ მან სხდომა დატოვა... 15 წუთის წინ კიდევ ვთხოვე, მაგრამ არაფერი გამოვიდა. ის დეპუტატად აპირებს დარჩენას. არავითარი გადატრიალება არ მოხდება, ხალხი მხარს არ დაუჭერს გადატრიალებას, გადატრიალების მომხრეები მხოლოდ ნაძირლები შეიძლება იყვნენ. თუ გვინდა ავაშენოთ ჩვენი ქვეყანა ერთმანეთს უნდა მოვუსმინოთ ... პირველი, რაც მინდა გაცნობოთ ისაა, რომ მე მინდა გამოვხატო ჩემი დამოკიდებულება თენგიზ კიტოვანისადმი. მე მას მადლობა მინდა გადაუხადო, მისი როლი დიდია, რაც მან გააკეთა თავის ხალხთან ერთად თუ ის მოისურვებს ჩამთვალოს თავის მეგობრად და თანამებრძოლად. დღეს ქვეყანაში საომარი მდგომარეობაა, ამიტომ ვიცი-პრემიერზეც ვიფიქროთ, მაგრამ აუცილებელია დღესვე განვიხილოთ სამხედრო მინისტრის თანამდებობის საკითხი. იყო მრავალი წინადადება, იყო მოსაზრება, რომ პოლიტიკური მოღვაწე დაგვენიშნა ან დაგვენიშნა ძველი გამოცდილი გენერალი. მე არჩევანი გავაკეთე ახალგაზრდა კაცზე და მინდა შემოგთავაზოთ გენერალ გია ყარყარაშვილის კანდიდატურა. იგი პატრიოტი კაცია და გამოცდილიც. მე უპირდები, რომ მხარში ამოვუდგები, ყველაფერს გავაკეთებ, რომ მან ღირსეულად შეასრულოს თავისი მოვალეობა (ცრმელები მომდის ისე მიხარია, რადგან გიას მართლა ეკუთვნის ეს თანამდებობა).

ნოდარ ნათაძემ მხარი დაუჭირა. თემურ ყორგოლიანმა განაცხადა: ვიცით არმიის სურვილი და ამიტომ მოგინდებთ მხარი დაუჭიროთ კანდიდატურას.

ირაკლი ბათიაშვილმა განაცხადა, რომ ის გახარებულია გია ყარყარაშვილის დანიშვნით და რომ მთელი მისი სამსახური მას მხარში ამოუდგება.

**თენგიზ სიგუა:** გიას კარგა ხანია ვიცნობ, მხარს ვუჭერ. ის დიდი სიყვარულით სარგებლობს მის თანამებრძოლებს შორის.

გიასთვის მოულოდნელი იყო ეს დანაშაული. იგი ჯერ გაჯოუტდა, მთელი დღე დასჭირდათ, რომ დაეყოლიებინათ.

**მამუკა გიორგაძემ** მხარი დაუჭირა. **დათო ბერძენიშვილმა** განაცხადა, ჩვენ მივესალმებით ამ გადანეცილებასო.

**ვალერი კვარაცხელიამ** განაცხადა, რომ გია სულით ხორცამდე პატრიოტი კაცია. მინდა გიორგობა მიველოცო.

**ქართლოს ლარიბაშვილმა** მხარი დაუჭირა.

**ჭაბუა ამირჯიბმა** განაცხადა, რომ გიას დიდი ორგანიზატორული ნიჭი გააჩნია.

**რეზო ჯაფარიძემ** მხარი დაუჭირა და ამავე დროს აღნიშნა კიტოვანის დიდი დამსახურება.

**იზა ორჯონიკიძე:** გია, შეილო, ძმაო, შენ უანგარო სამსახურს გაუმარჯოს.

ჩატარდა კენჭისყრა, მომხრე აღმოჩნდა 149 დეპუტატი, წინააღმდეგი 10.

სიტყვით გამოვიდა გია ყარაყარაშვილი. მან განაცხადა: მინდა მადლობა მოვახსენო თენგიზ კიტოვანს. მე ის გავიცანი, როდესაც ცხინვალში დამჭრეს და იქიდან გამომიყვანეს. მერე ერთად ვიყავით, მადლობა პირადად ჯაბა იოსელიანს.

**ედუარდ შევარდნაძემ** განაცხადა, რომ უნდა მადლობა გადაუხადოს თენგიზ კიტოვანსა და ჯაბა იოსელიანს.

## 8 მაისი

ნაკიეთზე გუშინდელი „საქართველოს რესპუბლიკა“, სადაც თითქმის მთელი გვერდი აქვს დათმობილი უნივერსიტეტის 103 თანამშრომლის მიმართვის დაგმობას. ვატყობ ისევ ძველი დრო დგება. აქ არის იურიდიული, ფილოსოფიისა და სოციოლოგიის ფაკულტეტების სამეცნიერო საბჭოების განაცხადებები, შუქია

აფრიდონიძისა და სხვათა განცხადებები. ჩემი აზრით აბსოლუტურად არ არის საჭირო ასეთი პროპაგანდა.

როდესაც გია ყარაყარაშვილს ნიშნავდნენ, გამიკვირდა ჯაბა იოსელიანს რატომ გადაუხადა მადლობა გია ყარაყარაშვილმა. აღმოჩნდა, რომ ჯაბა იოსელიანს თვითონ უთქვამს უარი უშიშროების და თავდაცვის საბჭოს თავმჯდომარის მოადგილის თანამდებობაზე და მხარი დაუჭირა გიას კანდიდატურისთვის.

ედუარდ შევარდნაძემ თენგიზ კიტოვანი და ჯაბა იოსელიანი დააჯილდოვა ვახტანგ გორგასლის პირველი ხარისხის ორდენით. ამ ორი ფიგურის ჩამოცილება მნიშვნელოვანი ფაქტორი იქნება საქართველოს ისტორიაში, რადგან დღემდე სულ ლაპარაკობდნენ, რომ ედუარდ შევარდნაძე მათ ჩამოიყვანეს და ის ასრულებს მათ ნება-სურვილს. ალბათ, ერთ თვეში ამას მოჰყვება სიგუას ჩამოცილებაც, მის ადგილს, ალბათ, ედუარდ შევარდნაძე დაიკავებს.

ამ დღეებში გუდაუთაში მიმდინარეობდა სამშვიდობო მოლაპარაკება აფხაზეთის სამხედრო მინისტრის მოვალეობის შემსრულებელს, სოსლანიევს და ლოთი ქობალიას შორის. ამ მოლაპარაკებას უარყოფითი რეაქცია მოჰყვა სოხუმიდან, თამაზ ნადარეიშვილის მხრიდან. მან განაცხადა, რომ სამშვიდობო მოლაპარაკებების წინააღმდეგი არ არის, მაგრამ არა არძინბასთან. მნიშვნელოვანი მოვლენა იყო ზურაბ ლაბაძეს განთავისუფლება მინისტრთა საბჭოს თავმჯდომარის მოადგილეობიდან. ზურაბ ლაბაძემ მოსკოვში ინტერვიუ მისცა „ნეზავისი-მია გაზეტას“. აღმოჩნდა, რომ მას არძინბასაგან საკმაოდ განსხვავებული აზრი გააჩნია.

## 16 მაისი

7 მაისს ბოლნისში სვანებმა სცემეს მოდებამე. მას ბოლნისელები გამოეკომბანენ

და ლილე ქალდანი დაჭრეს, დაიჭრა ორი ბოლნისელიც. სვანებმა საავადმყოფო დაიკავეს და ყველას ესროდნენ. მათ თავიანთი ხალხი აფრინეს დმანისში, მარნეულში და საშველად სვანები იხმეს. მეორე დღეს ორი სვანი დაჭრეს. იქ ჩავიდა თენგიზ სიგუა, მეორე დღეს — ედუარდ შევარდნაძე.

11 მაისს ქუთაისში რუსების ბატალიონის ტერიტორიაზე „მხედრონი“ შევიდა. რუსებმა მოკლეს 7 და დაჭრეს 10 კაცი.

14 მაისს ბორის ელცინი და ედუარდ შევარდნაძე შეხვდნენ ერთმანეთს მოსკოვში. გადწყდა, 20 მაისიდან შეწყდეს ცეცხლი აფხაზეთში. ვნახოთ, როგორ დამთავრდება ეს ყველაფერი. გია ყარყარაშვილი შეხვდა პავლე გრაჩოვს. გიამ განაცხადა, რომ ზეპირად შეთანხმდნენ ემერიდან ლაბორატორიის გატანაზე.

## 25 მაისი

20 მაისიდან, მცირე დარღვევებით, მაგრამ მაინც სრულდება შეთანხმება ცეცხლის შეწყვეტის შესახებ.

ძალზე მძიმე მდგომარეობაა კრიმინოგენური თვალსაზრისით. ამას რა ეშველება, არ ვიცი. დღეს ვკითხულობ გაზ. „რეზონანსს“: ერთი კვირის განმავლობაში საქართველოში მოხდა 160 მკვლელობა. ქართველები ერთმანეთს ხოცავენ. გახსნილია სულ 10 მკვლელობის საქმე. რომელ ეროვნულ გრძნობებზე ვლაპარაკობთ? 14-15 მარტს დიდი შეტევა დაიწყო სოხუმზე, სულ დაიღუპა ასამდე ქართველი, ერთ კვირაში კი მოკლეს 160 კაცი. რა ეშველება სანყალ საქართველოს, რომელიც ყაჩაღებისა და ბანდიტების ქვეყანა ხდება.

გაზ. „რეზონანსში“ გამოქვეყნდა ინტერვიუ ჯაბა იოსელიანთან. იგი აცხადებს: მულაკუდები (გულისხმობს ლოთი ქობალიას) სად დარბიან, არ მინტერესებსო. ქობალია

თავისი 100 კაცით — „ეს შეიარაღებული გლეხობა, უტუ მიქაეას ვარიანტია“.

აშკარად ჩანს, რომ ჯაბა იოსელიანი ბოლომდე შეურთგებელია ამ რაზმისადმი და ეს კარგს არაფერს მოგვიტანს.

## 26 მაისი

დღეს ჩატარდა სამხედრო აღლუმი. ზეიადისტები იკრიბებოდნენ ფილარმონიასთან, მაგრამ მათ შიტინგის ჩატარების საშუალება არ მისცეს.

## 27 მაისი

დღეს პარლამენტის სხდომაზე იხილებოდა საკითხი, რათა „მხედრონის“ ბაზაზე შექმნილიყო „მამველთა კორპუსი“, როგორც სახელმწიფო კომიტეტი. წინა სხდომაზე პარლამენტმა მიიღო გადაწყვეტილება, რომ ფაქტობრივად იქმნება ახალი სამინისტრო და ამიტომ მოინვიეს თენგიზ სიგუა. დღეს პარლამენტის სხდომაზე თენგიზ სიგუამ განაცხადა, რომ ასეთი ორგანო შექმნილია თავდაცვის სამინისტროსთან, ამიტომ ახალი სტრუქტურის შექმნა არ არის საჭიროო.

დღეს „მხედრონიმ“ დაიწყო საპროტესტო აქცია ოპერის ბაღში. არ ვიცი შიმშილობენ თუ არა. ყოველ შემთხვევაში დღეს რომ გავიარე ოპერასთან, იქ საკმაო ხალხი ტრიალებდა.

## 28 მაისი

გაზ. „რეზონანსში“ დაიბეჭდა ინტერვიუ ჯაბა იოსელიანთან. მან ძალზე ცუდად მოიხსენია თენგიზ სიგუა. ჯაბასთან მისულა თენგიზ კიტოვანი. გაზეთში წერია, რომ თენგიზ კიტოვანს უთქვამს ჯაბასთვის: მე ეხლა მოვედი მეგობრების და ძმაცაცების

სანახავად, თუ საჭირო იქნება მთელ გვარდიას მოგიყვანო. ჯაბა იოსელიანმა აღნიშნა, სამი მთავრობა გამოვიცვალეთ, მეოთხესაც გამოვიცვლით.

დღის პირველ საათზე შეიკრიბა პარლამენტის საგანგებო სესია. სიტყვით გამოვიდა ედუარდ შევარდნაძე. მან თქვა, რომ მინისტრთა საბჭოში შეიქმნა კომისია, რომელიც ორ კვირაში შეიმუშავებს სტატუსს „მამულთა კორპუსის“ შესახებ. სამ საათზე კიროვის პარკში იყო „მხედრიონის“ შეკრება. იქ მივიდა ედუარდ შევარდნაძე, კოტე გაბაშვილი, ვახტანგ გოგუაძე. აქცია შეწყდა.

## 2 ივნისი

ედუარდ შევარდნაძე ჩავიდა ყაზახეთში, დღეს იგი ჩინეთშია.

საქართველოში საშინელი ეკონომიკური მდგომარეობაა. რა თქმა უნდა, გამართლდა ჩემი სიტყვები – კუპონი უფასურდება. ერთი დოლარი 3200 კუპონი ღირს, რუსული მანეთი — 1200 კუპონი. თავდაპირველად ერთ-ერთზე იყო რუსული მანეთი და კუპონი. ე. ი. ჩვენ ხელფასები სამჯერ შემცირდა. უმეტეს მაღაზიებში კუპონს არ იღებენ. მალე ამას, როგორც ვამბობდი, მოჰყვება მთავრობის ნევრების შეცვლა. რომან გოცირიძეს ალბათ გადააყენებენ. მართლაც, მთავრობა არაფერს აკეთებს და ალბათ ვერც გააკეთებს, ისეთი სიტუაციაა საქართველოში.

## 4 ივნისი

დღეს ხელფასები გაორმაგდა, მაგრამ რას უშველის ეს?

ირაკლი ნერთელმა გუშინ პარლამენტის სხდომაზე მოითხოვა ედუარდ შევარდნაძის გადადგომა. ეროვნულ-დემოკრატიულმა პარტიამ გააკრიტიკა შევარდნაძე, რადგან ის

გადამჭრელ ზომებს არ იღებს და არა ჰყავს ერთიანი გუნდი. დღეს გამოქვეყნდა გაიჭანტურიას ინტერვიუ, სადაც მან ირაკლი ნერთელის მოთხოვნას ედუარდ შევარდნაძის გადადგომის შესახებ სიბეცე უწოდა. გაიჭანტურია მსწორად თქვა, რომ ახლა სხვა რომ ავირჩიოთ, სანამ ის ავტორიტეტს მოიპოვებს წლები გავაო.

დღეს ვკითხულობ, რომ გაძარცვეს ნიკო ლორთქიფანიძის სახლ-მუზეუმი. ხალხი გადაგვარდა. მსწორად ენერა გუშინ, მე მგონი, ვაზ. „დროში“, რომ ჩვენ იმ მხეცებს დავემსგავსეთ, რომლებიც ზოოპარკში იზრდებიან და გალიიდან გამოშვების შემდეგ დამოუკიდებელი ცხოვრება აღარ შეუძლიათ. რა გვეშველება, არ ვიცი, რა საჭიროა ასეთი დამოუკიდებლობა, თუ ერი საბოლოოდ ნახდა, გადაგვარდა და თაობები მოისპო.

## 10 ივნისი

გუშინ ჩამოვიდნენ ანდრეი კოზირევი, ბარანიკოვი და ბორის გრომოვი. შემდეგ ისინი გუდაუთასა და სოხუმში გაემგზავრნენ.

დღეს პარლამენტის სხდომაა. დიდი ამბებია კუპონის გაუფასურებასთან დაკავშირებით.

ვახტანგ გოგუაძემ შენიშვნა მისცა ნოდარ ნათაძეს, რომელიც თენგიზ სიგუას ეპასუხებოდა. ნათაძემ ვახტანგ გოგუაძეს მიმართა: „თქვენი შენიშვნა თქვენთვის დააკონკრეტეთ. დვალისვილსა და თენგიზ სიგუას შორის დიდი კამათი გაიმართა. ამით ჯაბა იოსელიანი ერთობოდა და იცინოდა. ბოლოს მან განაცხადა, რომ ბანკებს აუუკრძალოთ კრედიტის გაცემა და „მხედრიონს“ იარაღის ტარებაო.

ედუარდ შევარდნაძემ აბსოლუტურად მსწორად შენიშნა, რომ საკითხი მოუშნადებული იყო. შევარდნაძემ განაცხადა, რომ



პარლამენტში ბზარი გაჩნდა და რომ არცერთი ქვეყანა აღარ დაგველაპარაკებოდ.

## 15 ივნისი

გუშინ ედუარდ შევარდნაძემ განაცხადა, რომ პოლიტიკას გადავეყვით და ეკონომიკა დაგვაინყვადო (ამას ისე ამბობს, თითქოს ჩემი ბრალი იყოს). ეს ეკონომიკის დავიწყება კი არ არის, არამედ ეკონომიკის დანგრევაა. ამჟამად პურზე საშინელი რიგებია, ხალხი ძირითადად ფეხით დადის. მოძრაობს რამდენიმე ტროლეიბუსი, რომელთა სახურავეებზეც ხალხი სხდება. საქართველო ფაქტობრივად განადგურებულია. თითქმის არცერთ პოლიტიკოსს არ ადარდებს ხალხის ბედი.

## 16 ივნისი

ამ ორი დღის წინ ტელევიზიით გამოვიდა თბილისის პოლიციის სამმართველოს უფროსი დავით ზეიკიძე და საზოგადოებას ათხოვა, რომ 16 ივნისს, დილის 10 საათზე დაგეგმილ თბილისის პოლიციის შეხვედრას დაესწრებოდნენ პარლამენტის, მთავრობის და პარტიების წარმომადგენლები და, რომ ბოლოს და ბოლოს საჭიროა თბილისში ნესრიგი დამყარდეს.

ირაკლი წერეთელმა გაზ. „ივერია ექსპრესისათვის“ მიცემულ ინტერვიუში განაცხადა, რომ იწყებს გამოსვლებს შევარდნაძის გადადგომის მოთხოვნით და თუ პოლიცია ჩვენ ხელს შეგვიშლის, სულ უბრალოდ, ჩვენ მათ ვცემთო, ჩვენ ძლიერი მამაკაცები გვყავსო. მეორე დღეს დავით ზეიკიძემ განაცხადა, რომ ასეთი ბიჭები თუ ჰყავდა ირაკლი წერეთელს, სად გადაიკარგა ზეიკი და გამსახურდიას მმართველობის ბოლო პერიოდშიო.

გუშინ ტელევიზიით გამოაცხადეს, რომ საზოგადოების შეხვედრა თბილისის პოლიციასთან არ შედგებოდა. რატომ არ შედგებოდა ეს შეხვედრა ტელევიზიის პირველ არხს არ განუმარტავს. შემდეგ „იბერვიზიამ“ გამოაცხადა, რომ დავით ზეიკიძე გაათავისუფლეს და რომ თბილისის პოლიციამ დაიწყო გაფიცვა. აჩვენეს გაფიცულებიც. აღმოჩნდა, რომ დავით ზეიკიძე ისე გაათავისუფლეს, მისთვის არც უთქვამთ. არ ვიცი, რატომ გაათავისუფლეს იგი, მაგრამ დავით ზეიკიძე აქტიური და ენერგიული კაცია და შეიძლება იმიტომ გაათავისუფლეს. მას საკმაოდ პრინციპული პოზიცია ეკავა, როდესაც „მხედრონი“ გაფიცული იყო. რას შერება ედუარდ შევარდნაძე? ვერაფერი გავიგე მისი პოლიტიკის. ედუარდ შევარდნაძე ფაქტობრივად ველარაფერს აკეთებს, ქვეყანა ინგრევა.

## 17 ივნისი

ინტერვიუ გია ჭანტურასთან. მან აღნიშნა: გაუმართლებელი იყო დავით ზეიკიძის განთავისუფლება. ედუარდ შევარდნაძე რომ ჩამოვიდა, მისი ხელმძღვანელობით გვიწდა, რომ აღდგეს საქართველო. მაგრამ რთული ხალხი აღმოვჩნდით და საშუალება არ მივეცი მას. ჩამოსვლა ედუარდ შევარდნაძის ნება იყო, ხოლო გადადგომა მისი ნება არ არის. ძალიან სწორად თქვა გიამ, რომ ედუარდ შევარდნაძე უნდა გავანთავისუფლოთ დამყაყუბული აზროვნების მქონე გარემოცვისგან და რომ უნდა დანიშნურდეს ახალგაზრდობა. რაც შეეხება კომუნისტების გამოცდილებას, ეს უაწყობოთი გამოცდილებაა. არ არსებობს ერთიანი გუნდი, ჩვენ ლიმიტით, ტაშფანდურით უფსკრულსაკენ მივდივართ. უნდა მივმართოთ რადიკალურ ზომებს. ადამიანს არ უნდა ემინოდეს, რომ

შვილს მოსტაცებენ ან პირადად მას მოკლავენ. შიმშილს კიდევ მოითმენს ადამიანი, მაგრამ, რაც საქართველოში ხდება, იმის მოთმენა შეუძლებელიაო.

## 23 ივნისი

გუშინინი ედუარდ შევარდნაძე გაემგზავრა ბელგიასა და გერმანიაში. ქალაქში ძალიან ჭირს პურის შოვნა, ხალხი ღამეებს ათენებს პურის რიგებში.

სენაკში გადაკეტეს რკინიგზა. ლოთი ქობალია იმუქრება. კაცმა არ იცის, რა ხდება სამეგრელოში. იქ ჩავიდა თემურ ხაჩიშვილი.

## 25 ივნისი

გუშინ საშინელი დღე იყო სოხუმში. მასირებული თავდასხმა მოხდა არტილერიის გამოყენებით. დაიღუპა 12 მშვიდობიანი მოქალაქე, დაიჭრა 33. ამ დროს პარლამენტის სხდომებზე დეპუტატები არც დადიან. ტელევიზიამ საშინელი პროპაგანდა დაიწყო ლოთი ქობალიას წინააღმდეგ. ხალხს არწმუნებენ, რომ ის შეკრულია აფხაზებთან, ამზადებს „გრადის“ ტიპის არტილერიას და ა.შ.

ჩემი აზრით, სანამ ქვეყანაში წესრიგი არ დამყარდება, ამ ომს ვერ მოვიგებთ.

## 29 ივნისი

ედუარდ შევარდნაძე დაბრუნდა გერმანიიდან და ბრიუსელიდან. პარლამენტის სხდომები გრძელდება. აკაკი ასათიანის გამოსვლა იყო ზომიერი. ირინა სარიშვილმა ისევ მოითხოვა წესრიგის დამყარება.

ჯუშუბერ პატიაშვილმა კარგად ილაპარაკა. მან აღნიშნა, რომ საქართველოში კანონი არ მოქმედებს და მიხედონ შინაგან

საქმეებს, რადგან მათი გადაჭრის გარეშე არაფერი გამოვა (აქ ჩვენი აზრები დამთხოვა ერთმანეთს).

გია ყარყარაშვილი გამოვიდა და განაცხადა: ორი თვეა, რაც ის დანიშნულია სამხედრო მინისტრად, ხშირად გაისმის საყვედურები არმიის მიმართ. რა დააშავეს მათ, ვინც სანგრებში სხედან? მესმის, რომ არის ყაჩაღობა და მთლიანად წესრიგი არაა დამყარებული, მაგრამ დღითიდღე საქმე მაინც წინ მიდის. უცებ ომს ვერ მოვიგებთ. გია ყარყარაშვილმა აღნიშნა, რომ რუსეთის თავდაცვის მინისტრი ხელშეკრულების დასაღებად ჩამოვა. მზადაა ხელშეკრულების ტექსტიც.

თამაზ ნადარეიშვილმა სწორად აღნიშნა: აფხაზეთის საკითხი რომ იხილებოდა 58 დეპუტატი შეიკრიბა მხოლოდ, ახლაც ყველა შინ გარბის. საქმეს რომ გაეცნონ, სოხუმში უნდა ჩაბრძანდნენ დეპუტატები.

## 30 ივნისი

ედუარდ შევარდნაძე გამოვიდა პარლამენტში და განაცხადა: „ჩვენ დავდეთ ურთიერთდამარების ხელშეკრულება ევროპის უდიდეს სახელმწიფოსთან – უკრაინასთან“. გამეცინა, ადრე ზუსტად ასე თქვა ზვიად გამსახურდიამ: ჩვენ გვცნო ევროპის უდიდესმა სახელმწიფომ და ყველა ელოდა საფრანგეთს, ინგლისს ან გერმანიას, მან კი გამოაცხადა — უკრაინა.

ედუარდ შევარდნაძის მოხსენების შემდეგ გამოვიდა თენგიზ კიტოვანი და თქვა: ეს მოხსენება ჰგავს 70-იანი წლების, კომუნისტების პერიოდის მოხსენებასო.

## 2 ივლისი

დღეს მძიმე დღეა. მთელი ღამე ბომბავდნენ სოხუმს. დაბობგვა გაგრძელდა დილითაც. ისროლეს 200-მდე ჭურვი. ოჩამ-

ჩირესთან დესანტი გადმოსხეს (600 კაცი). რვა საათზე გადმოსცეს, რომ ზუგდიდში გამოსულა დეპუტატი მაქაცარია, რომელსაც ნაუკითხავს გამსახურდიას ბრძანება. თითქოს ამ ბრძანებით ლოთი ქობალიას ჯარისკაცებმა უნდა დატოვონ პოზიციები აფხაზეთში.

სიმართლე გითხრათ, გავშტერდი. როგორ შეიძლება ასეთი ტყუილის თქმა, არ დამიჯერებია და არც დავიჯერებდი, რომ ასეთ საზიზღარ ბრძანებას გასცემდა ზვიად გამსახურდია. მართლაც, 10 საათზე გადმოსცეს, რომ ეს ტყუილია. ძალიან გამიხარდა, რომ ლოთი ქობალია 800 კაცით შევიდა ოჩამჩირეში.

### 3 ივლისი

დღეს გადმოსცეს, რომ ოჩამჩირესთან გადმოსხმულ დესანტს ქართველები უტყვენ. მონინალმდეგემ დაკარგა 150 კაცი. როგორც იქნა ტელევიზიამ აღიარა, რომ ამ ბრძოლებში მონაწილეობს ლოთი ქობალიას რაზმი. აგრეთვე აღნიშნეს ისიც, რომ ლოთი ქობალიას მებრძოლები აქტიურად იბრძვიან. ქობალიას დაელუპა 3 მეომარი. ნეტავ ამ გადაცემას რომ უყურებენ, არ რცხვენიათ გუშინდელი გადაცემის ავტორებს!

ბორის ელცინის მითითებით საჩქაროდ ჩამოფრინდა ბორის პასტუხოვი. იგი გუდაუთაში იყო.

### 4 ივლისი

გუმისთასთან დაიწყო შეტევები. ოჩამჩირესთანაც დიდი ბრძოლება.

### 5 ივლისი

სოფ. შრომა სულ გაანადგურეს არტილერიით. ხალხი ადრე გაიხიზნა. აშკარად

ფართომასშტაბიანი შეტევა იწყება სოხუმზე. ედუარდ შევარდნაძე სოხუმშია. ჩვენ ძლივს ვაკავებთ შეტევას. ანდრეი კოზირევა გუშინ განაცხადა, რომ აფხაზები თავიანთ დედაქალაქს ბომბავენო და თუ ორ დღეში ხელი არ მოანერა ორივე მხარემ ხელშეკრულებას ცეცხლის შეწყვეტის შესახებ, მაშინ რუსეთი ეკონომიკურ და სხვა სანქციებს გამოიყენებსო.

### 7 ივლისი

მიმდინარეობს მძიმე ბრძოლები. აშკარაა, ყველაფერი მალე გადაწყდება. გაეროს უშიშროების საბჭომ წინადადება წამოაყენა აფხაზეთში გააგზავნონ 50 მეთვალყურე.

განსაკუთრებით მიხარია, რომ ლოთი ქობალიას რაზმი აქტიურად იბრძვის ოჩამჩირის რაიონში. რა სიღამამღეს არ წერდნენ, რომ თითქოს ის შეკრულია აფხაზებთან და იცოდა, რომ სოხუმს უნდა თავს დასხმოდნენო. ნეტავ, თუ რცხვენიათ იმათ, ვინც ამას წერდა!

### 8 ივლისი

ისევ მძიმე ბრძოლები მიმდინარეობს. ჩემი აზრით, ჩვენი წარუმატებლობის ერთ-ერთი მიზეზია, რომ გახსნეს ოჩამჩირე-სოხუმის გზა. განსაკუთრებით მძიმე ბრძოლება ტამიშთან. რაც შეეხება რუსეთს, ის თითქოს დემოკრატიული გახდა, მაგრამ ჩვენთვის უფრო საშიშია, ვიდრე მიხილ გორბაჩოვის დროს იყო. რუსეთის პროგრესულად მოაზროვნე პიროვნებები, რომელთაც სურდათ ცარიზმის რუსეთის დემოკრატიულ რუსეთად გადაქცევა, უფრო საშიში იყვნენ პატარა ერებისთვის, ვიდრე ცარიზმის მოხელეები. ამის მაგალითად მოვიყვანთ ცნობილი დეკაბრისტის პაველ პესტელის ცნობილი „კონსტიტუციის“ მე-11 მუხლს, რომელიც შეეხებოდა კავკა-

## 10 ივლისი

სიას. პავლე პესტელი წერს: კავკასიის ხალხი უნდა დაიყოს ორად – „მშფოთვარე“ და „არამშფოთვარე“ ხალხებად. „მშფოთვარენი“ უნდა გასახლებულიყვნენ შორეულ მხარეში, ხოლო „არამშფოთვარე“ ხალხის რუსიფიკაცია უნდა მომხდარიყო. დიდი სიფრთხილე გემართებს რუსეთთან მიმართებაში. ჩვენი გულისთვის მსოფლიო რუსეთს არ გადაიკიდებს და საქართველოს მიმართ ისევე მოიქცევა, როგორც 1921 წელს.

## 9 ივლისი

ირაკლი ქადაგიშვილი იყო ჯოხარ დუდაეთან. მან განაცხადა, რომ ჩეჩნები არ მიიღებენ მონაწილეობას აფხაზეთის ომში, რადგან აფხაზებს უნდათ რუსეთთან შეერთება. ჩემი აზრით, საქართველო ჯოხარ დუდაეთან კარგად უნდა იყოს, რადგან ის დიდი ძალაა რუსეთის წინააღმდეგ.

აკაკი ბაქრაძის საოცარი წერილია „ივერია-ექსპრესში“. იგი თენგიზ სიგუას მისამართით ამბობს: ომის დროს ქვეყნის მართვა არ შეიძლება თხოვნით, ქვეყნის მართვა შეიძლება მხოლოდ ბრძანებით, განკარგულებით, სასჯელით. თუ ხელისუფლებას ეს არ შეუძლია, უნდა წავიდეს, რადგან დედამიწის ზურგზე არ არსებობს სახელმწიფო, რომელსაც შეუძლია ასე არსებობა და ვერც საქართველო იარსებებს. ჩვენ ვუყურებთ თბილისს. განა თბილისში ვინმეს ეტყობა, რომ ოშია საქართველოში და რომ საქართველოში ახალგაზრდები იღუპებიან – არავის არ ეტყობა ეს. ხალხო! თუ აფხაზეთში ომი წავაგეთ, დარწმუნებული ბრძანდებოდეთ, რომ ხვალ საქართველო არ იარსებებს.

ახლა ირკვევა, რომ 2 ივლისს, როცა ტამიშთან დესანტი გადმოსხეს აფხაზეტმა, მათ აფხაზურ სკოლასთან ალყაში მოაქციეს 80 ქართველი მებრძოლი, საიდანაც გადარჩა მხოლოდ 30 კაცი (გაზ. „7 დღე“).

დღეს ბედნიერი დღეა. რა სამწუხაროა, რომ გული მანუხებს, თორემ აქ რა გამაჩერებდა. დღეს ჩვენებმა აიღეს ტამიში და სოხუმი ბლოკადისგან გათავისუფლდა. ორივე მხრიდან ქართველები შეერთდნენ. ეს ძალზე დიდი გამარჯვებაა! ამავე დროს გუმისთაზეც უკუაგდეს აფხაზები. სასიხარულოა, რომ თანდათან ეს ომი სამაშულო ომის ხასიათსაც იძენს. განსაკუთრებით მიხარია, რომ სამეგრელომ და პირად ლოთი ქობალაის რაზმებმა დიდი როლი ითამაშეს ამ ბრძოლებში. ისინი მართლა ვაჟკაცები არიან. ტამიშთან გამარჯვების შემდეგ ისინი წავიდნენ სოხუმის დასაცავად. ცრემლები მომდის.

## 14 ივლისი

გუშინ გია ყარყარაშვილმა (14 ივლისის 12 საათიდან) 24 საათი მისცა აფხაზებს, რათა დაეტოვებინათ სოფელი შრომა, ახალშენი და შეენყვიტათ ცეცხლი. წინააღმდეგ შემთხვევაში ქართველები დაიწყებენ შეტევას. ღმერთმა ქნას და რაიმე გარდატეხა მოხდეს, რათა მშვიდობიანი მოსახლეობა გადარჩეს. ვნახოთ, რა იქნება.

## 18 ივლისი

გუშინ დაიწყო ქართველების შეტევა შრომაზე და ახალშენის მიმართულებით. ვნახოთ, როგორ დამთავრდება.

ჩამოსული იყო ბორის ელცინის წარმომადგენელი, საგარეო საქმეთა მინისტრის მოადგილე ბორის პასტუხოვი. მან ჩამოიტანა გეგმა ცეცხლის შეწყვეტის პირობების შესახებ. ედუარდ შევარდნაძემ უარი განაცხადა, ვნახოთ, რით დამთავრდება ეს ყველაფერი.

თამაზ ნადარეიშვილის ნაცვლად აფხაზეთში დანიშნა ყიული შარტავა. ასეთი პიროვნება საჭიროა ამგვარ თანამდებობაზე. მე ვფიქრობდი, რომ ყიული ძალიან გამოდგებოდა შინაგან საქმეთა მინისტრად, მაგრამ ეს დანიშვნაც საჭიროა, რადგან ის საკმაოდ მკაცრი და ნერვივის მოყვარულია.

## 19 ივლისი

დღეს „ნოვოსტიში“ გამოვიდა ვლადისლავ არძინბა და განაცხადა: თუ პოლიტიკური მეთოდებით არ გადაწყდა სოხუმის საკითხი, ჩვენ მას ბრძოლით ავიღებთო.

დღეს პარლამენტის სხდომაზე ჯაბა იოსელიანმა განაცხადა, რომ, თუ რუსები აიღებენ სოხუმს, „მხედროინი“ პარტიზანულ ბრძოლებზე გადავა.

დღეს ტექნიკური კომისია ჩამოვიდა გაეროდან.

## 23 ივლისი

დღეს პარლამენტში დაისვა საკითხი მთავრობის გადადგომის შესახებ. ირინა სარიშვილმა ხუთ ფრაქციასთან ერთად დააყენა ეს საკითხი.

დღეს ტელევიზია აჩვენებდა ედუარდ შევარდნაძის შეხვედრას მწერლებთან. მან განაცხადა, რომ დღეს ბევრი აუბრალოებს ურთიერთობას რუსეთთან. ათეული წლები ერთად ვიყავით და არ შეიძლება უარი ვთქვათ ყველაფერზე, ეს ძალიან ძვირი დაგვიჯდა. რუსეთმა რომ სეპარატიზმის დახმარებაზე აიღო გეზი, ამაში გარკვეული წვლილი ჩვენც მიგვიძღვის... გაეროს არცერთ რეზოლუციაში არ არის მითითებული, რომ ჩვენ აგრესორები ვართ.

დღეს 50000 ათასი კუპონი გადავრიცხე თავდაცვის ფონდში.

## 24 ივლისი

დღეს პარლამენტის სხდომა იყო. ვერ მოეუსმინე. იხილებოდა საკითხი მთავრობის გადადგომის შესახებ. მე ერთ ეპიზოდს შეეყენარი, სადაც თენგიზ კიტოვანმა ბრალი დასდო კორუფციაში მწვანეებს, კერძოდ 102 მილიარდის მიღებაში. ზურაბ ჟვანია პარლამენტში განაცხადა, რომ ეს ბრალდება კომიკურ ხასიათს ატარებს, რადგან ამას აცხადებს თენგიზ კიტოვანიო.

## 26 ივლისი

გუშინ მნიშვნელოვანი ამბები მოხდა. რუსეთმა გააუქმა არა მარტო 1961-1991 წლებში გამოცემული რუსული ფული, არამედ 1992 წელს გამოცემულიც.

გუშინ გაიმართა პარლამენტის დახურული სხდომა. იხილებოდა ხელშეკრულების ტექსტი აფხაზეთში ცეცხლის შეწყვეტის შესახებ. საბოლოოდ პარლამენტმა დაადგინა, რომ ეს საკითხი გადაწყვიტოს ედუარდ შევარდნაძემ. სატელევიზიო მიმართვაში ედუარდ შევარდნაძემ აღნიშნა, რომ ის მოანერს ხელს ხელშეკრულებას და თავის თავზე აიღებს პასუხისმგებლობას. ტექსტი არ არის ცნობილი, ის გაზეთში გამოქვეყნდება.

ტელევიზიით გადმოსცეს, რომ ლოთი ქობალის ერთი რაზმი შევიდა სენაკში. ისევ ატყდა აფიოტაფი. არა და ეს რაზმი შევიდა სენაკში, რათა ტექნიკა შეეკეთებინა და შეეგროვებინა მოხალისეები.

## 28 ივლისი

დღეს სოჭში გაფრინდა საქართველოს დელეგაცია ვახტანგ გოგუაძის ხელმძღვანელობით, რათა ხელი მოანერონ ხელშეკრულებას ცეცხლის შეწყვეტის შესახებ.

ამ ხელშეკრულების შესახებ დიდი აშკარა ამტყდარი. ამ რამდენიმე დღის წინ აკაკი ბაქრაძე და ნოდარ ნათაძე ტელევიზიით გამოვიდნენ და უარყოფითად შეაფასეს ეს ხელშეკრულება.

დღეს პარლამენტში ილია ქავჭავაძის საზოგადოებამ და ქარტია 91-მა მეტად უარყოფითად შეაფასეს ხელშეკრულება ცეცხლის შეწყვეტის შესახებ. ჩემი აზრით, პირობები მძიმეა, მაგრამ სხვა გამოსავალი არ არის. საქართველო ფაქტობრივად განადგურდება, თუ არ დაიდება ზავი. მიმაჩნია, რომ შეცდომა იყო აფხაზეთში შესვლა, დღეს რომ არ დაედოთ ზავი, შემდგომში მაინც დაედებოთ და კიდევ უფრო უარესს.

დღეს „ნოვოსტიმ“ გადმოსცა, რომ ვახტანგ გოგუაძემ და სოკრატ ჯინჯოლიამ ხელი მოაწერეს შეთანხმებას ცეცხლის შეწყვეტის შესახებ.

### 30 ივლისი

გუშინ ლოთი ქობალიას რაზმი აკაკი ელიავას ხელმძღვანელობით შევიდა სენაკში. ელიავა დაინიშნა სამხედრო კომენდანტად.

### 31 ივლისი

სენაკიდან გადიან ლოთი ქობალიას რაზმები.

### 3 აგვისტო

ამ რამდენიმე დღის წინ ჯაბა იოსელიანი გამოვიდა ტელევიზიით. მისმა გამოსვლამ ძალზე მთავრად შეაფასებდა დატოვა. ჯაბა იოსელიანმა ქობალიას ხალხს დეგენერატები უწოდა. დღეს შემზარა ერთმა ფაქტმა. სამტრედიიდან იყო ინტერვიუ ჯაბა იოსელიანთან. ის საომრად იყო გამზადებული. „მხედრონი“ ოფიციალურად აპირებდა

ოჩამჩირეში წასვლას სამეგრელოს გაეღო. რა თქმა უნდა, ეს იქნებოდა ლაშქრობა სამეგრელოში. თუ ეს განხორციელდა, ეს იქნება სამოქალაქო ომის დასაწყისი. თუ ეს შართლა მოხდა, მაშინ შევარდნაძის ... ეგ კაცი არ ყოფილა ეს იქნება ამ ხელისუფლების დასასრული, რასაც დიდი სიამოვნებით მივესალმები. თუ უდანაშაულო მოსახლეობა ისევ აანიოკეს, უნდა წავიდე და ვიომო მათ დასაცავად.

### 6 აგვისტო

ხოში იმყოფება ჯაბა იოსელიანი. ედუარდ შევარდნაძეს თუ დაეუჯერებოთ, ის ოჩამჩირეში მიდისო. არადა დღეს გაზეთში წერია, რომ ხოში „მხედრონი“ დააკავა ლოთი ქობალიას დისშვილი პაპასკირი – სოხუმელი, შეიარაღებული ძალების ოფიცერი.

გუშინ პარლამენტმა მეორედ არ დაამტკიცა ბიუჯეტი. კანონის თანახმად, მთავრობას ერთი კვირა ეძლევა, რომ შეასწოროს ბიუჯეტი. მაგრამ აშკარა იყო, რომ პარლამენტი კიდევ არ დაამტკიცებდა ბიუჯეტს. დღეს პარლამენტის სხდომაზე მთავრობა გადადგა. გუშინ თენგიზ კიტოვანმა დააყენა საკითხი ედუარდ შევარდნაძის გადადგომის შესახებ. დღეს ედუარდ შევარდნაძემ თვითონ დააყენა საკითხი მისდამი ნდობის შესახებ. პარლამენტმა ეს საკითხი არ მიიღო და ედუარდ შევარდნაძეს დაევალა მინისტრთა საბჭოს თავმჯდომარის მოვალეობის შესრულება.

თბილისში საშინელი კრიმინოგენური სიტუაციაა. დიღომში ვიცე-პოლკოვნიკი ელბაქიძე, ვილაც მაიორი (გვარი არ მახსოვს) და ასეულის მეთაური სიგარეტს და სასმელებს ართმევდნენ ე. წ. „ბუტკაში“. როდესაც წინააღმდეგობა შეხვდათ, გაისროლეს, 3 წლის ბავშვი და დედამისი დაიჭრნენ. აღშფოთებულმა მოსახლეობამ ორი

მათგანი მოკლა, ერთი მძიმედ არის დაჭრილი. გუშინ კოლმეურნეობის ბაზართან მხედრონელებმა ერთი პოლიციელი მოკლეს. მხედრონელები საზამთროს ართმევენდენ გამოიდედეს. პოლიციელებმა ორი მათგანი მოკლეს და ოთხი დაიჭირეს. მუხიანის ბაზრობას თავს დაესხა 30 სამხედრო-ფორმირანი და ბაზარი გაძარცვეს. ყოველ ნაბიჯზე სროლებია.

გუშინ ჩემ ყოფილ სახლში ვიყავით, გასაღები უნდა გადამეცა ახალი მეპატრონისათვის. აივანზე რომ ვავედი, ვილაცამ ავტომატი ისროლა, პირდაპირ ყურთან ჩაშირა ტყვიამ. ჩემი მეუღლე და მეზობელი თამუნა საჩქაროდ შევიყვანე შინ, შემდეგ ისევ ისროლეს. დღეს ის ხელისუფლება გაიმარჯვებს, რომელიც დაამყარებს ნესრიგს.

დღეს „საქართველოს რესპუბლიკაში“ ნაკითხზე ედუარდ შევარდნაძის სიტყვა, სადაც მან აღნიშნა, რომ ტელეფონით ესაუბრა ლოთი ქობალიას, რომელიც დაპირდა, რომ თვითონ გააცილებდა „მხედრონს“ ოჩამჩირემდე. ლმერთმა ქნას, რომ ქართველებმა ისევ არ დაღვარონ ერთმანეთის სისხლი. სენაკის ბატალიონმა აკაკი ელიავას ხელმძღვანელობით დატოვა სენაკი და ზუგდიდში შეუერთდა ლოთი ქობალიას. ჯაბა იოსელიანი შევიდა ხობში. ჯაბა იოსელიანს, ლოთი ქობალიას და თენგიზ კიტოვანს შორის გაიმართა მოლაპარაკება. ჯაბა იოსელიანმა მოითხოვა მძიმე ტექნიკის გადაცემა. „მხედრონმა“ გადაწყვიტა ზუგდიდში შესვლა, მაგრამ შინაგან საქმეთა სამინისტროს სპეცდანიშნულების ბატალიონმა უარი განაცხადა.

### 13 აგვისტო

გაზ. „7 დღეში“ დაიბეჭდა ინტერვიუ ასლან აბაშიძესთან. ინტერვიუში აშკარად სწორად არის ახსნილი სამეგრელოს ამბები. ასლან აბაშიძე ნამდვილად დადებით

როლს თამაშობს. როცა ქობულეთში მიმდინარეობდა მოლაპარაკება, ასლანს, კიტოვანს და ქობალიას შორის, მოულოდნელად ჯაბა იოსელიანმა დაიკავა სენაკი და ხობი. გუშინ აწვენეს ინტერვიუ გია ყარყარაშვილთან. იგი ძალიან კარგად ერკვევა არსებულ სიტუაციაში და ღირსეული სამხედრო მინისტრია.

### 14 აგვისტო

დღეს შესრულდა ერთი ნაღინადი, რაც დაინყო აფხაზეთის ომი. ვინ იყო დამნაშავე, ამას ისტორია გაარკვევს, მაგრამ ვინ გასცემს დღეს პასუხს ამდენი დაღუპულის ოჯახს, გაუბედურებულ ხალხს, რომელთაც არც სახლი დარჩათ, არც ქონება და საკუთარ სამშობლოში ლტოლვილებად გადაიქცნენ. დღეს ინტერვიუში გია ჭანტურიაშვილს კარგად თქვა: დღეს ამბობენ, როგორ შეიძლება ამ დროს მთავრობის შეცვლა. მთავრობა მაშინ უნდა შეიცვალოს, როცა ქვეყანა ინგრევა, ხოლო, თუ ყველაფერი კარგად არის, მაშინ მთავრობა რატომ უნდა გადადგეს.

### 20 აგვისტო

დღეს პარლამენტის სხდომაზე ედუარდ შევარდნაძემ მინისტრთა საბჭოს თავმჯდომარედ ნამოაყენა ზუგდიდის გამგებლის, ოთარ ფაცაციათა კანდიდატურა. ილია ჭავჭავაძის საზოგადოებამ, რესპუბლიკელებმა და მერაბ კოსტავას საზოგადოებამ კენჭისყრაში მონაწილეობა არ მიიღეს. 125 ხმით ოთარ ფაცაცია მინისტრთა საბჭოს თავმჯდომარე გახდა. მე პირადად მივესალმები ასეთ გადაწყვეტილებას, რადგან ამ კაცს ძალიან უყვარს უპირველესად თავისი სამშობლო და თავისი კუთხე — სამეგრელო. ოთარ ფაცაცია მაშინ დადგა ზუგდიდის გამგებლად, როცა ის ქალაქის

კომბინატის ცნობილი დირექტორი იყო და საკმაოდ უზრუნველი ცხოვრება ჰქონდა. ოთარ ფაცაცია საკმაოდ დიდ როლს თამაშობს, რათა ქართველებს შორის სისხლი არ დაიღვაროს. მისი დანიშვნა საჭირო იყო იმიტომ, რომ თავმჯდომარე უნდა ყოფილიყო ის პიროვნება, რომელიც არ მონაწილეობდა ზვიად გამსახურდიას დამხობაში. ოთარ ფაცაცია აგრეთვე დიდ როლს თამაშებს რუსეთის საქმიან წრეებთან ურთიერთობების დამყარებაში. ღმერთმა ქნას, რომ საქართველო გაერთიანდეს.

## 29 აგვისტო

28 აგვისტოს ლოთი ქობლაიას რაზმებმა დაიკავეს სენაკი, დააპატიმრეს გენერალი ელგუჯა ბუცხრიკიძე, მაგრამ მალე გაათავისუფლეს. მათ დაიკავეს აბაშაც და მგონი ხობიც. მე ამ დროს ზესტაფონში ვიმყოფებოდი. „მხედრონის“ დღეს შეკრება აქვს თბილისში. რა მოხდა, არ ვიცი. რატომ გამწვავდა მდგომარეობა? არადა თემურ ხაჩიშვილი და ჯაბა იოსელიანი იყვნენ ასლან აბაშიძესთან და რალაცაზე მოილაპარაკეს. მერე იოსელიანმა განაცხადა, რომ ყველაფერი მშვიდობიანად უნდა მოგვარდესო. სენაკში პოლიციამ ფაქტობრივად წინააღმდეგობა არ განია.

პარლამენტში ნოდარ ნათაძემ განაცხადა, რომ დაუშვებელია სამეგრელოში „მხედრონის“ შეყვანა. ირაკლი წერეთელმა განაცხადა, რომ საქართველოს შეიარაღებული ძალების 90% არ იბრძოლებს სამეგრელოში. ვინ უნდა შეეუშვათო, ძირითადად ყაჩაღები და მორფინისტები არიანო, ამერიკას უნდა ვთხოვოთ, რომ ნესრიგი დამყარდეს, რადგან საქართველოში სომალიზაცია იწყებაო.

დავით კუპრეიშვილმა უთხრა ედუარდ შევარდნაძეს: ისტერია დაიწყო პარასკევს, რაც ტელევიზიას და ხალხს გადაედოო. ედუარდ შევარდნაძემ სთხოვა, გაემორებინა

ის, რაც თქვა. მან გაიმეორა: ეს ისტერია იყო. ედუარდ შევარდნაძემ განაცხადა: მაგზე გაგცემთ პასუხსო.

პაატა კოლუაშვილმა განაცხადა, რომ ვახტანგ გოგუაძემ მოაწყო პროვოკაცია, რადგან სხვა საკითხზე გადაგვიყვანაო. გამოვიდა დავით ბერძენიშვილი. ამ დროს შემოვიდა გია ყარყარაშვილი და მისი მოადგილე (გვარი არ მახსოვს). ისინი დასხდნენ ირაკლი წერეთელთან — ერთი ერთ მხარეს, მეორე მეორე მხარეს. მართალია, საუბარში ილიმეზიან, მაგრამ აშკარა იყო, რომ ირაკლიმ თავისი გამოსვლით შეურაცხყოფა მიაცენა თავდაცვის სამინისტროს. კერძოდ, ირაკლიმ აღნიშნა, რომ თავდაცვის სამინისტრო შედგებოდა ცალკეული ბატალიონებისაგან, რომლებიც არავის ემორჩილებიან და როცა ახსენა მორფინისტები და ყაჩაღები სწორედ ამ სამინისტროს შეეხებოდა. არა მგონია, სასიამოვნო საუბარი ჰქონოდათ.

ირინა სარიშვილმა აღნიშნა, რომ მთავრობის საგარეო პოლიტიკაზე არავითარი შენიშვნა არა გვაქვს, მაგრამ შიდაპოლიტიკური კურსი რადიკალურად უნდა გარდაიქმნასო. სწორი არ იყო, როცა წავედით გარკვეულ დამოძობაზე დამნაშავე სამყაროსთან. ჩვენ მოვითხოვთ პასუხს მანამ, ვიდრე მოსახლეობას ტყავს გააძრობდნენ. აპირებთ თუ არა მდგომარეობის გამოსწორებასო?

## 31 აგვისტო

ზუგდიდში ჩამოვიდა ბესარიონ გუგუშვილი. გზები გადაკეტილია. ავთანდილ მარგიანმა პარლამენტის სხდომაზე განაცხადა, რომ თბილისში პურის სამი დღის მარაგი არისო.

ინტერვიუ ჯაბა იოსელიანთან, თემურ ხაჩიშვილთან, გიორგი ვაშაყიძესთან. მათ აღნიშნეს, რომ შინაგან საქმეთა სამინისტრო თავის მოვალეობას ვერ ასრულებს, ამ



უნყებას გამოსწორება სჭირდებაო, ამ უნყებში ბანდიტთა ხროვები გაერთიანდნენო. ჩვენ, რაც შეგვეძლო, გავაკეთეთ, საქართველოს ვერ დავაქუცმაცებთ, ჩვენ ულტიმატუმი ნაფუყენეთო სამინისტროს.

თემურ ხაჩიშვილმა აღნიშნა, რომ პოლიციამ თავისი სისხლით უნდა ჩამოინმინდოს სირცხვილი. ზოგიერთმა პოლიციელმა განაცხადა, ქართველს ვერ ვესვრითო. აბა, ვის უნდა ესროლოს პოლიციელმა? ჩავატარებთ დიდ სამხედრო ოპერაციას, როდესაც იქნება ბრძანება სახელმწიფო მეთაურისა და პრემიერისო.

ჩემი აზრით, ძალიან მძიმე მდგომარეობაა. სანყალი საქართველო! ღმერთმა ქნას, არ იყოს ბრძოლა. როგორ მაინტერესებს, მინც რა მოხდა, რამ აიძულა ან ვინ აიძულა ლოთი ქობალია შესულიყო სენაკში, აბაში და ხობში? ერთი რამ აშკარაა, რომ ბაღში უკმაყოფილოა დღევანდელი მთავრობით, განსაკუთრებით პარლამენტით და ამით უნდა ისარგებლოს ზვიად გამსახურდიამ და დაიწყოს დიდი გამოსვლები.

### 3 სექტემბერი

გუშინ პარლამენტის სხდომა სრული კრახით დამთავრდა. ამ დღეებში აშკარად გამოჩნდა, რომ ლოთი ქობალიას რაზმებს არ გადაუქეტავთ საავტომობილო და საკინიგზო გზები.

ედუარდ შევარდნაძე ჩაფრინდა ასლან აბაშიძესთან. იყო სამტრედიისშიც. მე განსაკუთრებით მაღელვებს მდგომარეობა თბილისში და ინტელიგენციის ნაწილის დამოკიდებულება სამეგრელოში განვითარებული მოვლენებისადმი. ისე ამბობენ: „შევიდნენ“ და „გადაუარო“ ზვიადის ტებსო, ვითომც არაფერი. საინტერესო ის გახლავთ, რომ ამას არ ამბობს ახალგაზრდობა, ძირითადად ესენი არიან ასაკში შესული ადამიანები, რომელთაც ინტელიგენტობის დიდი პრეტენზია გააჩნიათ. ბა-

ტონი შოთა ნიშნინიძე შემხვდა და მკითხა აბსოლუტურად სწორად: „ხანდახან არა გრცხვენია, რომ ქართველი ხარო?“ მართალია ბატონი შოთა. ქართველების ნაწილს უნდა, რომ ჩქარა მოხდეს შეტაკება. ღმერთო, გადაარჩინე ქართველობა ამ უაზრო სისხლის ღვრას!

### 4 სექტემბერი

გადმოსცეს, რომ მოხდა შეთანხმება, რათა ტვირთი გაატარონ ფოთიდან.

დღეს ედუარდ შევარდნაძემ ჩაატარა თათბირი უნივერსიტეტის იუბილესთან დაკავშირებით. მე გამიკვირდა, რომ იუბილესათვის რუსთავის მეტალურგიულმა ქარხანამ ჩარიცხა 100 ათასი დოლარი, ბანკმა „გულანმა“ 100 მილიონი კუპონი. ჩემი აზრით, ჯობია ეს თანხა გაჭირვებულებს მოახმარონ.

დაიბუქდა ინტერვიუ მურმან ომანიძესთან. ნამდვილად ჭკვიანი კაცია. მან კარგი რამე თქვა: რუსეთთან ახლოს უნდა ვიყოთო. წესრიგი უნდა დავამყაროთ, ყველამ თავისი საქმე უნდა აკეთოსო. ბევრი ბიზნესმენი გარბის შეიარაღებული ფორმირებების თარეშის გამო.

### 10 სექტემბერი

ქობულეთში, ასლან აბაშიძის შუამავლობით, მიმდინარეობდა მოლაპარაკება ავთანდილ მარგიანს, ვახტანგ რჩეულიშვილს, ზურაბ ყვანიალს და ზვიად გამსახურდიასდროინდელ უზენაესი საბჭოს წევრებს შორის. მოლაპარაკება უშედეგოდ დამთავრდა. უზენაესმა საბჭომ მოითხოვა, რომ ეცნოთ მათი ხელისუფლება. ასლან აბაშიძე ძალიან კარგ როლს თამაშობს, ცდილობს სისხლი არ დაიღვაროს.

დღეს თბილისელთა შეკრება იყო. ყველას ამოუვიდა ყელში ამდენი ბანდიტობა, ხალხი

ქუჩაში ვერ გასულა, არის სროლა, ადამიანების გატაცება. კარგი სიტყვა თქვა დავით ზეიკიძემ, ბოლოს ედუარდ შევარდნაძემ თქვა, რომ კვირიდან საგანგებო წესებს შემოიღებენ.

## 14 სექტემბერი

დღეს პარლამენტის სხდომაზე იხილება კანონი საგანგებო მდგომარეობის შესახებ. ჯაბა იოსელიანი საკმაოდ მეკახედ გამოვიდა ედუარდ შევარდნაძის წინააღმდეგ. შესვენების შემდეგ ედუარდ შევარდნაძე ძალზე აღელვებული იყო. მან განაცხადა, წელიწადნახევარი ვითმენდი შეურაცხყოფებსო, ახლა ველარ მოვითმენ და გამოაცხადა გადადგომა. ერთი საათის შემდეგ სხდომა გაგრძელდა. სხდომა მიჰყავდა ვახტანგ რჩეულიშვილს. მე ავად ვარ, მაგრამ შემატყობინეს, რომ მთელი თბილისი მივიდა პარლამენტის შენობასთან.

ვახტანგ რჩეულიშვილმა მოსთხოვა ჯაბა იოსელიანს, რომ მას განემარტა თავისი პოზიცია. ჯაბამ განაცხადა: მე ისევე ედუარდ შევარდნაძის მომხრე ვარ, მაგრამ შეუზღუდავი არ უნდა იყოსო. 149 ხმით არცერთის წინააღმდეგ პარლამენტი ედუარდ შევარდნაძის გადადგომის წინააღმდეგი ნავიდა.

გია ყარყარაშვილმა კარგად თქვა: ედუარდ შევარდნაძის წინააღმდეგ მზადდებოდა შეთქმულება, ასე ცხოვრება არ შეიძლება, უნდა ნავიდეს ის ხალხი, ვინც ედუარდ შევარდნაძის წინააღმდეგ გამოდის და ვინც ნებით არ ნავა, მე თვითონ ძალით გავიყვანო. მთელი თბილისი შეიკრიბა პარლამენტის შენობასთან. გამოვიდა ედუარდ შევარდნაძე. მართლაც საოცარი, კარგად შეხვდა ხალხი. ედუარდ შევარდნაძემ განაცხადა, რომ ორი პირობა აქვს: 1) შეიკრიბოს პარლამენტი და გამოაცხადოს საგანგებო წესები, 2) სამი თვით პარლამენტმა თავი დაითხოვოს. ედუარდ შევარდნაძემ თქვა:

მადლობა თქვენ კაცობისათვის, სინათლისათვის, რომელიც თქვენ აქ მოიტანეთ, ყოველი ჯანსაღი აზრისათვის. აქ მთელი საქართველოა, მისი სინდისი და ნამუსი და ამიტომ მინდა დავამთავრო ჩემო სისხლო და ხორცო. მინდა საქართველოს მისამართით ვთქვა: საქართველო არ მოკვდება, გაუმარჯოს ერთ ძლიერ, მაღალკულტურულ საქართველოს.

გამოვიდა სრულიად საქართველოს კათალიკოს-პატრიარქი, უწმინდესი და უნეტარესი ილია II: „ჩვენო სულიერო შვილებო! დღეს მე წარმოვადგენ არა მარტო თბილისელებს, არამედ საქართველოს. დიდი ხანია არ ვყოფილვართ ისეთ გასაჭირში, როგორც დღეს. შეუძლებელია შევარდნაძის გადადგომა. 16 წელია მე ვარ კათალიკოს-პატრიარქი. ამ თექვსმეტი წლის განმავლობაში ბევრი მძიმე დღეები მინახავს, გადადგომა რომ ასე ადვილი იყოს, მე გადავდგებოდი. დღეს, ბატონო ედუარდ, დიდი პასუხისმგებლობა გეკისრებათ. ამიტომ არ შეიძლება, რომ გადადგეთ...“

9 საათსა და 30 წუთზე შეიკრიბა პარლამენტი. 130 ხმით (წინააღმდეგი არავინ ნახულა) დაამტკიცეს საგანგებო წესები.

## 15 სექტემბერი

დღეს პარლამენტის სხდომაზე მიიღეს დადგენილება, მუშაობის ორი თვის ვადით შერეების შესახებ.

გუშინ, დილის ექვს საათზე ლოთი ქობალიას რაზმებმა გადმოლახეს მდ. რიონი და დაიკავეს სოფ. ჯაპანა. დაიღუპა 9 კაცი. აშკარაა, იწყება სამოქალაქო ომი. ჩემთვის ძალზე მძიმეა ამ სტრიქონების წერა. მე პირადად, როგორც წინა ჩანაწერებიდან ჩანს, ყოველთვის ვხედავდი ვახტანგ (ლოთი) ქობალიაში ნამდვილ ქართველ ვაჟკაცს და პატრიოტს, რომელიც ყოველთვის იმას ამბობდა, რომ არ დაღვრიდა ქართველის სისხლს. ღმერთო, გონს მოიყვანე ქართ-

ველობა დაინყება ისეთი რამ, რომელიც უმართავი გახდება და უკან, ფეოდალური ხანისაკენ გადაგვაგდებს.

## 16 სექტემბერი

გუშინ ღამით ჩამოვიდნენ მოსკოვიდან ოთარ ფაცაცია და გია ყარყარაშვილი. სწორად თქვა გიამ, რომ „რუსეთთან ჩვენი კარგი ურთიერთობა არ ანყობს ბნელ ძალებს და რომ მე ადრე ვუთხარი ქობალას, რომ ის გამოდის სეპარატისტული ძალების აგენტი. მე ბედნიერი ვარ, რომ მოსკოვშიც და აქაც დაერწმუნდი, ყველაზე გულწრფელი საქართველოში არის სახელმწიფოს მეთაური“.

დასავლეთ საქართველოს ამბებმა მალე უკან პლანზე გადაინია. აფხაზებმა ისარგებლეს ქართველთა შორის უთანხმოებით და დაიწყეს შეტევა ყველა ფრონტზე. ედუარდ შევარდნაძე ელაპარაკა ბორის ელცინს. შედეგი არ ჩანს. ედუარდ შევარდნაძე ჩაფრინდა სოხუმში.

44 დეპუტატი დაჯდა პროტესტის ნიშნად ამიერკავკასიის სამხედრო ოლქის შტაბის წინ. აჩვენეს ვახტანგ გოგუაძის ინტერვიუ, რომელმაც განაცხადა, რომ ესაუბრა ედუარდ შევარდნაძეს, რომელმაც თხოვა მათ, დაშლილიყვნენ, რადგან სოხუმზე შეტევა აღარ მიმდინარეობსო. ამ აქციას მეთაურობდა ზურაბ ტყანია.

## 18 სექტემბერი

აფხაზები უტყვევენ სოხუმს. ტელევიზიით გამოვიდა კოტე გაბაშვილი და მონოდებით მიმართა თბილისის მოსახლეობას 9 საათსა და 30 წუთზე შეკრებილიყვნენ ჭადრაკის სახალკეში. აშკარად ჩანს, რომ სოხუმში მდგომარეობა მძიმეა. ნავედით მე, ანდრო ჭელიძე, ნოდარ ხონელიძე და ზურაბ თავყე-

ლიშვილი. მანამდე ტანსაცმელი გამოვიცვალეთ, შევიარადღით, როგორც შეგვეძლო, ოჯახებს დავემშვიდობეთ, რათა შეკრების შემდეგ პირდაპირ წავსულიყავით სოხუმში. როდესაც მივედით ე.წ. „კიროვის ბაღში“ მთელი თბილისი იქ იყო. მაგრამ სჭირდებოდათ ომში გამოცდილი და ავტომატური იარაღით შეიარაღებული პიროვნებები. გვიან ღამემდე ვიყავით, მაგრამ გამოცდილი და ავტომატებით შეიარაღებული მხოლოდ 40 კაცი აღმოჩნდა. ჩვენნაირი ხალხი ბევრი იყო, მაგრამ არავის არ სჭირდებოდა. ამ დროს ვგებულობდით ახალ ამბებს პავლე გრაჩოვისა და ედუარდ შევარდნაძის შეხვედრების შესახებ. სულ ცრემლები მომდიოდა, როცა მოვისმინე ფილარმონის წინ ერთ-ერთის მანქანის რადიოთი ლოთი ქობალას განცხადება. იგი ექვსი ათასი კაცით მიდიოდა სოხუმში, მოვისმინე აგრეთვე ჯაბა იოსელიანის განცხადება, რომ ისიც მიემართებოდა სოხუმში. დღეს მდგომარეობა გამოკეთდა, მაგრამ დამშვიდების უფლება არავის გვაქვს.

## 20 სექტემბერი

სოხუმის გარეუბნებში ბრძოლები გრძელდება. რუსეთის თავდაცვის მინისტრმა პავლე გრაჩოვმა განაცხადა, რომ არ გამოიყენებს რუსეთის ჯარებს, რადგან არ უნდა რუსი ჯარისკაცების სისხლი დაიღვაროს. რუსეთმა აშკარად გასწირა საქართველო. ამჯერად მთავარია, რომ სოხუმი გადაარჩეს. სასიხარულო ის არის, რომ ლოთი ქობალას რაზმები შედიან ოჩამჩირეში. გაიხსნა სარკინიგზო და საავტომობილო გზები. თანდათან ეს ომი იღებს სამამულო ომის ხასიათს. „ნოვოსტში“ გადმოსცეს ვახტანგ გოგუაძის ინტერვიუ, სადაც მან თქვა (ეს მისი პირადი აზრია), რომ ჩვენ გადაგვარჩენს დსთ-ში შესვლა.

ინტერვიუ ედუარდ შევარდნაძესთან.  
მან აღნიშნა რომ „შომავალი დრო და საერთაშორისო სამართალი გამოიძიებს იმ საშინელებას, რასაც სჩადიან აფხაზები. სოხუმის დაკარგვა იქნება საქართველოს დაშლის დასაწყისი. მიმდინარეობს მძიმე ბრძოლები. მინდა გამოვთქვა სიამოვნება სამეგრელოს რაზმების შემოსვლის გამო. სოხუმი ალყაშია. მშობრა კაცი ვერ დაცივებს ქალაქს. ზოგიერთი პასუხისმგებელი მუშაკი არასწორ ხმებს ავრცელებს, თითქოს ჩვენ ვამბობთ, რომ სოხუმის ბედი გადაწყვეტილია“.

გადაცემა აფხაზეთის მოვლენების შესახებ. გია ყარყარაშვილი: ჩამოვლენ თბილისიდან. ყველა გვერდში გვიდგას: თბილისი, ქუთაისი, ყველა უწყება. საჭიროა გამოაშქარავდეს, თუ ვინ ებრძვის საქართველოს. იმდენი ჭურვი, რაც სოხუმს და ოჩამჩირეს დაეცა, არ ექნებოდა ჩრდილოეთ კავკასიის სამხედრო ოლქებსაც კი. თავი უნდა დაეიცვათ აგრესიისაგან, მზად უნდა ვიყოთ. მონინააღმდეგე გამარჯვებას ვერ იხეიმებს.

ჟიული შარტავა: დღევანდელი მოლაპარაკებისა არ ვიცი, ვიცი მხოლოდ, რომ მძიმედ მიმდინარეობს მოლაპარაკება. შეიძლება ცეცხლი არ განახლებულიყო, მაგრამ არის მუხანათობა, დიდია ნგრევა.

ირაკლი ბათიაშვილი: საერთოდ მდგომარეობა რთულია, ჩვენი ყველაზე დიდი მტერი არის შიში და პანიკა. ყველაფერი კეთდება, ძალები კიდევ არის საჭირო. ეს ბრძოლა ნმიდათანმიდაა.

კოტე გაბაშვილი: გამოუცდელიებისა და უიარაღოების ჩამოსვლას სოხუმში აზრი არა აქვს.

ინგლისელი კორესპონდენტი ეკითხება ედუარდ შევარდნაძეს: რატომ ჩამოხვედით?

ედუარდ შევარდნაძე: მე დაეპირდი, რომ ბოლომდე ვიქნებოდი სოხუმში.

კორ.: ვინ არის დამნაშავე?

ედუარდ შევარდნაძე: მესამე ძალა.

კორ.: ვინ არის ეს მესამე ძალა?  
ედუარდ შევარდნაძე: ეს პრეზიდენტს...  
(ვერ ვარჩევ - მ. ვ.)

კორ.: რას მოვლით დასავლეთის სახელმწიფოებისგან?

ედუარდ შევარდნაძე: ჩვენ ველით მათ პოლიტიკურ და მორალურ მხარდაჭერას.

მოგვიანებით გამოვიდა ირინა სარიშვილი: „მე არ ვაპირებდი გვიან ღამით გამოსვლას. ეს მაიძულა გოგუაძის გამოსვლამ, რადგან, როდესაც ომია, პირადი აზრის გამოთქმა არ შეიძლება. რა შეიძლება ითქვას საქართველოს დსთ-ში შესვლაზე? დსთ-ში შესვლა გამოსავალი არ არის, რადგან სისხლისღვრა არაის არ უნდა. აზერბაიჯანი შევიდა დსთ-ში ალიევის სურვილის სანინააღმდეგოდ, მაგრამ რა მოიგო ყარაბახის საკითხში? არაფერი. ნუ გგონიათ, რომ ამით აფხაზეთს დავიბრუნებთ. თუ დასავლეთის სახელმწიფოები ხელს არ გაანძრევენ, ჩვენ ომს ვერ მოვიგებთ. მართალია, საქართველო ომში დამარცხებულია, მაგრამ საქართველო არ დალუპულა. პოლიტიკური მდგომარეობა საიმედოა და საქართველო არ ამოწყდება. მე მიემართავ ყველას, ვინც წასვლას აპირებს სოხუმში: სამშობლოსათვის დაღვრილი სისხლი ტყუილად არ დაიკარგება. ყველაზე უარესია მონობა. თავი უნდა შევიკავოთ ისეთი გამონათქვამებისაგან, რომელიც არ ემთხვევა სახელმწიფოს მეთაურის აზრს.“

„მაცნეში“ გადმოსცეს, რომ თენგიზ კიტოვანმა საკმაოდ კარგი როლი ითამაშა. იგი თვითონ გაემართა დაფნარისაკენ უღენტან. მას დახვდნენ ტარიელ გელანტია და სხვები. გზა გაინმინდა.

## 21 სექტემბერი

სალამოს 8 საათზე მოსკოვის ტელევიზიით გამოვიდა ბორის ელცინი. მან დაითხოვა პარლამენტი და ახალი არჩევნები

დანიშნა 11-12 დეკემბერს. ეს იყო ლექტორივად სახელმწიფო გადატრიალება. ეს უდიდესი მოვლენა არის რუსეთის ოსტორიაში: რუსეთი ან ნავა დემოკრატიის გზით, ან დაიწყება სამოქალაქო ომი და მაშინ მთელ მსოფლიოს საფრთხე დამუქდება. ვნახოთ, იქნებ რაიმე ეშველოს საქართველოს. რუსეთის პარლამენტი საქართველოს დიდი მტერი იყო. ნათქვამია: წყალწალბული კაცი ხავს ეჭიდებოდაო.

დღეს კონსტიტუციურ-დემოკრატიულ კვანძში მოთავსებულია გია ყარყარაშვილის კარიკატურა, სადაც ის შედარებულია მატროს ჟელეზნიაკოს, რომელმაც 1918 წლის 6 იანვარს გარეკა რუსეთის დამფუძნებელი კრება. კარიკატურაზე წარწერაა: „რევოლუციის ისტორიული მემკვიდრე“, „რევოლუცია – მატროსი ჟელეზნიაკოვი“. ამის გამკეთებელს ნამუსი ხომ უნდა ჰქონდეს! სირცხვილი არ არის, კაცს, რომელიც სოხუმში იმყოფება და თავგამოდებით იბრძვის, ასეთი შარყი მიუძღვნა!

დღეს, 16 საათსა და 50 წუთზე აფხაზებმა ჩამოაგდეს სამგზავრო თვითმფრინავი. დაიღუპა ეკიპაჟის 4 წევრი და 21 მგზავრი, მათ შორის ქართველი და უცხოელი ჟურნალისტები. თვითმფრინავი ახსრლებდა რეისს სოხუმში — ადლერი. ბრძოლები მიმდინარეობს ოჩამჩირეში, ჭამიშთან, მაიმუნების საშენთან. გუშინ სოხუმში შეიჭრნენ, მაგრამ ქართველებმა უკან გამოაძევეს.

## 24 სექტემბერი

ძალიან მიჭირს წერა. გაოგნებული ვარ — ორი სამგზავრო თვითმფრინავი ჩამოაგდეს.

დღეს აჩვენეს იმ ბიჭების გვამები, რომლებიც დაიღუპნენ ამ თვითმფრინავებში. მათ სროლაც ვერ მოასწრეს. ჩანდა, რომ ძირითადად დამწერები იყვნენ. ბოლმა და ცრუმლები მახრჩობს. მთელი იმედები იმაზეა,

რომ სოხუმს დაეხმარონ ოჩამჩირედან ჭუმბურიძისა და ლოთი ქობალიას რაზმები, რომლებიც მძიმე ბრძოლებით მიდიან წინ. დღეს მძიმე ბრძოლები მიმდინარეობს სოხუმის გარეუბნებში. რატომ აღარ ვარ ახალგაზრდა! მოხალისეების ჩანერა ხდება 18-დან 25 წლამდე. ამ გულმაც გამიჭირა საქმე. ეჰ, ძველი დრო იყოს! ახალგაზრდობაში მე ვიყავი გადარეული, ნეტავ როგორ ჩერდებიან ეს ახალგაზრდები თბილისში? როცა მათი თანატოლები იღუპებიან, ისინი უსაქმოდ სეირნობენ თბილისში.

დღეს მოსკოვში დსთ-ს ქვეყნების მეთაურთა შეხვედრა იყო. ეხსრებოდა ოთარ ფაცაცია. საქართველო დსთ-ს ეკონომიკურ ზონაში შევიდა, როგორც ასოციირებული წევრი. რას ნიშნავს ეს, თვითონაც არ ვიცი.

იმედი მაქვს, რომ სოხუმში არ დავცემა. სოხუმში გადაიტყვევა საქართველოს გამაერთიანებლად. აფხაზებმა ამ ბოლო შეტევების გამო საბოლოოდ გაიფუქეს სახელი. გაეროს უშიშროების საბჭომ, ნატომ, ევროგაერთიანებამ დაგმეს მათი მოქმედება. რუსეთი ისევ თამაშობს. ბორის ელცინს თავისი გასაჭირი აქვს. რუსეთის უმაღლესმა საბჭომ აირჩია ვიცე-პრეზიდენტი — რუცკოი. მათ გადააყენეს სამხედრო მინისტრი პავლე გრაჩოვი, მინაგან საქმეთა და უშიშროების მინისტრები. მაგრამ რეალური ძალაუფლება ისევ ბორის ელცინის და მისი მინისტრების ხელშია. თუთრ სახლთან შეკრებილია პარლამენტის მომხრე ხუთი ათასი კაცი. დღეს პირველი სისხლი დაიღვარა. კერძოდ დსთ-ს გაერთიანებულ შტაბზე თავდასხმის დროს მოკლეს ერთი მილიციელი. ასევე შემთხვევით დაიღუპა იქ მყოფი ქალი.

## 25 სექტემბერი

სოხუმში მდგომარეობა მძიმეა, მაგრამ მისი დამცველები მაგრად დგანან. სამწუხარო ის არის, რომ ჩვენი ჯარები ვერ შეერ-

ოდენ. ისინი მძიმე ბრძოლებს აწარმოებენ კოდორ-ახალდაბასთან. გადმოსცეს, რომ ზვიად გამსახურდია ჩამოვიდა სენაკში და მერე წავიდა ზუგდიდში. მეტი არაფერი ვიცი. ახლა გადმოსცეს თემურ შამიაშვილის ინტერვიუ. ლევან თედიაშვილს თვითმფრინავში შვილი დაეღუპა. თავად სოხუმში იყო და ამას პირადად უყურებდა. საოცარია, რამდენი ტრაგედია ტრიალებს და ეს თბილისს თითქოს არ ემჩნევა, აქ ჩვეულგვრივ მიმდინარეობს ცხოვრება. არ ვიცი, რა ექნა, გული გასკდომამზე მაქვს, ვნეკარ. იმის გამო, რომ არაფრის გაკეთება არ შემძლია, უფრო ცუდად ვხდები. სოხუმში რომ წავეყვანეთ, უკეთესად ვიქნებოდი. აქ ყოფნა საშინელებაა.

## 27 სექტემბერი

დღეს, პირველ საათზე მოხდა ტრაგედია – სოხუმში დაეცა. ედუარდ შევარდნაძის განცხადებაში ნათქვამია, რომ გუშინ იძულებული იყო თანხმობა განეცხადებინა დსთ-ში შესვლაზე და რუსების დივიზიის შემოყვანაზე. რომ არა ლალატი, არ დავმარცხდებოდით. ისტორია განსჯის ყველაფერსო.

## 28 სექტემბერი

დღეს ედუარდ შევარდნაძე ჩამოვიდა თბილისში. ის გამოფრინდა საქართველოს და არა რუსეთის თვითმფრინავით. დღეს გადმოსცეს, რომ გაურკვეველ ვითარებაში დაიღუპა ყოფილი შარტავა. ბევრი ქართველი გადადის სვანეთის მიმართულებით. წარმომიდგენია, რა ხდება სოხუმში. ისტორია ყველას განსჯის, ვინც იყო დაშინაშე. დღეს ბევრს ლაპარაკობენ ლალატზე. გაპარკევიცა, ვინ უღალატა, მას ქართველი ხალხი შეაჩვენებს! არავის არაფერი არ შერჩება. გაიმართა ედუარდ შევარდნაძის

პრესკონფერენცია. მან თქვა, რომ სოხუმის ალების გეგმა დაშუშავებული იყო რუსეთის შტაბებში. მე მგონი, გერმანულ ფაშისტებსაც არაფერი გაუკეთებიათ ამის მსგავსი. მათ დაანგრეს სოხუმში, დახერიტეს უდანაშაულო ხალხი. ჩვენი მიზანია ამ ტერიტორიების დაბრუნება და შენარჩუნება. დღეს საქართველოს უჭირს, ჩვენ ნახევრად მშვიდ ხალხი ვართ. ჩვენ დავგაჩოქეს, მაგრამ მეტს აღარ დავიჩოქებთ. თავი იჩინა შინააშვილილბაში. მაგრამ მჯერა, რომ ქართველები შეძლებენ გაერთიანებას. ეკონომიკას გამოვაცოცხლებთ. მერე ვიდავოთ... მე მადლობელი ვარ ჟურნალისტებისა, რომლებიც სინამდვილეს აშუქებდნენ...

პრესკონფერენციაზე ედუარდ შევარდნაძეს დაუსვეს კითხვები:

კორ.: ვინ გააჩალა აფხაზეთის ომი, რატომ არ გაარღვიეს ბლოკადა?

ედუარდ შევარდნაძე: ჯერ არ მოსულა დრო, ცივი გონებით უნდა განესაზღვროს შინაურ საქმეებს მერე უნდა მივხედოთ.

კორ.: რას იტყვით შარტავას დალუპვის და ყენევის მოლაპარაკების შესახებ?

ედუარდ შევარდნაძე: მე გუშინ ქალაქი შემოვიარე ქვარიასთან ერთად, შევედი მინისტრთა საბჭოში, გავაგზავნე იქ ავღანელთა 60 კაციანი რაზმი. ჩემი იქ ყოფნის დროს მოვიდა შარტავა, ვილაპარაკეთ ევაკუაციის შესახებ, კერძოდ, მინისტრთა კაბინეტის შესახებ. ბოლო საუბარი ტელეფონით დღის სამ საათზე შედგა. ის ითხოვდა დამატებით ძალებს, მაგრამ მხოლოდ 15 კაცი გავაგზავნე. ჩემი დავალებით პასტუხოვი ელაპარაკა არძინბას, რომელმაც განაცხადა, რომ დერეფანს გახსნიდა. ქალაქიდან მოდიოდა ცნობა, რომ ხალხს ხვრეტენ. ბოლოს გავიგე პასტუხოვისგან, რომ ხუთი ოფიცერი გაგზავნეს, რათა გამოეყვანათ შარტავა. არ ვიცი, ზუსტია თუ არა ცნობა მისი დალუპვის შესახებ. ის ჩემს ხელში გაიზარდა და ძალიან ვაფასებ. ეს ყველაფერი პასტუხოვის კისერზე იყოს. ჟენევაში ჩვენ რამდენჯერმე მივეცით თანხმობა. სანამ საერთაშორისო

ორგანიზაციები ასეთ პასიურ პოზიციებს დაიკავებენ, სიმშვიდე არ იქნება.

კორ.: თქვენ ამბობდით, რომ, თუ სოხუმში დაეცემოდა თქვენ გადადგებოდით.

ედუარდ შევარდნაძე: მე რომ დავრწმუნდები, რომ არის ჩემი შემცველი პიროვნება იმ ნუთშივე დაეტოვებ პოსტს.

კორ.: გამსახურდია დაბრუნდა და უნდა, რომ ძალაუფლება დაიბრუნოს.

ედუარდ შევარდნაძე: თუ ხალხი თანახმა იქნება, მე თანახმა ვარ. ეს უნდა გადაწყვიტოს არჩევნებმა.

კორ.: ელცინთან შეხვედრა როდის იქნება?

ედუარდ შევარდნაძე: მე ველაპარაკე, მაგრამ ეხლა შეხვედრა მიზანშეწონილი არ არის.

კორ.: რას იტყვით დსთ-ში შესვლის შესახებ?

ედუარდ შევარდნაძე: ეს იყო ბოლო შანსის გამოყენება, რაც მისცემდა სტიმულს სოხუმში განლაგებულ საპარაშუტო ბატალიონს სამშვიდობო ძალების როლი შეესრულებინათ. მეორედ არ მაქვს უფლება ჩემი ხალხის გარეშე ეს გადაწყვიტო.

ფრანგი კორესპონდენტი: რამდენად ცნობილია, სამხრეთით იყო ჯარი, რომელმაც მონაწილეობა არ მიიღო ბრძოლებში?

ედუარდ შევარდნაძე: პირველი დიდი ნაწილი ცდილობდა გაეროვითა ზღუდე, მეორე ნაწილმა ბრძოლაში მონაწილეობა არ მიიღო.

კორ.: რამდენი ლტოლვილია და სად ცხოვრობენ?

ედუარდ შევარდნაძე: მთელი მოსახლეობაა, ცხოვრობენ საშინელ მდგომარეობაში.

## 29 სექტემბერი

დღეს უამრავი ტრაგიკული ცნობა მოდის აფხაზეთიდან. დაილუპა შამია ალასანია, პოლკოვნიკი, რომელსაც ახლოს ვიცნობდი და ძალიან კარგი კაცი იყო.

საზარელი ამბები დატრიალებულა სოხუმში. გაოგნებული ვარ.

გადაცემა „სალამო მშვიდობისა“-ში გადასცეს: ზვიად გამსახურდიას ბრძანება მიუცია ლოთი ქობალიასთვის, რომ მხოლოდ სოხუმელები გაეშვა საბრძოლველად და თვითონ კი არ წასულიყო.

გული მტკივა. საქართველო იღუპება, არ ვიცი, რა ექნა. აქ ბევრი გაიძახის ჩვეულოთა ზვიადისტიები და სისხლით დაეიცვათ თბილისი. თბილისში რაც ხდება, ამის ატანა არ შეიძლება. დღეს ვიდექი ბარნოვის ქუჩაზე და ვუყურებდი შეიარაღებულ ახალგაზრდებს, რომლებიც უცხოური მანქანებით გოგონებთან ერთად დაგრილებენ, ყიდულობენ კონიაკს, სიგარეტს და ერთობიან. არ შემიძლია მათ გვერდით ვიოშო. აი, ეს არ არის თბილისი! ამ მთავრობას ჯერ ნებსრიგი თბილისში უნდა დაემყარებინა და მერე დასავლეთ საქართველოში.

გადაცემა „სალამო მშვიდობისაში“ ინტერვიუ ედუარდ შევარდნაძესთან.

მამუკა არეშიძე: იქნებ საჭირო არ იყო ლოიალობა იმ პირების მიმართ, რომლებიც ხიდეებს აფეთქებდნენ, ხალხს იტაცებდნენ?

ედუარდ შევარდნაძე: როცა კურსი ავიღეთ შერიგებაზე ჩვენ გაუმართლებელ დათმობებზე მივიდიოდით. ვიფიქრეთ, ხალხი გაიგებდა... ჩვენ ჯერ ნახევრად სახელმწიფო ვართ, თან დემოკრატიულ საფუძვლებზე.

მ. არეშიძე: როდემდე შეიძლება ვიყოთ ფორმირების პროცესში?

ედუარდ შევარდნაძე: მე ვამბობდი, რომ ნორმალურ ვითარებაში საჭიროა 2-3 წელი. ჩვენ არ მოგვეცა ამის საშუალება, ჩვენ კიდევ ვოშობთ. ეხლა გაშიშვლდა რუსეთ-საქართველოს ნინააღმდეგობანი და რამდენ ხანს გაგრძელდება ეს, ძნელი სათქმელია. ჯერ ყველაფერი არ დალუპულა, მაინც ვფიქრობ, არის გამოსავალი.

მ. არეშიძე: როდის დასახლებენ მათ, ვინც აქამდე მიიყვანა საქმე. ვის გულისხმობდით მეხუთე კოლონაში?

**ედუარდ შევარდნაძე:** ამას დრო სჭირდება.

**მ. არეშიძე:** რომ არ მომხდარიყო კონფრონტაცია, ოჩამჩირედან რომ დაგზმარებოდნენ, შეძლებდით თუ არა, რომ შეგვენარჩუნებინა სოხუმი.

**ედუარდ შევარდნაძე:** სოხუმში რომ ვიყავი, იყო შემთხვევები მთელი ბატალიონი მოიხსნა თავდაცვიდან. ამიტომ მთლიანად ოჩამჩირის დაჯგუფებაზე დაბრალება არ არის სწორი.

**მ. არეშიძე:** თუ არ გვყავდა ნორმალური ჯარი, ხომ არ სჯობდა არ დაგვეწყო ეს კონფლიქტი?

**ედუარდ შევარდნაძე:** ჩვენ კონფლიქტი არ დაგვიწყია (ეხლაც იმეორებს ისევ ძველ გამონათქვამებს, ხიდების დაცვას და ა.შ. – მ. ვ.).

**მ. არეშიძე:** რა გზებით ფიქრობთ, რომ შეიცვალოს მდგომარეობა?

**ედუარდ შევარდნაძე:** მე ვიცოდი, სადაც მოვდიოდი, პოლიტიკოსისათვის ეს თვითმკვლელობა იყო, მაგრამ, რომ ჩამოვედი შემაძრუნუნა არსებულმა მდგომარეობამ... რა არის გამოსავალი? 1. ქართველების ელემენტარული პასუხისმგებლობა, საერთო დიალოგი; 2. უნდა ვილაპარაკოთ სიმართლე იმის შესახებ, რაც აფხაზეთში დატრიალდა. რუსეთს დარჩა იმპერიული მისია. 3. დღეს მსოფლიო საბოლოოდ შემობრუნდა საქართველოსკენ.\* დღეს არავის ეპარება ეჭვი, რომ მსოფლიო მოგვეშველება. მაგალითად, გენშერმა დარეკა, აფორიაქებულია თეთრი სახლი... მსოფლიომ გაიგო, რა არის საქართველო.

**მ. არეშიძე:** მრჩება შთაბეჭდილება, რომ რუსეთი არა მარტო საქართველოს, არამედ თქვენც გებრძობ.

**ედუარდ შევარდნაძე:**... ძალიან დიდია ის ძალები, რომლებიც ვერ შეეგუენ იმპერიის დანგრევას და მათ შორის ბევრი დემოკრატიც არის.

ედუარდ შევარდნაძემ შემდგომში განაცხადა, რომ ოჩამჩირის რაიონში ჩემს ნარმომადგენლად დავნიშნე თენგიზ კიტოვანი (ამის შემდეგ დავრწმუნდი, რომ ჩემი გუშინდელი გამოსვლა ტელევიზიაში სწორი ყოფილა. როდესაც შემეკითხნენ – რას იტყვით ლალატზე და მოლაღატებზეო? მე ვუთხარი: ასეთი შეკითხვა არ უნდა დამისვათ, რადგან მე ჯერ არ ვიცი, ვინ არის მოლაღატი და საერთოდ, თუ ამჟამად დაინწყეთ ამაზე საუბარი, დაინწყება სამოქალაქო ომი. ორი დღეა გაზეთები და ტელევიზია თენგიზ კიტოვანს აგინებს და დღეს ედუარდ შევარდნაძემ თავის ნარმომადგენლად დანიშნა. ამიტომ თავი უნდა შევიკავოთ).

### 30 სექტემბერი

საშინელება ტრიალებს საქართველოში! საშინელება. ისტორიიდან არ მახსენდება ისეთი საშინელება, რაც მოხდა აფხაზეთში. ყოველ წუთს მესმის ნაცნობების დაღუპვის შესახებ. თუ ვინმე ნორმალური ქართველი კაცი დაიჭირეს, ყველა დახვრიტეს. გადმოსცეს, რომ დაიღუპა დიმა ჯაიანი თავის შვილთან ერთად. მახსოვს, ეს კარგი მსახიობი სტუდენტობის პერიოდიდან, საკმაოდ სიმამათიური, რუსთაველზე სეირნობდა ხოლმე. ჩამოასვენეს ჟიული შარტავას ცხედარი. მითხრეს, საშინელი ნაწამები არისო. ისინი მებრძოლები კი არა, სადისტიმკვლელები ყოფილან. არ ინდობენ ქალებს და ბავშვებს. ნაწამები შიშველი ქალების სხეულებს პოულობენ ზღვაში. დღეს აფხაზეთმა აიღეს ოჩამჩირე. საშინელება ტრიალებს. ხალხი, ჯარი და ტექნიკა ერთად გაბრის. 30-40 ათასი ადამიანი გულრიფშიდან მიდის სვანეთის მთებისკენ. ყველაზე ცუდი ის არის, რომ მათ გზაში ხვდება

\* წუთუ ამისათვის სოხუმის დაკარგვა იყო აუცილებელი?



ზოგიერთი გარენარი ქართველი და ძარცვავს ამ გაუბედურებულ ხალხს. ღმერთო, მიუზღვე სამაგიერო ყველას, ვინც არის დამნაშავე ამ უბედურებაში! ლოთი ქობალიამ დაიხია ზუგდიდისკენ. არ ვიცი, რა ხდება, მე ამ კაცს დღესაც პატივს ვცემ და იმ დროსაც პატივს ვცემდი, როდესაც აგინებდნენ. ღმერთო, ნუ გამიცრუებ იმედს! გვიან შევიტყვეთ, რომ აფხაზები შევიდნენ გალში.

## 1 ოქტომბერი

დღეს ედუარდ შევარდნაძემ შექმნა საგანგებო კომიტეტი და სათავეში ჩაუყენა ჯაბა იოსელიანი. ეტყობა, ედუარდ შევარდნაძე ამკაცრებს საშინაო პოლიტიკას. არა მგონია, იოსელიანის დანიშვნამ რამე სიკეთე მოუტანოს საქართველოს. ჩემი აზრით, ეს დანიშვნა დააჩქარებს სამოქალაქო ომს და ედუარდ შევარდნაძის კრახს.

## 2 ოქტომბერი

დღეს დილით ზვიად გამსახურდიას მომხრეებმა დაიწყეს შეტევა ფოთზე. ქალაქს იცავს შავნაბადას ბატალიონი კობა კობალაძის მეთაურობით. შუადღისას დაილუპა ექვსი კაცი, დაიჭრა – 60.

რას ნიშნავს ეს? ფაქტობრივად დაიწყო სამოქალაქო ომი. ეს ომი დიდი ხანია მიმდინარეობს საქართველოში, ხან ჩუმად, ხან აშკარად. დღეს კი დაიწყო ფართომასშტაბიანი სამოქალაქო ომი. თუ წინათ ზვიად გამსახურდიას მომხრეებს არ ჰქონდათ ტექნიკა, შეიარაღება და სამთავრობო ჯარები ადვილად შედიოდნენ დასავლეთ საქართველოში, ახლა მათ ტექნიკაც გააჩნიათ და ძალაც. ედუარდ შევარდნაძის მომხრე ძალა ფაქტობრივად განადგურდა აფხაზეთში. საქართველოს ისტორიაში დაიწყო ერთ-ერთი ყველაზე შავნელი პერიოდი.

მე წინათაც ვწერდი: რა ქნას ჩემნაირმა ხალხმა, რომელიც საქართველოში საკმაოდ ბევრია. მე ადრეც ვფიქრობდი, როგორ უნდა ვესროლო ქართველებს? მე შემძლია ვესროლო ყაჩაღს, ბანდიტს, გინდ ედუარდ შევარდნაძის მომხრე იყოს და გინდა ზვიად გამსახურდიასი. ეს სამოქალაქო ომი ფსიქოლოგიურად მომზადებული იყო. მე ამაზე ადრე ვწერდი. განსაკუთრებული ბრალი ამაში მიუძღვის ე. წ. „ინტელიგენციის“ წარმომადგენლებს, რომლებიც მოუწოდებდნენ ელაშქრათ სამეგრელოზე. ვგიჟდებოდი ასეთი გამოსვლების გამო. ასეთი მდგომარეობა არის მეორე მხარესაც, სადაც, ალბათ, მოუწოდებენ ლაშქრობისაკენ თბილისზე. კი მაგრამ, მე და ჩემი ოჯახი რა შუაში ვართ? ბანდიტმა არ იცის და არც აინტერესებს არც ეროვნება, არც კუთხურობა, არც თბილისელობა, ბანდიტი ბანდიტია. ჩემთან სახლში ორჯერ შემოვიდნენ და საქონილო ბეჭედიც არ შემარჩინეს. რა ექნა ახლა? ამ ბანდიტებთან ერთად წაივდი და ვიბრძოლო? ეს ხომ გამორიცხულია! მე მივდიოდი აფხაზეთის ომში გარეშე მტრის და არა საქართველოში მცხოვრები მოქალაქეების წინააღმდეგ.

დღეს, თავიანთი ჭკუით, ე. წ. „სახალხო ლაშქარს“ აგროვებენ. ხალხი ჭკუაზეა გადასული. მეგრელებს აგინებენ. რა შუაშია მეგრელობა? ისევ ვიმოკრებ. მე შემძლია ვესროლო გარეშე მტერს, ბანდიტს და ყაჩაღს.

ინტერვიუ ედუარდ შევარდნაძესთან.

ედუარდ შევარდნაძე: მთელი აფხაზეთის ქართველობა ლტოლვილებად იქცა. 40 ათასამდე ადამიანი მიდის სვანეთის მთებისაკენ, ბევრი იღუპება, ჩამოთოვა. თავი რომ გავართვათ, მთელი რესურსების გამოყენება დაგეჭირდება. ამ დილით მივდიოდი სვანეთში. სამწუხაროდ, დილით დამირეკეს, რომ უტყვევნი ფოთს, გაჩაღდა ბრძოლა, ფოთი მათ დაიკავეს. როდესაც ჩვენ მანქანებს ვეძებთ, სურსათს ვაგროვებთ,

რომ დავებმართო ლტოლვილებს, ამ დროს მათ ქალაქი აიღეს. მათ ადამიანური სახე დაკარგეს. ძნელია, როცა ქართველი ქართველს ესერის. ჩემთან იყო კობა კობალაძე და მითხრა: არ ვიცი, როგორ ვესროლოო. მე სევანთი გამოვაცხადე ეროვნული უბედურების ზონად.

**ზაზა ალექსიძე:** მეტ ლოიალობაში გდებენ ბრალს, აგრეთვე იმაში, რომ ედუარდ შევარდნაძეს გამორჩა, რომ მას აზიურ სახელმწიფოებთან აქვს საქმი.

**ედუარდ შევარდნაძე:** იმ სამ ხელშეკრულებაზე უნდა მოგვეწერა ხელი. სამ-ნუხაროდ, ლაღალი ყველაზე მძიმე მომენტია საქართველოს ისტორიაში. მსოფლიომ დაინახა, რომ ჩვენ მართალი ვიყავით და მართალი ვართ. ზუგდიდის ფორმირებებმა ზურგში ლახვარი ჩაგვარტყეს. მე თავს ვარწმუნებდი, რომ ქართველები გაერთიანდებოდნენ. უნდა ვეძებოთ გამოსავალი.

**ზ. ალექსიძე:** თურმე თქვენ და ირაკლი ბათიაშვილმა იცოდით, რომ ასე განვითარდებოდა მოვლენები, მათ შორის ფოთის ალბაც.

**ედუარდ შევარდნაძე:** შეფასებები უკვე გამოითქვა. მიზნების ძიების დრო არ არის. იქ აფხაზებმა გაილაშქრეს, აქ ჩვენმა მოქალაქეებმა. ეს პროცესი უნდა შეჩერდეს. მე უნდა გავაფრთხილო ისინი, რომ შეჩერდნენ. ბევრი ხალხი დაილუპება. ამით, გარდა ჩვენი მტრისა, ვერავინ მოიგებს. ქუთაისში მთელი პირველი საარმიო კორპუსი არის, ხდება ძალების კონცენტრაცია, ჯობია დაანებონ თავი ცეცხლთან თამაშს, თორემ მათ მოუწევთ პასუხისგება. სამარცხვინო ფურცელი ჩაინერება საქართველოს ისტორიაში.

**ზ. ალექსიძე:** პირველად რომ ჩამოხვედით, შერიგებისკენ მოუწოდებდით. გჯერათ, რომ ეს გაფრთხილება რეალური და ანგარიშგასანეია?

**ედუარდ შევარდნაძე:** სახელმწიფოს მეთაური უფრო სასტიკი უნდა იყოს, მაგრამ იმდენი სისასტიკე ნახა ჩემმა თაობამ და

საქართველომ, რომ არ შემეძლო სწრაფად არ წავსულიყავით დემოკრატიისაკენ.

ჩემი აზრით, ზვიად გამსახურდიას მომხრეები შეცდნენ, როდესაც ფოთი აიღეს. შეიძლება ეს სტრატეგიულად გამართლებული იყო, მაგრამ საზოგადოებრივი აზრი აშკარად გადადის ედუარდ შევარდნაძის მხარეზე მაშინ, როცა ბევრი ფიქრობდა, რომ ედუარდ შევარდნაძის დრო დამთავრდა. თვით ლტოლვილებიც, რომლებიც ედუარდ შევარდნაძეს აბრალებდნენ ყველაფერს, ახლა ძალიან დაბოლმელები არიან ზვიად გამსახურდიას მომხრეებზე. ლტოლვილები ამბობენ: ამ გაჭირვების დროს, რა დროს ფოთის ალბა იყო. ძალიან გამიხარდა, რომ გადარჩენილა და ცოცხალია დიმა ჯაიანი, მსახიობი, რომელზეც მე ვწერდი.

#### 4 ოქტომბერი

გუშინ დილით ზვიად გამსახურდიას მომხრეებმა აიღეს ხონი. მსხვერპლი არ ყოფილა. გუშინ ვიყავი მერიში, მინდოდა გამეგო, სად წამელო დახმარება ლტოლვილებისათვის. აზრზე არ არიან, რა ქნან. სრული ქაოსია.

გუშინ რუსეთიდან ჩამოვიდნენ საგარეო საქმეთა მინისტრის პირველი მოადგილე ადამიშინი, პასტუხოვი და შოიგუ. თითქოს მთავარი იყო ლტოლვილების საკითხი, მაგრამ, ჩემი აზრით, აქ დგას ზვიად გამსახურდიას საკითხი. ჩემი აზრით, შეთანხმდნენ. ეს დღესვე გამოჩნდა, როდესაც ხონი დაიბრუნეს.

რუსეთში დიდი ამბები მოხდა. დაიწყო შეტაკებები ბორის ელცინის მომხრეებსა და ალექსანდრე რუცკოის მომხრეებს შორის. რუცკოის მომხრეებმა აიღეს მოსკოვის მერია, მათ მეთაურობს გენერალი მაკაშოვი. დაიწყო შეტაკებები ოსტანკინოს დაკავების მიზნით. მოსკოვში ყოველივე ამან ისეთი სახე მიიღო (როგორც ქრისტიანს, მეუხერხულება ამის დაწერა), რომ მიხარია.

რუსებმაც ნახონ, რა არის ხალხის დახოცვა, რა არის სიკვდილი, რომელსაც თავად თესავენ საქართველოში. მოსკოვში ტანკები შეიჭრნენ და თეთრ სახლს ალყა შემოარტყეს. ბორის ელცინს არმიამ დაუჭირა მხარი. გაათავისუფლეს მერია და ოსტანკინო, დაიწყო ბრძოლები თეთრ სახლთან. საოცარი სანახავი იყო, თუ როგორ ესროდნენ ტანკები ყუმბარებს თეთრ სახლს. თეთრი სახლი მალე დანებდა. მთელმა მსოფლიომ მხარი დაუჭირა ბორის ელცინს, მათ შორის ედუარდ შევარდნაძემაც. სამტრედიასთან შეტევა ნამოიწყეს ზვიად გამსახურდიას მომხრეებმა, მაგრამ უკუაგდეს. მათ აბაშასთან ხიდი ააფეთქეს. დღეს გადარჩენილი დიმა ჯაიანი გამოვიდა ქუთაისის ტელევიზიით. ის გაოგნებული ამბობდა, რომ ხალხი სვანეთის მთებში იღუპება და რა დროს შეტევა იყო. ტიროდა კაცი. ეს ზვიად გამსახურდიას მომხრეების უდიდესი შეცდომა იყო. რა დროს ომია, როცა ბავშვები იყინებიან სვანეთში. ერთი სამი თვის ბავშვი დიმა ჯაიანის ხელში გაყინულა. დღეს ჩემმა მეუღლემ ნაილო სადგურში საკეები და ფული ლტოლვილებისათვის. აუცილებლად უნდა გავარკვიო: ნუთუ ვცდებოდი ლოთი ქობალიაში, რომელიც ამბობდა ქართველს თოფს არ ვესვრიო? ნუთუ არ შეიძლება საერთოდ ადამიანების ნდობა? გაეგიჟდები ნამდვილად!

## 5 ოქტომბერი

გუშინ სალამოს დააპატიმრეს რუცკოი, ხაზულატოვი, მაკაშოვი, ბარანიკოვი, დუნაევი.

რაც შეეხება მდგომარეობას საქართველოში, ეკითხულობ გრიგოლ რობაქიძის მიერ 1915 წელს დანერილს: „ქართველებს მრავალი მტერი ჰყავს. შესაძლოა. მე კი სხვა რამ მაფიქრებს: ქართველ ერს მხოლოდ ერთი მტერი ჰყავს: ეს არის თვითონ ქართველი ერი, პირველყოფილი ცოდო ქართველი

ერის ისტორიისა: დაუნდობლობა, გაუტანლობა, შური, ღვარძლი ერთიმეორეში. უნდა მოისპოს ეს ცოდო. რით?“

საოცარი სიტყვებია. გაოგნებული ვარ. დღესაც ასეა ქართველი ერი, გაყოფილია ორად. ორივე მხარე მზად არის საბოლოოდ გაანადგურონ ერთმანეთი, ორივე ფიქრობს საბოლოოდ ამოძირკვონ ერთმანეთი. სამუნხაროდ, ორივე მხარეს მიაჩნია, რომ მათ არცერთს არავითარი შეცდომა არა აქვთ დაშვებული და არაფრის გაგონება არ სურს. მე მეცოდება საბრალო ქართველი კაცი თავისი ოჯახით, რომელიც ცდილობს იშრომოს, ოჯახი არჩინოს, კარგად შვილები აღუზარდოს სამშობლოს და ამ დროს ვიღაც პოლიტიკოსების ამბიციების გამო ან გასროლილი ყუმბარით, ან უნდა დაიღუპოს, ან სახლი დაენგრეს, ან მოსავალი მოესპოს. სამუნხაროდ, ამ ქართველ კაცზე არავინ ფიქრობს. დღეს იტყვიან: რა დროს ესაა, ახლა ხომ ომია! კი მაგრამ, ყველას ხომ არ შეუძლია ბრძოლა? ისე ვიმეორებ: ზვიად გამსახურდიას მომხრეებშიც არიან წესიერი ადამიანები და ედუარდ შევარდნაძის მომხრეებშიც. სამუნხაროდ, სწორედ ისინი დაიღუპებიან, თორემ ბანდიტი, ავაზაკი ყოველთვის მოახერხებს გაქცევას და თავის გადარჩენას. ღმერთო, გადაგვარჩინე ამდენ სისხლისღვრას! ამბობენ, ხონში ოპერაცია კარგად ჩატარდაო, მაგრამ მაინც დაიღუპა რამდენიმე ახალგაზრდა. ნუთუ საქართველოს აქვს უფლება დაკარგოს თავისი შვილები.

გუშინ ტელევიზიით, გადაცემაში „სალამო მშვიდობისა“ მოგვასმენინეს საუბარი ზუგდიდიდან გუდაუთაში. ზუგდიდიდან ულოცავდნენ სოხუმის და ოჩამჩირის ალექსს, მაგრამ უკმაყოფილონი იყვნენ, აფხაზებმა გალი დაიკავეს, რადგან ამაზე არ გეკონია შეთანხმებაო. დიდი ეჭვი მაქვს, რომ ეს სიმართლეა, თუ ეს მართალია, ეს ხომ საშინელებაა! ვის ვულოცავთ? იმათ, ვინც პატარა ბავშვებს აუპატიურებდა, ხოცავდა და ფატრავდა ქართველ ქალებს, ხვრტავ-

დენ მამაკაცებს! როდესაც ნაიკითხავენ ჩემს ჩანაწერებს, მიხედებიან, რომ ყოველთვის ვეძებ ადამიანში კარგს, არ მინდა დავინახო ცუდი, მაგრამ ეს უკვე ცუდი არ არის, ეს საშინელება!

დღეს ასაფლავებენ ყიული შარტავას. ძალიან დაძწყდა გული. მართლაც ვაჟაკურად მოქმედებდა აფხაზეთში და გმირულადაც დაიღუპა. დღეს მალთაყვას ხიდთან და სამტრედიასთან იყო შეტაკებები. ამჟამად ეტყობა, რომ დღეს, მაქსიმუმ ხვალ სამთავრობო ძალები დაიწყებენ შეტევას. სამწუხაროა, რომ იდეოლოგიურადაც ამზადებენ ამ შეტევას. ტელევიზიით გამოიყვანეს აკადემიკოსები ოთარ ჯაფარიძე და მარკა ლორთქიფანიძე, რომლებმაც მოითხოვეს სასწრაფოდ შეტევა.

დღეს უნივერსიტეტში გავრცელდა ხმა, რომ დაიღუპა რეზო მიშველაძის ვაჟი აჩიკო. რეზო სასწრაფოდ წავიდა ქუთაისში. იქნებ ჭორია? ხოლონათნ ერთი კაცი დაიღუპაო მხოლოდ და რაღა რეზოს ვაჟი იქნება ის საწყალი! სამწუხაროდ, მართალი ყოფილა. ახლა ტელევიზიით აჩვენეს საწყალი ბიჭი. ღმერთო, რა ძნელია, როგორ დაიღუპა ქართველი ქართველის ხელით? ნუთუ ზვიად გამსახურდიას არ ანუხებს ის ამბავი, რომ ამდენი ახალგაზრდა იღუპება, ნუთუ არ შეიძლებოდა მოქცეულიყო ისე, როგორც ელჩიბეი. მე არ შემიძლია გავამართლო ხოცვა-ჟლეტა ქართველებს შორის, რა მიზანსაც არ უნდა ემსახურებოდეს იგი, მით უმეტეს, რომ ეს ომი ორივე მხრიდან იდეოლოგიურადაც მზადდებოდა. ერთი მხარე ამბობს, რომ ეს ომი არის მიმართული არა სამეგრელოს, არამედ ზვიად გამსახურდიას წინააღმდეგ. მეორე მხარე ამბობს, რომ ისინი ედუარდ შევარდნაძის წინააღმდეგ მოდიან და არა თბილისის დასალაშქრავად. ნეტავ უმტიკინეულოდ დამთავრდეს ეს ყველაფერი! თუმცა ამისი პანსი არ არსებობს, იმიტომ, რომ არც ერთ მხარეს არ უნდა აღიაროს თავისი შეცდომები და გამოძებნოს შერიგების გზა.

თუ ცოცხალი ვიქნები, მინდა შევხვდე ლოთი ქობალიას და გავიგო, გულწრფელი იყო ის თუ არა, როცა ამბობდა, რომ ქართველს არ ესროდა. დარწმუნებული ვარ, რომ, თუ ამ ომმა დიდი გაქანება მიიღო, ის მთელ საქართველოს ჩაითრევს, ცხადია, მეც აღმოვჩნდები ამ საგიჟეთში, რადგან, თუ დაკარგავ ახლობელს, მაშინ შურისძიება დაგიბნელებს გონებას. საქართველოს ღუპავს ამბიციები.

## 6 ოქტომბერი

გალში უკვე დახოცეს ასამდე კაცი, ხალხს ძარცვავენ, ყველაფერი მიაქვთ. ბრძოლა იყო მალთაყვასთან. ზვიად გამსახურდიას მომხრეებიდან დაიღუპა 15 კაცი, დაიჭრა – 50. სამტრედიამიც ისროლეს. დაიღუპა ორი მშვიდობიანი მცხოვრები. ეს ყველაფერი ტელევიზიით მოვისმინე. რა თქმა უნდა, არ ვიცი იქით მხარეს რამდენი დაიღუპა. გია ვაშაკიძემ (მინისტრის მოადგილემ) თქვა, რომ ჩვენ ტანკების გასროლით ვუპასუხეთო. რა თქმა უნდა, იქითაც დაიღუპებოდა მშვიდობიანი მოსახლეობა. მძიმე მდგომარეობაა ლტოლვილებში, რომლებიც სვანეთის უღელტეხილით მიდიან. საშინელებაა, იღუპებიან ძირითადად მოხუცები და ბავშვები.

## 7 ოქტომბერი

დღეს ვიყავი რეზო მიშველაძის ერთადერთი შვილის პანაშვიდზე. საწყალი რეზო გადამეხვია, ორივე ვტიროდით. საშინელებაა, განადგურებული წამოვდივარ. როგორც ისტორიკოსს, ყოველთვის მაინტერესებდა, რა მდგომარეობაში იყო ზნეობრივად საქართველო, როდესაც კლავდნენ ილია ჭავჭავაძეს.

მე ვნახე ის, თუ როგორ ესროდნენ ილიას ძეგლს რუსთაველზე, როგორ

დაცხრილეს მისი ძველი საგურამოში, როგორ გაძარცვეს მისი სახლ-მუზეუმი ყვარელში!

მე ვნახე ქართველი ერი ერთ მუშტად შეკრული – ეს იყო 9 აპრილის შემდეგ.

მე ვნახე თანამდებობებისთვის და ამბიციებისთვის მებრძოლი ქართველები.

მე ვნახე ქართველი, რომელიც „ტყვის სყიდვას“ ეწეოდა. რა განსხვავებაა ახლანდელ, ე. წ. „შინაურ მამულქობასა“ და „ტყვის სყიდვას“ შორის? ახლაც იტაცებენ ბავშვებს, მამაკაცებს, ქალებს და გამოსასყიდს ახდევინებენ.

მე ვნახე ქართველობა, რომლის ნაწილი ომში გმირულად იღუპება, მეორე ნაწილი – გულგრილი ადამიანები – ლტოლვილებს არ ეხმარება, მესამე ნაწილი, საზიზღარი ადამიანები – ლტოლვილებს გზაში ყველაფერს ართმევს. ღმერთმა დაგვიფარა, რომ კიდევ არის ხალხი, რომელიც ლტოლვილებს ეხმარება.

მე ვნახე ქართველობა, რომელიც სამოქალაქო ომში ერთმანეთს ხოცავს. სწორედ ამ ომის მსხვერპლთან ვიყავი დღეს მე.

დღეს კინაღამ ვავგიჟდი. ინტილიგენციის ნაწილმა მოითხოვა, რომ ავიაციის გამოყენებით დაიბომბოს დასავლეთ საქართველო. როცა მე ვუთხარი, რომ დაბომბვისას ბავშვები დაიღუპებიან-მეთქი, მათ მიპასუხეს: მერე რა მოხდაო. ნამდვილად არ მეგონა, თუ მოვესწრებოდი 1937 წლის დაბრუნებას. სულ მიკვირდა, 1937 წელს, როგორ ასმენდნენ, როგორ უხაროდათ ადამიანთა გაუბედურება. ახლა აღარ მიკვირს. ეს ორი დღეა დაიწყეს ე. წ. „ზევიდისტთა“ დაპატიმრება. დაიჭირეს ჩემი ნაცნობები: მანანა ლაბაძე და მისი მეუღლე რომიკო ანჯაფარიძე, უნივერსიტეტის პროფესორი ლერი გოგოლაძე. როგორ შეიძლება მათი ციხეში ყოფნა? არადა ბრბოს უხარია ყოველივე ეს. დეკანატში ბევრი შემოდის და კითხულობენ: ნუთუ არ დაიჭირეს პროფესორი ვახტანგ

ჯანჯღა და მიტო ლეთოდიანი? ვატყობ, როცა შეიტყობენ, რომ ჯერ არ არიან დაპატიმრებულნი, ძალიან სწყინთ. გავეციდები. მე პირადად ვახოს და მიტოს შეხედულებებს არ ვიზიარებ, მაგრამ, როგორ შემიძლია წარმოვიდგინო ისინი ციხეში! ვახტანგ ჯანჯღა 70 წლამდე ასაკისაა, პყავს შვილები, შვილიშვილები, მიტო ლეთოდიანს სამი პატარა შვილი პყავს, რომლებსაც მის გარდა პატრონი არა პყავთ. მესმის კიდევ დაჭერა იმათი, ვინც ხელისუფლებას იარაღით ებრძვის, მაგრამ დაჭერა იმიტომ, რომ ადამიანს თავისი აზრი აქვს, თუ ვინღ მცდარიც, ეს ხომ იგივეა, რასაც მიჩვეული ვიყავით მთელი 70 წლის განმავლობაში. არ ვიცი, ამ მოკლე დროის განმავლობაში რატომ გამოამყვანა ქართველმა ერმა ამდენი უარყოფითი თვისება. აქ არის კომპლექსი ყველანაირი ცუდის, რაც ჰქონია საქართველოს: ლალატი, შური, დასმენა, ყაჩაღობა, კაცისკვლა. ავიაციით დავბომბოთ დასავლეთ საქართველო – ზვიადის მომხრეთა რაიონები – ამას ამბობდნენ აკადემიკოსები, პროფესორები და დოცენტები, ე. ი. ამას ამბობენ საქართველოს ცნობილი ადამიანები, ე. წ. განათლებული და სწავლული ხალხი. არ ვიცი, რა ექნა, რა ქნას ჩემწარიმა ქართველმა, რომლებიც საქართველოში საეკმოად არიან.

რუსეთის ტელევიზიამ გამოაცხადა, რომ 7 ოქტომბერს, საღამოს ბორის ელცინს შეხედნენ ალიევი, ტერ-პეტროსიანი და შევარდნაძე. ამ შეხვედრაზე გადანყდა ძაღზე ბევრი საკითხი. კერძოდ, გადანყდა, რომ რუსეთი გამოვა ამიერკავკასიის მფარველად. რუსეთმა დაანახვა ამიერკავკასიის სამივე სახელმწიფოს, რომ, თუ დააპირებენ გასელას მისი გავლენის სფეროდან ეს გადაიქცევა ტრაგედიად თითოეული ქვეყნისათვის. როცა სომხეთში გაიმარჯვა ეროვნულმა მოძრაობამ და სათავეში მოვიდა ტერ-პეტროსიანი, ყარაბახის ომში უპირატესობა მაშინვე

აზერბაიჯანის მხარეს გადავიდა – დაიწყო სომხების დეპორტაცია ყარაბახიდან. ეს იყო სომხების ტრაგედია. შემდეგ აზერბაიჯანში გამარჯვა სახალხო ფრონტმა. მალე სომხეთი შეეკრა რუსეთს. "ახლა აზერბაიჯანელების დეპორტაცია დაიწყო ყარაბახიდან. ყარაბახს ვინ ჩივის, როცა აზერბაიჯანის ტერიტორიის 20% სომხებმა მიიტაცეს. აზერბაიჯანის არმია მარცხს მარცხზე განიცდის. ამ დროს აზერბაიჯანი გამოსულია დსთ-დან. მალე აზერბაიჯანში პრეზიდენტ ელჩიბეის დაამხოვნ და მოვა ცნობილი პეიდარ ალიევი, რომელიც საჩქაროდ აგვარებს ურთიერთობებს რუსეთთან და შედის დსთ-ში. სომხებმა შეტევა შეაჩერეს. ყოველივე ეს იმას ადასტურებს, რომ საჭიროა უფრო მოქნილი პოლიტიკა რუსეთთან. ის დემაგოგიური განცხადებები, რომლითაც გამოდიან ირაკლი წერეთელი, ნოდარ ნათაძე, თამრიკო ჩხეიძე, საქართველოდან რუსეთის ჯარების გაყვანის თაობაზე, კარგ შედეგებს არ მოიტანს. მე მესმის კარგია, რომ გაიყვანონ რუსებმა ჯარი, მაგრამ რუსებმა ისეთ დღეში ჩაგვადგეს, რომ, პირიქით, ახლა დაიწყება ხეყნა: ოღონდ ლტოლვილები დაგვებრუნებინეთო, ოღონდ ზვიად გამსახურდია გააძევეთ და რაც გინდათ ის ჰქენით, რამდენ ხანსაც გინდათ იმდენ ხანს დარჩითო!

## 8 ოქტომბერი

ჩემი სიტყვები მართლდება. დღეს მოსკოვში შეხვდნენ – ბორის ელცინი, ედუარდ შევარდნაძე, პეიდარ ალიევი, ლეონ ტერ-პეტროსიანი. ინტერვიუში ტერ-პეტროსიანმა განაცხადა, რომ ჩვენ საქართველოს საქმეებში არ ვერევი, მაგრამ ერთი საერთო საზრუნავი გვაქვს – რკინიგზის მაგისტრალეზიო. გადაწყდა, რომ ისინი ერთად გააკონტროლებენ რკინიგზას.

ედუარდ შევარდნაძემ მოსკოვში მიცემულ ინტერვიუში განაცხადა, რომ საქართველო შედის დსთ-ში.

ჩემი აზრით, სხვა გამოსავალი ამჟამად არ არის. ჩვენ დამოუკიდებლობის ნაწილს ვთმობთ, რათა გადავრჩეთ. ჩვენ ჯერ-ჯერობით ღირსნი არ ვყოფილვართ სრული დამოუკიდებლობისა. მართალია, ყველაფერში მთავარი დამნაშავე არის რუსეთი, მაგრამ რუსეთს ჩვენ ჩვენი მოქმედებებით შევუწყვეთ ხელი და ამიტომაც ვისჯებით.

მოსკოვში მიღებული გადაწყვეტილების შემდეგ ზვიად გამსახურდიას ბრძოლას დასავლეთ საქართველოში ფაქტობრივად ნარმატების არავითარი შანსი აღარ დარჩა. ტყუილად იღუპება ხალხი. ტელევიზიით გადასცემენ სოციოლოგიური გამოკვლევების შედეგებს, იმის თაობაზე, თუ რომელი პროგრამა აინტერესებს მაყურებელს. პირველ ადგილზე გავიდა გადაცემა „მაცნე“. ერთ დონეზე გავიდნენ პარლამენტის სესიების გადაცემა და გადაცემა „ცხოველთა სამყაროში“. ჩემი აზრით, ორივე გადაცემა მართლაც ძალზე ჰგავს ერთმანეთს.

## 11 ოქტომბერი

დაპირისპირება დასავლეთ საქართველოში გრძელდება. დსთ-ში შესვლა გააჭანტურია უარყოფითად შეაფასა და მას უნოდა უმოკლესი გზა დაღუპვისაკენ. ირაკლი ბათიაშვილი გადადგა, მის ნაცვლად დაინიშნა იგორ გიორგაძე. შინაგან საქმეთა მინისტრად დაინიშნა შოთა კვირიაა, ეროვნული ბანკის მმართველად ნოდარ ჯავახიშვილი. გააჭანტურია განაცხადა, რომ რუსეთიდან ედუარდ შევარდნაძე დსთ-ში შესასვლელად არ ჩამოგვიყვანიაო.

## 13 ოქტომბერი

დღეს „საქართველოს რესპუბლიკაში“ გადმოუჭდელია ინტერვიუ ანდრეი კოზირევთან. როდესაც მას შეეკითხნენ აფხაზეთის შესახებ, მან განაცხადა: „უზენაესი

საბჭო" მხარს უჭერდა ექსტრემისტებს აფხაზეთში, ახლა, ვფიქრობ, იქ წესრიგი დამყარდებაო. კოზირევა იქვე შენიშნა: „ეს რეგიონი ჩვენი საარსებო ინტერესების ზონაა, თუ რუსეთი იქ თავის პოზიციას დაკარგავს, ჩვენ სხვა ძალები შეგვცვლიან და ამას გარდუვალად მოჰყვება დესტაბილიზაცია ჩრდილოეთ კავკასიაში. თუ დღეს საქართველოს დაშლას დაეუშვებით, ხვალ იგივე საფრთხეს წააწყდება რუსეთი, შეიქმნება უსაშინლესი პრეცედენტი“. მართალია, დიდი იმედი არა მაქვს, მაგრამ სხვა გამოსავალი არ არსებობს და მინდა ოპტიმისტი ვიყო. დღეს ისეთი გაჭირვებაა საქართველოში, რომ აღარ ვიცი რა ვთქვა. ისევე გრძელდება ყაჩაღობა. გუშინ საჩხერის გზაზე ორი კაცი მოკლეს – ერთი მილიციის კაპიტანი და ერთი გვარდიელი. მკვლელობა ჩაიდინეს ყაჩაღებმა, რომლებიც მანქანებს იტაცებდნენ. ბენზინს, რომელიც ქუთაისიდან უნდა მიდიოდა სვანეთში ლტოლვილებისთვის, ორ მესამედს გზაში იტაცებენ. ამავე დროს ამ გაჭირვებულ და გაუბედურებულ ხალხს ხედებიან ქართველი ავაზაკები და ძარცვავენ. რაზე შეიძლება კიდევ ვისაუბრო? დარწმუნებული ვარ, პუმანიტარული დახმარების მეათედი არ მიდის ლტოლვილებთან.

## 16 ოქტომბერი

ლამით „ნოვოსტიმ“ გამოსცა, რომ რუსეთის დესანტი მიადგა ფოთს, რადგან ზვიადისტები ძარცვავენ ფოთში შემოსულ ტვირთს, რომელიც ეკუთვნის სომხეთს და აზერბაიჯანს და მიაქვთო გასაყიდად თურქეთში.

## 17 ოქტომბერი

რამდენიმე საათში, ფოთში რუსეთის დესანტის შესვლის შესახებ „ნოვოსტის“

ცნობიდან, ზვიად გამსახურდიას მომხრეებმა დილით დაიწყეს შეტევა სამტრედიაზე. შეტევა საკმაოდ წარმატებული იყო. მე დეკანთან ვიჯექი, როცა მარიკა ლორთქიფანიძემ დაურეკა კარლო მემველიანს და სთხოვა მასთან მისულიყო. კარლო რომ უკან დაბრუნდა, უხასიათოდ იყო, მოკლედ მითხრა: საქმე ცუდად არისო. მალე დარეკა რექტორის თანამშენვე გულიკომ, რომ რექტორი საჩქაროდ ეძებს ოთარ ჯაფარიძეს და მარიკა ლორთქიფანიძესო. მე მივედი მარიკასთან, იგი ძალზე ცუდ გუნებაზე იყო. მარიკას კაბინეტიდან რომ გამოვედი შეკრებილი თანამშრომლები უკვე საუბრობდნენ, რომ სამტრედია დაიკავეს ზვიად გამსახურდიას მომხრეებმაო. მართლაც, ტელევიზიით გადმოსცეს, ძირითადი სამთავრობო ძალები ალყაშიაო, ხოლო ნაწილი უკან იხევს ქუთაისისკენო. გამოვიდა გენერალი ქუმბურიძე, რომელიც ახალი დანიშნული იყო გვარდიის სამმართველოს უფროსად. მან განაცხადა, რომ სამტრედიასთან დგას „მხედრონი“, მოხალისეები და სხვადასხვა რაზმი და რომ ყველა მსხვილი შენაერთი უნდა ექვემდებარებოდეს თავდაცვის სამინისტროსო. ეს შეეხებოდა გვარდიასაც, რომელიც უშუალოდ დაემორჩილა ედუარდ შევარდნაძეს. ეტყობა, არის უთანხმოება გია ყარყარაშვილთან, რადგან ამ მოვლენებში იგი არ ჩანს. არ ვიცი, რა ემართება ედუარდ შევარდნაძეს. მე წინათაც ვენერდი, როგორ შეიძლებოდა ჯაბა იოსელიანის დანიშვნა საგანგებო კომიტეტის თავმჯდომარედ, რომელსაც დაუმორჩილეს შინაგან საქმეთა სამინისტრო, საინფორმაციო-სადაზვერვო სამსახური და თავდაცვის სამინისტრო. როდესაც არსებობს უშიშროების საბჭო, რა საჭიროა საგანგებო კომიტეტი? ერთი თვის წინ ედუარდ შევარდნაძემ ბრალი დასდო ჯაბა იოსელიანს და თემურ ხაჩიშვილს იმაში, რომ მათ ჩამალეს ოპერაცია, როდესაც უნდოდათ 120 კაციანი ბანდის შეპყრობა რუსთავში. ამ ბანდაში ედუარდ შევარდნაძე გულისხმობდა

რუსთავის „მხედრონი“. ამ დროს ტელევიზიით აჩვენეს, რომ ჰუმანიტარულ ტვირთებს სვანეთში აცილებს სწორედ რუსთავის მხედრონი. რა ქნას ახლა მილიციამ? ის ხალხი, ვინც უნდა დაეჭირათ, ამჟამად მათი უფროსები გახდნენ. არ ვიცი, როგორ დამთავრდება ეს სამოქალაქო ომი, მაგრამ ასე ცხოვრება ნამდვილად აღარ შეიძლება. ილუპება მშვიდობიანი მოსახლეობა. ტელევიზია, ისევე ვიმეორებ, დიდ პროპაგანდას უწევს დღევანდელ ხელისუფლებას. კვანტალიანის თავმჯდომარეობის დროს ტელევიზია დიდი ეთოვლენით ემსახურებოდა ზვიად გამსახურდიას, მაგრამ, სინამდვილეში, უფრო მეტ ზიანს აყენებდა მის ხელისუფლებას. ასევე ხდება დღესაც. კერძოდ, გადმოსცეს, რომ ზვიად გამსახურდიას მხარეზე ძირითადად ჩეჩნები და კონფედერაციის ჯარისკაცები იბრძვიანო და, თურმე, როდესაც სამტრედიასთან სამთავრობო ჯარებიდან ქართველი ჯარისკაცები ტყვედ ჩაიგდეს, მათ ადგილზე ხვრეტავენ ჩრდილოეთ კავკასიის კონფედერაციის ჯარისკაცებო. რა თქმა უნდა, არ მჯერა და არც დავიჯერებ ამას! ამით ალიზიანებენ ხალხს. თბილისის მოქალაქეთა კავშირის შეკრებაზე გამოვიდა რეზო ამაშუკელი. სხდომას ესწრებოდნენ ნოდარ ლომოური, შოთა ნიშნიანიძე და სხვები. რეზო ამაშუკელმა მოუწოდო ფილარმონიაში შეკრებილიყვნენ 2 საათზე. ერთ-ერთ საკითხად უნდა განეხილათ ნოდარ ნათაძის განცხადება. ვაი, ამათ პატრონს!

ლამის 12 საათზე გამოაცხადეს, რომ დაინებოდა ინტერვიუ ედუარდ შევარდნაძესთან.

ნატო ონიანი: კეთდება განცხადებები, რომ სამთავრობო ჯარებს შეუძლიათ დაამყარონ წესრიგი და ამ დროს, პირიქით, იკარგება ქალაქები.

ედუარდ შევარდნაძე: აქ ანგარიშგასანეთია ის, რომ ქართველები ებრძვიან ერთმანეთს. ამავე დროს პრაქტიკულად

საქმე გვაქვს ინტერვენციასთან. როდესაც დაიკარგა სოხუმი, აფხაზეთი გამსახურდიამ და მისმა ამფსონებმა აღიარეს, რომ აფხაზეთმა ზუგდიდსა და ნალენჯიხის რაიონებში რამდენიმე სოფელი დაიკავეს. ჩეჩნები და ბოვეიკები უტევდნენ სამტრედიას, მათ ფულს უხდიან. როდესაც ფოთი დაიკავეს, მათ გაძარცვეს ქალაქი, დაიტაცეს 5 ათასი ტონა შაქარი, ხორბალი... ხუთი ათასზე მეტი მილი, 20 ათასს თურქეთში გასატანად ამზადებდნენ. რუსეთის მეშვეობით გადავკეტეთ ეს გზები. მათი შეტევა უნდა შევაჩეროთ, ქუთაისი ფეხზე დგას, მიმდებარე რაიონებაც. უნდა აღვადგინოთ წესრიგი.

ნ. ონიანი: რეალურია ის, რასაც თქვენ ბრძანებთ?

ედუარდ შევარდნაძე: თუ ლალატი არ იქნება, რეალურია. არის ტექნიკა, იარაღი, საბრძოლო მასალები და ხალხი. სასტიკი ბრძოლაა გამოცხადებული პანიკორების წინააღმდეგ. ძალიან ცუდ სამსახურს უწევს თავიანთ სამშობლოს ის ხალხი, ვინც თავს გვახვევს დისკუსიას ესენგეს შესახებ... მე არ შემიძლია არ ვუპასუხო ამაზე ერთ-ერთ დეპუტატს (გულისხმობს ნოდარ ნათაძის განცხადებას). მე არ ვიცი, რა უფლება ექნება მას ექსპრეზიდენტი თუ შემოვა. ეს არის საზიზღრობა, დამცირება... მე მინდა გაცნობოთ, რომ ვუბრძანებ თავდაცვის მინისტრს დაიძრეთ დასავლეთ საქართველოში. მე ვუბრძანებ უმძიმოებასა და შინაგან საქმეთა სამინისტროებს არ დაინდონ მოლაღატეები. ლიბერალიზაცია და გულმონყალება არის დანაშაული. თუ ისინი ამას ვერ გააკეთებენ, მე მათ მოვხსნი. მე მოველი, რომ პროკურატურა, იუსტიცია ამუშავდება როგორც საჭიროა. ეყობთ კეკელეცობანა. პროფესიონალებს ხელი არ უნდა უკანკალებდეთ. უნდა აღიკვეთოს უკანონო ფორმირებების თარეში. თუ ყველა ისე იქნება, როგორც თბილისში, საქართველო გაიმარჯვებს. ყოფილი პრეზიდენტი გროზნოში დაბრუნდება (ეტყობა, გია



ყარყარაშვილმა მხარი დაუჭირა ედუარდ შევარდნაძის, მხოლოდ მას თუ შეუძლია შევარდნაძის გადარჩენა - ვ. ე.).

ნ. ონიან: თქვენ ახსენეთ პანიკორები. დაირხა ხმა, რომ თქვენ ინფარქტი გავქვთ. ედუარდ შევარდნაძე: თვითაღდგინების ძალა მაქვს, მე მწყობრში ვარ მტრის ჯინაზე. „მაცნემ“ გამოაცხადა, რომ აიღეს ხონიც.

## 18 ოქტომბერი

დღეს დილით „ნოვოსტიმ“ გამოსცა ედუარდ შევარდნაძის ინტერვიუ, სადაც მან აღნიშნა, რომ „ზვიადისტებმა“ დაიკავეს ქვეყნისათვის სასიცოცხლო რაიონები, მათ შორის სამტრედია და განსაკუთრებით ფოთი, რომელიც წარმოადგენს ამიერკავკასიის ჭიშკარს და თუ ფოთი მალე არ განთავისუფლდება, დაიწყება შიმშილი. ედუარდ შევარდნაძემ თხოვნით მიმართა რუსეთს, სომხეთს და აზერბაიჯანს, გამოყონ სამხედრო კონტიგენტები, რათა აღადგენს წესრიგი რკინიგზაზე. შევარდნაძემ აღიარა, რომ საკუთარი ძალებით წესრიგის აღდგენა მას არ შეუძლია.

ოთარ ფაცაცია შეხედა ვიქტორ ჩერნომირდინს.

დღეს ფილარმონიაში შედგა თბილისელების შეხვედრა ედუარდ შევარდნაძესთან. მე არ ვესწრებოდი ამ შეხვედრას, რადგან აქ ძირითადად შეკრებილია ხალხი, რომელთა დიდ ნაწილს ყბედობის გარდა არაფერი შეუძლია. მათ ამგვარი შეკრებები გადააქციეს სალაყბოდ და მოხუცების, ე. წ. სასეირნო-სალაყბო ბაღად, სადაც წყნარი ცხოვრების დროს დომინოს ითამაშებდნენ, ახლა კი დროს კლავენ ისტირული გამოსვლებით. მერე წავლენ შინ და ამბობენ, რომ დიდი საქმეები გავაქეთეთო. საქართველო ილუპება ამ მოლაყბების და „პადხალიმების“ ხელში. ედუარდ შევარდნაძის უბედურება ის არის, რომ მას იმ ხალხის სჯერა, რომლებიც კარგად

იყვირებენ ტრიბუნიდან და დაუმტკიცებენ მას ერთგულებას. გუშინ მან ქალაქის მერის თანამდებობიდან გაათავისუფლა კოტე გაბაშვილი და გაუშვა ელჩად გერმანიაში. კოტე რომ ქალაქის მერად არ გამოდგებოდა, მისი დანიშნვის დღესვე ეთქვი. მართალია, გამიხარდა, ჩემი სკოლის მეგობარი რომ დანიშნეს ქალაქის მერად, მაგრამ ჩემზე ხომ არ არის საქმე, კოტეს ძალიან კარგი ჰუმანიტარული განათლება აქვს მიღებული და ძალიან კარგი განათლების მინისტრი იქნებოდა, მაგრამ არა თბილისის მერი.

ინტერვიუ ჯაბა იოსელიანთან. ჯაბა იოსელიანმა განაცხადა: ლალატი მოხდა, ცოტა მომავალზე უნდა იფიქრონ. უბედურება ის არის, რომ საქართველო გაყიდეს სკამების გამო ... ყველაფერი კარგად იქნება, სულ მოკლე ხანში ყველაფერი დამთავრდება, ჩვენ მხარეს არის დასავლეთიც და რუსეთიც.

ინტერვიუ თენგიზ კიტოვანთან. თენგიზ კიტოვანმა აღნიშნა, რომ ყველაფერი დაუდევრობის ბრალი იყო, ყველამ უნდა აგოს პასუხი, ზოგიერთი ხელმძღვანელი თავის ადგილზე არ ზის, ყველამ პასუხი უნდა აგოს, მალე გამარჯვებას მივალწევთო. გუშინ ტენევაში სანდრო კავსაძე შეხედა ედუარდ ბრუნერს.

დღეს გადაიცა სახელმწიფო მეთაურის პრესსამსახურის განცხადება იმის შესახებ, რომ მოსკოვის სატელევიზიო გადაცემაში, რომელსაც ადრე „იტოვი“ ერქვა და ამჟამად ჰქვია „ვოსკრესენიე“, ნათქვამი იყო, რომ გასარკვევია საქართველოს რომელი ნაწილი შედის ეხლა დსთ-ში, რადგან ამჟამად საქართველო ხუთ ნაწილად არის დაყოფილიო.

## 19 ოქტომბერი

დღეს მთელი დღე „ნოვოსტი“ გადასცემს ედუარდ შევარდნაძის თხოვნას

რუსეთის, სომხეთის, აზერბაიჯანის მთავრობებისადმი, რათა მათ აღმოუჩინონ დახმარება საქართველოს.

ექვს საათზე „ნოვოსტიში“ გადმოსცა, რომ ზვიად გამსახურდიას მომხრეებმა უბრძოლველად დაიკავეს ლანჩხუთი, სადაც მიტიჩგი ჩაატარა ზვიადმა. მიტიჩგზე მან განაცხადა, რომ ყველას აპატიებდა, ვინც კი დაყრიდა იარაღს.

დღეს ვერ მოვისმინე გია ყარყარაშვილის ინტერვიუ „ალიონში“. მერე „ნოვოსტიში“ გადმოსცა, რომ უთანხმოება არის საქართველოს ხელმძღვანელობაში, კერძოდ, გია ყარყარაშვილმა გააუქმა მთავარსარდლის ბრძანება და ყველა სამხედრო ნაწილი დაუმორჩილა თავდაცვის სამინისტროს. ვგრძნობდი, რომ განხეთქილება იყო. გამაგიჟებს ედუარდ შევარდნაძე! ვინ აძლევს ასეთ სულელურ რჩევებს? ადრე თვითონ ამბობდა, რომ არმია ერთიანი უნდა იყოსო, მერე გამოსცა ბრძანება, რომლის მიხედვითაც გვარდია აღარ შედიოდა თავდაცვის სამინისტროში.

ისმება კითხვა, რატომ განიცდიან მარცხს სამთავრობო ჯარები? ზვიად გამსახურდიას მომხრეებმა და კერძოდ, ლოთი ქობალიამ, რომელსაც ძალზე დასცინის თბილისის ინტელიგენცია, ხან მძღოლს უწოდებდნ და ხან ექსპედიტორს, შექმნა საკმაოდ დისციპლინირებული არმია. ამ არმიას ერთი იდეოლოგია და ერთი მიზანი აქვს. რა დაუპირისპირებს მას. „მხედრონი“ ცალკე მოქმედებს, ედამ-ს რაზმი ცალკე, ე. წ. „სამშობოები“ საერთოდ არავის ემორჩილებიან და საბრძოლველად გამოსადეგი არ არიან, რადგან უმეტესი ნარკომანია. ჩემი აზრით, რუსეთმა თუ არ უშველა, ედუარდ შევარდნაძის საქმე წასულია. ედუარდ შევარდნაძემ იმდენი იდეოტი შემოიკრიბა თავის გარშემო, რომ სულ მიკვირს, სად მოძებნა ეს ხალხი. რაც შეეხება თბილისს, აქ ისევ დარბიან შვიარაღებული ნაბიჭვრები და ნარკომანები, ქუჩაში ვეღარ გამოხვალ.

სალამოს 9 საათზე „ნოვოსტიში“ გადმოსცეს ანდრეი კოზირევის ინტერვიუ, სადაც მან აღნიშნა, რომ ფოთიდან უნდა დავიცივათ რკინიგზა, რადგან შიშშილი ემუქრება თბილისს და რომ ეს რკინიგზა მიდის სომხეთში და აზერბაიჯანშიო.

## 20 ოქტომბერი

ლამის პირველისნახევარზე ჩემ მეუღლეს ვეკითხები: რა ჩავენრო დღევანდელ მოგონებებშითქო. მაიას არასოდეს უთქვამს ასეთი რამ: „ჩემო მერაბ, რუსებმა საბოლოოდ გვიქნეს თავზეო“. აბსოლუტურად სწორია! დამოუკიდებლობის გამოცხადებიდან დღემდე ვითხოვდით, რომ რუსების ჯარებმა დატოვონ საქართველოს ტერიტორია. პარლამენტის ერთი ნაწილი ითხოვდა რუსეთის ჯარის გასვლას აფხაზეთის ტერიტორიიდან, ხოლო მეორე ნაწილი მოითხოვდა მათ გაყვანას მთლიანად საქართველოს ტერიტორიიდან. შემდეგ მიიღეს დადგენილება რუსეთის ჯარების საქართველოდან გასვლის შესახებ. ისე გახარებულები წავიდნენ დეპუტატები სახლებში, თითქოს რუსის ჯარი მეორე დღესვე შეასრულებდა ამ გადწყვეტილებას.

მე მაშინ ვფიქრობდი და მეცინებოდა: გვიან ღამით რატომ მიიღეს ეს დადგენილება, როგორ შეიძლება გვიან ღამით გავყაროთ სანყალი რუსი ჯარისკაცები-მეთქი. ახლა კი ამ პარლამენტის დიდი ნაწილი ედუარდ შევარდნაძის მეთაურობით იხვეწება: საქართველოში რუსების ჯარი ცოტაა და მათ დასახმარებლად კიდევ შემოიყვანეთ სომხეთის და აზერბაიჯანის ჯარებიო. დღეს საქართველოში უკვე არის აფხაზების, ოსების, ჩეჩნების, ადიღეულების, ყაბარდოელების ჯარი. ალბათ, მალე დახმარებას ვთხოვთ სადამ ჰუსეინს, რომ ერაყის ჯარებიც შემოიყვანონ. დღეს ვალერიან ადვაძე გამოვიდა „ნოვოსტიში“ და

გაპიკოდა: ჩვენ კადრები არა გვყავს, ტექნიკა არა გვაქვს, რუსის ჯარის გარეშე არ შეგვიძლიაო ცხოვრებაო.

ლამით აჩვენეს პავლე გრაჩოვის გამოხსენება, რომელიც სავარძელში იყო გადაწველი და ამბობდა: რატომ უნდა დავეხმაროთ საქართველოს, როდესაც ის ჯერ არ არის დსთ-ს წევრი და არ შედის დსთ-ს კოლექტიური უშიშროების კომიტეტშიო. ჩემი მუღლის ნათქვამი გამახსენდა. თუ თავი არ გვქონდა, მაშინ თავიდანვე ეყოფილიყავით ამ გაერთიანებაში, მაგრამ ჩვენმა სულელობამ და უამრავმა დანაშაულმა მიგვიყვანა აქამდე. ჩვენი ტელევიზია რიხიანად აცხადებს: მოვსპეთ 20 მილიონადმდე, ავაფეთქეთ ტანკი, ჯავშანმანქანა. გადაიცემა ჯაბა იოსელიანის სიტყვები ზვიადისტების მოსპობის მონოდებით. თითქოს მართლაც უცხოპლანეტელების ჯარებს ვებრძვი. რა საწყობები ვართ! ჩემი თავი მეზიზღება ტელევიზორს რომ ვუყურებ და ამას რომ ვნერ.

## 22 ოქტომბერი

დღეს დილით მოულოდნელად ზვიად გამსახურდიას მომხრეებმა აიღეს ოზურგეთი. ტელევიზიით გადმოსცეს, რომ იყო შეთანხმება ლოთი ქობალიასთან, რომ არ შეეიდოდა ოზურგეთში, თუ სამთავროო ჯარები გაეიდოდნენ ქალაქიდან.

სალამოს გადმოსცეს, რომ სამთავრობო ჯარები ბრძოლით შევიდნენ სამტრედიასში, უბრძოლველად დაიკავეს ლანჩხუთი, დებოლოს, გაათავისუფლეს ოზურგეთი. აშკარაა, რომ რუსეთი უკვე მხარს უჭერს ედუარდ შევარდნაძეს. „ნოვოსტიმ“ გადმოსცა, რომ ზვიად გამსახურდიას გაუგზავნია წერილი გაეროში, სადაც აღნიშნავს, რომ საბრძოლო ოპერაციებში მონაწილეობენ რუსეთის ჯარები. „ნოვოსტიმ“ გადმოსცა, რომ ამიერკავკასიის ჯარების ჯგუფი ამზადებს გეგმას, სომხეთის, აზერბაი-

ჯანის და საქართველოს ჯარებთან ერთად, დაიცვან რკინიგზა ფოთიდან. ლოთი ქობალიას განუცხადებია, რომ რუსეთმა გაგვიყიდაო. აშკარაა, რომ რუსეთმა ზვიად გამსახურდია განიარაღებინა, მალე სამტრედიას მოჰყვება აბაშა და სენაკი. რა საშინელებაა, ორივე მხრიდან უაზროდ ილუპებიან ახალგაზრდა ქართველები. თუ რუსების გარეშე ვერაფერს გააკეთებდნენ, რაღა საჭირო იყო ამდენი უბედურება?

გადაცემა „სალამო მშვიდობისა“. ინტერვიუ გია ყარყარაშვილთან. გიამ სწორად თქვა, რომ მოლაპატეები გმირებად აქციეს, გმირები კი მოლაპატეებად. მან აღნიშნა რომ ახალგაზრდა თაობა აქტიურად უნდა ჩაებას მიმდინარე მოვლენებში. სწორედ ის თქვა, რაც მე ვუთხარი გიას რესტორანში შეხვედრის დროს. ერთი სარდალი ხონში, მეორე სარდალი ვანში, მესამე ქუთაისში, თბილისში ორი სარდალი. შეიძლება პასუხის გაცემა კითხვებზე: როგორ შევედით აფხაზეთში? ვინ შეაჩერა ჯარი? ვინ გამოიყვანა?

## 23 ოქტომბერი

დღეს, სალამოს ხუთ საათზე სამთავრობო ჯარები შევიდნენ მარტვილში. ექვს საათზე აბაშიდან დაუბოძავეთ სამტრედიას. მე გადმოგვიყვამთ მხოლოდ საქართველოს ტელევიზიის ინფორმაციას. რა ტყუილად ილუპებიან ქართველები! მე მგონი, ამჟამად მსოფლიოში მეორე ადგილზე ვართ სომხელების შემდეგ საკუთარი სულელობით. გუშინ ედუარდ შევარდნაძემ ოფიციალურად მოანერა ხელი ხელშეკრულებას დსთ-ში შესვლის შესახებ.

ლამით წავიკითხე სტატია „საქართველოს რესპუბლიკაში“ სათაურით – ლალატი სვანეთის მთებში. სტატიის ნაკითხვამდე ვიცოდი დაახლოებით რა ხდებოდა, მაგრამ ნაკითხვის შემდეგ ცუდად გავხდი. მოვიტანე ციტატას: „დაქანცულ, თავსდამტყდარი

გაოგნებულ ჯარისკაცებს იარაღს ართმევდნენ, უმოწყალოთ ძარცვავდნენ ლტოლვილ მოსახლეობას, თითქმის შიშველ-ტიტველს ტოვებდნენ ხალხს. ნინალმდეგობის განევის დროს არაერთი კაცი მოკლეს, ბრძოლის ქარცხელს გადაარჩენილი, თითქმის სამშვიდობოს გამოსულები. ალბათ ბევრს ახსოვს კადრები ტელერეპორტაჟიდან: გზისპირებზე დასველებული გვაშები, ყოველი მათგანი როდი იყო დაღლილობით, შიმშილით და სიცივით გარდაცვლილი, ზოგი თანამოძმის ხელით იყო მოკლული (გაიხსენეთ გვერდით ჩამვლელთა შეძახილები: „ვაი, სისხლი ატყვია“). რაზე შეიძლება ლაპარაკი? არ ვიცი, ნუთუ ასეთი საზოგადოარი ერი ვართ? რა გვინდა ჩეჩნებისა და აფხაზებისგან, როცა ჩვენ თვითონ ვძარცვავთ და ეკლავთ ამ უბედურებს. მე წარმომიდგენია იმ კაცის თვალები, რომელიც გადაურჩა აფხაზებს და საკუთარი თანამოძმე ეკლავს. თუ ედუარდ შევარდნაძეს არ შეუძლია ამ საკითხების მოგვარება, მაშინ არ მინდა მისი დემოკრატიზაციის თამაში. მაშინ საჭიროა ასლან აბაშიძისნაირი მკაცრი და სამართლიანი მოღვაწე. საქართველოს დღეს მხოლოდ ახალი სიო გადაარჩენს. დღეს საზოგადოება არის დამძალი, საზოგადოარი. საჭიროა მესამე ძალა, რომელიც აღმოფხვრის როგორც ზვიადიზმს, ასევე შევარდნაძიზმსაც. რა განსხვავებაა: თუ ზვიადი გაჭირვების დროს მიტინგს ინევედა მთავრობის სასახლესთან, ახლა შევარდნაძის მომხრეები ფილარმონიაში იკრიბებიან; თუ ზვიადის დროს ქალები ჭარბობდნენ, ფილარმონიაში მოხუცების შეკრებაა, ახალგაზრდობა საერთოდ არ მონაწილეობს. არც ზვიადის მიტინგებზე იყო განსხვავებული აზრი, ასევეა ფილარმონიაშიც, სადაც განსხვავებულ აზრს ვერ მოისმენ. თუ ზვიადის მიტინგებზე წამყვანი იყო ავთანდილ რცხილაძე და გვერდს უშვებდა გურამ პეტრიაშვილი, აქ წამყვანი არის რეზო ამაშუკელი თავისი დაბოლმილი

გამოსვლებით, მას გვერდით ჰყავს ჯანსუღ ჩარკვიანი და ნოდარ ლომოური. ადრე, როდესაც იტყოდნენ სიტყვით გამოვა ზვიად გამსახურდიაო, იწყებოდა კივილი, ტამი, ოვაციები. როდესაც ფილარმონიის დარბაზში ედუარდ შევარდნაძეს თენგიზ სიგუამ სიტყვა მისცა, დაინგრა დარბაზი ტამისგან და ოვაციებისაგან. მე ვაგოგნდი. თვითონ ედუარდ შევარდნაძემაც აღნიშნა: დიდი მადლობა, რომ კიდევ ტამს უკრავთ კაცს, რომელმაც აფხაზეთი დაკარგაო. ჩემთვის მართლაც გასაოცარი იყო. სწორედ ედუარდ შევარდნაძის მმართველობის დროს დაიკარგა აფხაზეთი, დაიღუპა ათასობით ქართველი, გაუბედურდა და უსახლკაროდ დარჩა 250 ათასი ქართველი, ყაჩაღობამ, ბანდიტობამ არნახულ მასშტაბებს მიაღწია, პროფესორის ხელფასით ნახევარ კილო ხორცს ვერ იყიდი, ქართველების 90% შიმშილობს. მაშინ რა საჭიროა ასეთი კერპთაყვანისმცემლობა? არ მესმის და არც შემიძლია ამის გაგება!

## 24 ოქტომბერი

სალამოს ცხრა საათზე გადმოსცეს, რომ სამთავრობო ჯარებმა აიღეს აბაშა, ბრძოლები მიმდინარეობს მდინარე ტეხურთან.

მოსკოვიდან პირდაპირი ეთერიტი ინტერვიუ ედუარდ შევარდნაძესთან.

კორ.: რას იტყვით, თქვენი ავტორიტეტი დაეცემა თქვენს სამშობლოში?

ე. შევარდნაძე: მე დარწმუნებული ვარ, რომ მოსახლეობის 60% დამიჭერს მხარს. იყო უარყოფითი გამოხმაურებებიც. ცხოვრება გვიჩვენებს, რომ მე სწორი გადაწყვეტილება მივიღე.

„ლიტერატურულ საქართველოში“ დაიბეჭდა გენო კალანდიას სტატია — „ჩვენ აუცილებლად დავბრუნდებით“. ამ სტატიაში დიდ მადლობას უხდის სოფ. ჭუბერის მოსახლეობას, სადაც თითოეულ

ოჯახს 30-40 კაცი ჰყავდა მეხიზნული. ძალზე დროული სტატია იყო, რადგან ადრე სვანებზე თბილისში სულ ცუდს ლაპარაკობდნენ და წერდნენ. საქართველოს ყველა კუთხეში არიან კარგებიც და ცუდებიც.

გენო კალანდიას სტატიაში არის კიდევ ერთი მომენტიც. ტელევიზიით ყოველდღე გადაიციეშოდა, რომ ზუგდიდმა დაკეტა გზები და არ უშვებს ლტოლვილებსო. ამან დიდი აღშფოთება გამოიწვია თბილისში. აღმოჩნდა, რომ ზუგდიდში ყოველდღე მიჰყავდათ ლტოლვილები, რისთვისაც შექმნილი იყო სპეციალური ბრიგადა, ყოველდღე 15-20 მანქანას აგზავნიდნენ ზუგდიდიდან, რომ ლტოლვილები ჩამოეყვანათ. დიდი მაღლობა გენო კალანდიას.

## 25 ოქტომბერი

დღეს ზვიად გამსახურდიას მომხრეებმა დატოვეს ფოთი, ქალაქი სამთავრობო ჯარებმა დაიკავეს. ედუარდ შევარდნაძემ მიმართა ზვიადისტებს, რომ იარაღი დაეყარათ.

სალამოს გადმოსცეს, ქუთაისის პოლიციას შვიდი შეიარაღებული პირი დაესხა, რათა იარაღი გაეტაცათ. სამი პოლიციელი დაჭრეს, რომელთაგან ორი მძიმედაა დაჭრილი. დაიწყეს ძებნა და პოლიციამ დააკავა აბაშიდან მომავალი ორი უნომრო მანქანა. მათ შორის იყო ორი ქალი. დაკავებულებს სამეგრელოში უყარაღიათ, მოჰქონდათ ნაძარცვი. ყველა კანონიერი ფორმირებების წარმომადგენელი აღმოჩნდა. იმის ნაცვლად, რომ ომის დროს მაროდოორები ადგილზე დახვრიტონ, თემურ შაშიაშვილმა განაცხადა: თუ დაკავებულები აღიარებენ დანაშაულს, ეცდება ტელევიზიით მათი გვარები არ გამოაცხადონო. სასაცილოა. ნუთუ ასეთი მეთოდებით უნდათ მშვიდობის დამყარება?

## 30 ოქტომბერი

ნინა დღევანდელ საბათვარობო ჯარებმა დაიკავეს სენაკი, ხობი. ზვიად გამსახურდიას მომხრეებმა ისევ დაიბრუნეს ხობი, მაგრამ იმავე დღეს დაქარგეს. ტელევიზიითა და გაზეთებით გაერცვლდა ხმა, რომ აფხაზეთიდან ზვიად გამსახურდიას მოუვიდა დახმარება — 12 ავტობუსი მეომრებით, სისტემა „გრადი“ და სხვა ტექნიკა.

სიმართლე არ ვიცი, რადგან ჩვენი ტელევიზია ბევრს ტყუის. დღეს დილით ზვიად გამსახურდიას მომხრეებმა დაიკავეს ხობი და სენაკი. დღეს გენერალი გია გულუა გაათავისუფლეს ტყვეობიდან მისმა თანამშრომლებმა. გაზ. „ივერია-ექსპრესში“ წერს, რომ აბაში დახვრიტეს საქართველოს საპაერო ძალების მთავარსარდალი გენერალი ზ. ნაირაშვილი, რომელიც მოლაპარაკებას ანარმოებდა ზვიად გამსახურდიას მომხრეებთან.

დღევანდელ გაზეთ „ახალ თაობაში“ არის სტატია — „მამების პარადი ფილარმონიის დარბაზში“. მეც სწორედ ამის შესახებ ვწერდი. ფილარმონიის დარბაზში სულ ხანშიშესული ხალხი იყო და თითქმის არ იყო ახალგაზრდობა. ამ შეკრებაზე ერთ-ერთ ახალგაზრდა იურისტს უთქვამს: „საქართველო დღეს დამარცხდა, იგი დაამარცხა შევარდნაძის პოლიტიკამო“. ეს ახალგაზრდა „ჯიკავ-ჯიკავით შეაგდეს კულისებში“. რამდენიმე კაცს უთქვამს: „ესენი „ზვიადისტებზე“ უარესები არიანო“.

## 31 ოქტომბერი

დღეს სამთავრობო ჯარები დავით თევზაძის მეთაურობით სენაკში შევიდნენ. ზვიად გამსახურდიას მომხრეებს უცდიათ ფოთთან და აბაშასთან რკინიგზასთან მიახლოება, რუსეთის ნაწილებს მათთვის უსვრიათ. საქართველოს ტელევიზიამ

განაცხადა, რომ ზვიადისტებს საკადრისი პასუხი გასცეს რუსებმაო. რა დღეში ვართ! როგორ ვტიროდით 9 აპრილს რუსის ჯარისკაცების მიერ დახოცილ ჩვენს თანამემამულეებს! ახლა კი ტრაბახით ვაცხადებთ: ზვიადისტებს საკადრისი პასუხი გასცეს რუსებმაო. რა უხარიათ? რუსები რომ ქართველებს ხოცავენ? სამწუხაროდ, იშლება ის ზნეობრივი საყრდენი, რომელსაც უნდა ეფუძნებოდეს საქართველო.

გუშინდელ „ახალგაზრდა ივერიელში“ იყო ინტერვიუ დათო ტურაშვილთან. საქმე შემდეგში გახლდათ: შეიქმნა ახალგაზრდული მოძრაობა „ახალი თაობა“. ამ მოძრაობაში შევიდა თითქმის ყველა ახალგაზრდული ორგანიზაცია: საზოგადოება „თაობა“, ახალგაზრდობის საერთაშორისო ფონდი, ახალგაზრდობის კონსერვატორული კავშირი, ახალგაზრდა ეროვნულ-დემოკრატები, სამედიცინო ინსტიტუტის სტუდენტთა თვითმმართველობა, ქრისტიან-დემოკრატები, სრულიად საქართველოს საქველმოქმედო ორგანიზაციები, სულხან-საბა ორბელიანის სახ. პედაგოგიური ინსტიტუტი, ახალგაზრდა დემოკრატთა კავშირი. დათო ისევ ისეთია. მე პირადად, თუ რამე ნათელი დამრჩა 1988-90 წლების ეროვნული მოძრაობიდან ეს იყო დათო ტურაშვილთან, ფიქრია ჩიხრაძესთან, ნიკო ნიკოლოზიშვილთან, გია მამალაძესთან და სხვებთან ურთიერთობა. ისინი, მართლა ალაღ და საღ ძალას ნარმოადგენდნენ, რომელთაც საქართველო უყვარდათ. მერე ეროვნულ მოძრაობას შემოეტმასნენ კარიერისტები, აფერისტები, ნარკომანები, ბანდიტები და კაცისმკვლელები.

დათომ სწორად თქვა: „საქართველოს მთავრობების კი არა თაობების შეცვლა იხსნის“. სწორედ ეს ვუთხარი მე გია ყარყარაშვილს და სწორედ ასეთივე აზრის იყო გიაც. ვიმეორებ: ეს 60-70 წლის ხალხი სულ გამოშტერდა, მათთან ლაპარაკი საერთოდ არ შეიძლება. ამ რამდენიმე დღის წინ ისტორიის ფაკულტეტის საბჭოს სხდომაზე ისევ

ბობოქრობდა ეს თაობა: ჩვენ დროს რამდენიმე სახელმწიფო გამოცდას აბარებდნენო! დააინწყდათ, რომ დღეს საქართველოში მიმდინარეობს სამოქალაქო ომი, არის შიმშილი. ამ გაჭირვების დროს კიდევ ორი სახელმწიფო გამოცდა დაუმატეს და სულ გადარიეს ისედაც გადარეულ ეპოქაში მცხოვრები ჩემი სტუდენტები. მე გამოვედი წინააღმდეგე, მაგრამ ოთარ ჯაფარიძის გარდა არავინ დამიჭირა მხარი.

## 4 ნოემბერი

დღეს სამთავრობო ჯარები შევიდნენ ხობში. გაზ. „ივერია-ექსპრესში“ ენერა, რომ ზვიად გამსახურდიამ ლოთი ქობალიას ნაცვლად გვარდიის სარდლად დანიშნა ზარანდია.

დღეს ფოთში შემოვიდა რუსეთის ექვსი გემი, ნაპირზე გადმოვიდა 500 მედესანტე.

## 5 ნოემბერი

დღეს ჩხოროწყუში შევიდნენ სამთავრობო ჯარები. ლოთი ქობალიას გადაყენების შესახებ ცნობა ტყუილი აღმოჩნდა.

## 8 ნოემბერი

გუშინწინ სამთავრობო ჯარები შევიდნენ ზუგდიდში.

ინტერვიუ ელუარდ შევარდნაძესთან მიჰყავს ეგაძეს. მან განაცხადა, რომ მთავარია სისხლი არ დაიღვარაო. მე მივმართე მოსახლეობას, რომ იარაღი დაეყარათ. ჩვენ დილით შევედით ზუგდიდში, ბევრი ოჯახი იყო გაძარცული. შემოსასვლელში დაიღუპა თამაზ შონია — სამურზაყანოს ბატალიონის უფროსი და ორი მისი ამხანაგი. შური-სძიების გრძნობა არ გაგვარჩნია.

გამომრჩა იმისი აღნიშვნა, რომ ამ რამდენიმე დღის წინ თავდაცვის მინისტრის გია ყარყარაშვილის მანქანა ააფეთქეს. დღევანდელ „ივერია-ექსპრესში“ დაბეჭდილია ინტერვიუთა გია ყარყარაშვილთან. მან განაცხადა, რომ აფეთქება არ ცოდნიათო. თავდასხმა აშკარად გიაზე მზადდებოდა. გამ თქვა, რომ მის წინ წავიდა ლანჩავას მანქანა, მერე წყალტუბოს გამგებლისა და შემდეგ — ქუთაისისა. გამ აღნიშნა: ორი თვის წინ რომ გაეკეთებინათ ეს, ვერ გავიგებდი ვინ მოაწყო, მაგრამ ახლა ცხადია ვისი გაკეთებულიცაა (გამ აშკარად იცის აფეთქება ვისი მოწყობილია — მ. ვ.).

საოცარი კაცია გია. იგი, როგორც ჯარისკაცი და გენერალი, თავს სწირავდა საქართველოს ბედნიერებისათვის, ახლა კი ყოველ წუთს ელოდება სიკვდილს არა აფხაზებისგან, არა ჩეჩნებისგან, არამედ ქართველებისგან.

იქამდე მივდივით, რომ აშკარად გვიხარია, როცა რუსები იკავებენ ფოთს, რკინიგზას, გზატკეცილებს. ხალხი იმამია დარწმუნებული, რომ მათ არ დააყარალებენ, მანქანას არ ნაართმევენ და საბჭო არ შეუვარდებიან.

მ საათზე ინტერვიუ ედუარდ შევარდნაძესთან. მან აღნიშნა, რომ სურს რუსების ნაწილი შევიდეს ზუგდიდში, რომ მათ ფოთში იდეალური წესრიგი დაამყარესო.

ზუგდიდში შევიდა თვითონ შავი ზღვის ფლოტის სარდალი ადმირალი ბალტინი სამხედრო ტექნიკითა და მედესანტეებით.

გაზეთ „რეზონანსში“ წერია, როცა სამთავრობო ჯარები დაიკავებდნენ ხოლმე ქალაქს, შემდეგ იქ შედიოდა დაახლოებით 300 კაციანი ჯგუფი, რომელიც ასუფთავებდა ქალაქს: მიაყენებდნენ მანქანებს და ძარცვავდნენ მოსახლეობას, გაქპონდათ ავეჯიც.

გადაცემა „ვესტნიკში“ აჩვენებს ინტერვიუ ედუარდ შევარდნაძესთან. ედუარდ შევარდნაძემ აღნიშნა: ამ 15-20 დღის წინათ განაცხადე, რომ სამოქალაქო ომი დაიწყო, მაგრამ დღეს ვფიქრობ, რომ ეს არ არის სამოქალაქო ომი, ეს არის ბრძოლა ბანდიტების წინააღმდეგ. ნაწილს კიდევ სჯეროდა, მაგრამ ახლა დარწმუნდნენ, რომ ისინი იბრძოდნენ თავისუფლებისთვის კი არა, ძალაუფლებისთვის.

კორ.: ფოთზე რას იტყვი, გუშინ იქ იყავით, რას იტყვი რუსეთის ჯარების ჯგუფზე, მედესანტეებზე?

ე. შევარდნაძე: ბალტინი და მისი რაზმი ჩვენი ინიციატივით მოვიწვიეთ, ჩვენ ვთხოვეთ პრემიერ-მინისტრს ჩერნომირდინს, უკრაინის პრეზიდენტს კრავჩუკს. ისინი ყურადღებით მოეკიდნენ ჩვენს თხოვნას. შედეგები ბრწყინვალეა. მოქალაქეებმა მოიხეცნენ, თითქმის არ ხდება დანაშაული. გამოჩნდნენ იტალიისა და სხვა სახელმწიფოების გემები. ეხლა იმედი მაქვს, რომ მივიღებთ საქონელს, თან მარაგი გვიმთავრდება. ჩვენ კარგად ვთანამშრომლობთ მათთან. ჩვენ მათ ზუგდიდში შევხვდით, შემდეგში არა იზოლირებულად, არამედ ერთად უნდა ვიმუშაოთ.

კორ.: ამბობენ, რომ შეტაკებები არის ცნგურზე.

ე. შევარდნაძე: მე გაკვირვებული ვარ, მე თვითონ ვიყავი იქ, ასეთ რამ არ მომხდარა. გააკვირი იყო, რომ ზუგდიდში ოფიციალურმა მხარენაჯ დაჯერა. უნდა გავიგოთ, ვინ გაავრცელა ეს ხმა.

კორ.: რას იტყვი იმის შესახებ რუსეთში რომ მოლაპარაკებას აწარმოებს აფხაზეთთან და გაეროს ნარმომადგენელ ბრუნკერთან. თუ შეიძლება მშვიდობიანად გადაიჭრას ეს საკითხი?

ე. შევარდნაძე: მე მგონია, რომ ჩვენ ყველა საშუალება უნდა გამოვიყენოთ.

პირველი, რაც უნდა გაკეთდეს, ეს ლტოლვილების საკითხია.

## 12 ნოემბერი

ინტერვიუ ასლან აბაშიძესთან. აბაშიძემ განაცხადა: ლტოლვილ მამაკაცებს ადვოკატი იარაღი აღმოაჩნდათ, ამიტომ ჩვენ მათ ვთხოვეთ დაეტოვებინათ ტერიტორია, ოჯახები კი დარჩენილიყვნენ. ველით პროვოკაციებს. გუმინ და გუმინინი მოვანყვეთ პრეზიდენტის სხდომები. უნდათ შიდა დაძაბულობის კერების მონყობა, ტერორიზმი... მოკლედ, მთელი კომპლექსია დამუშავებული. ჩვენ სათანადო დავალებები მიეცით ყველას. ველით ყველაფერს, ცილისწამებას. ეს შეიძლება მოხდეს დღეს, ხვალ...

მეორე არხზე ასლან აბაშიძესთან ინტერვიუს პარალელურად პირველ არხზე ინტერვიუ მიდის ედუარდ შევარდნაძესთან.

დღეს ძალიან ძნელია ჩემთვის წერა. ვგრძნობ, რომ საქართველოში არის უდიდესი დამანგრეველი ძალა, ათასობით ყაჩაღი, ბანდიტი, ნარკომანი, მაფიოზი, ქურდი, რომელთაც არ შეუძლიათ მშვიდობიან დროში ცხოვრება. არიან აფხაზეთის ტრაგედიაში დამნაშავენი. ერთადერთი აჭარა არის გადარჩენილი, იქაც უნდათ შესვლა. აჭარაში შესვლა საქართველოს დალუპავა.

აჭარა უნდათ საძარცვავად გადააქციონ. თუ ეს მოხდა, მაშინ ედუარდ შევარდნაძე ყოფილა ყველაფრის მიზეზი. მე ადრე ვწერდი: ქვეიანი პოლიტიკოსია ასლან აბაშიძე, დღეს ასეთი ხალხია საჭირო. რაც შეეხება ლოთი ქობალიას, ისევე ვიმეორებ, რომ ის არის ვაჟაკი. თუ ლოთი ქობალია ისტორიაში ცუდად შევა ეს მის ბუნებასთან არ იქნება დაკავშირებული, ეს გაპრობუბული იქნება ზვიად გამსახურდიას და მისი მომხრეების დამარცხებით, რომლითაც ისარგებლა ახლანდელმა მთავრობამ

და ლოთი ქობალია საქართველოს მოლაღატედ გამოაცხადა, ხოლო თავიანთი ბანდიტები და ყაჩაღები გმირებად მონათლეს. რაც მთავარია, აფხაზეთში მარცხიც ლოთი ქობალიას დააბრალეს.

## 18 ნოემბერი

რამდენიმე დღეა არაფერს ვწერდი. ვაკვირდებოდი ჩვენი ტელევიზიის გადაცემებს. სულ ტყუიან. სულ სამეგრელოში მიმდინარე სტაბილიზაციაზე ლაპარაკობენ, მაგრამ არ მჯერა, რადგან სამეგრელოში დატოვეს „მხედრონი“. გაზეთ „საქართველოში“ გამოქვეყნდა ასეთი ცნობა: როდესაც სამთავრობო ჯარები შევიდნენ ფოთში 200 ავტომანქანა წაიღეს და მხოლოდ რუსების შესვლის შემდეგ შეჩერდა ძარცვა. რაც შეეხება ზუგდიდს, დღევანდელ „ქართულ ქრონიკებში“ ასეთი ცნობა იყო გამოქვეყნებული: წაიღეს 500 მანქანა, არიან ოჯახები, რომლებიც ორჯერ და სამჯერ დააყაჩაღეს.

თბილისში კატასტროფული მდგომარეობაა. როგორც უნდათ ისე დადიან შეიარაღებული ავტომატებიანი, ართმევენ მანქანებს, ბაზრებში თარეშობენ, მილიცია ფაქტობრივად არ არსებობს. ჩემი მეუღლის ბიძაშვილი ჩამოვიდა ზესტაფონიდან და თქვა, რომ ყოველ ფეხის ნაბიჯზე დგანან შეიარაღებულები და პირდაპირ ძალავენ ხალხს ფულს, უარის შემთხვევაში იშუქებიან, რომ საბურავებს დაუხვრიტავენ. კატასტროფული მდგომარეობაა ქვემო ქართლში. იქ აზერბაიჯანელი მოსახლეობდა გაიფიცა, რადგან თარეშობენ მკვლელები. განსაკუთრებით გავრცელდა ხალხის მოტაცება. უკანასკნელ დროს 8 კაცი მოიტაცეს გამოძალვის მიზნით. აზერბაიჯანიდან ჩამოვიდა სახელმწიფო მდივანი და შეხვდა მოსახლეობას, შემდეგ — ედუარდ შევარდნაძეს. აქ კონფლიქტის ახალი კერა



მნიფდება, მერე იტყვიან, რუსებმა მოგვიწყვესო. თუ ასე გაგრძელდა ედუარდ შევარდნაძე ყველას შეაჯავრებს თავს გარდა ბანდიტებისა და მათიოზებისა, რომლებიც თარეშობენ მთელ საქართველოში. ადვილი შესაძლებელია, დასავლეთ საქართველოდან ისეთი ნიაღვარი დაიძრას, რომელსაც ვერავინ შეაჩერებს. ჩემი აზრით, ედუარდ შევარდნაძისა და მისი თაობის დრო წავიდა. ის სრულიად უსუსურად გამოიყურება. მეტ უბედურება რაღა გინდა: საქართველოს 98% შიმშილობს, საღამოს ხუთი საათის შემდეგ ქუჩაში ვერ გახვალ. ისევ ვიმეორებ: ახალმა თაობამ – გაუხრწნელმა ადამიანებმა — უნდა ააშენოს ახალი საქართველო და არა ძირმომპალმა, გაფუჭებულმა და გათახსირებულმა თაობამ, რომელმაც დაღუპვამდე მიიყვანა იგი. ძალიან მიჭირს ამის წერა. როგორი იმედი მქონდა ედუარდ შევარდნაძის მაგრამ იმდენი უბედურება მოხდა მის დროს, რომ გიჟიც რომ დაეყენებინათ საქართველოში სახელმწიფოს მეთაურად, ამდენი უბედურება არ მოხდებოდა. ედუარდ შევარდნაძის უბედურება ის არის, რომ შეიდი წლის განმავლობაში არ იყო საქართველოში და ვერაფერი გაიგო, რა მოხდა ამ წლებში. ის დაეყრდნო ძველ პარტიულ აფერისტებს და ყაჩაღებს. ახლა ვფიქრობ, ნეტავ სულ არ ჩამოსულიყო საქართველოში.

დღეს აჩვენებენ სოსო ჟღენტს. ის იყო იმერეთის პოლკის მეთაური, ლოთი ქობალიას მოადგილე, ერთ-ერთი აქტიური მონაწილე სამტრედიასთან, დაფნართან ბრძოლებისა. სოსო ჟღენტმა დაიკავა ოზურგეთი და ლანჩხუთი. ის ამჟამად უშიშროების სამინისტროში ჰყავთ. მან ნაიკითხა მიმართვა თავისი პოლკისადმი, სადაც აღნიშნა, რომ ნებაყოფლობით ჩაბარდა და მოუწოდებს იგივე გააკეთონ სხვებმაც, რადგან წინააღმდეგობის გაგრძელება უაზრობაა.

დღეს ფილარმონიაში შეიქმნა „საქართველოს მოქალაქეთა კავშირი“. თავმჯდომარედ აირჩიეს ედუარდ შევარდნაძე. ეს არის ის პარტია, რომლის შესახებაც ამდენს საუბრობენ. ჩემი აზრით, ეს პარტია ადრე უნდა შექმნილიყო. მასში შევიდნენ: საზოგადოება „თბილისელი“, „ერთობა და კეთილდღეობა“ და მწვავეთა პარტია. ვფიქრობ, თუ ეს პარტია კომუნისტურ პარტიას დაემსგავსება, მაშინ კარგს არაფერს უნდა ელოდოთ. ენახოთ...

## 26 ნოემბერი

გუშინ გაიმართა პარლამენტის სხდომა. პირდაპირი რეპორტაჟი არ ყოფილა. გვიან ღამით აჩვენეს „პარლამენტის დღიური“.

ედუარდ შევარდნაძემ წამოაყენა წინადადება ორი თვით გაგრძელებულიყო საგანგებო მდგომარეობა და ახსნა ის მოვლენები, რაც მოხდა ბოლო ორი თვის განმავლობაში. ედუარდ შევარდნაძემ აღნიშნა, რომ დასასრულს უახლოვდება ბრძოლა „ზვიადიზმის“ წინააღმდეგ, რომელსაც უწოდა შავი ჭირი და რომ საქართველო გადარჩა დაშლას. ედუარდ შევარდნაძემ განაცხადა, რომ მეორე ეტაპზე საჭიროა ბრძოლა მათიოზური კლანების წინააღმდეგ. ამავე დროს მოითხოვა, ორი თვით შეეჩერებინათ პარტიების მოღვაწეობა. მე მოვუსმინე გია კობახიძის გამოსვლას (ეროვნულ-დემოკრატიული პარტია), რომელმაც სწორად თქვა, რომ საქართველო ამ მდგომარეობამდე არ უნდა მისულიყო. ივლიანე ხაინდრავამ (რესპუბლიკური პარტია) ბრალი დასდო ედუარდ შევარდნაძეს, რომელმაც დაარღვია კანონმდებლობა, როდესაც პარლამენტის ნებართვის გარეშე შექმნა უშიშროების სამინისტრო. ქვეყანას არა აქვს ბიუჯეტი და არ ექნება მეორე წელსაც. ამავე

დროს მან აღნიშნა, რომ არ არის დამტკიცებული მინისტრთა კაბინეტი.

**ლუიზა შაკიაშვილი**მ ალნიშნა, მეც ვენდობოდი ედუარდ შევარდნაძესო, მაგრამ იმედები გაგვიცრუა, მოვიდა როგორც დემოკრატი და ახლა აცხადებს მომბუზრდა პლურალიზმიო. **რეზო შავიშვილი**მ ედუარდ შევარდნაძეს ასე მიმართა: რატომ შეგვაჯავრეთ ეს პარლამენტი, რატომ მიიყვანეთ კომინი ან მდგომარეობამდე. ნოდარ ნათიერ თოთხოვდა ფულად-საერედითო ურთიერთობების გამოკვლევას. **რევაზ შავიშვილი**მ ასევე აღნიშნა, რომ ედუარდ შევარდნაძემ შექმნა პარტია, სადაც მოადგილედ ჰყავს ისეთი ხალხი, რომლებიც ზვიად გამსახურდიას რეჟიმის დროს რესტორნებში ან კიდევ უზნეო ქალებში დასაქმობდნენ (ჩემი აზრით, ეს არის რეზო ამაშუკელი - მ. ვ.). ამ დროს ედუარდ შევარდნაძემ დატოვა დარბაზი. შესვენების შემდეგ გამოვიდა ედუარდ შევარდნაძე. მან განაცხადა: არ ვიცი, რა მემართება, ეტყობა, ასაკის ბრალია, რადგან პოლიტიკოსი ასე არ უნდა იქცეოდესო (იგულისხმებოდა ის, რომ მას გაბრაზებულს არ უნდა დაეტოვებინა პარლამენტის სხდომა, რადგან იმწუთშივე, ექვს საათზე, მოსკოვმა გამოაცხადა, რომ ედუარდ შევარდნაძემ დატოვა პარლამენტის სხდომა - მ. ვ.). მან აღნიშნა, რომ არც ტყვიის ემინია და არც სიკვდილის, არც ბრბოსი (ამას ვერ დაუკარგავ, რომ მართლაც არა აქვს ამის შიში - მ. ვ.), მაგრამ ზოგიერთი თქვენგანის მემინიაო, რადგან შეურაცხყოფა არ მომაყენოს, რომლის ატანა მე არ შემიძლია და რომ, კიდევ ვიმეორებ, ჩემ გადაფურთხებულს არ ავლოკავ. მირჩენია ქუჩა დავხვეტო, ვიდრე ასეთი შეურაცხყოფა მოვისმინო. მე ახლა დატკოვებთ და როგორ გადაწყვეტილებასაც მიიღებთ იმას დავემორჩილებო.

პარლამენტმა ორი თვით გააგრძელა საგანგებო წესები, მაგრამ უარი თქვა ორი თვით შეჩერებინათ სხდომები.

რა განვითარებას უნდა ველოდოთ. ჩემი აზრით, მომავალ სხდომებს აღარ დაესწრებიან ედუარდ შევარდნაძის მომხრეები, არ შეიკრიბება ქვოროში და ამიტომ სხდომებიც არ შედგება.

ლამით ვკითხულობ გაზეთ „რესპუბლიკას“, სადაც დაბეჭდილია ინტერვიუ დიმა ჯაიანთან - სოხუმის თეატრის დირექტორთან, რომელსაც ჩემ მოგონებებში გამოვეთხოვე, რადგან ყველას დაღუპული გვეგონა. დიმა ჯაიანი გულწრფელად ამბობს, რომ იმ დროს, როდესაც მისი მსახიობები იბრძვიან, თანამდებობის პირთა შეილები საზღვარგარეთ დადიან სასწაულებლად. ის თვითონ სენაკელია. როცა ქობალიას რაზმი იდგა სენაკში სულ ოთხი ოჯახი გაძარცვეს, ხოლო როცა შევარდნაძის ჯარი შევიდა, თითოეული ოჯახი ათჯერ მანც გაძარცვეს. მერე გვიკვირს, მხარს რატომ არ უჭერენ დღევანდელ მთავრობასო. ან კიდევ, რა ხალხია დანიშნული დასავლეთში თანამდებობებზე? რა, არ იციან, ვინ არიან? გამსახურდია და ქობალია ვინც ბრძანდებიან კარგად ვიცი, მაგრამ თუკი არჩევანზე მიდგება საკითხი, ისევე ქობალიას პოზიციას ვირჩევდი, ვიცი მანც ვინაა, ვიდრე იმ ნიღბოსნებს დღეს რომ ასე არიან, ხვალ კი ისე. ახლა საკადრო პოლიტიკა. რაიონებში, კერძოდ, დასავლეთში, ზოგი ისეთია დანიშნული, რომ იმით როგორ შეიძლება ენდოს კაცი. დავიჯერო, არ იციან, ვის ნიშნავენ, თუ სწორედ მაგანირები აძლევთ ხელს. უამრავს ჩამოსცილდა თავის დაუნებურად ნიღბი, სწორედ ნიღბთცვენის დრო დადგა. მაგრამ, რა გინდა? ისევე არიან „მოყურებულები“ ხელმძღვანელთბილ თანამდებობებზე.

საოცარია, დღეს სულ ამას ვიმეორებ: ნუთუ ედუარდ შევარდნაძე ვერ ხედავდა, ვის ნიშნავდა, ვინ იყვნენ, შესტიკოდათ თუ არა გული საქართველოზე. ნუთუ რეზო ამაშუკელის თაოსნობა გადაარჩენს საქართველოს? ნამდვილად სასაცილოა.

## 28 ნოემბერი

გადაცემა „საღამო მშვიდობისა“. მანა ჯაფარიძე ესაუბრება სოსო ჟღენტა.

**6. ჯაფარიძე:** რას იტყობდით, მართალი იყო თუ არა, რომ გამსახურდიასა და ქობალიას შორის არსებობდა განივთვლილება?

**ს. ჟღენტი:** ბევრ პოლიტიკოსს არ აწყობდა, რომ ლოთი რაზმებს აგზავნიდა აფხაზეთში და ამის გამო მოგვინია ლოთის, მე და ჯომორდავას (ბატალიონის უფროსია) გროზნოში ჩასვლა და ახსნა-განმარტებების მიცემა.

**6. ჯაფარიძე:** რა მოხდა ზუგდიდში, რომელიც ძალიან გამაგრებული იყო? რა მოხდა, რომ ფაქტობრივად თოფი არ გავარდნილა, ისე დანებდა ქალაქი?

**ს. ჟღენტი:** ზუგდიდი არ იყო გამაგრებული, არავის ამისათვის არ ეცალა, ყველა ფიქრობდა თავმესაფარზე, დაგროვილის გადაამალვებზე. ლოთიმ სწორი გადანყვეტილება მიიღო, რომ არ გამაგრა ზუგდიდი.

**6. ჯაფარიძე:** რა იყო, რატომ უფრო-ხილდებოდნენ ზუგდიდს, რამდენი ჯარისკაცი ჰყავდა ლოთის ისეთი ვინც იბრძოდა?

**ს. ჟღენტი:** 600-700 კაცი იყო ისეთი, ვინც იბრძოდა.

**6. ჯაფარიძე:** ვინ იყო სამხედრო საბჭოს თავმჯდომარე და ვინ შედიოდა ამ საბჭოში?

**ს. ჟღენტი:** ზვიად გამსახურდია, ქობალია, აბსანძე, ლაკია (შტაბის უფროსი), ბოკუჩავა, გელანტია და მე.

**6. ჯაფარიძე:** რატომ გადადევით, ქობალიასთან პატიკით რატომ მიხვედით?

**ს. ჟღენტი:** მე შემძლო სხვადასხვა პარულიყავი, მაგრამ შემდგომი ბრძოლა უაზრობად ჩავეთვალე. ამავე დროს გამოუყვანდა ალიანსი აფხაზეთთან. მე არ შეძლო იმ ხალხთან ყოფნა, რომელნიც ყვებოდნენ, როგორ აჭრიდნენ ყურს ქართველებს და სხვ. ზოგიერთი სიამოვნებით უსმენდა. ჩემმა ბიჭებმა უარი თქვეს მათთან ერთად ბრძოლაზე.

**6. ჯაფარიძე:** ბოლო თუ არა გასრულ-ქილება თქვენა და ლოთის შორის?

**ს. ჟღენტი:** მან პატიკი მიწვიდა მიიღო.

**6. ჯაფარიძე:** მან იცოდა, რომ თქვენ იმეტიმ გადადევით, რომ მათ გვერდზე ბრძოლა არ შეგეძლოდა?

**ს. ჟღენტი:** ლოთიმ ერთდელ იკითხა: რატომ შემოიყვანესო ესენი?

**6. ჯაფარიძე:** თქვენ არ იცოდით, რომ ქობალია ჩავიდა გუდაუთაში?

**ს. ჟღენტი:** მე ვიცოდი, რომ ის ჩავიდა ტყვია-ნამლიათვის.

**6. ჯაფარიძე:** არ გიფიქრიათ, თუ რატომ მისცემდნენ ტყვია-ნამალია?

**ს. ჟღენტი:** ლოთის პატივს აცემდნენ. რაც შეეხება ჭორს იმის შესახებ, რომ თითქოს ლოთიმ ტყუარჩელის დაჯგუფებას იარაღი მისცა, ეს არ შემისძლია დავადასტურო.

**6. ჯაფარიძე:** ის ხალხი, ვინც სამხედრო საბჭოში იყვნენ, როგორ გაიქცნენ?

**ს. ჟღენტი:** ძალიან ბევრმა მტაცყო, რომ ბრძოლა ნაგებული იყო, ზოგმა მაროდორობაში იშოვა ფული, ზოგმა — ჩაის ფაბრიკებიდან, ზოგმა — ბათუმის მიმართულებით, ზოგმა — აფხაზეთის მიმართულებით.

**6. ჯაფარიძე:** როდის მიხვედით, რომ ნაგავთ?

**ს. ჟღენტი:** ფოთში, სენაკში, ბოლოს სამტრედიიაში მომხდარმა მაროდორობამ დამარწმუნა, რომ ომს ვერ მოვიგებდით. ეს განსაკუთრებით სამტრედიიაში ვიგრძენი. ჩვენ, როდესაც შევედით ლანჩხუთში და ოზურგეთში, იქ არ იყო მაროდორობა, ევლეა გაფრთხილებული მყავდა, ჩემმა მეგობრებმა არ იყადრეს მაროდორობა.

**6. ჯაფარიძე:** გამსახურდიას მომხრეებმა ბოლომდე ვაპოიჩინეს ერთგულება გამსახურდიას მიმართ თუ არა?

**ს. ჟღენტი:** როდესაც ზუგდიდს პირველად დააოხრეს, ვინაღაც გამსახურდია დაავიწყდა.

6. **ჯაფარიძე:** რამდენი კაცი უყავდა გამსახურდას?

ს. **ჟღენტ:** მე რაც მითხრეს დაუჯერებელია – 3 ათასი კაცი.

6. **ჯაფარიძე:** თქვენ გჯეროდათ პრეზიდენტის?

ს. **ჟღენტ:** მე ამ კაცის გულისთვის იარაღით მიბრძოლია, ალბათ მჯეროდა მისი და ამიტომ ვეძახდი პრეზიდენტს.

## 1 დეკემბერი

გუშინ ჟენევაში დაიწყო მოლაპარაკება. საქართველოს დელეგაციას ხელმძღვანელობდა ჯაბა იოსელიანი. მასში შედიოდნენ სანდრო კავსაძე, უკლება და სხვები, აგრეთვე აფხაზეთის ახლად დანიშნული მინისტრთა საბჭოს თავმჯდომარე ზურაბ ერქვანიას. აფხაზეთის მხრიდან ხელმძღვანელი იყო სოკრატ ჯინჯოლია, რუსეთის მხრიდან — ბორის პასტუხოვი. ესწრებოდნენ აშშ-ს და საფრანგეთის წარმომადგენლები. შეხვედრა ორი საათის დაგვიანებით დაიწყო, რადგან სოკრატ ჯინჯოლიამ განაცხადა, რომ ის არ ცნობს ე. წ. აფხაზეთის მინისტრთა საბჭოს თავმჯდომარეს ზურაბ ერქვანიას. დღესაც გაგრძელდა მოლაპარაკება, ჯერ არ ვიცი, რა მოხდა.

26 ნოემბრისა და 30 ნოემბრის „ივერია-ექსპრესში“ გამოქვეყნდა ფიქრია ჩიხრაძის ინტერვიუ გია ყარაყარაშვილთან სათაურით „მოლაპარაკებები ვინც იყო, ის გამოაშკარავდა კიდევ“.

იქ დასვეს ასეთი შეკითხვა: ვინც კოდორთან იყო მათი მოქმედება შეფასდა ღალატად. თქვენ რას იტყვიან?

გია წნორად უპასუხა, რომ „ბრძოლა რომ არ ნდომებოდათ, ოჩამჩირემდეც არ ჩამოვიდოდნენ... გამოდის, რომ ვინც ახლდაბამდე მოვიდა და მტყუანი აღმოჩნდა და ვინც სამტრედიასაც არ გაცდა, ის კიდევ მართალი და დაფასებულია“.

ფიქრია ჩიხრაძე შეეკითხა გიას: საქართველოს მოქალაქეთა კავშირის შექმნის შესახებ რას იტყვიან? გიამ უპასუხა: მთელი საქმიანობა უნდა წარიმართოს ისე, რომ ახალგაზრდობას მოუშაადოს სარბიელი. ყველაზე მეტად იმისი მეშინია, რომ ამ მოძრაობაში ახალი თაობის როლი არ დაიჩრდილოს. თუ ეს ასე არ მოხდა, მე დარწმუნებული ვარ, რომ ერთი დიდი ნაბიჯი იქნება გადადგმული ხვალისდელი დღისკენ.

მე ვეთანხმები გიას, მაგრამ, სამწუხაროდ, როგორც მე ვფიქრობ, „საქართველოს მოქალაქეთა კავშირში“ ძალაუფლებას აიღებს ის ხალხი, რომლებიც მიჩვეულნი იყვნენ თანამედრობებს, ბიუროკრატებს, დროსტარებს, რომლებიც მხოლოდ საკუთარ თავზე ფიქრობენ და, ბოდიში ამ სიტყვაზე, ადრეც და ახლაც ფეხებზე ჰკიდიათ საქართველო. ღმერთმა ქნას, რომ იმ ხალხმა აიღოს ინიციატივა, ვისაც გული შესტიკვა საქართველოზე და დაეხმარება ქვეყანას თავისი ცოდნით, საქმიანობით. მაგრამ მათ რიგებში მე ვერ ვხედავ ასეთ ხალხს. ჩემთანაც, ისტორიის ფაკულტეტის საბჭოს წევრები ისევე ისე მუშაობენ თითქოს არაფერი მომხდარა, ისევე ოცნებობენ ნიკო კეცხოველისდროინდელ სტუდენტობაზე და საყვედურებს უცხადებენ იმ სტუდენტებს, ვინც ხშირად ვერ დადის ლექციებზე. სანაყალბა ბავშვებმა როგორ უნდა იარონ, როდესაც არ მუშაობს ტროლეიბუსი, ავტობუსზე ხომ ოცნებაც არ შეიძლება. ერთადერთი ტრანსპორტი მეტროა, თუ საერთოდ ჩახვედი შიგნით და თუ დაჯექი ვაგონში, შეიძლება 3-4 საათი ერთ გაჩერებაზე იყო გაჩერებული, რადგან ხშირად არ არის დენი. ყველაზე დიდი ხელფასით შეიძლება იყიდო 10 ცალი კვერცხი. ეკონომიკაში კატასტროფული მდგომარეობაა, ასეთი მდგომარეობა არ იქნება მსოფლიოს არც ერთ ქვეყანაში. ხალხი შიმშილობს. ყოველ ნაბიჯზე მანქანებს იტაცებენ. დარბის

შეიარაღებული ხალხი, არავითარი კანონი არ მოქმედებს. ახლა „ნოვოსტიმ“ გადმოსცა, რომ ყენევაში მოხდა შეთანხმება ქართველებსა და აფხაზებს შორის. მთავარი ის არის, რომ ორივე მხარემ უარი თქვა იარაღის გამოყენებაზე. გადაწყდა, რომ გაიგზავნება სამშვიდობო ჯარები. თუ აფხაზეთში არ შევიდნენ რუსეთის ჯარები, იქ არცერთი ლტოლვილი არ დაბრუნდება და თუ მათი დაბრუნება გადაიდო, აფხაზეთს დავკარგავთ. შემდგომში ჩვენ უნდა შევქმნათ დისციპლინებული არმია, რომ დავიცვათ ჩვენი მოქალაქეები.

დღეს ედუარდ შევარდნაძე ჩავიდა ბათუმში და მივიდა რუსეთის დივიზიაში. მას თან ახლდა ასლან აბაშიძე. ჩემი აზრით, ეს გამოწვეულია იმით, რომ ბალტიკის მდებსანტეები გავიდნენ ფოთიდან. ალბათ, შევარდნაძეს ამჯერად უნდა, რომ რუსების ეს დივიზია გამოიყენოს დასავლეთ საქართველოში, სადაც ისევ გრძელდება მაროდორობა. ბათუმის დივიზიის გამოყენება დიდი შეღავათი იქნება დასავლეთ საქართველოსთვის. ნეტავ თბილისშიც გამოჩნდნენ რუსები საპატრულოდ, თორემ ცხოვრება შეუძლებელია. ღმერთო, სადამდე მივდივით! წინათ თუ გული მისკდებოდა და ვერ ვიტანდი რუსის ჯარს, ახლა გვიხარია მისი შემოსვლა.

#### 4 დეკემბერი

ტელევიზიით აჩვენეს, რომ უშიშროების სამსახურს ჩაბარდა აკაკი ელიავა, ლოთი ქობალას მოადგილე. ეს ის აკაკი ელიავაა, რომელიც აცხადებდა, რამდენიმე საათში ავილებთ თბილისსო. ხვალ იქნება მასთან ინტერვიუ. საოცარ ქვეყანაში ვცხოვრობთ! დღეს გაზეთ „ახალ თაობაში“ ვკითხულობთ გია ჭანტურიას ინტერვიუს. გია იტალიაში იყო და შეხვდა რომის პაპს, რომელსაც თავისი პირადი დანაზოგიდან 30 ათასი

დოლარი გადმოუცია საქართველოსთვის. ამავე დროს ტელევიზიით გადმოსცეს, რომ დღეს თავს დაესხნენ თბილისში რომის პაპის ელჩს, რომელიც გაძარცვეს, დაბოლოს, ბენზინიც წაართვეს. ნუთუ ეს სახელმწიფოა?

#### 9 დეკემბერი

გუშინინ ტელევიზიაში აჩვენეს შინაგან საქმეთა სამინისტროს რეიდი თბილისიდან ბათუმამდე. გადაცემა მიჰყავდა პრესცენტრის უფროსს ვახტანგ გოგოლიშვილს. რაც ენახე, საშინელება! მცხეთასთან ცალცალკე დგანან: საგზაო პოლიცია და სამხედრო პოლიცია, მცხეთის ბატალიონის უფროსს გამოუგზავნია თავისი ხალხი, ცალკე იდგა „მხედრონი“. ყველანი ცალცალკე ძარცვავენ მგზავრებს. გზაში შემოხვდათ გაძარცვული მგზავრები, აგრეთვე გაძარცვული ავტობუსები. მგზავრებმა ითხოვეს, რომ გაცილებინათ ისინი, რადგან კიდევ დახვდებოდნენ და მძარცველებისათვის ფული არ ჰქონდათ. მართლაც, ერთი ავტობუსი ქუთაისთან გააჩერეს, ავტობუსში ავიდა ახალგაზრდა ავტომატით და მოითხოვა რუსული ფული, 50 ათასი მანეთი. შემდეგ ინტერვიუ აიღეს ამ ახალგაზრდისგან. მან განაცხადა, რომ არის ქუთაისის მერიის თავდაცვის შტაბის წევრი, ხელფასს არ უხდიან და ამიტომ თვითონ იღებს ფულს. თითქოს არაფერი, მილიციამ ხელიც არ ახლო მას. შემდგომში დაფნართან „მხედრონის“ ჯგუფი შემოხვდათ, რომლებიც გზაზე იდგნენ და ყაჩაღობდნენ. მილიციას არც ეს ჩაუგდია რაიმედ. შემდეგში შემოხვდათ ავტობუსი, რომელსაც აცილებდა უნომრო მანქანა. მანქანაში იჯდნენ ავტომატისანები, მანქანა მოპარული იყო. მოკლედ, სრული განუკითხაობა!

დღეს წავიკითხე გაზეთი „7 დღე“, რომელშიც დაბეჭდილია სტატია - „მათი

გზა საქართველოდან არსად არ მიდის".  
საშინელება! ამ სტატიის მიხედვით, თუ  
როგორ საშინლად გაძარცვეს თბილისიდან  
ჩასულებმა სამეგრელო. თითქოს მტრის  
ქვეყანაში იყვნენ! რისიც მემინდა,  
სწორედ ის ხდება. სამეგრელოს არასოდეს  
დაავიწყდება ის დამცირება, რაც ამ  
მხარეში განიცადა. რა შუაშია უბრალო კაცი,  
რომელსაც არაფერი დაუტოვეს, სახლებში  
უვარდებოდნენ, ძარცვავდნენ, ცემდნენ და  
შეურაცყოფას აყენებდნენ!

ლმერთო ჩემო, როგორ შეიძლება ეს  
მე და ჩემი ოჯახი რა შუაში ვართ?  
ვთქვათ, სამეგრელოდან რომ წამოვიდნენ,  
მათ ჩვენ უნდა დაგვარბიონ? სამეგრელოს  
დარბევა არავის შერჩება!

დღეს ედუარდ შევარდნაძემ ხელი მოა-  
წერა დოკუმენტებს. თბილისში სპეციალუ-  
რად მინსკიდან ჩამოსული იყო (გვარი არ  
მახსოვს) დსთ-ს საბჭოს მდივანი. მან თქვა,  
რომ საქართველო დსთ-ს სრულუფლებიანი  
წევრი გახდა. ედუარდ შევარდნაძემ აღ-  
ნიშნა: გაფორმდა ის, რაზედაც შევთანხმდით  
მოსკოვში.

შემდეგი ეტაპი არის ამხაბადის შეხ-  
ვედრა. იქ დსთ-ს მინისტრთა კაბინეტის  
თავმჯდომარეები შეხვდებიან, შემდეგ  
მოხდება რატიფიკაცია. ჩვენ ეს გეჭირდება.  
ბევრი სვამს კითხვას: ხომ არ იქნება ეს  
იმპერიის აღდგენა? ანა, არ იქნება" - თქვა  
ედუარდ შევარდნაძემ.

## 16 დეკემბერი

12 დეკემბერს რუსეთში ჩატარდა  
სახელმწიფო სათათბიროს არჩევნები. მონა-  
წილეობა მიიღო ამომრჩეველთა 53%-მა.  
სრულიად მოულოდნელად, პირველ ადგილზე  
გადის ვლადიმერ ჟირინოვსკის ლიბერალურ-  
დემოკრატიული პარტია. ეს გახლავთ ულ-  
ტრარადიკალური პარტია. ვლადიმერ ჟირი-  
ნოვსკი ოცნებობს რუსეთის იმპერიის აღდ-

გენაზე პოლონეთისა და ფინეთის ჩათვლით.  
ამავე დროს მიიღეს რუსეთის ახალი კონს-  
ტიტუცია. ამ კონსტიტუციის მიხედვით, რუ-  
სეთის ფედერაციაში შემავალ რესპუბლიკებს  
ალარა აქვთ სუვერენიტეტი. არჩევნები არ  
ჩატარდა ჩეჩნეთში, თათრეთში და ხაკასში.  
რა თქმა უნდა, რუსეთი შეეცდება ამ რეს-  
პუბლიკების დამორჩილებასაც. დიდი ამბებია  
ჩეჩნეთში. ტელევიზიამ გადმოსცა, რომ დღეს  
რუსებმა ალყა შემოარტყეს ჯოხარ დუ-  
დაევის ადმინისტრაციულ შენობას  
გროზნოში.

## 21 დეკემბერი

ამ რამდენიმე დღის წინ ჩატარდა ოპე-  
რაცია „სერის სამოს“ წინააღმდეგ. ასეთი  
ოპერაციები ეპიზოდურ ხასიათს ატარებს.  
თბილისში სრული განუკითხაობაა,  
პოლიცია საერთოდ არ ჩანს. ეს, რა თქმა  
უნდა, ქალაქის პოლიციის მთავარი  
სამმართველოს უფროსის დავით ზეიკიძის  
ბრალი არ არის. გუშინ ზეიკიძემ დიდი  
გულისტკივილით განაცხადა: ვინ იცავს  
ქალაქში წესრიგს? თითქმის ყველა და  
თითქმის არავინ. მე ვაფრთხილებდი, რომ  
მაფია მომძლავრდა. ესლა მაფიის  
წინააღმდეგ თითქმის შეუძლებელია  
ბრძოლა, რადგან ოფიციალურ სტრუქ-  
ტურებში მოხვდნენ ბანდიტები, რო-  
მელთაც ოფიციალურად აქვთ იარაღი და  
ოფიციალურადაც ყაჩაღობენ, ოფიცია-  
ლურად არსებობს სამსოები - გლდანის,  
ნაძალადევის, ვაკის, ვაშლიჯვარის, ისნის  
და ა.შ. ბოლოს ზეიკიძემ განაცხადა, რომ  
ჩვენ ერთმანეთში ვართ გულადები, ხოლო  
უცხოვსთან — კურდღლები. ამიტომ  
საჭიროა, რომ გარეშე ძალა დაეიქირაგოთ  
(200 კაცი). მაგალითად, როგორც იყო  
ფოთში, სადაც დამყარდა წესრიგი. სხვა  
გამოსავალი არ არის.

სამინელი ამბებია ქვემო ქართლში.

დღეს ვიდეოკამერა წაართვეს უცხო-  
ელებს, რომლებმაც ჰუმანიტარული ტვირთი  
ჩამოიტანეს და გაჭირვებულ ხალხს ური-  
გებდნენ. უცხოელები ჰუმანიტარული  
ტვირთის დარიგების პროცესს ვიდეოკა-  
მერით იღებდნენ. ქუჩაში რომ გავდივარ არ  
ვიცი, ცოცხალი მივალ სახლში თუ არა.  
ისე ატყდება ხოლმე ავტომატების სროლა,  
ვითომც არაფერი. არ ვიცი, რა დამართა  
მდუარდ შვეარდნაძეს, ამბობენ, ძალა არა  
აქვსო. როგორ შეიძლება ძალა არ ჰქონდეს?  
ამხელა უშიშროების სამინისტრო შეიქმნა,  
არც შინაგან საქმეთა სამინისტროა პატარა.  
კიდევ ვიმეორებ: ეს კატასტროფაა, რაღას  
ელოდება, არ ვიცი. დღეს უნივერსიტეტში  
კათედრის გამგეს აქვს ხელფასი 100 ათასი  
კუპონი მაშინ, როდესაც 1 დოლარი უდრის  
100 ათასი კუპონი. მინიმალური ხელფასი  
არის 23 ათასი კუპონი, რომლებიც ლტო-  
ლვილებს ურიგდებათ, ე. ი. მათ 25 ცენტი  
აქვთ თვეში. ხალხის 98% შიმშილობს.  
სანამ წესრიგი არ დამყარდება, არაფერი  
გვეშველება. გუშინ „საქართველოს რეს-  
პუბლიკა“ წერდა, რომ ძლივს შემოიტანეს  
კრედიტით 102 ცისტერნა ბენზინი, საიდანაც  
24 ვაგონი შეიარაღებულმა პირებმა მოხსნეს  
და წაიღეს ლილოში. რა, არ იციან ვინ არიან  
ისინი? 40 ბანდიტი თავს დაესხა გლდანის  
პოლიციას და თავიანთი თანამზრახველი  
გაათავისუფლეს, რომელსაც, გამოძალვის  
მიზნით, გატაცებული ჰყავდა 18 წლის ბიჭი.  
არავითარი საგანგებო წესები არ არსებობს.  
მასხენდება პიუგოს „93 ნელი“. ჩვენი 1993  
ნელი საშინელება!

## 22 დეკემბერი

ორი წელი სრულდება, რაც თბილისში  
ომი დაიწყო. მართალია, ზვიად გამსახურ-  
დიას ხელისუფლებას ბევრი შეცდომა  
ჰქონდა, მაგრამ აღმოჩნდა, რომ იარაღით  
ხელისუფლების დამხობა იწვევს დაუსჯე-  
ლობის სინდრომს. სწორედ ავტომატიანი

კაცი გახდა ამ ორი წლის განმავლობაში  
პირველი კაცი.

გუშინ ვწერდი სწორედ იმ სინდრომის  
შესახებ, რომელიც ბატონობს ამჟამად  
საქართველოში და კერძოდ თბილისში.

დღეს 11 საათსა და 45 წუთზე შატბე-  
რაშვილის ქუჩაზე მოკლეს ჯაბა იოსელიანის  
ორი უახლოესი თანამებრძოლი – ზაზა  
ვეფხვიძე და გია სვანაძე. კიდევ ერთი იყო  
მათთან ერთად, მაგრამ არ ვიცი, ვინ იყო.  
ამ საქმის გახსნა ძალიან ძნელია, რადგან  
მათ იმდენი მტერი ჰყავდათ, რომ ვერაფერს  
გაიგებ. ჩემი აზრით, ეს უნდა იყოს „მხედ-  
რიონის“ წინააღმდეგ დაწყებული აქცია,  
რომელსაც სხვა მკვლევლობაც მოჰყვება.

თავდაცვის სამინისტროს განცხადება:  
ამხაბადიანი რომ დაბრუნდნენ იუორ გიო-  
რგაძეს გია ყარყარაშვილისთვის ეთქვამს:  
შენი ბრალია აფხაზეთის დაკარგვა და რა-  
ტომ არ მოაწერე ხელი ამხაბადში შეთან-  
ხმებასო.

## 23 დეკემბერი

ქვემო ქართლის შესახებ რამდენჯერმე  
ვწერდი. აქ ე. წ. „სვანების ჯგუფი“ (ამ  
ჯგუფებში სვანებიც იყვნენ და საქართველოს  
ყველა კუთხიდან ჩასული ბანდიტებიც)  
ატერორებს როგორც აზერბაიჯანულ, ისე  
ადგილობრივ ქართველ მოსახლეობას.  
ხალხის მოთმინების ფილა აივსო. მაშინ  
ძლივს დაანწყნარეს მოსახლეობა. გავიდა  
რამდენიმე დღე და გუშინწინ ვინმე კახა  
მენტეშაშვილს გამოედევნენ, რადგან მანქანა  
არ გააჩერა, ესროლეს, მენტეშაშვილის  
მანქანა აზერბაიჯანელებს დაეჯახა. ერთი  
აზერბაიჯანელი დაიღუპა, კახა მენტეშაშ-  
ვილიც დაიღუპა. ადგილობრივმა მოსახლე-  
ობამ გუშინწინ გზა გადაკეტა.

გუშინ ისევ მოკლეს ორი აზერბაიჯანელი  
და ორიც დაჭრეს. მოსახლეობა გაამწარეს.  
ამ ამბების წერისას ცრემლები წამომივიდა.  
სანყალი ხალხი!

დღეს ედუარდ შევარდნაძე გაფრინდა აშხაბადში დსთ-ს მეთაურთა შეხვედრაზე. სადამდე მიგვიყვანეს! ველოდებოდით, იქნება რუსის ჯარმა დაგვიცვას ბანდიტებისა და კაცისმკვლელებისაგან. ვაი, ჩვენი ბრალი, არ ვყოფილვართ თავისუფლების ღირსნი!

## 25 დეკემბერი

დღეს ტელევიზიით გადასცეს უშიშროების სამინისტროს პრესცენტრის განცხადება. განცხადებაში აღნიშნული იყო, რომ თავდაცვის სამინისტროში გუშინ გამოცხადდა განგაში და რომ გააჩერეს უშიშროების სამინისტროს ორი მანქანა. ზუსტად ვერ გავიგე, მაგრამ აშკარად იყო ნათქვამი, რომ უშიშროების თანამშრომლებს შეურაცხყოფა მიაყენა პირადად თავდაცვის მინისტრმაო. შემდეგ აფეთქება მოახდინეს კონტრაზვერვის შენობაში, ზარალი ასეული მილიონობით განისაზღვრებაო. აშკარაა, რომ ერთმანეთს დაეჯახა თავდაცვისა და უშიშროების სამინისტროები. თავდაცვის სამინისტროს განცხადებაში აღნიშნულია, რომ 24 დეკემბერს აეროპორტში იგორ გიორგაძემ ბრალი დასდო ყარყარაშვილს აფხაზეთის დაკარგვაში. აგრეთვე ბრალი დასდო იმაში, რომ ხელი არ მოანერა აშხაბადში ხელშეკრულებას. გიორგაძეს უთქვამს ყარყარაშვილისთვის: დაგაპატიმრებო.

ედუარდ შევარდნაძემ შექმნა კომისია ოთარ ფაცაცის ხელმძღვანელობით, რათა გამოიძიონ ეს საქმე.

## 26 დეკემბერი

დღეს რუსთაველზე გავედი ოჯახთან ერთად. მაშინვე უკან მოვატრიალე მანქანა. პარლამენტთან დგას დანჯღრეული ჯავშნიანი მანქანები. ერთ-ერთი ჯავშნიანი მანქა-

ნა რუსთაველზე გამოვიდა, ზედ ავტომატიანი ხალხი იჯდა. პარლამენტთან ტრიალეზდნენ „დუბლიონკები“ გამოწყობილნი, ავტომატიანები. მოკლედ ყველაფერი ძველი ბიჭების თავყრილობას წააგავდა, თანაც საკუთარი მანქანებით იყვნენ მოსულნი.

გუშინ ორი კაცი ჩაცხრილეს ჩოლოყაშვილის ქუჩაზე. ედუარდ შევარდნაძე ისე იქცევა, თითქოს არაფერი ხდებაო. როგორ შეიძლება ამდენი უფორმო შეიარაღებული ადამიანის თარეში. დღეს ვკითხულობ გაზეთ „კავკასიონს“, სადაც ხნორად წერია, რომ დღეს „საქართველოს მოქალაქე აღმოჩნდა დაუცველი სოციალურად, სამართლებრივად, ეკონომიკურად და პოლიტიკურად. ჯერ უნდა დავიცვათ ადამიანის მთავარი უფლება - სიცოცხლე“.

## 28 დეკემბერი

ძალიან მომეწონა გია ჭანტურიას გამოსვლა, რომელმაც აღნიშნა, რომ ძველი თაობა უნდა წავიდეს და უნდა მოვიდეს ახალი თაობა. მან აღნიშნა, რომ საქართველოში ამჟამად კატასტროფული მდგომარეობაა, არიან ბანდიტები და დაქირავებული მკვლელები.

სასაცილოა თუ სატირალი, არ ვიცი. გუშინ მანქანა წაართვეს ქალაქის პრემიერს კოტე კაპანაძეს, რომელიც კურირებს ქალაქის მილიციას. მანქანა წაართვეს გლდანის რაიონის პროკურორსაც. ედუარდ შევარდნაძეს რომ წაართმევენ მანქანას, ალბათ, შემდეგ გაბრაზდება.

როდესაც ამას ვწერდი შემოვარდა ჩემი პატარა ვაჟი - მეოთხეკლასელი თაზო და მითხრა, რომ ლექსი დანერა. მინდა თვითონ ჩანეროს:

*„ქარი მიდის ქარი მოდის  
და ქუჩაში არის სროლა,  
ხალხს არ ეშინია იმიტომ,  
რომ ისინი შეჩვეულნი  
არიან სროლას.“*



თუ გააბრაზე ქურდი,

მოვა და დაგახლის

ტყვიას თავში.

იქით კაცი ყვირის, გიყი გადარეული,

იმასაც დააკერებს ტყვიას.

უცბათ მილიცია მოდის, ქურდებს არ  
ეშინიათ.

მილიციელები ტყუილად დარბიან,

ისინი ქურდებისკენ კი არ მირბიან

თავს იცავენ ტყვია არ დამახალონო”.

როდესაც ჩემმა უფროსმა შეიღმა, მეცხ-  
რეკლასელმა, ლექსი შემომიტანა გაეშრი,  
რადგან ახალგაზრდობას მომავლის არავი-  
თარი იმედი აღარ გააჩნია.

„წავიდა ცხოვრება, როგორც ნიაფი,

გვარბევს გრივალი, როგორც მინდორში  
ლერწამს.

წავიდა ცხოვრება, დაჭკნა, როგორც

ფოთოლი,

მოდის ხალხი ისე, რომ ვითომც არც

მოსულან.

ჩხუბობს ხალხი, მაგრამ არც კი იციან

რაზე ჩხუბობენ.

ისერიან, ისერიან, ჩიტები ეღარ

გალობენ,

იღევა სიცოცხლე, ვითარცა სანთელი,

წეავენ ბოროტნი, ვითარცა ცეცხლი.

წავა ხალხი, ზოგი იქით, ზოგი აქეთ,

ჯოჯოხეთში ამოაფრქვევს ბოროტების

გუგუნი,

ხოლო სამოთხეში კი ბულბულის ხიდზე

დავინახავთ მომავალ ანგელოზებს”.

მძიმე დღეებია. დღეს სამი ბანკის მმარ-  
თველი დაიკარგა. ქალაქს არაეინ აკონ-  
ტროლებს. დღეს ქუჩაში გაზეთ „ახალი  
თაობის“ რედაქციის თანამშრომლები თეი-  
თონ ყიდიან გაზეთს, რადგან მთავრობას  
არ აწყობს ასეთი გაზეთის არსებობა.

„ახალ თაობაში“ ვკითხულობ: თენგიზ  
სიგუამ აღიარა, რომ როგორც ზეიადი ნიშ-  
ნაედა მინისტრებს, ისევე ნიშნავს ედუარდ  
შევარდნაძეცო. მას გაზეთ „ნოვია გაზეტა-  
ში“ მოყავს მაგალითი, რომ ედუარდ შევარდ-  
ნაძემ ორჯერ ნასამართლევი თემურ საჩიშ-  
ვილი დანიშნა შინაგან საქმეთა მინისტრად.  
გაზეთი „ახალი თაობიდან“ შევიტყვე, რომ  
რუსთაველზე ჯაეშნიანი მანქანები რომ  
დაქროდნენ და დუბლიონიანი ბიჭები ავტო-  
მატებით რომ იდგნენ, ისინი ყოფილან  
რუსთავეის „მხედრიონიდან“, რომლებიც  
იცაედნენ ედუარდ შევარდნაძეს. ეს ის  
რუსთავეის „მხედრიონია“, რომელიც 1992  
წლის სექტემბერში უნდა დაეჭირათ.  
როგორც მაშინ ედუარდ შევარდნაძე ამბო-  
და, რუსთავეში ჩატარდა ოპერაცია 120 ბან-  
დიტის წინააღმდეგ და ეს ოპერაცია გაყ-  
იდეს, რაც ბრალდებოდა თემურ საჩიშვილს.  
ნუთუ ახლა სირცხვილის გრძნობა არა აქვს  
ედუარდ შევარდნაძეს, რომ სწორედ ის,  
როგორც თვითონ უწოდებდა, „ბანდიტები“  
იცავენ მას! გული გამისკდება, მეტი აღარ  
შემიძლია!



**1994 წელი**

---



### 3 ინვეარი

რვეულებს ეტყობა როგორი მდგომარეობაა საქართველოში. რვეულები, რომელშიც მიწერია ეს მოგონებები, ძველია, ნახევრად დახეული, რადგან მაშინ რვეულის შიგნით ძნელი იყო. ამ საახალწლო დღეებმა ისე ჩაიარა, კაცს გარეთ გასვლის სურვილი არა აქვს. ახლოს თუ ცხოვრობს მეგობარი, მასთან მიუ მიხვალ, თორემ შორს წასვლა და მილოცვა ან მანქანის წართმევა დაგიჯდება, ან კიდევ სროლაში მოჰყვები. ჯობია არ გახვიდე შინიდან. ძირითადად დადიან იმ მანქანებით, რომელშიც ზის სამი-ოთხი შეიარაღებული ბანდიტი, ისინი თავისუფლად დათარეშობენ, მილიცია არ არსებობს. თუ 1994 წელი ისეთივე იქნება, როგორც 1993 წელი, საქართველო და ქართველი ერი ალბათ აღარ იარსებებს. ვისაც შეეძლო წასვლა საქართველოდან, წავიდა. ზამთარში გათბობა საერთოდ არ არის, არ არის შუქი.

პროფესორის ხელფასი უფროს ნახევარ დოლარს. საქართველოს მოსახლეობის 98% შიმშილობს, ქვეყანაში სრული ქაოსია. თანამდებობებზე არიან ან ბანდიტები, ან კიდევ კომუნისტური პარტიის ცენტრალური კომიტეტის აფერისტები. ედუარდ შევარდნაძეს ვერ ვცნობ, მისი საკადრო პოლიტიკა უარესია, ვიდრე ზვიად გამსახურდიასი. რა აქვს ჩაფიქრებული, ვერ ვხვდები, ხალხი მისგან სულ რაღაცას ელოდება, ამბობენ: „აცალეთ, ეხლა მოიფიქრებს რამესო“. ამ მოფიქრებაში გავიდა ორი წელიწადი და რაც უბედურება მოხდა, იმაზე მეტი რაღა შეიძლება მოხდეს. ყოველდღე იტაცებენ ხალხს და თხოულობენ გამოსასყიდს, თან საუბარია ასიათასობით დოლარზე. ყველამ იცის, ვინც იტაცებს. ეს ხდება მთელ საქართველოში. ხმას ვერ ამოიღებ, რადგან თითოეულ ასეთ ჯგუფში 100-150 კაცია გაერთიანებული. მთელი საქართველო გაძრევს, სომალიზე უარესი მდგომარეობაა.

დღეს მსოფლიოში არ არის ქვეყანა, სადაც ამდენი ბანდიტი და ყაჩაღი იყოს. კაცის სიკვდილი ჩალის ფასი გახდა. გაჩნდნენ დაქირავებული მკვლელები, ოღონდ ფული მიეცი და ვისაც გინდა იმას მოკლავენ. ამიტომ არის, როდესაც ჩამოდიხარ ამხელა პოლიტიკოსი, არ უნდა მოისვა ბანდიტები გვერდით. მე უკვე ეჭვი შეპარება, რომ დეკემბერ-იანვრის სამხედრო გადატრიალება საერთოდ ედუარდ შევარდნაძის მოწყობილია. ღმერთო ჩემო, როგორი იმედი მქონდა ამ კაცის, როგორც ღმერთს ისე ველოდებოდი მის ჩამოსვლას! ერთ თვეს მოვიტომენ როგორმე, რადგან იმდენი ნაჟურკალი კიდევ მაქვს, შემდეგ კი მას ჩემზე მეტი მტერი არ ეყოლება!

### 4 ინვეარი

დღეს „ქართულ ქრონიკაში“ წავიკითხე ეროვნულ-დემოკრატიული პარტიის მიმართვა ქართველი ერისადმი, სადაც ძალზე სწორად არის ნათქვამი:

„საქართველოში პოლიტიკურ-ეკონომიკურმა კრიზისმა და დამნაშავე ელემენტების თარეშმა კულმინაციას მიაღწია. სამწუხაროდ, საგანგებო მდგომარეობის გამოცხადებამ მდგომარეობა ოდნავაც არ გამოასწორა, რადგან დამნაშავეთა წინააღმდეგ ბრძოლა, ეკონომიკური დანაშაულის აღმოფხვრა თუ პოლიტიკური სტაბილიზაცია დაევალებათ, ხშირ შემთხვევაში, იმ პირობებს, რომლებიც თავად არიან შემწნულნი ანტისახელმწიფოებრივ კრიმინალურ ძალებთან მჭიდრო კავშირში, ხოლო, ზოგ შემთხვევაში, პასუხისმგებელი პირის კომპეტენცია ვერაფრითარ კრიტიკას ვერ უძლებს...

ამ ბოლო დროს სიტუაცია დაამძიმა ტერორისტულმა აქტებმა, რომლებიც გამოირჩევა განსაკუთრებული სისასტიკით და ცინიზმით. სახეზეა უსამინღესი რამ – საქმე

გვაქვს დაქირავებული ინსტიტუტის დანესე-  
ბასთან\*.

ნესრიგის და დამნაშავეობასთან უკომ-  
პრომიზო ბრძოლის გარეშე შეუძლებელია  
დემოკრატიისა და სახელმწიფოს გადარჩენა.  
დღესაც არ არის გვიან, ანუ მიიწვ დავიწყ-  
ოთ ბრძოლა გადარჩენისთვის. ეს მართლა  
ბრძოლა უნდა იყოს და არა კამპანიური  
ნახევარლონისძიებანი. ამჟამად პოლი-  
ტიკური აქცენტებით „ძელები“ (არა მხ-  
ოლოდ ასაკობრივი გაგებით) უნდა წავიდნენ  
მთავრობიდან. მათი უმეტრება, უუნარობა,  
ხოლო, ზოგ შემთხვევაში, კორუმპირებულო-  
ბა და უცხო ქვეყნების სპეცსამსახურებთან  
უმჭიდროესი კონტაქტები არის პოლი-  
ტიკურ-ეკონომიკური და ზნეობრივი კრიზ-  
ისის, აგრეთვე საბოტაჟის მიზეზები, რაც  
სახეზე გვაქვს. მხოლოდ ახალ ზნეობრივ,  
გონიერ და ძლიერ ერთობას ძალუძს ქვეყ-  
ნის კრიზისიდან გამოყვანა\*.

არ შეიძლება არ დაეთანხმო ამ  
განცხადებას. ეროვნულ-დემოკრატიული  
პარტია რამდენჯერმე აფრთხილებდა ედუ-  
არდ შევარდნაძეს, რომ იქნებოდა არა  
დამოუკიდებელი და დემოკრატიული  
საქართველო, არამედ ყაჩაღური საქართვე-  
ლო. მართლაც, ამჟამად სახეზეა ყაჩაღური  
სახელმწიფო, სადაც ბატონობს ავტომატიაანი  
კაცია. ედუარდ შევარდნაძე ამჟამად  
ბუტაფორიას ნარშობადგენს.

## 5 იანვარი

სალამოს ექვს საათზე მოსკოვიდან „ნო-  
ვოსტიმ“ გადმოსცა, რომ ზვიად გამსახურ-  
დიამ თავი მოიკლა. სალამოს 7 საათზე  
საქართველოს ტელევიზიის მეორე არხმა  
გადმოსცა სააგენტო „იფრინდას“ დაუდას-  
ტურებელი ცნობა: 31 დეკემბერს გროზნოში  
ზვიად გამსახურდიას მომხრეებს შორის  
მოხდა შეტაკება, ზვიად გამსახურდია დაი-  
ჭრა და ერთი კვირის შემდეგ თავი მოიკლაო.

მოუესმინე ინტერვიუს ქალაქის პოლი-  
ციის უფროსთან, დავით ზეიკიძესთან. ეს  
პიროვნება საკმაოდ ვაჟკაცი კაცია, მა-  
გრამ, რად გინდა, ჯაბას და „მხედრონის“  
რომ უფროსად დაუნიშნავ, რა უნდა ქნას.  
მას გია ყარყარაშვილივით დაემართა:  
როცა ედუარდ შევარდნაძე გადადგომას  
აპირებდა, ჯაბას და „მხედრონის“ გამო,  
მას გვერდში ამოუდგნენ სწორედ გია  
ყარყარაშვილი, დავით ზეიკიძე და ეროვ-  
ნულ-დემოკრატიული პარტია. მერე ედუ-  
არდ შევარდნაძემ მათ სუყველას ზურგი  
შეაქცია და გია ყარყარაშვილს და დავით  
ზეიკიძეს უფროსად ჯაბა იოსელიანი  
დაუნიშნა.

ინტერვიუში დავით ზეიკიძემ თქვა ის,  
რასაც მე ვფიქრობდი. გასაკვირია, რომ ეს  
თქვა პოლიციელმა და არა პოლიტიკოსმა.  
დავით ზეიკიძემ აღნიშნა: ყველაზე ადრე  
სტუდენტობა ჩამოცილდა ეროვნულ  
მოძრაობასო (ინგულისხმებოდა ზვიად გამ-  
სახურდიას პერიოდი) და ახლაც ამ  
მთავრობას ჩამოსცილდა სტუდენტობა. მე-  
ორე, რაც დავით ზეიკიძემ თქვა, ის იყო,  
რომ არავის არაფერი შერჩებოო. ვინც დღეს  
იარაღით ანიოკებს ხალხს, ის არ ფიქრობს  
თავის ოჯახზე. გავა დრო და ისინი დაინ-  
ვალდდებიან ან მოკვდებიან და მერე მათ  
ოჯახებს მიაკითხავს გამნარებული ხალხი.  
ოჯახის წევრები კი, ცხადია, არაფერ შუაში  
არ არიანო – აბსოლუტურად სწორად აღნი-  
შნა დავით ზეიკიძემ. ნუთუ ამდენ სიაცეს  
რომ ჩადიან არ ფიქრობენ შეილებზე?  
მათზე კარგი რა გააჩნიათ? მაგრამ ამ ნა-  
ძირალების უმეტესობა ხომ ნარკომანები  
არიან, ნარკოტიკია მათი ცხოვრება, ოჯა-  
ხიც და შეილებიც.

„მაცნემ“ გადმოსცა, „სი-ენ-ენმა“, „ნო-  
ვოსტიმ“ და „ეროპრონიუსმა“ გაავრცელეს  
ინფორმაცია, რომ დასავლეთ საქართვე-  
ლოში თავი მოიკლა ზვიად გამსახურდიამ.  
დამატებით ცნობებს მოგაწვდითო.

\* რა იცოდა გიამ, რომ თვითონაც დაიღუპებოდა დაქირავებული მკვლევების მიერ.

9 საათზე მე თვითონ მოვუსმინე „ნოვოსტის“. გამოაცხადეს, რომ ექსპრეზიდენტ ზვიად გამსახურდიას მეუღლემ მანანა არჩვამემ განაცხადა, რომ დასავლეთ საქართველოს ერთ-ერთ სოფელში „მხედრონის“ ნაწილებმა ალყა შემოარტყეს ზვიადს და მის მომხრეებს და ზვიად გამსახურდიამ თავი მოიკლაო.

მოტანილი ფაქტები ძალიან რეალურად მეჩვენა, მაგრამ მაინც თავს ვიკავებ კომენტარებისგან.

## 9 იანვარი

ჯერ კიდევ ვერ გარკვეულა ზვიად გამსახურდიას დაღუპვის ვითარება. ჩეჩნეთიდან ჩამოვიდნენ ვიცე-პრეზიდენტი და საგარეო საქმეთა მინისტრი. ედუარდ შევარდნაძემ განაცხადა, რომ მისთვის და საქართველოსთვის ზვიად გამსახურდიას სიკვდილს დიდი მნიშვნელობა არა აქვს, რადგან მისი მოძრაობა ძირითადად დამარცხებული იყო. როგორც ფიქრობენ, ზვიად გამსახურდია ზუგდიდის რაიონში უნდა დაასაფლავონ, ზუგდიდიდან 30 კილომეტრზე მდებარე მალალმთიან სოფელში. ყველაფერი ჯერ ზუსტად არ არის ცნობილი.

დღეს გადმოსცეს, რომ პოლიციის და ეროვნული გვარდიის ნაწილები შევიდნენ დმანისის რაიონში. რამდენიმე კადრი აჩვენეს, როდესაც ოჯახებში აღმოჩნდა მოპარული მანქანების ნაწილები, ზოგან მოპარული „მერსედესები“, „კამაზები“. ეს მხოლოდ ეპიზოდი იყო. ფქვილით სავსე უზარმაზარი მანქანა გააჩერეს, რომელიც მოპარული იყო და გააქონდათ სომხეთში. ამ ამბავს სანყალი მშვიერი ბავშვები ისე საცოდავად უყურებდნენ, რომ პოლიციამ ერთი ტომარა ფქვილი იქვე მისცა ბავშვებს. საბინელი სანახავე იყო! ამ გადაცემას ხვალ ენახეთ. საშინელება ხდება ქვემო ქართლ-

ში. ენახოთ, თუ დამყარდა ნესროგი, მე ისევ ტაშს დავუკრავ ედუარდ შევარდნაძეს.

დღეს „ლიტერატურულ საქართველოში“ ეკითხულობ ინტერვიუს ნაირა გელაშვილთან.

კითხვა: „როგორ განსაზღვრავდით დღევანდელი საქართველოს ყოფას“?

ნ. გელაშვილი: „დღევანდელი საქართველო, ასე ვთქვათ, მისი წესიერი საზოგადოება, არის მძევალი კრიზისალური უჯგუფების ხელში. ესაა სამხედრო-მაფიოზური და უჯგუფებები და ყოვლად აპოლიტიური შეიარაღებული ბანდები, იმიტომ, რომ არ არსებობს ძალა, რომელიც წინ აღუდგება, ნესრიგს დაამყარებს და ბოლოს და ბოლოს დაისჯება დამნაშავე... ედუარდ შევარდნაძე აღმოჩნდა ძალაუფლების გარეშე, რომელსაც არ ჰყავდა და არც ამჟამად ჰყავს სამხედრო ძალა“. აბსოლუტურად ვეთანხმები!

კითხვა: თქვენს წერილებში კრიზისალური სამყაროს ასეთი მომძლავრების ერთ-ერთ მთავარ მიზეზად 1991-92 წლების სახელმწიფო გადატრიალებას ასახელებთ და ეს მართლაც თვალნათლივია, სურს ყველას აღიარება თუ არა სურს.

ნ. გელაშვილი: თავიდან, როცა ეს ამბები დაიწყო, 91-ის სექტემბერში მოგეხსენებათ ძალზე არეული სურათი იყო, ბევრს ვერ გაერკვია, თუ რა ხდებოდა ან ეს კიტოვანი ვინ იყო, ან ეს სიგუა? ვინც მათ პირადად არ ვიცნობდით, ვერ მიგხვდით, ასე რატომ იქცეოდნენ: ეს ამბოხი იყო მმართველობის არადემოკრატიული წესის წინააღმდეგ, თუ ბრძოლა ხელისუფლებისთვის? მაგრამ, მალევე, ჩემთვის ნათელი გახდა, რომ ისინი და მათთან დაკავშირებული პოლიტიკური პარტიები ხელისუფლებისთვის იბრძოდნენ და ამის მერე მათ აღარც გაკარებოვიარ. ინტელიგენციამ უნდა აღიაროს, რომ არ უნდა დამდგარიყო მათ გვერდით“.

დღეს გამოქვეყნდა ეახტანგ გოგუაძის მიმართვა პარლამენტისადმი, რომ უნდა

შვიდეთ მანეთის მიმოქცევის ზონაში (ალბათ, სხვა გამოსავალი არ არის, ხალხი შიმშილით კვდება - მ. ვ.).

## 20 იანვარი

აქ ფურცელია ამოხეული, ჩემმა უფროსმა შვილმა ამოხია. საერთოდ მინდოდა დამემთავრებინა იმ საზოგადოებრივ ამბების აღწერა, რომელიც მე დავინწყე 1989 წლის 4 აპრილიდან. მინდოდა საერთოდ დამემთავრებინა ჩემი სიცოცხლეც, მომბეზრდა ეს განამებული ცხოვრება, ადამიანთა ასეთი ვადგვარება, მთელი უბედურება. ამ საზოგადოებრივ წლების ყველაზე ცუდი შედეგი მაინც ის იყო, რომ ზნობრივად შეიცვალა ხალხი. როცა მე ეს დაეწერე, მართალია, ნასვამი ვიყავი (ხშირად მიწევს ნასვამს წერა), მაგრამ გონება სრულიად სალი მქონდა, როდესაც ვწერდი უკანასკნელ სტრიქონებს. ჩემს ოჯახს ეგმევიდობებოდი. ეტყობა ჩემი შვილი მაკვირდებოდა და როდესაც ტელეფონში შევედი, რომ თავი მომეკლა, მას უცებ ნაუკითხავს ჩემი ჩანაწერი და ტელეფონი ნიხლით შემოანგრია. მე, სიმართლე გითხრათ, აღარ ვიცოდი, რა მექნა! ახლა ვაგრძელებ ჩემს ჩანაწერებს იქამდე, სანამ ჩემი გული გაუძლებს. როგორც ქრისტიანმა, თავი არ უნდა მოიკლა, მაგრამ ხშირად ვფიქრობ იმაზე, რომ იქნება თვალეზი დავხუჭო და აღარ გავიღვიძო. ზვიად გამსახურდიას აღსასრული ისევე ტანჯული აღმოჩნდა, როგორც ტანჯულიც იყო მთელი მისი ცხოვრება. მანანა არჩავდემ გროზნოდან შემოთვალა, რომ ექსპერტებს არ გაეკეთათ ზვიადის გვამი.

ჯაბა იოსელიანი ყენევიდან დაბრუნდა. ოპოზიციამ დაგმო ხელშეკრულება, რომელიც დადო ჯაბა იოსელიანმა.

დღეს ედუარდ შევარდნაძე საფრანგეთში გაფრინდა.

## 25 იანვარი

საფრანგეთში საკმაოდ ბევრი და სინტრესო შეხვედრები იყო. ედუარდ შევარდნაძე შეხვდა საფრანგეთის პრეზიდენტს, ვაქრობის ყოფილ მინისტრს როლანდ დიუმასს, ბუტროს გალისს, იუნესკოს თავმჯდომარეს და სხვ.

ამ დღეებში შიდა ქართლში პოლიციამ ჩაატარა ოპერაცია. გუშინ ჩატარდა ოპერაცია ე. წ. „გლდანის სამოსი“ წინააღმდეგ, რომელიც ერთ-ერთი მსხვილი ბანდიტური დაჯგუფება იყო. ამჟამად დაიწყა დადებითი მოვლენები. პოლიციამ დაინახა, რომ პატრონი ჰყავთ, მათაც, ეტყობათ, ყელში ამოუვიდათ ყველაფერი. ძალზე ბევრი რეკეტიორი და მხედრონელი საეჭვო ვითარებებში ილუპება. „მხედრონი“ ამჟამად დაშინდა. ლმერთმა ქნას, ასე გაგრძელდეს! მაშინ მე პირველი დავეუკრავ ტაშს ედუარდ შევარდნაძეს.

გუშინ დამირეკა პროფკავშირების თავმჯდომარე ედუარდ ჯულაბაშვილმა. ჩავედი მასთან. თურმე უნივერსიტეტის პროფკავშირების პრეზიდენტის ნეერი ვყოფილვარ, არც ვიცოდი. უნივერსიტეტიდან „ზვიადისტების“ გაძევების საკითხს იხილავდნენ, კერძოდ, უნდა ემსჯელათ ელიზბარ ჯაველიძის, ბიმურზა აფრასიძის, დოჭვირისა (სახელი არ მახსოვს) და სხვების სამსახუროდან განთავისუფლების შესახებ. თქვეს, რომ ოთხი თვეა ისინი არ დადიან სამსახურში, გამონერლი აქვთ ხელფასი და არ იღებენ. მათი საბუთები გადაამონმე, მათ განთავისუფლებაზე კათედრის გამგეებიც კი არ ანერდნენ ხელს. მივხვდი, რომ არ უნდათ, აიღონ პასუხისმგებლობა და პროფკავშირების სამსახურით ცდილობენ მოცილონ ზვიადის მომხრეები უნივერსიტეტიდან. მე დიდი ჩხუბი ავტეხე, თუმცა უმეტეს მათგანს პირდადარ ვიცნობდი. მე განვაცხადე: როდესაც ზვიად გამსახურდი-

\* ცხადია, ამას ითხოვდა ხელისუფლება.



ამ აილო სამტრედია და აქ თბილისში ძალიან ბევრი კანკალეზა შიშისგან, მაშინ მე თანახმა ვიქნებოდი მათი სამსახურიდან გათავისუფლებაზე. როცა დაილუპა ზვიად გამსახურდია, მაშინ გავაჟკაცდნენ ზოგიერთები და ზვიადისტებს სამსახურიდან ათავისუფლებენ. თუ ისინი ოთხი თვე არ დადოდნენ სამსახურში, მაშინ რას აკეთებდნენ კათედრის გამგე და დეკანი? რატომ არ გაანთავისუფლეს ისინი ადრე? მე მოვითხოვე, რომ სხდომა გადაგვედო და მოგვეწვია კათედრის გამგეები. დღეს ედუარდმა მოთხრა, რომ გუშინ დაუბარებია რექტორს და ძალიან გაბრაზებულა\*, უკითხავს, ვინ არიან პროფკავშირის პრეზიდენტის წევრები? ედუარდს დაუსახელებია. რა თქმა უნდა, რექტორი მიხვდებოდა, რომ ჩემს გარდა არავინ გამოვიდოდა წინააღმდეგი. მარტო ელიზბარ ჯაველიძის და სხვების გამო კი არ ვიკლავ თავს, აქ ჩემი ღირსების საკითხი დგას. გავა წლები, მე ცოცხალი არ ვიქნები და ჩემ შვილებს შეიძლება უთხრან: მამაშენმა ხელი მოაწერა პროფესორ-მასწავლებლების უნივერსიტეტიდან გაძევებასო.

ვკითხულობ გაზეთ „კოლაჟს“. დაბეჭდილია ინტერვიუ დიმა ჯაიანთან. მე მომყავს ადგილები მისი საუბრიდან, რომელსაც აბსოლუტურად ვეთანხმები: „საქართველოში უზარმაზარი მათია მუშაობს. ამერიკაში ჯერ სახელმწიფო შეიქმნა და შემდეგ მათია. საქართველოში ჯერ მათია შეიქმნა და ახლა უნდათ სახელმწიფოს შექმნა. ასე არაფერი გამოვა. მე ვსაყვედურობ ხოლმე სახელმწიფოს მეთაურს, რომ მან ვერ შეადგინა ის გუნდი მის გვერდით რომ იდგებოდა. „მოქალაქეთა კავშირი“ ბევრი კარგი ადამიანია, მაგრამ ბევრმა საკუთარი გამორჩენისთვის მოიყარა თავი იქ. თუ არ მოხდა მათგან განმეხდა, კომპარტიაზე უარეს პარტიას მივიღებთ. ერთი კი ნამდვილად შემოძლია ვთქვა: ახალი კავშირის ლიდერი ვაჟკაცი კაცია. დღეს საქართველოში საოცარი

ბოროტება ბოვინობს. უცნაური ხალხი ვართ საერთოდ. საშუალო არ გაგვარჩინა – ან გარენრები ვართ, ან ძალიან კარგები.

## 28 იანვარი

გუშინ შედგა თსუ პროფკავშირების პრეზიდენტის გაფართოებული სხდომა. ჩემი მოთხოვნით, მას დაესწრნენ კათედრის გამგეები და დეკანები, აგრეთვე კადრების განყოფილების გამგე პალატი ჯინჯოლავა. რამდენიმე კაცის საკითხი ადვილად გადაწყდა, რადგან ისინი, გაჭირვების გამო, ოჯახებით იყვნენ ნასულები რუსეთში სამუშაოდ.

დოჭვირის საქმეზე ხმა ვერ ამოვიღე, რადგან კათედრის გამგეს და დეკანს ყველა ღონე უხმარიათ: შეუტყობინებიათ, რომ გამოცხადებულიყო სამსახურში, მიუციათ საყვედური, უკანასკნელი საყვედური, დაბოლოს, ისე დაკავშირებინა, რომ დაბრუნებულიყო სამსახურში, მაგრამ უარი უთქვამს. ასეთივე ზომები გაუტარებიათ ბიმურზა აფრასიძის მიმართაც, რის გამოც მისი დაცვაც არ მოხერხდა.

ბოლოს მოიტოვეს ყველაზე მთავარი – პროფესორ ელიზბარ ჯაველიძის საკითხი. საქმე ისაა, რომ წინა სხდომებზე მხოლოდ სექტემბრის თვის ბიულეტენი იყო წარმოდგენილი, არ იყო სამი თვის ბიულეტენი. რადგან წინა სხდომაზე მე არ მივეცი თანხმობა ელიზბარის განთავისუფლებაზე, მეორე დღეს მოიტანეს ელიზბარ ჯაველიძის სამი თვის ბიულეტენი. მე ისეთი თვალთმყურებდნენ, თითქოს ელიზბარი მე გავაფრთხილე და მოვატანინე ეს ბიულეტენები. სხდომაზე აღნიშნეს, რომ ჯობდა წინა სხდომაზე გაგვეთავისუფლებინა ჯაველიძეო.

კათედრის გამგემ ნოდარ ჯანაშიამ თქვა, რომ ელიზბარ ჯაველიძის მიღებაზე მას საერთოდ ხელი არ მოუწერია, ისე მიიღო

\* ჩემთვის აკად. როინ მეტრეველს არც შენიშნა მოუცია და არც არაფერი უგრძობიანებია.

თვითონ რექტორმაო. პალადი ჯინჯოლაეამ აღნიშნა, რომ ჯაველიძის ბიულეტენი არის 11 იანვრამდე, დღეს კი 27 იანვარია, ამიტომ გაავათავისუფლოთო. იურისკონსულტმა აღნიშნა, რომ იურიდიულად მის განთავისუფლებისთვის ყველა საბუთი არსებობს, წარმოდგენილია ფაკულტეტის სამეცნიერო საბჭოს სხდომის ოქმი. ამის შემდეგ საკითხი დააყენეს კენჭისყრაზე. შეიძმა კაცმა ხმა მისცა ელიზბარ ჯაველიძის განთავისუფლებას. მე და გეორგი თენგიზ ჯანჯოლაეამ თავი შევიკავეთ. მე მოვითხოვე სიტყვა და ვითხოვე ჩემი სიტყვა ოქმში შეეტანათ. მე აღვნიშნე, რომ ელიზბარ ჯაველიძეს ცხოვრებაში შევხვედრივარ მხოლოდ ერთხელ. თუ უნივერსიტეტის ადმინისტრაცია ამტკიცებს, რომ ელიზბარ ჯაველიძეს ყველა კანონის დაცვით ეკუთვნის უნივერსიტეტიდან განთავისუფლება, ეს გაფორმდეს ოქმში. რაც შეეხება ჩემს პოზიციას, მე არაკაცურად მიმაჩნია დღეს ამის გაკეთება, რადგან ყველამ იცოდა, რომ პროფესორი ელიზბარ ჯაველიძე ადრეც არ დადიოდა სამსახურში. თუ უნდოდათ, მაშინ გაენთავისუფლებინათ, როდესაც ზვიად გამსახურდიამ სამტრედია აიღო, მაგრამ ვერ გაბედავს. მაშინ მეც თანახმა ვიქნებოდი და ეს ვაჟაკურიც იქნებოდა. ახლა, როდესაც გაიგეს, რომ ზვიად გამსახურდია ცოცხალი აღარ არის და მისი მომხრეების გამარჯვების შანსი აღარ არის, ყველა გავაჟაკადა. მე დამარცხებულ კაცს ნიხლს ვერ დავაჭერ. ვიმეორებ, რომ ელიზბარ ჯაველიძეს ცხოვრებაში შევხვედრივარ მხოლოდ ერთხელ. ამიტომ ვიკავებ თავს. ამით დამთავრდა სხდომა. ალბათ, რექტორს ამბავს მიუტანენ, მაგრამ ამას ჩემთვის არავითარი მნიშვნელობა არა აქვს. ამ ცხოვრებაში ღირსებისა და კაცობის მეტი არაფერი დამრჩა და ამის წართმევაც უნდათ. მთელი უნივერსიტეტი დღეს ჩემზე ლაპარაკობდა, რომ მე „ზვიადისტებს“ ვიცავ. რა პრიმიტიული გახდა უმრავლესობა!

დღეს გამოაცხადეს, რომ რუსთაველი საპარტიკმახეროში ააფეთქეს რუსთაველი „საძმოს“ მეთაური თემურ ტალახაძე. ეს ცნობილი პიროვნებაა. ის გამოიყენეს ზვიადის წინააღმდეგ.

### 30 იანვარი

დღეს გადაცემაში „სალამო მშვიდობისა“ გადაიცა ინტერვიუ ვალტერ შურლაიასთან. ჯერ აჩვენეს მისი გამოსვლა 1992 წლის 30 ივნისს. მან აღნიშნა, რომ მაშინ, როდესაც მიტინგზე გამოვდიოდი, გულწრფელი ვიყავი. 24 ივნისის შემდეგ მე არცერთ სამხედრო ოპერაციაში, ასევე არც პოლიტიკურ საქმეებში არ ვმონაწილეობდი.

ნ. ჯაფარიძე: რატომ აღგიდგინეს დემუტატობა?

ვ. შურლაია: როცა მე აღმადგინეს ზუგდიდში, მაშინ ზვიად გამსახურდია არ იყო ზუგდიდში.

ნ. ჯაფარიძე: რა იცით ზვიადის სიკედილის შესახებ?

ვ. შურლაია: მე მხოლოდ ეჭვი მაქვს, რომ თავს არ მოიკლავდა.

შემდეგ გადაიცა ინტერვიუ ზაურ ქობალიასთან.

ნ. ჯაფარიძე: თქვენ იყავით უზენაეს საბჭოში ადამიანის უფლებათა დაცვის კომისიის თავმჯდომარე, შემდეგ დაუმორჩილებლობის კომიტეტის თავმჯდომარე.

ზ. ქობალია: ჩემს კომპეტენციაში შედიოდა პოლიტიკური საკითხები, მიტინგების მონაწილეობა და ა. შ.

ნ. ჯაფარიძე: თქვენ თვლით, რომ დამნაშავე არა ხართ?

ვ. შურლაია: განსხვავებული აზრის გამო თუ აპატირებენ, კი ბატონო.

ნ. ჯაფარიძე: ვინ აფეთქებდა ხიდებს?

ვ. შურლაია: ჩვენთვის უცნობია.

ნ. ჯაფარიძე: გია გულუა რომ დააპატიმრეს?

ვ. შურღაია: ჩვენ ვგმობდით.

ნ. ჯაფარიძე: იარაღი საიდან გქონდათ?

ვ. შურღაია: ეახტანგს მოლაპარაკება პქონდა კიტოვანთან, ჩამოდიოდა დათუამვილი.

კორესპონდენტი კაცი: - იცით, რომ ქობალიას ხალხმა დახვრიტა, მაგალითად, ყურნალისტი დათო ბოლქვაძე?

ზ. ქობალია: ჩემთვის უცნობია.

ნ. ჯაფარიძე: თქვენ მთავარი მონინაალმდევე იყავით, რომ სამეგრელოდან წასულიყვნენ მოხალისეები აფხაზეთში.

(აჩვენეს კადრები, როდესაც გოგა ხინდრაია ჩასული იყო ზუგდიდში და ესაუბრებოდა ზურ ქობალიას).

ნ. ჯაფარიძე: რა იცით გამსახურდიას სიკედილის შესახებ?

ზ. ქობალია: მე მხოლოდ საინფორმაციო საშუალებიდან გავიგე.

აჩვენეს ჯოხარ დუდაევის გამოსვლა, რომელმაც ძალიან აქო ზვიად გამსახურდია. მან აღნიშნა, რომ ესმოდა, რასაც ქართველი ხალხი განიცდიდა, იმის გამო, რომ მისი პირველი პრეზიდენტი უნდა დასაფლავებულიყო ჩეჩნეთში.

ინტერვიუ მურმან ომანიძესთან.

მამუკა არეშიძე: ბატონო მურმან, რატომ არიდებთ თავს ყურნალისტებს?

მ. ომანიძე: იმიტომ, რომ ყურნალისტები ყოველთვის კვეცავენ ინტერვიუებს.

მ. არეშიძე: ბატონი ასლანი ამბობდა, რომ მეკითხებოდნენ საიდან ხარო და როცა ეპასუხობდი, მეუბნებოდნენ: შევარდნაძის ქვეყნიდანო?

მ. ომანიძე: მართალია, მეც ასეთი ამბავი შემემთხვა ფილიპინებზე.

მ. არეშიძე: თქვენთვის თბილისი რა არის?

მ. ომანიძე: გულის ნაწილი.

მ. არეშიძე: ბატონო მურმან, შვილიშვილი რომ შეგეკითხოთ, რა გააკეთეთ თბილისისთვისო?

მ. ომანიძე: მე გაეკეთე, რაც შემეძლო და კიდევ მინდა, მაგრამ არ მაკეთებინებენ. აბსოლუტურად სწორია მურმან ომანიძე. მან 600 ათასი დოლარი აჩუქა საქართველოს მაშინ, როდესაც ახლა უმაღლესი ემელონების ნარმომადგენლები გადასულნი არიან იმაზე, რამდენი ნაგლიჯონ ქვეყანას.

## 1 თებერვალი

დღეს გაეროს უშიშროების საბჭომ განიხილა აფხაზეთის საკითხი. გაეროს დამკვირვებლებს 7 მარტამდე გაუგრძელეს ვადა, რათა ისინი დარჩნენ კონფლიქტის ზონაში. უშიშროების საბჭომ მოუნდა ორივე მხარეს, განაგრძონ მოლაპარაკება აფხაზეთის სტატუსის შესახებ, საქართველოს ტერიტორიული მთლიანობის დაცვის საფუძველზე. უშიშროების საბჭოს არ განუხილავს საკითხი რუსების ჯარებისთვის სამშვიდობო ძალების სტატუსის მინიჭების შესახებ. ხვალ, ერთი დღით ადრე ბორის ელცინამდე, ჩამოდის გრაჩოვი. დღეს „ნოვოსტიმ“ გადმოსცა ცნობა, რომ გადადგა თავდაცვის მინისტრი გია ყარყარაშვილი, მიზეზები ცნობილი არ არის. საქართველოს ტელევიზია არაფერს გადმოსცემს. თუ ეს მართალია, და ალბათ მართალია, ეს დაკავშირებულია გრაჩოვის ჩამოსვლასთან. საქმე ისაა, რომ გია აღარ ჭირდებათ. ის გამოიყენეს ზვიად გამსახურდიას ნინალმდეგ, ახლა კი ჭირდებათ მორჩილი გენერალი, რომელსაც, რასაც ეტყვიან, იმაზე მოანერს ხელს. მე, პირადად დიდ პატივს ვცემ ვიას, მის ვეაუკაცობას, ალალ-მართლობას. ის მხოლოდ 27 წლის არის, მისი დრო კიდევ მოვა. ვიმეორებ: ახალმა თაობამ საბოლოოდ უნდა გადაარჩინოს საქართველო. გოგუაძეს, ფაცაცისა, მარგიანს, რომლებიც დღეს მთავრობაში არიან, არ შეუძლიათ საქართველოს გადარჩენა.

### 3 თებერვალი

დილით გადმოსცემენ ბორის ელცინის ჩამოსვლას თბილისში.

გუშინ „ნოვოსტიმ“ გადმოსცა, რომ რუსეთის სახელმწიფო სათათბირომ ერთსულოვნად მოითხოვა, რომ ბორის ელცინი არ ჩავიდეს საქართველოში და თუ ჩავა ხელი არ მოაწეროს საქართველოსთან ხელშეკრულებას. საქმე ის გახლდათ, რომ აფხაზეთის უზუნაესმა საბჭომ და „სამხრეთ ოსეთის“ უმაღლესმა საბჭომბა მიმართვა გაუგზავნეს რუსეთის სახელმწიფო სათათბიროს.

„ნოვოსტიმ“ გადმოსცა ბორის ელცინის სიტყვები თბილისში გამოფრენის წინ. მან აღნიშნა, რომ ხელშეკრულებას ხელს მოვანერო, მაგრამ რატიფიკაციას არ მოვახდენთ, ვიდრე აფხაზეთის და სამხრეთ ოსეთის პრობლემა არ გადაწყდება. შუქი გამოიხროთ და ვეღარ ვუყურებ ტელევიზორს, შემდეგ განვაგრძობ.

სალამოს შუქი ჩაირთო. ბორის ელცინის ჩამოყენენ თბილისში: ანდრეი კოზირევი, პავლე გრაჩოვი, მოსკოვის და პეტერბურგის მერები – იური ლუჟკოვი და ანდრეი სობჩაკი, ჩერნომირდინის პირველი მოადგილე სოსკოვეცი.

ანდრეი კოზირევმა აღნიშნა, რომ ეს ხელშეკრულება სტიმული უნდა იყოს რატიფიკაციამდე. შემდეგ გამოვიდნენ გურამ ნიკოლაიშვილი და პაატა დათუაშვილი, გრაჩოვმა თქვა, რომ ვსაუბრობდით რუსეთის სამხედრო ბაზების შესახებ, რომელთაც მანდატი არ გააჩნიათ.

16 საათისთვის ბორის ელცინი ეწვია უნმინდეს და უნეტარეს, სრულიად საქართველოს კათალიკოს-პატრიარქს ილია II-ს.

ბორის ელცინმა და ედუარდ შევარდნაძემ პრესკონფერენცია ჩაატარეს. შემდეგ ისინი წავიდნენ მეცნიერებათა აკადემიაში. პრესკონფერენციაზე ბორის ელცინმა განაცხადა: „ჩვენი ხალხი ერთი ბედით არის დაკავშირებული, ჩვენი ურთიერთობა მტკი-

ცვა. რუსები იცნობენ ილია ჭავჭავაძეს, ჩვენ მოვანერეთ ხელი ორ ქვეყანას შორის „მეგობრობისა და თანამშრომლობის“ ხელშეკრულებას, რომელსაც დიდ მნიშვნელობას ვანიჭებთ... უნდა აღვადგინოთ ეკონომიკური, კულტურული ურთიერთობანი. რუსეთი მზად არის დაეხმაროს ლტოლვილებს. ჩვენ მივმართეთ გაეროს და რუსეთის არმია მზად არის მონაწილეობა მიიღოს ლტოლვილების დაბრუნებაში.

ედუარდ შევარდნაძემ აღნიშნა: ეს ხელშეკრულებანი ხელს შეუწყობს ორ ქვეყანას შორის ერთიერთობის განვითარებას. განვიხილეთ სამხედრო საკითხებიც, ჩვენ შევთანხმდით ბაზურ სისტემაზე, მოვანერეთ ხელი პროტოკოლს, რომ გადავიდეთ ამ სისტემაზე. მთავარი საკითხი არის აფხაზეთი. განვიხილეთ „სამხრეთ ოსეთის“ საკითხი, მე ვუთხარი, რომ მიზეზები არ არსებობს, რომ ეს საკითხები არ გადავწყვიტოთ.

მოსკოველი კორ.: რას იტყვოდათ საქართველოსთვის კრედიტების გამოყოფაზე და საქართველოსსამანეთო ზონაში შესვლის შესახებ?

ბორის ელცინმა უპასუხა, რომ კრედიტების საკითხი გადაწყდა მთავრობების დონეზე, რაც შეეხება სამანეთო ზონას, შევთანხმდით, რომ ეს ძნელი საკითხია და რომ უნდა შეიქმნას ჯგუფი, რომელიც შეისწავლის ამ საკითხს, რათა არცერთი მხარე ამით არ დაზარალდეს.

„იბერეიზია“: რატომ უყურებს რუსეთის სათათბირო ასე უარყოფითად ამ ხელშეკრულებას?

ბ. ელცინი: სახელმწიფო სათათბიროში ამის შესახებ მიდის დისკუსიები, მე იმედი მაქვს, რომ სათათბირო პოზიტიური იქნება ამ საკითხის მიმართ.

„ინტერფაქსი“: როგორ შეუწყობს ხელს ეს ხელშეკრულება მშვიდობას მთელ კავკასიაში?

ბ. ელცინი: თუ არ დავარეგულირეთ აფხაზეთის და „სამხრეთ ოსეთის“ საკითხები, ძნელი იქნება შემდგომი ურთიერთობანი.

აფხაზეთის და „სამხრეთ ოსეთის“ წარმომადგენლებმა იმუშაონ საქართველოს კონსტიტუციის მიხედვით (შეიძლება ბოლო ფრაზა ზუსტად ვერ ჩაენერე – მ. ვ.).

**ედუარდ შევარდნაძე:** მე ვეთანხმები ელცინს. საქართველო ყველაზე მეტად არის დაინტერესებული ამ საკითხის გადანყვეტით.

**„საქინფორმი“:** როგორ აფასებენ უშიშროების საბჭოს რეზოლუციას?

**ბ. ელცინი:** რეზოლუცია შეესაბამება როგორც აფხაზეთის და საქართველოს, აგრეთვე რუსეთის ინტერესებს.

**მედვედევი** („ოსტანკინოს“ ტელევიზიიდან): აფხაზეთი შეშფოთებულია, რომ რუსები არ დაეხმარონ საქართველოს არმიას.

**ბ. ელცინი:** დახმარება არის მინიმალური, ჯარის ნაწილების რაოდენობაც, ეს არც დღეს ხდება და არც ხვალ იმისდამიხედვით, თუ როგორ განვითარდება მოვლენები, კონტროლს გაუწევთ. ეს არმია არის საქართველოსი, ე. ი. აფხაზეთისაც და „სამხრეთ ოსეთისაც“.

**კორესპონდენტი ბახტაძე:** რას იტყვით, საქართველომ ხომ დამოუკიდებლობა გამოაცხადა, ახლა კი დათმობებზე მიდის?

**ედუარდ შევარდნაძე:** კომპრომისების გარეშე არ შეიძლება. დღეს თბილისში, საკუთარ სახლში, ნიკოლოზ აზიზბეკოვის 17-ში ააფეთქეს სამხედრო მინისტრის მოადგილე ნიკუშა კეკელიძე. აფეთქება იმდენად ძლიერი იყო, რომ რამდენიმე ათეული სახლი დაზიანდა. აფეთქების მეორე ვარიანტიც იყო, როდესაც იქ მივიდა ხალხი, 12 საათსა და 50 წუთზე, მეორე ბომბი აფეთქდა. მცირე კონტუზია მიიღო გია ყარყარაშვილმა. ზუსტად არ ვიცი, მაგრამ ამბობენ, რომ მასთან ერთად დაიღუპა ვიკა პირტახია, ჩემი კარგი ნაცნობის და კარგი კაცის, რომან პირტახიას ქალიშვილი.

## 5 თებერვალი

ხელშეკრულების ტექსტი არ გამოქვეყნებულა, ამიტომ მიჭირს საუბარი.

დღეს „იერია-ექსპრესში“ არის ირაკლი ბათიაშვილის ძალზე საინტერესო წერილი „მანკიერი წრე“. გაგრძელება იქნება შემდეგ ნომერში. აღმოჩნდა, რომ აფხაზეთში შესულამდე, 1992 წლის აგვისტოს, თუ არ ვცდები, 12-ში თუ 13-ში ედუარდ შევარდნაძის მეთაურობით შეკრებილან ძალისმიერი სამინისტროების ხელმძღვანელები, პრემიერ-მინისტრი და სახელმწიფო საბჭო, სადაც უმრავლესობამ მხარი დაუჭირა აფხაზეთში შესვლას. გია ყარყარაშვილისთვის წინა დღეს უთქვამთ, რომ აფხაზეთში შედიოდნენ, რაც შეეხება შტაბის უფროსს ცქიტშიველს, მას ყოველივე მეგობრებისგან შეუტყვია.

ამ სტატიაში არის ეროვნული მოძრაობის ისტორია და ამდენად ძალიან საინტერესოა.

## 7 თებერვალი

სალამოს 9 საათზე „ნოვოსტიმ“ გადმოსცა, რომ საქართველოს და ჩეჩნეთის მთავრობები შეთანხმდნენ, რომ ექსპერტიზის გარეშე გადაასვენებენ ზვიად გამსახურდიას ჩეჩნეთში.

## 9 თებერვალი

დღეს გაგრძელებაა ირაკლი ბათიაშვილის სტატიისა — „მანკიერების წრე“. ირაკლი სწორად ამბობს, რომ 1991-1992 წლების დეკემბერ-იანვრის მოვლენებიდან დაიწყო კრიმინალური ელემენტების გაბატონება. ის აღიარებს თავის შეცდომას და თვლის, რომ არ უნდა ნასულიყო ზვიადის

წინააღმდეგ. სამწუხაროდ, მეც ვერ გავაცნობიერე ზვიად გამსახურდიას დამხობის შემდეგ, თუ რა საშიში ძალა მოვიდოდა.

სტატიის ბოლოს ირაკლი სწორად შენიშნავს, რომ წესრიგის დამყარება უნდა დაიწყოს „უვეითაც“, რადგან, როდესაც მოქალაქე ხედავს, რომ სახელმწიფოს ყაჩაღები განაგებენ, იგი მთლიანად გულაცრუებული ან პოტენციური ყაჩაღია. კრიმინალური ხელისუფლება თავად არის ქვეყანაში საყოველთაო დანაშაულებრივი სიტუაციის გამეფების მიზეზი. ჩვენ გვჭირდება ახალი პოლიტიკური ძალა, რომელიც თავად გათავისუფლებულია კრიმინალურ-მაფიოზური ჭჭყისგან, ქვეყანაში დამყარებს წესრიგს, პასუხისმგებლობას და დისციპლინის ატმოსფეროს, რომელიც არ იქნება შიდა ქართული სამკვდრო-სასიცოცხლო კონფორტაციის ობიექტი.

## 11 თებერვალი

დღეს ერთმანეთს შეხვდნენ ედუარდ შევარდნაძე და გია ყარყარაშვილი. საუბარი ერთ საათს გაგრძელდა. მერე გიამ პრესკონფერენცია გამართა და ძალიან კაცურად და ვაჟკაცურად თქვა, რომ, როცა რუსები აპირებდნენ შემოსვლას სოხუმში, მე წინააღმდეგი წავიდი და გარკვეული ბრალი მიმიძღვის 250 ათასი ლტოლვილის წინაშე. ეს ვაჟკაცური სიტყვა იყო და გიამ არ გადააბრალა ედუარდ შევარდნაძეს, მით უმეტეს, რომ მარტო მას არ მიუღია ეს გადაწყვეტილება. გიამ განაცხადა, რომ აპირებს სასწავლებლად წასვლას. ალბათ, სწორი გადაწყვეტილებაა, რადგან ამ მთავრობაში გიამ ადგილი არ არის, ის მომავლის კაცია, როცა მოვა ახალი თაობა, რომელიც მართლა გადაარჩენს საქართველოს. გია სულ 26 წლის არის, ოთხი-ხუთი წლის შემდეგ ის იქნება ბრწყინვალე გენერალი, რომელსაც ისურვებდნენ მსოფლიოს საუკეთესო არმიები. თუ ცოცხალი დაერჩი, კიდევ ენახავ გიას

თავის თანამდებობაზე. თუ ეს ასე არ მოხდება, მინდა ჩემმა შეილებმა გადასცენ გიას, რომ მე მას დიდ პატივს ვცემდი, თუ არადა მინდა, როცა ჩემი შეილები წაიკითხავენ ჩემს ჩანაწერებს გიას გადასცენ, რომ მე დიდ პატივს ვცემდი მას და მის დაღუპულ ძმას – გოჩას.

## 15 თებერვალი

თბილისი მკვდარ ქალაქს დაემსგავდა. აცივდა, თოვლი მოდის. ხალხი ძირითადად ფეხით თუ დადის, რადგან ტროლეიბუსი და ავტობუსი საერთოდ არ მოძრაობს. შუქი გრაფიკითაა, დილის 6 საათიდან 8 საათამდე და ღამის 10 საათიდან 12 საათამდე. გათბობაზე და ცხელ წყალზე ფიქრსაც დიდი ხანია თავი დავანებეთ. ძირითადად შინ ვართ, ლოგინში ვწევართ, რომ არ გავიყინოთ. უნივერსიტეტში რამდენიმე საათით მივიდივარ. იქ საერთოდ საყინულაა. რომ არ გავიყინოთ, დერეფანში დავდივართ ჩქარი ნაბიჯებით. სკოლებში სწავლა შეწყდა.

7 თებერვლიდან აფხაზეებმა შემოუტიეს გალის სოფლებს. გამოჩნდა დევნილების ახალი ნაკადი, რომლებიც თოვლში გადადიან წალენჯიხის რაიონის სოფელ ჯვარში. გზაში ხალხი იღუპება. სიკვდილი აღარაფერს ნიშნავს, გულებიც გაგვეყინა და გაგვიქვავდა. საქართველო კატასტროფის წინაშეა. თუ ასე გაგრძელდა, დავიღუპებით. შევარდნაძემ გუშინ რადიოინტერვიუში განაცხადა, რომ, თუ გაერო დროზე არ მიიღებს ზომებს, მაშინ საქართველო იძულებული იქნება რუსეთს მისცეს სამშვიდობო სტატუსი, რადგან მოკლენები უმართავი გახდება. დაინყვანა სისხლისღვრა, რომლის შეჩერებაც შეუძლებელი იქნება. აფხაზები უკვე მოითხოვენ, რომ რუსეთის ჯარები განლაგდნენ მხოლოდ მდინარე ენგურთან და არა მთელ აფხაზეთში, რაც ნიშნავს იმას,

რომ ვერცერთი დევნილი ველარ შვეა აფხაზეთის ტერიტორიაზე.

ავიწყდებათ, რომ გავა დრო და ისტორია ყველას მიუჩენს თავის ადგილს...

## 18 თებერვალი

გუშინ, ღამით აჩვენეს, თუ როგორ გახსნეს ზვიად გამსახურდიას კუბო. მას ეცვა შავი კოსტიუმი. გული შემინუხდა, ძალიან შემეცოდა. მისი ცხოვრება ნამება იყო და ნამებითვე დამთავრდა. არ ეღირსა დასაფლავება მამის გვერდით. მოვა დრო და ზვიადს გადმოასვენებენ თბილისში და პატივს მიაგებენ, როგორც დამოუკიდებელი საქართველოს პირველ პრეზიდენტს.

ხელისუფლებას დიდი სურვილი აქვს, რომ მთელი ტრაგედია, რაც საქართველოში დატრიალდა, ზვიად გამსახურდიას დააბრალოს და თვითონ ანგელოზები გამოვიდნენ.

## 24 თებერვალი

დღეს ჩეჩნეთში აღინიშნა ჩეჩენი და ინგუში ხალხების დეპორტაციის 50 წლისთავი. პრეზიდენტმა პოჯარ დუდაეემა გროზნოში ჩაატარა სამხედრო აღლუმი. ამავე დღეს გროზნოში დიდი პატივით დაასაფლავეს საქართველოს პირველი პრეზიდენტი ზვიად გამსახურდია. ზვიად გამსახურდიას ნესი აუგეს მეუფე ამბროსიმ (ქათამაძემ) და მღვდელმა კონსტანტინემ (კოლუაშვილმა). მეუფე ამბროსის ეკუთენის შესანიშნავი სიტყვები: „ზვიად გამსახურდია იყო უგვირგვინო მეფე, უანაფორო მოძღვარი და სწორუპოვარი რაინდი“.

(პირველი ნიგნის დასასრული)

ა

აბაკელია ვაჟა 97  
 აბალაი გივი 136  
 აბაშიძე ასლან 111, 119, 142, 155, 158-160, 175-177, 196, 200, 205, 219  
 აბაშიძე ირაკლი 85  
 აბსანძე გურამ 67, 203  
 ადამია ვაჟა 23, 57, 59-61, 64, 65, 69, 83, 117, 118, 122, 136, 138, 143, 152, 154  
 ადამია რეზო 136  
 ადეაძე ვალერიან 51, 56, 136, 137, 194  
 ავალიშვილი გია 163  
 ავსაჯანიშვილი ეთერ 35  
 აღასანია მამია 127, 183  
 ალექსიძე 31  
 ალექსიძე გოგი 33  
 ალექსიძე ზაზა 186  
 ალექსიძე ლევან 33, 49, 53, 57, 105, 130, 131, 142, 144  
 ალიევი ჭეიფარ 180, 189, 190  
 ამალლობელი არჩილ 132  
 ამალლობელი ნოდარ 31, 45, 53, 57, 132  
 ამბუკელი რეზო 192, 196, 202  
 ამბროსი, მეუფე (ქათამაძე) 223  
 ამირეჯიბი ირაკლი 140  
 ამირეჯიბი ჭაბუა 83, 84, 86, 133, 140, 166  
 ანდრიაძე ზურაბ 136  
 ანდრიაძე ირაკლი 109  
 ანთაძე კოტე 32  
 ანჭავაძე ალექსანდრე 123  
 ანჯაფაროძე რომიკო 189  
 არეშიძე მამუკა 183, 184, 219  
 არველაძე (მინისტრი) 141  
 არველაძე გიგა 126  
 აროშიძე გურამ 31  
 არჩვაძე-გამსახურდია მანანა 88, 90, 109, 215, 216  
 არძინბა ვლადისლავ 17, 88, 91, 96, 99, 102, 123, 127-129, 137, 166, 173, 182  
 ასათიანი აკაკი 54, 58, 62, 65, 70, 75, 79, 83, 95, 103, 104, 142, 152, 154, 164, 170  
 ასათიანი ვალერი 37  
 აფაქიძე ანდრო 45, 88  
 აფაქიძე მერაბ 131  
 აფრასიძე ჰიმურზა 216, 217  
 აფრიდონიძე შუქია 166

აფციაური დათო 149  
 აფციაური შმაგი 109  
 აფციაური ჯემალ 145, 156, 157  
 ახვლედიანი ზურაიკო 70

ბ

ბაბლუანი თემურ 79  
 ბაბუნაშვილი გია 33  
 ბადრიძე შოთა 39  
 ბათიაშვილი ირაკლი 59, 107, 108, 127, 143, 144, 149, 157, 165, 180, 186, 190, 221, 222  
 ბაკურია ცოტნე 117  
 ბარამიძე გიორგი 144  
 ბარდაველიძე ბეჟან 53  
 ბასილია თემურ 136, 139, 154  
 ბაქრაძე აკაკი 8, 12, 32-34, 39, 41, 50, 51, 60, 77, 78, 82, 141, 146, 155, 172, 174  
 ბალაფში სერგეი 123  
 ბახია გოჩა 107, 109, 111  
 ბახტაძე (კორესპონდენტი) 221  
 ბახტაძე დემურ 40  
 ბეიკერი ჯეიმს 66, 91, 96, 98, 99, 121  
 ბეჟაევი 128  
 ბერაძე მერაბ 81  
 ბერიტაშვილი 53  
 ბერიძე ალექსანდრე 142  
 ბერიძე ვახტანგ 88  
 ბერიძე რუსუდან 133  
 ბერულავა გია 37-39, 45  
 ბერულავა ხუტა 83  
 ბერძენიშვილი დავით 62, 80, 133, 134, 143, 166, 176  
 ბლიაძე ნოდარ 35  
 ბობოხიძე აკაკი 165  
 ბოკუჩავა 203  
 ბოლქვაძე დავით 219  
 ბონერი ელენე 157  
 ბოცვაძე ზანდი 156  
 ბოჭორიშვილი ალექსანდრე 101  
 ბრუნერი ედუარდ 193  
 ბუაჩიძე თენგიზ 135  
 ბურკაძე (დეპუტატი) 63  
 ბურჭულაძე ვოვა 149  
 ბურჭულაძე ნემო 64, 67, 81



ბუში ჯორჯ 37, 111, 114  
ბუცხრიკიძე ელგუჯა 176

## გ

გაბაშვილი კოტე 39, 133, 136, 138, 141, 163, 168, 179, 180, 193  
გაბელაია ვალერი 137  
გაზდელიანი თენგიზ 136, 138  
გალაზოვი 121, 132  
გალი ბუტროს 216  
გამახარია ჯემალ 135  
გამსახურდია ზვიად 8, 10, 11, 13-15, 21, 23, 26-28, 36, 39, 49-52, 54, 56-62, 64-66, 68-71, 75-77, 79, 80, 82-92, 94-115, 117-119, 121, 123-128, 131-133, 135, 137, 142, 144, 151-153, 157-159, 163, 169-171, 177, 182, 183, 185-188, 190-192, 194-198, 202, 203, 207, 209, 213-219, 221-223  
გამსახურდია კონსტანტინე 107  
გამყრელიძე თამაზ 34, 35, 37, 38, 53, 57, 135-137  
გამყრელიძე ოთარ 34  
გელანტია ტარიელ 81, 85, 180, 203  
გელაშვილი ნაირა 123, 215  
გელბახიანი პეტრე 160  
გელოვანი გიზო 141  
გელოვანი ირაკლი 160  
გენშერი პანს დიტრიხ 117, 184  
გეასალია ომარ 79  
გვენცაძე რომან 81, 107, 117, 121, 124, 127, 138  
გვიმრაძე თემურ 58, 146  
გიგაური (აკადემიკოსი) 141  
გიგინეიშვილი მანანა 77  
გიორგაძე იგორ 190, 207, 208  
გიორგაძე მამუკა 49, 133, 134, 136, 142, 164, 166  
გიორგაძე ნოდარ 62, 70, 71, 80, 82, 134, 136, 138  
გიორგაძე პანტელეიმონ 136  
გიორგობიანი ბიძინა 66  
გოგელია არჩილ 105  
გოგია ზურაბ 136  
გოგიაშვილი მანანა 39  
გოგიაშვილი ომარ 39  
გოგოლაძე ლერი 189  
გოგოლიშვილი ვახტანგ 205  
გოგუაძე ემზარ 49

გოგუაძე ვარლამ 33  
გოგუაძე ვახტანგ 31-34, 36, 39, 45, 46, 109, 127, 131-135, 141, 154, 160, 161, 165, 168, 173, 174, 176, 179, 180, 215, 219  
გოდერძიშვილი გელა 128, 135, 143  
გოლეთიანი ჯემალ 82  
გორბაჩოვი მიხეილ 5, 8, 9, 23, 24, 25, 37, 38, 41, 53-55, 69, 87, 93, 171  
გოშაძე (ფილოლოგი) 35  
გოცირიძე ვასილ 135  
გოცირიძე რომან 61, 62, 64, 83, 140, 168  
გრაჩოვი პაველ 155, 159, 160, 167, 179, 181, 195, 219, 220  
გრომოვი ბორის 168  
გუგუშვილი ბესარიონ 50, 63-66, 75-79, 153, 176  
გულუა ბაკურ 76, 97  
გულუა გია 197, 218  
გუმბარიძე გივი 10, 45, 50  
გურგენიძე მიხეილ 141

## დ

დადიანი 117  
დავლაძე (ისტორიკოსი სტუდენტი) 32  
დათუაშვილი პაატა 219, 220  
დანვაძე ბიძინა 124  
დანელია კორნელი 40, 51  
დარასელი ზაზა 124  
დარჩიაშვილი დათო 36  
დემეტრაძე გოგი 39  
დეალი თამაზ 38, 69  
დევალიშვილი დემურ 141, 168  
დევალიშვილი მალხაზ 136  
დიასამიძე 81, 83, 142  
დიხამინჯია 58, 107  
დოლიძე (ფიზიკოსი) 81  
დოლიძე როსტომ 119, 136  
დოლიძე ქეთი 79  
დომუხოვესკი ვიქტორ  
დოჭვირი 216  
დუბჩეკლი ალექსანდრე 111  
დუდაევი ჯოპარ 89, 98, 99, 104, 106, 108, 112, 135, 155, 172, 206, 219, 223  
დუმბაძე ნოდარ 94  
დუნაევი 187

ებანოიძე გულიკო 33, 191  
 ევაძე ოთარ 39, 98  
 ელბაძიძე 174  
 ელიავა აკაკი 174, 175, 205  
 ელჩიბეი აბულფას 188, 190  
 ელცინი ბორის 23-25, 37, 53, 55, 57, 86, 87, 93, 94, 96, 97, 108, 112(სქ.), 113, 117, 120, 123, 124, 127-129, 132, 133, 153, 156, 157, 159, 161, 167, 171, 172, 179-181, 183, 186, 187, 189, 190, 219, 220  
 ენუქიძე გურამ 45  
 ეპიტაშვილი თენგიზ 68, 69, 80, 97  
 ერქვანია ზურაბ 204  
 ეფიშვილი 10

3

ვალენსა ლებ 4  
 ვარდანიანი 76  
 ვაშაყიძე გიორგი 176, 188  
 ვაშაყიძე ვალერი 136, 141  
 ვაჩნაძე თამაზ 55, 61, 117, 208  
 ვაჩნაძე მერაბ 36, 45, 92  
 ვუხუბაძე ზაზა 50, 207

ზ

ზანკალიანი მურთაზ 136  
 ზარანდია გოჩა 198  
 ზაქაიძე (თბილისის მოქალაქე) 52  
 ზეიკიძე დავით 169, 178, 206, 214  
 ზოიძე ოთარ 119

თ

თაბუკაშვილი ლაშა 78  
 თაბუკაშვილი რეზო 38, 39, 84  
 თავყელიშვილი ზურა 84, 149, 179  
 თედიაშვილი ლევან 182  
 თევზაძე გურამ 31, 34, 141  
 თევზაძე დავით 197  
 თოთმერია ლევან 31, 34  
 თირქია ლელი 135

იაზოვი დიმიტრი 38, 41  
 იაკოვლევი 57  
 იარუზელსკი ვოიცებ 4  
 ილია II (სრულიად საქართველოს კათოლიკოს პატრიარქი, უწმინდესი და უნეტარესი) 18, 46, 117, 178, 220  
 იმნაძე ავთანდილ 61, 64, 65  
 ინჯია ფრიდონ 141  
 იოსელიანი ავთანდილ 149  
 იოსელიანი არჩილ 136  
 იოსელიანი შატო 81  
 იოსელიანი ჯაბა 23, 27, 50-52, 70, 75, 82, 83, 86, 90, 91, 93, 97, 98, 100-102, 105-109, 119, 121-124, 126, 127, 131, 142, 144, 160, 163, 164, 166-168, 173-176, 178, 179, 185, 191, 193, 204, 207, 216  
 ირემაძე აკაკი 113  
 ისაკაძე თედო 7, 46, 50

კ

კახსაძე ალექსანდრე 60, 86, 117, 121, 193, 204  
 კაკაბაძე ირაკლი 46  
 კაკუბავა ბორის 96, 135, 140, 145, 146, 151  
 კაკუბავა ზაზა 140  
 კაკულია ნოდარ 137-139  
 კაკულია რეზო 60  
 კალანდია გენო 165-197  
 კამკამიძე 140, 150  
 კანდელაკი ვალიკო 81  
 კაპანაძე კოტე 208  
 კარანაძე 94  
 კარტერი ჯიმი 95  
 კახიანი ზაალ 83  
 კახნიაშვილი ჯემალ 40  
 კეკელია შალვა 134  
 კეკელიძე ნიკუშა 221  
 კელენჯერიძე გოჩა 117  
 კერვალიშვილი ზურაბ 141  
 კვანტალიანი თემური 49, 97, 105, 192  
 კვანტალიანი გივი 70,  
 კვანჭილაშვილი მალხაზ 58  
 კვანჭილაშვილი ტარიელ 46, 53  
 კვარაცხელია ვალერი 75, 76, 93, 94, 95, 101-104, 110, 113, 114, 119-121, 124, 125, 129, 130, 166

კვასხვადე ზევას 31, 50  
კვაჭანტირამე თამაზ 56, 152  
კვესიტამე გიორგი 141  
კვირიათა შოთა 190  
კვირიკამე ირაკლი 31  
კვიტიანიშვილი მერაბ 80  
კიკაბიძე ვახტანგ 76  
კიკალეიშვილი მამუკა 79  
კიკაჩიევილი თენგიზ 118, 130  
კიკაჩიევილი რატი 130  
კიქნაძე ზურაბ 31, 34, 35, 36, 45  
კიქნაძე მერაბ 81, 94, 107  
კიტოვანი თენგიზ 23, 27, 57, 60, 63, 68-70, 75-77, 82, 83, 86, 87, 89, 91, 100, 101, 105-107, 109, 111, 112, 121, 123, 124, 127, 128, 131, 138, 140, 142, 144, 149, 150, 153, 155, 156, 159-165, 167, 170, 173-175, 180, 184, 193, 215, 219  
კობალაძე კობა 185, 186  
კობახიძე ალექსი 136  
კობახიძე გიორგი 133, 143, 201  
კობერიძე ემზარ 128  
კოზირევი ანდრეი 112, 116, 125, 131, 168, 171, 190, 191, 194, 220  
კოლი ჰელმუთ 5  
კონდრატიევი 123  
კონსტანტინე, მღვდელი (კოლუაშვილი) 223  
კონსტანტინოვი ვლადიმერ 158  
კოპალეიშვილი თეიმურაზ 34  
კოპალიანი ემილ 31, 33, 34, 36, 68  
კოპალიანი ზურაბ 90  
კოპალიანი ჯუმბერ 50  
კოსტავა მერაბ 7, 8, 11, 36, 37, 39, 40, 51, 59, 64, 65, 79, 82, 100, 131  
კოლუაშვილი პაატა 124, 136, 176  
კოჩერტკოვი 9  
კრავჩუკი ლეონიდ 25, 161, 199  
კრეცი ეგორ 6  
კუპრეიშვილი 154  
კუპრეიშვილი დავით 176

## ლ

ლაბაძე მანანა 189  
ლაბახუა ზურაბ 166  
ლადო ბახტრონელი 52  
ლაქია გურამ 201  
ლანჩავა გელა 92, 118, 199  
ლაპიაშვილი გოგი 36

ლეთოდიანი დიმიტრი 163, 189  
ლეიკიშვილი ნიკო 136, 138  
ლეჭავა თემურ 49  
ლიგაშოვი ეგორ 41  
ლითანიშვილი ოთარ 76  
ლიპარტელიანი როინ 136  
ლობჯანიძე გივი 136  
ლომინაძე გივი 119, 123, 136, 138, 143  
ლომთური ნოდარ 69, 76, 110, 152, 162, 192, 196  
ლორთქიფანიძე გიგა 77, 88, 110, 134, 135, 138, 152  
ლორთქიფანიძე გოგი 61  
ლორთქიფანიძე გურამ 34, 49, 163  
ლორთქიფანიძე ვიქტორ 136  
ლორთქიფანიძე მარიკა 34-36, 58, 77, 88, 92, 93, 152, 188, 191  
ლორთქიფანიძე ნიკო 168

## მ

მაისურაძე ანზორ 70, 81, 82  
მაისურაძე გიორგი 36, 40, 50, 51, 61, 65, 79, 80  
მაკაშოვი 186, 187  
მამალაძე გია 40, 41, 46, 122, 198  
მამარდაშვილი მერაბ 94  
მარგველიშვილი პარმენ 32, 34, 38, 145  
მარგიანი აეთანდილ 141, 177, 219  
მარი გია 31, 39  
მარკოზია არკადი 92  
მარჯანიშვილი გიორგი 50, 63, 64, 68, 76, 153  
მალრაძე დავით 141  
მაჭავარიანი მუხრან 83, 157  
მახარაშვილი ბეგლარ 33  
მგელაძე გურამ 50  
მგელიაშვილი თემურ 136  
მეგრელაძე ირაკლი 85  
მელაშვილი ირაკლი 34, 38, 39, 58, 61, 62, 65, 83, 121, 133, 141, 161  
მელაძე ოლეგ 31, 142  
მენალარიშვილი ირაკლი 77, 142  
მენტეშვილი კახა 207  
მესხიძე 40  
მეტრეველი როინ 63, 65, 69, 88, 130, 217  
მელეცინე თუხუცესი ოთარ 75  
მეშველიანი კარლო 34, 56, 58, 65, 138, 163, 191

მილდინი ჯულიეტა 63  
მიმინოშვილი რომან 136, 138  
მიქელაძე ჯემალ 56  
მიშველაძე არიკო 188  
მიშველაძე რეზო 85, 116, 188  
მიხანაშვილი (დეპუტატი) 135  
მოდებაძე 166  
მოლოდინაშვილი ნუგზარ 50, 57, 90, 121, 125  
მურვანიძე 133, 136, 142  
მუსელიანი ვახტანგ 136  
მურჩიძე გურამ 76, 142, 149  
მჭედლიშვილი 45  
მჭედლიძე მიხეილ 81

## 6

ნადარია ნუგზარ 133, 136  
ნადარეიშვილი თამაზ 145, 146, 166, 170, 173  
ნადირაძე ელდარ 31, 37  
ნადირაძე მიმა 31  
ნაზარბაევი ნურსულთან 23, 38, 94, 101  
ნათაძე თენგიზ 70, 76  
ნათაძე მაია 63  
ნათაძე ნოდარ 7, 23, 31, 36, 38, 61, 62, 67, 81, 102, 107, 110, 136, 137, 140, 141, 143, 151, 165, 168, 174, 176, 190, 192, 202  
ნათელაშვილი შალვა 136, 137  
ნაირაშვილი ზ. 197  
ნაკაშიძე 142  
ნაროუშვილი 144  
ნებერიძე მზია 84  
ნებერიძე ნოდარ 61  
ნებერიძე-ვაჩნაძე მაია 38, 55, 84, 145  
ნიკოლაიშვილი გურამ 220  
ნიკოლეიშვილი გელა 136  
ნიკოლოზიშვილი ნიკო 46, 198  
ნინიძე თედო 62, 144  
ნინუა თამაზ 81  
ნიქაბაძე 35  
ნიშნინიძე შოთა 177, 192  
ნონიაშვილი 62  
ნონიკაშვილი ნოდარ 32, 33, 58  
ნოლაიდელი ზურაბ 137

## ო

ომანიძე მურმან 33, 57, 64, 71, 80, 158, 159, 177, 219  
ონიანი ნატო 192, 193  
ორჯონიკიძე იზა 121, 133, 142, 144, 166

## 3

პაატაშვილი თედო 58, 62-64, 83, 104, 135, 136  
პაპასკირი ზურაბ 174  
პაპუაშვილი 85  
პასტუხოვი ბორის 160, 171, 172, 182, 186, 204  
პატიაშვილი ჯუმბერ 9, 10, 32, 37, 38, 170  
პატკორია (ფურნალისტი) 109  
პეტრიანიშვილი გურამ 67, 84, 85, 196  
პირტახია ვიკა 221  
პირტახია რომან 221

## უ

უვანია ზურაბ (უცხოეთის განყოფილება) 34  
უვანია ზურაბ 33, 34, 35, 133, 135, 173, 177, 179  
უირინოვსკი ვლადიმერ 206  
უორფოლიანი თემურ 65, 99, 133, 136, 138, 165  
ულენტი ნუგზარ 139  
ულენტი სოსო 201, 203, 204

## რ

რაზმაძე ვახტანგ 77, 85, 94, 108, 117, 121, 126, 137  
რამიშვილი ოთარ 31  
რაფაეა მერაბ 107  
როგავა კუკუური 107, 110, 127  
როდიონოვი იგორ 9, 10, 32, 37-39, 84  
როინიშვილი პაატა 77  
რუდიკ ცატაეა 93  
რუცკოი ალექსანდრე 86, 123, 186, 187  
რუხაძე სერგო 136  
რჩეულიშვილი ვახტანგ 133, 177, 178  
რცხილაძე ავთანდილ 59, 60, 63, 67, 79, 196

**ს**

საკანდელიძე ანზორ 70  
 სალარიძე დავით 77  
 სალუქვაძე მინდია 62, 70  
 სანიკიძე გორდა 50  
 სანიკიძე ლევან 36, 50  
 სარიშვილი ირინა 45, 49, 58, 61, 80, 133,  
 137-139, 149, 164, 170, 173, 176  
 საყვარელიძე რამაზ 100  
 საყვარელიძე ფრიდონ 136, 138  
 სეფერთელაძე ზურაბ 52  
 სეფიაშვილი ჯემალ 107  
 სევანაძე გია 207  
 სიგუა თენგიზ 23, 27, 54, 56-58, 68, 75,  
 76, 81-83, 85, 86, 88, 90, 95, 96, 98-101,  
 106, 109, 124, 127-130, 132, 133, 135, 137-  
 140, 143, 159, 160, 163, 166-168, 172, 196,  
 209, 215  
 სიგუა სოსო 83  
 სილაგაძე ავთანდილ 141, 165  
 სიხარულიძე ზაზა 136, 138  
 სნეგური მირჩა 98, 101  
 სობჩაკი ანდრეი 41, 220  
 სოკოლოვი დავით 60  
 სოსლანიევი 166  
 სუმბათაშვილი 49, 133, 134  
 სურგულაძე აკაკი 66  
 სურგულაძე ირაკლი 76, 110  
 სხირტლაძე დათო 127

**ტ**

ტალახაძე ვახტანგ 58  
 ტალახაძე თემურ 218  
 ტალიაშვილი ირინა 62, 81, 85  
 ტერ-პეტროსიანი ლეონ 85, 86, 189, 190  
 ტოგონიძე მურმან 40  
 ტურაშვილი დათო 7, 31, 32, 34, 37, 40, 41,  
 45, 46, 49, 50, 51, 65, 198

**უ**

ურიდია მერაბ 58, 64, 83, 107, 142, 164  
 უჩავეა გია 77, 113

**ფ**

ფანჯიკიძე გურამ 63, 79, 83  
 ფაჩუაშვილი მამუკა 61, 62  
 ფაცაცია ოთარ 107, 175, 176, 179, 181,  
 193, 208, 219  
 ფირანიშვილი პაატა 37  
 ფირცხალავა კოტე 63  
 ფირცხელანი ბადრი 139  
 ფიფია თემურ 50, 107  
 ფიფია ნუგზარ 123  
 ფორაქიშვილი ზურაბ 34  
 ფოფხაძე ნუგზარ 33, 34, 50

**ქ**

ქადაგოშვილი ირაკლი 120, 136, 141, 172  
 ქავთარაძე გოგი 79  
 ქალდანი ლილე 167  
 ქარჩავე ჯონი 138  
 ქაფიანიძე ზურაბ 61  
 ქვარაია 182  
 ქვაჩახია ვენორო 94  
 ქვილითაია ოთარ 57, 137-139  
 ქვლივიძე გელა 136  
 ქობალია დათო 118  
 ქობალია ვახტანგ (ლოთი) 90, 107, 112, 114,  
 122, 131, 132, 135, 137, 144, 153, 156-164,  
 166, 167, 170-179, 181, 183, 185, 187, 188,  
 194, 195, 198, 200-203, 205, 219  
 ქობალია ზაურ 107, 122, 218, 219  
 ქობალია ჯემალ 107, 122, 132, 144, 145  
 ქობულაშვილი 67  
 ქორიძე თემურ 50, 52, 53, 62, 68, 78, 85,  
 97, 113, 114  
 ქუთათელაძე ბესიკ 70, 71, 107, 109, 111,  
 114, 118, 122, 125  
 ქუთელია ნათელა 63, 64, 65  
 ქურდაძე მიშა 153  
 ქურდიანი მიხეილ 90

**ღ**

ღარიბაშვილი რობერტ 136, 142  
 ღარიბაშვილი ქართლოს 166  
 ღვინჯილია ლევან 50, 63  
 ღლოლბერიძე ლანა 76, 79, 152

## სარჩევი

შესავლის მაგიერ.....	4
1989 წელი.....	29
1990 წელი.....	43
1991 წელი.....	47
1992 წელი.....	73
1993 წელი.....	147
1994 წელი.....	211